

საქართველოს სსრ მეცნიერებათა აკადემია

ივ. ჯავახიშვილის სახელობის ისტორიის, არქეოლოგიისა და  
ეთნოგრაფიის ინსტიტუტი

გ. თოგოშვილი

ქართველი და ოსი ხალხების ურთიერთობა  
1801—1921 წწ.



გამომცემლობა „მეცნიერება“

თბილისი

1969

ნაწარმოში განხილულია ქართველი და ისი ხალხების  
ძრა აღმზრდი ეკონომიური და კულტურული ურთი-  
ერთობის საკითხები, ბატონყმობისა და თვითმპყრაბე-  
ლობის წინააღმდეგ მათი ერთობლივი ბრძოლა და რე-  
ვოლუციური თანამეგობრობა საბჭოთა ხელისუფლების  
დამყარებისათვის ბრძოლაში.

## შ ე ს ა ვ ა ლ ი

საბჭოთა კავშირში შემაჯავალ ერთა მეგობრობა ჩვენი ქვეყნის ძალისა და ძლიერების ურყევი საფუძველია. იგი იშვა დიდი ოქტომბრის სოციალისტური რევოლუციის შედეგად, რომელმაც დაამხო არა მარტო ექსპლოატატორული კლასების ბატონობა, არამედ ერთი ხალხი მეორე ხალხზე ბატონობაც. მან ხალხთა ურთიერთობას საფუძვლად დაუდო თავისუფლება, თანასწორობა და ურთიერთპატივისცემა.

საბჭოთა კავშირის ხალხთა ურთიერთობის სისტემაში ქართველი და ოსი ხალხების ურთიერთობას თავისებური ადგილი უჭირავს. ეს თავისებულება მდგომარეობს არა მარტო და არა იმდენად ამ ურთიერთობათა ხანგრძლივობაში (ორ ათასეულზე მეტი წელი), არამედ მათ სიმჭიდროვეში, ამ ხალხთა სასიცოცხლო ინტერესების მჭიდრო გადახლართვაში, მათი ისტორიული ბედის ერთობაში. ოსთა ნაწილის კავკასიონის სამხრეთ კალთებსა და შიდა ქართლის ბარის რაიონებში ქართველების გვერდით, ან მათთან შერეულად ცხოვრება განაპირობებდა ამ ხალხების ურთიერთობის ძირითად თავისებურებას. რაც შეეხება ჩრდილო ოსეთს, იგი უშუალოდ ემეზობლებოდა საქართველოს, საუღელტეხილო გზების მთელი სისტემით იყო დაკავშირებული მასთან და მჭიდრო ეკონომიურსა და კულტურულ ურთიერთობაში იმყოფებოდნენ ურთიერთთან.

ქართველი და ოსი ხალხების ურთიერთობის ისტორია ამ ბოლო დროს სპეციალური შესწავლის საგანი გახდა. ამ საკითხს მიეძღვნა და გამოიცა ნაშრომები „საქართველო-ოსეთის ურთიერთობის ისტორიიდან(უძველესი დროიდან XIV ს. დამლევამდე)“, სტალინირი, 1958; „საქართველო-ოსეთის ურთიერთობის ისტორია (XV—XVIII სს.)“, თბილისი, 1969. წინამდებარე ნაშრომი წარმოადგენს მათ გაგრძელებას და მოიცავს ქართველი და ოსი ხალხების ურთიერთობას საქართველოს რუსეთთან შეერთების დროიდან (1801 წლიდან) მის გასაბჭოებამდე (1921 წლამდე).

ნაშრომი საკმაოდ ფართო წყაროთმცოდნეობით ბაზას (საარქივო, პერიოდული პრესისა და ლიტერატურული მასალები) ემყარება. მათი კრიტიკული ანალიზისა და არსებული ლიტერატურის გათვალისწინებით, შესაძლებელი ხდება განსახილველ ხანაში ქართველი და ოსი ხალხების ურთიერთობის მეტ-ნაკლებად სრული სურათის შექმნა.

ჩვენ არ ვფიქრობთ, რომ ნაშრომი დაზღვეულია ნაკლოვანებებით. ქართველი და ოსი ხალხების განსახილველი ხანის ურთიერთობის მრავალი მომენტი პირველად ხდება შესწავლის საგანი. თუ ამას დაემატებთ მასალების სიმცირეს, ზოგჯერ ცალმხრივობას, მაშინ ნათელი გახდება ნაკლოვანებათა გარდაუვალობა. ყოველგვარ შენიშვნას თუ მოსაზრებას, გამოთქმულს ნაშრომში აღძრული საკითხების უფრო სწორად გაშუქებისათვის, ჩვენ დიდი სიამოვნებით მივიღებთ.



ქართველი და ოსი ხალხების ურთიერთობა XIX ს.  
რეფორმამდე ხანაში

§ 1. ქართველი და ოსი ხალხების ერთობლივი გამოსვლები  
თვითმპყრობელობისა და იმპერიალიზმის წინააღმდეგ

ქართლ-კახეთის სამეფოს რუსეთთან შეერთებას (1801 წ.) უდიდესი მნიშვნელობა ჰქონდა არამარტო ქართველი ხალხის, არამედ მთელი კავკასიის ხალხთა, მათ შორის ოსთა ისტორიული ბედ-იღბალის განსაზღვრაში. ამ ფაქტით რუსეთმა მტკიცედ მოიკიდა ფეხი კავკასიაში და თანდათან იგი თავის პროვინციად აქცია. სამხრეთ ოსეთი, როგორც ქართლში შემავალი ტერიტორიული ერთეული, მასთან ერთად რუსეთის ნაწილად იქცა. ასევე ჩრდილო ოსეთიც ამ დროიდან უკვე რეალურად შევიდა რუსეთის შემადგენლობაში.

აღმ. საქართველოში, კერძოდ სამხრეთ ოსეთში რუსული მმართველობა დაჰყარდა. ყველა დაწესებულებას რუსი მოხელე (უბიროტესად სამხედრო წრეებიდან) ჩაუყენეს სათავეში. ადგილობრივ პირობებსა და ტრადიციებს, კანონებს არავითარი ანგარიში არ ეწეოდა. მმართველობამ იმთავითვე აიღო გეზი მხარის რუსიფიკაციის პოლიტიკაზე. რუსი მოხელეების თვითნებობა, შექრთამეობა, უხეშობა ენით აუწერელი იყო და მოსახლეობის ყველა ფენის აღშფოთებასა და უკმაყოფილებას იწვევდა.

რუსული მმართველობა მძიმედ დაატყდა თავს მთის მოსახლეობასაც. არაგვისა და ქსნის ხეობების მოსახლეობა ქართული სახელმწიფოებრიობის არსებობის დროს გარკვეული შეღავათებით სარგებლობდა — ნატურით ინდიდა გადასახადებს. ახალი რეჟიმი ამ გადასახადებს ფულად სთხოვდა, რაც მათ არ ქონდათ. გარდა ამისა, მხარის გამოჰყავდათ ბეგარაზე საქართველოს სამხედრო გზაზე, აიძულებდნენ შეეკეთებინათ იგი, გაედოთ ხიდები, გადმოეტანათ ჯარის ამუნიცია, სურსათი და ფურაჟი მიეცათ რუსთა ჯარისათვის.

რუსული მმართველობით უკმაყოფილო, გლეხობის გარდა, იყო ქართლ-კახეთის სამეფო საგვარეულოც. მათ აქტიური მონაწილეობა გააჩნდა რუსული მმართველობით უკმაყოფილო ყველა ელემენტის დასარაზმავად, თავის დაკარგული ბატონობის აღსადგენად. მათი ანტი-რუსული საქმიანობა განსაკუთრებით აქტიური იყო ოსთა შორის. ისინი ცდილობდნენ თავისი ინტერესებისათვის გამოეყენებინათ ოსთა ანტიფეოდალური ბრძოლა.

XIX ს. პირველი ნახევარი სამხრეთ ოსეთში აღინიშნა გლეხთა განმათავისუფლებელი ანტიბატონყმური ბრძოლის ნიშნით. ოსთა ეს ბრძოლა მჭიდროდ იყო დაკავშირებული ქართველი გლეხობის ანტი-ბატონყმურ ბრძოლასთან. ისინი, ფეოდალური და კოლონიური ჩაგვრის ერთნაირი უღლის ქვეშ მყოფნი, ხშირად მხარდამხარ გამოდიოდნენ იარაღით ხელში მეზატონეთა და ცარიზმის წინააღმდეგ, როგორც ეს იყო 1802, 1804, 1807, 1809, 1812 და სხვ. წლებში<sup>1</sup>.

რუსეთთან შეერთების შემდეგ სამხრეთ ოსეთის ძირითადმა მეზატონეებმა — მაჩაბლებმა და ქსნის ერისთავებმა სცადეს ახალი დასაყრდენი ძალის გამოყენებით განემტკიცებინათ თავიანთი ბატონობა ოსებზე. ქსნის ერისთავებმა სწორედ რუსების დახმარებით დაიბრუნეს ერეკლე II მიერ ჩამორთმეული მამულები. ამის საპასუხოდ ოსებმა გააძლიერეს ბრძოლა თავის მეზატონეების მიმართ.

1802 წლისათვის ნათლად გამოიკვეთა ქართველი ბატონიშვილები — იულონის, ფარნაოზისა და ლევანის მიზნებიც ოსებთან დამოკიდებულებაში. როგორც გენ. ლაზარევი წერდა: „საქართველოს ქვეშევრდომი ოსები წაქეზებულნი ბატონიშვილ იულონის მიერ, რომ ის დახმარებას გაუწევს, დიდად შმაგობენ და თავისი ბატონი მაჩაბელიც კი მოკლესო“<sup>2</sup>.

აღნიშნულის გამო 1802 წ., თებერვალში, დიდი და პატარა ლიახვისა და ფაწას ხეობაში შევიდა პოდპოლკოვნიკ სიმონოვიჩის ექსპედიცია. რომელმაც ოსები მორჩილებაში მოიყვანა. მაგრამ ამან ბატონიშვილებს ხელი ვერ ააღებინა ბრძოლაზე. 1802 წ. ზაფხულში იულონი და ფარნაოზი იმერეთიდან დაიძრნენ იმერეთისა და ლეკის ჯარებით ქართლსა და სამხრეთ ოსეთში შესასვლელად, მაგრამ რუსთა სარდლობამ ჩაუშალა ეს გეგმა.

რაც შეეხება ბატონიშვილ ლევანს, იგი რამდენიმე ხანს ოსეთში, უპარატესად ნარში, აფარებდა თავს და იქიდან რაზმავდა ოსებს რუსთა წინააღმდეგ<sup>3</sup>.

<sup>1</sup> З. Н. Ванеев, Крестьянский вопрос и крестьянское движение в Юго-Осетии в XIX в., Сталинир, 1956, стр. 117.

<sup>2</sup> АКАК, I, стр. 58.

<sup>3</sup> საქ. ცთა, ფ. 448, საბ. 9203.

ქართველი და ოსი მთიელების ერთობლივი ბრძოლა ცარიზმისა და მისი დასაყრდენი ქართველი ფეოდალების წინააღმდეგ ყველაზე მკაფიოდ გამოვლინდა ქართლის მთიანეთის აჯანყებაში 1804 წელს. მასში მონაწილეობდნენ მთიულები, მოხვევები, ხევსურები, ფშაველები და ოსები.

აჯანყების მიზეზები და მსვლელობა ლიტერატურაში გარკვეულადაა ასახული<sup>4</sup> და მათზე აღარ შევჩერდებით. აღვნიშნავთ მხოლოდ მასში ოსთა მონაწილეობას. ვიდრე მთიულები აჯანყებას დაიწყებდნენ, თავაურელმა ოსებმა დაიწყეს გამოსვლები რუსთა წინააღმდეგ. რუსებმა მათ საქართველოსა და კავკასიის ხაზზე მიმოსვლა აუკრძალეს, აგრეთვე აუკრძალეს დუშელ და მუხრანელ ოსებს თავაურელებისათვის საჭირო სურსათის და საქონლის შეზიდვა<sup>5</sup>.

ამ ღონისძიებებმა გააბოროტა თავაურელი ოსები და იწყეს თავდასხმები რუსთა სამხედრო საგუშაგოებსა და რაზმებზე. აჯანყებულმა მთიულებმა მაშინვე სცადეს კავშირის დამყარება თავაურელებთან, რუსებისათვის დარიალის კარების გადაკეტვის მიზნით.

თავაურელ მებატონეთა შორის ყველაზე გავლენიანი იყო ახმეტ დუდაროვი, რომელიც ცხოვრობდა თერგის ხეობის სოფ. ჩიმში და კონტროლს უწევდა დარიალის გზას. იგი დაკავშირებული იყო ახალციხის ფაშასთან, იმერეთის მეფესთან და ტახტის მამიებელ ბატონიშვილებთან. აჯანყებულებმა ამ მებატონის მომხრობით რუსთა ჯარის გადმოსასვლელად დარიალის გზა ჩაკეტეს<sup>6</sup>.

აჯანყებული მთიულები 1000 კაცამდე მივიდნენ კობში. მათ შეუერთდა 100 თრუსოელი ოსი. აიღეს კობის სამხედრო საწყობი და წაიღეს სურსათი, რკინა და ტყვია<sup>7</sup>. თავაურელებმა ლარსისა და სხვა სამხედრო პოსტების ბლოკირება მოახდინეს.

1804 წ. 13 ივლისს აჯანყებული მთიულები, მოხვევები, ხევსურები და თრუსოელი ოსები სტეფანწმინდაში მივიდნენ და მაიორ გაბრიელ ყაზბეგს მოსთხოვეს გადაეცა მათთვის რუსები ხაზინიანად, ხოლო თვით აჯანყებულთა უფროსობა ეკისრა. მან ამ მოთხოვნაზე უარი განაცხადა. მაშინ აჯანყებულებმა ალყა შემოარტყეს ყაზბეგის სიმაგრეს. 26 ივლისს მათ შეუერთდა ახმეტ დუდაროვი 300 ოსისა და ქისტისაგან შემდგარი რაზმით. თავაურელმა ოსებმა და მთიულებმა დრო-

<sup>4</sup> ვ. ტოგონიძე, ქართლის მთიანეთის აჯანყება (1804 წ.), თბილისი, 1951.

<sup>5</sup> AKAK, II, სტრ. 552—553.

<sup>6</sup> ს. შაკალათია, ხევი, ტფილისი, 1934, გვ. 54.

<sup>7</sup> AKAK, II, სტრ. 307—308.

შებქვეშ შეფიცეს ერთმანეთს, რომ რუსებს ბოლომდე გაუწევდნენ წინააღმდეგობას. 17 ივლისს ალყაშემორტყმულები დანებდნენ<sup>8</sup>.

1804 წლის აჯანყების დროს ყველაზე ხანგრძლივი და მძლავრი იყო ლომისის მთაზე გაშლილი ოპერაცია. ლომისის მთას სტრატეგიულად მნიშვნელოვანი მდებარეობა ჰქონდა ქსან-არაგვისა და ქართლის მთელი მთიანეთის დამაკავშირებელ გზებსა და ბილიკებზე. მისი მნიშვნელობა განსაკუთრებით გაზარდა იმან, რომ აქედან მთიულებს ოსებთან შეერთების საშუალება ჰქონდათ. რუსეთის ადმინისტრაცია განსაკუთრებულ მნიშვნელობას აძლევდა ლომისის დაკავებას. რათა აჯანყება ქსანსაც არ გადასდებოდა ვოლკონსკის აზრით, ლომისის შენარჩუნება წარმოადგენდა „ერთადერთ დაბრკოლებას აჯანყებული მთიულების ოსებთან შეერთებისა და აჯანყებაში მათი ჩაბმისათვის“<sup>9</sup>.

აგვისტოს პირველ რიცხვში აჯანყებულთ შეუერთდა ჟამურის, ჭურთის, მუჭუხისა და ზოგიერთი სხვა თემის ოსური მოსახლეობა<sup>10</sup>. 9 აგვისტოს მთიულებმა, ოსებმა და ხევსურებმა ალყა შემოარტყეს ლომისის ოპერაციების ხელმძღვანელს მაიორ მელლას. მან მოსპო თავისი ქონება და დიდი ზარალის ფასად შეეცადა ალყიდან თავის დაღწევას. ლომისი აჯანყებულთა ხელში გადავიდა.

აჯანყებულებთან მივიდა ბატონიშვილი ფარნაოზი. ამან აჯანყებულებს ახალი ძალა შემატა. 1804 წ. 18 სექტემბერს ფარნაოზმა მოწოდებით მიმართა ქურთაულელ ოსებს (ჩრდილო კავკასიაში). მოწოდებაში იგი თხოვდა მათ დახმარებოდნენ თავაურელ ოსებს და რუსიზ ჩარი არცერთი მხრიდან არ გაეტარებინათ. სამაგიეროდ თავისი და სპარსეთის შაჰის სახელით დიდ წყალობას ჰპირდებოდა<sup>11</sup>.

ქურთაულელთა მომხრობას დიდი მნიშვნელობა ჰქონდა აჯანყებულთათვის. საქმე ისაა, რომ დარიალის გზის გადაკეტვის შემდეგ ქურთაულზე დადიოდნენ რუსეთის კურიერები. ამავე გზით გადმოვიდა ჩრდილო კავკასიიდან საქართველოში რიშკინის პოლკი, რომელიც ჯავახსა და როკას შორის ოსებმა გაანადგურეს<sup>12</sup>.

<sup>8</sup> ი ქ ვ ე, გვ. 323; ს. მ ა კ ა ლ ა თ ი ა, ხ ე ვ ი, გვ. 56; ვ. ტ ო გ ო ნ ი ძ ე, დასახ. ნაშრ., გვ. 100—102.

<sup>9</sup> АКАК, II, стр. 319.

<sup>10</sup> ი ქ ვ ე, გვ. 326.

<sup>11</sup> საქ. სსრ მეცნ. აკადემიის ხელნაწერთა ინსტიტუტი, ფ. Hd, საბ. 6457.

<sup>12</sup> З. Н. В а н с е в, Крестьянский вопрос, გვ. 132; ბაგრატ ბატონიშვილის ცნობით „ოვსთა იწყინეს გზისა მის ვახსნა და შემოყვანება ჯარისა. მოკრბნენ ოვსნი და სრულად შეიპყრეს ივინი“, ახალი მოთხრობა, თბ., 1941, გვ. 94.

გენ. ციციანოვი იძულებული შეიქნა ერევნისათვის ალყა მოეხსნა და აჯანყების ჩასაქრობად ჩამოსულიყო. ჩრდილოეთიდან გენ. გლაზუნაძმა შემოუტია აჯანყებულებს, აიღო ლარსი, დარიალი და ანანურამდე მივიდა.

ციციანოვმა, იმის მიუხედავად რომ ჭავის ხეობის ოსებმა მთავრობის მორჩილება იკისრეს, თვით გაილაშქრა მათზე, გადაწვა სოფ. კროჭა, დაანგრია კოშკები. ასევე სასტიკად იქცეოდა სხვა სოფლებში, მაგრამ მიზანს — რიშკინის პოლკის ჭარისკაცების დაბრუნებას მაინც ვერ მიაღწია, ოსებმა მხოლოდ ცხენები დაუბრუნეს<sup>13</sup>. ციციანოვს ენება ოვსთაცა ვნება და აყრა, რომლისა გამო იწყეს ოვსთა სიმაგრე. მხილველი ამისი ციციანოვი ვერარას მყოფელი მუნ, უკუნ იქცა და მოვიდა ოფილისსა<sup>14</sup>...

ქართლის მთიანეთის აჯანყება დამარცხდა. აჯანყების მეთაურებლევან ნაზლაიძე და დეკანოზი შიო ბურდული დიდხანს ემალებოდნენ რუსეთის მთავრობას ეამურელ ოსებთან. რუსებმა ეამურის სოფლები გადაწვეს. შიო ბურდული ლუდას გადავიდა<sup>15</sup>.

ასეთი იყო სქემატურად ქართლის მთიანეთის აჯანყებაში ქართველი და ოსი მთიელების ერთობლივი ბრძოლა ცარიზმის კოლონიურ პოლიტიკისა და საკუთარ მებატონეთა წინააღმდეგ. მართალია, აჯანყება დამარცხდა, მაგრამ მთიელები და ოსები არ გატეხილან და შემდეგშიაც არაერთხელ გამოსულან იარაღით ხელში თავის უფლებათა დასაცავად.

ქართველ-ოსთა შეერთებულ გამოსვლებს ადგილი ჰქონდა 1807 წელს დიოი ლიანვის ხეობაში. ეპიდემიასთან დაკავშირებით გზებზე კარანტინი მოაწყეს, რითაც მთის სოფლების კავშირი ბარის სოფლებთან შეწყდა. ამან გამოიწვია ქართველი და ოსი გლეხობის გამოსვლა. მაიორ ზაიცოვის რაზმმა სასტიკად დაარბია ქემერტის ქართულ-ოსური მოსახლეობა<sup>16</sup>. რუსეთის მმართველობამ გუდოვიჩის სახით ნება დართო ლიანვის ხეობის ქართულ-ოსური სოფლების დასაკმაყოფილებლად მახლობელ სოფლებში მიეტანათ მარილი და სხვადასხვა ქსოვილები, რათა მათ შესძლებოდათ ამ საქონლის შექმნა.

1807 წ. მარტში ადგილი ჰქონდა ქართველი და ოსი გლეხობის შეერთებულ გამოსვლებს ქსნისა და ლეხურის ხეობაში. მაიორი ზაიცოვი ორი ასაული ეგერთ, ერთი ზარბაზნითა და 20 კაზაკით სასწრაფოდ გაიგზავნა ლეხურის ხეობის სოფ. ქემემო ჭალაში, რათა არ დაე-

<sup>13</sup> З. В а н с е в. Крестьянский вопрос..., стр. 136.

<sup>14</sup> ბ ა გ რ ა ტ ბ ა ტ ო ნ ი შ ვ ი ლ ი, ახალი მოთხრობა, გვ. 94—95.

<sup>15</sup> АКАК, II, გვ. 335.

<sup>16</sup> საქ. ცთა, ფონდი 16, საქმე 687, ფფ. 27, 36—37.

შვა ქსნის ამბოხებული ქართველი და ოსი გლეხობის შეერთება სამთავისისა და ქვემო ჭალის გლეხობასთან. ადგილობრივ მებატონეთა დახმარებით ზაიცოვმა დაამშვიდა გლეხობა<sup>17</sup>.

1807 წ. 22 დეკემბერს 500 ოსმა მოურავ ბეგიაშვილის მეთაურობით იერიში მიიტანა მეჭვრისხევეში მცხოვრებ ერისთავზე, მაგრამ მთავრობის ჯარებმა სამსაათიანი ბრძოლის შემდეგ მოიგერიეს ეს იერიში<sup>18</sup>.

1810 წ. ოსეთში მღელვარება დაიწყო, რაც დაკავშირებული იყო ლევან იულონის ძის საქმიანობასთან. ალექსანდრე ბატონიშვილიც წამქეზებლურ წერილებს სწერდა ჯავის ხეობის ოსებს, ასევე, სხვა ხეობის ოსებსაც მოუწოდებდა აღმდგარიყვნენ ბაგრატიონთა დაცემული სახლის აღსადგენად და წეალობას ჰპირდებოდა.

ბაგრატ ბატონიშვილის ცნობით, „მეფის ძემ ალექსანდრემაცა წარავლინა ახალციხით ძმისწული თვისი ლეონ ოსეთსა სამაჩაბლოს შინა, რათა მანცა შემკრებელმან ოვსთამან ბრძოს რუსთა. მისრული ლეონ შეიწყნარეს ოვსთა და შეკრბნენ მისთანა“<sup>19</sup>...

ორი ათასი ოსით 1810 წ. ივლისის ბოლოს ლევანი ოთხი დღის განმავლობაში უტევდა ცხინვალს, მაგრამ ვერ აიღო. ოსეთში ჯარი გაიგზავნა, რომელიც ორ კოლონად შეიჭრა იქ და ამბოხებულები დაამარცხა. ამბოხებულთა შორის მრავალი ქართველიც იყო. მის მეთაურებს მთავრობა სასტიკად გაუსწორდა. ლევანი იძულებული გახდა ოსეთიდან წასულიყო. ახალციხეში მიმავალი ლევანი ბორჯომის ხეობაში ლეკებმა მოკლეს.

ბატონიშვილი ალექსანდრე მაინც არ იტეხდა გულს და განაგრძობდა ბრძოლას საქართველოდან რუსთა განსადევნად და ტახტის დასაბრუნებლად. 1813 წელს მან მოწოდებით მიმართა დიდი ლიახვის, კვირივის, გერის, კუდაროს, თაგაურის, არაგვის, მთიულეთის, თრუსოს და სხვა ხეობათა მოსახლეობას. იგი ირწმუნებოდა, რომ დიდი ჯარითა და მომზადებით რუსებზე ლაშქრობას აპირებდა და სთხოვდა, რომ თავის მხრივ ისინიც დასხმოდნენ რუსებზე. სამაგიეროდ, მრავალ წეალობას აღუთქვამდა<sup>20</sup>. მისი ემისრები გორჯასპი ნათალიშვილი, ჰაპო აბელიშვილი, ავეტიკა აფრიაშვილი დადიორდნენ მთის რაიონებში და ალექსანდრეს დროშის ქვეშ გამოსვლისაკენ მოუწოდებდნენ ხალხს<sup>21</sup>.

<sup>17</sup> ЦГВИА, ф. ВУА, д. 6164, ч. 56, ф. 45.

<sup>18</sup> ი ქ ვ ე, ფ. 55.

<sup>19</sup> ბ. ბ ა ტ ო ნ ი შ ვ ი ლ ი, დასახ. ნაშრომი, გვ. 106.

<sup>20</sup> საქ. ცთა, ფ. 1448, საბ. 9376 და სხვ.

<sup>21</sup> ი ქ ვ ე, საბ. 9387.

1813 წელი ამ ამბებისათვის იმიტომ იყო შერჩეული, რომ 1812 წლიდან კახეთში ადგილი ჰქონდა აჯანყებას, ქართლშიც გრძელდებოდა იგი. ბატონიშვილებმა მაშინვე სცადეს ამ აჯანყებათა თავის ინტერესებისათვის გამოყენება და ოსებისა და მთიელების სახით დამხმარე ძალას ეძებდნენ. ცნობილია, რომ ამ ავანტიურიდან არაფერი გამოვიდა. აღსანიშნავია, რომ აჯანყებულმა კახელებმა ოსებს მხარდა-ქერძათვის მიმართეს<sup>22</sup>.

ქართველი და ოსი ხალხების ანტიბატონყმური და რუსეთის ოვითმპყრობელობის წინააღმდეგ მიმართული ბრძოლა, ბატონიშვილების მიტმასნების შემდეგ, კარგავდა თავის პროგრესულ მნიშვნელობას და რეაქციულ ხასიათს იღებდა.

ოსი ხალხის ანტიფეოდალური ბრძოლა არც შემდეგში შეწყვეტილა. მათ სასტიკად ახშობდა რუსეთის თვითმპყრობელობა ქართველ მემკვიდრეთა დახმარებით. ქართველი მშრომელი გლეხობა, პირიქით, თანაგრძნობით ეკიდებოდა ოსთა ბრძოლას ბატონყმობის წინააღმდეგ.

ქართველი და ოსი გლეხობის ანტიბატონყმური ბრძოლა იყო რუსეთის გლეხობის იმ ბრძოლის ნაწილი, რამაც მეფის მთავრობა აიძულა საგლეხო რეფორმა გაეტარებინა.

XIX საუკუნეში თვითმპყრობელობისა და მებატონეთა წინააღმდეგ ქართველი და ოსი ხალხების ერთობლივი გამოსვლების გარდა, ადგილი ჰქონდა მათ ერთობლივ ბრძოლებსაც გარეშე მტრების წინააღმდეგ. XIX ს-ში რუსეთს არა-ერთხელ დასჭირდა ირანსა და თურქეთთან ომში ჩაბმა. ეს უკანასკნელნი საქართველოს რუსეთთან შეერთებაში ხედავდნენ საფრთხეს კავკასიაში თავის ბატონობისადმი და ამ საფრთხის ლიკვიდაციისათვის თავს არ ზოგავდნენ. ქართველი და ამიერკავკასიის სხვა ხალხები ამ ბრძოლაში რუსეთს ამოუდგნენ მხარში. ქართველები ამ ბრძოლას უკავშირებდნენ თავისი ისტორიული მიწა-წყლის განთავისუფლებისა და მათ ისტორიულ მტრებზე შურისგების იმედს.

1826 წ. შეიქმნა ქართული მილიცია. მასში სამხრეთ ოსეთის სხვადასხვა საზოგადოებების წარმომადგენლები მრავლად მონაწილეობდნენ. მილიციის ნაწილები ფრონტის სხვადასხვა უბნებზე წარმატებით იბრძოდნენ ჯერ ირანის, შემდეგ კი თურქეთის წინააღმდეგ რუსეთის რეგულარული ჯარის ნაწილებთან ერთად.

1831 წ. შექმნილ ქართულ ქვეით რაზმში მშვიდობიან დროს 30—40, ომის დროს კი 500-600 ოსი ერთიანდებოდა. რაზმი კავკასიის ყვე-

<sup>22</sup> А К А К, V, стр. 63.

ლა ომში მონაწილეობდა და გიორგის დროშით დაჯილდოვდა<sup>23</sup>. ყირა-  
მის ომის დროს ჩრდილოელ და სამხრეთელ ოსთა რაზმები იცავდნენ  
საქართველოს სამხრეთ საზღვრებს, მონაწილეობდნენ საქართველოს  
მიწა-წყლის თურქთაგან განთავისუფლებაში. 1853 წ. ნარის უბანში  
შეგროვდა 400 ცხენოსანი ოსი. მათ დიდად გამოიჩინეს თავი ახალცი-  
ხესთან, ჩოლოქთან (1854 წ.) ბრძოლაში, ყარსის ციხე-სიმაგრის აღ-  
ყის დროს (1855 წ.).

მრავალი ოსი მონაწილეობდა ქართველებთან ერთად რუსეთ-თურ-  
ქეთის (1877—78 წწ.) ომში საქართველოს სამხრეთი რაიონების გან-  
თავისუფლებისათვის ბრძოლაში<sup>24</sup>. ეს ერთობლივი ბრძოლა კიდევ უფ-  
რო განამტკიცებდა ქართველთა და ოსთა ტრადიციულ მეგობრულ  
ურთიერთობას.

## § 2. ეკონომიური ურთიერთობა

ჩრდილო კავკასიის ხალხებთან საქართველოს ყოველთვის მჭიდრო  
ურთიერთობა ჰქონდა. ეკონომიკის სფეროში ეს ურთიერთობა გლინ-  
დებოდა გაცვლა-ვამოცვლაში, რომელიც კონკრეტულ-ისტორიული  
პირობების ხელსაყრელობის მიხედვით ან ფართო ხასიათისა იყო, ან  
შედარებით შეზღუდული.

საქართველოს ჩრდილო კავკასიის ხალხებთან ეკონომიური ურ-  
თიერთობის სისტემაში ყველაზე გამოკვეთილი, სისტემატური და, შეი-  
ძლება ითქვას, მჭიდრო იყო ქართველ-ოსთა ეკონომიური ურთიერთო-  
ბა. ეს მნიშვნელოვნად გაპირობებული იყო ამ ხალხების გეოგრაფიუ-  
ლი განლაგებით. ცნობილია, რომ XIX ს. ოსები კვლავ ცენტრალური  
კავკასიის მთიანეთის ორივე მხარეზე ცხოვრობდნენ. ჩრდილო ოსები  
აღმოსავლეთიდან დასავლეთით ცხოვრობდნენ თავაურის, ქურათის,  
ალაგირისა და დიგორიის საზოგადოებებში, რომლებიც თავის მხრივ  
მდინარეთა მეტ-ნაკლებად ფართო ხეობა-აუზებს წარმოადგენდნენ.  
ისინი მხოლოდ XIX ს. 30-იანი წლებისათვის სახლდებიან ჩრდილო  
კავკასიის მთისწინა ველებზე. ოსთა მნიშვნელოვანი ნაწილი ცხოვრობ-  
და კავკასიონის ქედის სამხრეთ კალთებზე, საქართველოს მთიანეთში,  
მდინარეების დიდი ლიახვის, პატარა ლიახვის, მეჭუდის, ლეხურის.  
ქსნისა და არაგვის ხეობებში, თრუსოში, მდ. ჭეჭორაზე, ფრონეზე.  
აგრეთვე ნარ-მამისონის აუზში. ეს უკანასკნელი დიდ ხანს, ადმინის-

<sup>23</sup> საქ. ცთა, ფ. 1087, ს. 797, ფურც. 1; И. Н. Ц х о в р е б о в, Осетины  
на военной службе в русской армии в XVIII—XIX вехах. Изв. ЮОНИИ, т. XII.  
1963, стр. 29.

<sup>24</sup> დასახ. ნაშრ., გვ. 30—33.



ტრაციული თვალსაზრისით, თბილისის გუბერნიაში შემოდიოდა და, როგორც წინათ. მისი ეკონომიური ინტერესებიც სამხრეთისაკენ იყო მიმართული.

ჩრდილო. ოსეთის ყველა საზოგადოება, ნარ-მამისონის აუზის მოსახლეობა, სამხრეთ ოსეთის თვით უკიდურესი ჩრდილო რაიონები გზა-ბილიკების მთელი სისტემით იყო დაკავშირებული საქართველოს ბართან, მის სავაჭრო-ეკონომიურ ცენტრებთან.

ჩვენ აქ დაწვრილებით აღარ შეეჩერდებით ჩრდილო ოსეთის სამხრეთ ოსეთსა და საქართველოსთან დამაკავშირებელ ისეთ საულელტეხილო გზებზე, როგორცაა საქართველოს სამხედრო გზა, ოსეთის სამხედრო გზა თავისი ორი განშტოებით — მაჰისონისა და როკის ულელტეხილებზე რომ გადმოდიან, ზეკარის, ძედოს, ბახფანდაგისა და აბის გადმოსავალ გზებზე. მათ შესახებ სხვაგანაც გვქონდა საუბარი. ამჯერად, რომ უფრო ნათლად წარმოვიდგინოთ იმ შინაგანი გზა-ბილიკებას სისტემა, რითაც სამხრეთ ოსეთის მთიანი რაიონები დაკავშირებული იყო საქართველოს სხვადასხვა (უპირატესად ბარის), რაიონებთან, მოვიყვანთ ზოგიერთ მარშრუტს (ამ მარშრუტებით შეეძლოთ ესარგებლათ ჩრდილო ოსებსაც, რომელთაც კავკასიის სამხრეთ კალთებთან საულელტეხილო გზები აკავშირებდა).

როკიდან (აქ საულელტეხილო გზა გადმოდის არდონის ხეობიდან) სბის მთით თრუსოში ჩადის გზა. მთავარი გზა კი დიდ ლიახეს მოჰყვება და ქართლის ცენტრს უკავშირდება.

ურსთულათა (ქართულად — მალრანდვალეთი) გარესამყაროს შემდეგნაირად უკავშირდებოდა:

ზღუბირი-ედისი-ხოჯი (ან გალუათა)-ყადლასანი-ფცავისარი-თრუსო-საქართველოს სამხედრო გზა;

ერმანი-ნილლაგ ხოხი-გნული-საქართველოს სამხედრო გზა; ედისი-როკა-ზაყყა-ყადლასანი-თრუსო (კობი)-საქართველოს სამხედრო გზა;

ედისი-ერმანი-ყელის ტბა-ქსნის ხეობა- { ლომისა-მლეთი;  
ახალგორი;

ედისი-ბრიტათა-გუდისი-წრუ-ყურიათი-ვანათი.

ჟამურდიან გზა-ბილიკები გადადიოდა ერმანში (ყელის ტბით), გნულში (ბისუეთის მთით), ჭურთაში (სუარისხოხით), მლეთაში (საუმსიგის მთით). ცხრაძმის ხევიდან გზა გადადის არახვეთში (მთიულეთში) მუჯუხისა და კურკუტოს მთებით.

უკანუბნიდან ფასანაურსა და ნაღვარევში (მთიულეთი) მიდის ცხენის გზა. ქსნის ხეობიდან ლეხურის ხეობაში რამდენიმე გზა გადა-

დის: გარუბნიდან ცხილონ-ქარტისში, ბეჟანტყევიდან-მონასტერში. ლენინგორიდან გეხავ-წირში, ყანჩავეთიდან — არმაზში.

მოსაბრუნის ხევით ქსნის ხეობიდან გზა გადადის ძეგლოვში, სალ-ბიერში, დუშეთში; იკოთიდან-ტონჩაში (დუშეთის რაიონი).

აწრისხეობა (პატარა ლიახვის სათავეში) გზულის მთითა და ყელის ტბით. ერმანს უკავშირდება. ამ გზის ერთი განშტოება ბისუეთის ხეობასთან გაიყოფა და ქამურში ჩადის, საიდანაც ქსნისა და არაგვის ხეობები, ქართლი უკვე ადვილად მისაწვდომია.

ქვემო ზონკარიდან კორკოტას ხევით და ბენდერით, ერთი მხრივ. ახალგორს (ლენინგორს), მეორე მხრივ, ბიყარსა და მეჭვრისხევს უკავშირდებიან.

სოფ. აწრისხევიდან შემდეგი მარშრუტები მიიმართება:

აწრისხევი-წრიას ხევი-ვილდა-ისროლის ხევი-ქსანი;

აწრისხევი-წრიას ხევი-ვილდა-ბიყარი-მეჭვრისხევი;

აწრისხევი-ბენდერი-არკინარეთი-ღრომი-მეჭვრისხევი-ტირიფონა. არის სხვა მარშრუტიც:

სოფ. წიფორი-წიფორის მთა-შამბიეთი-ხაჩირაანი-ტეხაანი-ბისუეთი-ქამური-მლეთი.

ღვრიის ხევი-გუდისი და მერმე სხვადასხვა მიმართულებით მიდის.

ამათ გარდა. უამრავი გზა-ბილიკია, რომლებიც სამხრეთ ოსეთის მთიან რაიონებს უკავშირებენ ერთმანეთს და ქართლის ბარის რაიონებს. დასავლეთ საქართველოს მიმდგომი ოსური მოსახლეობა გზებისა და ბილიკების მთელი სისტემით იყო დაკავშირებული მასთან. ამიტომაც ოსების ბარისაგან მოწყვეტაზე ლაპარაკი მხოლოდ შედარებითი თავალსაზრისით შეიძლება.

ადგილობრივი მოსახლეობა ამ გზა-ბილიკებს დიდ მნიშვნელობას აძლევს ახლაც ურიერთთან, განსაკუთრებით კი ბართან ეკონომიური კავშირისათვის, მიაჩნიათ, რომ ამ ეკონომიური ურთიერთობის გარეშე მთაში ცხოვრება შეუძლებელია. ამ გზით ხდებოდა არა მარტო საქონლის გაცვლა-გამოცვლა, არამედ საზამთროდ პირუტყვის ბარის რაიონებში — კვერნაქზე (ნადარბაზევი), ალაიან-მუხრანში, ტირძნისში და სხვაგან გადარეკვა.

სამხრეთ ოსეთის ეკონომიური ურთიერთობა ქართველებთან XIX ს. პირველ ნახევარში (უფრო ადრეც და შემდგომაც იგივე მდგომარეობა გვევლინება) თავისი ხასიათით იყო მთისა და ბარის ეკონომიკათა ურთიერთობა, ერთი ეკონომიური მთელის ცალკეული ნაწილების ურთიერთობა. ამ ურთიერთობაზე ეთნიკური მომენტის გავლენა სავსებით უნდა გამოვრიცხოთ. ოსეთის, ასევე ჩრდილო ოსეთის საქართველოს ბართან ურთიერთობას განაპირობებდა განსხვავებული

ბუნებრივ-კლიმატური და სამეურნეო პირობები, მთისა და ბარის ეკონომიკათა ურთიერთობის აუცილებლობა.

ოსების საცხოვრებელი ტერიტორია, თავისი მთავორიანობის გამო, სოფლის მეურნეობის განვითარებისათვის არახელსაყრელი იყო. საკუთარი მონაგალი მთიელებს სრულებითაც არ აკმაყოფილებდა. ამის გამო, ისინი ბარზე იყვნენ დამოკიდებული. აქ შედარებით უკეთესი პირობები იყო მესაქონლეობისათვის, მაგრამ სათიბ-საძოვრების სიმცირე არც მესაქონლეობის ფართოდ განვითარების შესაძლებლობას ჰქმნიდა. მაგრამ ეს მაინც საკმარისი იყო იმისათვის, რომ მეცხოველეობის პროდუქტების სახით, ბართან ეკონომიურ ურთიერთობაში გასაცვლელი აკვივალენტი ჰქონოდათ.

ასეთ სამეურნეო პირობებში მყოფ ოსებს, ისევე როგორც სხვა მთიელებს, სასიცოცხლოდ სჭირდებოდათ ბართან ურთიერთობა. ამ აუცილებლობას კარგად გვიჩვენებს აკად. ივ. ჯავახიშვილის ნათქვამი მთისა და ბარის ურთიერთობის შესახებ: „ბარელს მთა სჭირდებოდა და მთიელს კიდევ ბარა. უერთმანეთოდ მათ არსებობა არ შეეძლოთ. ამ ბუნებრივი პირობების წყალობით საქართველოს შუა ნაწილი, ბარი. ეკონომიურად ჩრდილოეთისა და სამხრეთის ნაწილების თემებთან. იხევე, როგორც წინაუკმოდ მთა ბართან უმკიდროესად იყო დაკავშირებული. გეოგრაფიული პირობების გამო საქართველოს მთა ადგილების მალლობი თემების ყველა, მიმოსვლისა და აღებ-მიცემობის გზებიც შუაში მდებარე ბარისაკენ მიიმართებოდა“<sup>25</sup>.

ივ. ჯავახიშვილის ამ დებულების ბრწყინვალე ილუსტრაციაა ის მრავალრიცხოვანი გზა-ბილიკები, რომლებიც ოსეთის სხვადასხვა რაიონს ქართლ-იმერეთის ბართან აკავშირებდა და რომელთა შესახებ ზემოთ უკვე გვქონდა საუბარი.

მთიელთა ბარზე დამოკიდებულების შესანიშნავი დოკუმენტური ასახვაა გუდამაყრელი მთიელების საჩივარი გუდოვიჩისადმი 1807 წელს, სადაც, ეხებიან რა იმ დაბრკოლებებს, რაც ბართან მათ ურთიერთობას შეექმნა, აღნიშნავენ: „თუ ბარიდან არა შევიტანეთ რა, რით ვიცხოვროთ“<sup>26</sup>.

ბარზე ეს ეკონომიური დამოკიდებულება მთიელთა, ამ შემთხვევაში ოსთა პოლიტიკური დამოკიდებულების საფუძველიც იყო. ჯერ კიდევ ვასუშტი აღნიშნავდა, რომ ოსებს ბევრი რამ სჭირო არა აქვთ და მათ ქართლიდან. რაჭიდან და ჩერქეზიდან (ყაბარდოდან) შეაქვთ.

<sup>25</sup> ივ. ჯავახიშვილი, საქართველოს ეკონომიური ისტორია, ტფილისი, 1930, გვ. 317.

<sup>26</sup> АКАК, III, 1869, стр. 108.

„ამისთვისცა მორჩილებენ თვს თვსთა მკარეთა და კვალად უმეტესად საზრდელთათვისცა“<sup>27</sup>.

1801 წ. ქართლ-კახეთი რუსეთს შეუერთდა. ამ გარემოებამ ოსთა ცხოვრების ყველა მხარეს ღრმა კვალი დაამჩნია. ჩრდილო ოსეთი, დაწყებული 1774 წლიდან, მჭიდრო ურთიერთობაში შევიდა რუსეთთან, შეუერთდა მას, თუმცა, ეს საბოლოოდ მაშინვე არ ვაფორმებულა და მხოლოდ XIX ს. 30-იანი წლებისათვის დამთავრდა ეს პროცესი. სამხრეთ ოსები 1801 წლიდან რუსეთის იმპერიის შემადგენლობაში შევიდნენ, როგორც ქართლ-კახეთის სამეფოს ორგანული ნაწილი. და თუ სამხრეთ ოსების საქართველოსთან ეკონომიურ ურთიერთობაში არსებითი ხასიათის ცვლილება არ მომხდარა. ჩრდილო ოსების ქართველ ხალხთან ეკონომიურ ურთიერთობაში მნიშვნელოვანი ცვლილებები მოხდა. საქმე ისაა, რომ ჩრდილო ოსები რუსეთთან შეერთების შემდეგ ენერგიულად სახლდებოდნენ ველზე. ეს განსაკუთრებით გაფართოვდა 20—30-იან წლებში. ამან მარცვლეულის დარგში ოსთა საქართველოს ბარზე დამოკიდებულება შესცვალა ჩრდილო კავკასიის ბარზე დამოკიდებულებით. იქ არსებულ რუსული ციხე-სიმაგრეები. განსაკუთრებით ვლადიკავკავი, მოზდოკი და სხვა, იქცევიან იმ ცენტრებად. სადაც ჩრდილო ოსები იკმაყოფილებდნენ თავის ეკონომიურ მოთხოვნილებებს.

ვლადიკავკავი XIX ს. 30-იანი წლებისათვის უკვე მნიშვნელოვანი სავაჭრო ცენტრი შეიქმნა, სადაც ფართოდ სალდებოდა რუსული საქონელი. პ. ზუბოვის ცნობით, ვლადიკავკავის დუქნებში იყო ყოველგვარი საჭირო საქონელი და ფუფუნების საგნებიც. 40-იანი წლებისათვის მთიელები იქ ყიდულობდნენ ჩაის, შაქარს, ფუფუნების საგნებს — ქალის სამკაულს, ლამაზ ზანდუკებს და სხვ<sup>28</sup>.

მსგავსი ურთიერთობა ოსებისა მყარდებოდა ჩრდ. კავკასიის სამხედრო ზაზის სხვა პუნქტებთანაც. ასე, რომ ჩრდილო ოსების ძირითადი ნაწილი თანდათან მოწყდა ქართლის ბართან ურთიერთობის აუცილებლობას და მისი ეკონომიური ინტერესები ძირითადად ჩრდილოეთით წარიმართა. ეს, რა თქმა უნდა, სრულიადაც არ ნიშნავს, რომ საქართველოსთან ჩრდილო ოსებს არავითარი ეკონომიური ურთიერთობა არ ჰქონდათ. ეს ურთიერთობა არსებობდა, ოღონდ თანდათან სხვა ხასიათს იღებდა. იგი მოიცავდა ჩრდილო ოსეთის მთიანი რაიონების მოსახლეობას, რომლებიც ქართლისა და რაჭა-იმერეთის საზაზრო ცენტრებთან კავშირს არ წყვეტდნენ და თავის პროდუქციას ყიდდნენ ან სცვლიდნენ იქ.

<sup>27</sup> ვ ა ხ უ შ ტ ი, აღწერა სამეფოსა საქართველოსა, 1941, გვ. 111.

<sup>28</sup> История Северо-Осетинской АССР, 1959, стр. 170.

სურსათის მხრივ ოსთა ბარის რაიონებზე დამოკიდებულება იმდენად ძლიერ იყო, რომ რუსეთის ხელისუფლება, ოსთა წინააღმდეგობის გასატეხად, მიმართავდა ბარიდან მისთვის სურსათის მიღების შესაძლებლობის მოსპობას, როგორც ეფექტურ ეკონომიურ სანქციას. ვენერალი ტუჩკოვი ვახტანგ ბატონიშვილის 1802 წლის ამბოხებაში თავაურელ ოსთა მონაწილეობის აღკვეთის ღონისძიებად სახავედა მათზე მარცვლეულის მიყიდვის აკრძალვას<sup>29</sup>.

1804 წ., ქართლის მთიანეთის აჯანყებასთან დაკავშირებით, თავაურელ ოსთა გამოსვლების პასუხად გენერალმა პ. ციციანოვმა განკარგულება გასცა «запереть в Грузию Тагаурцам дороги, а Моздокскому коменданту предписать, чтобы всех тагаурцев, кроме Ларского, не пускать»<sup>30</sup>.

1804 წელს იგივე ციციანოვი აღმასრულებელ ხელისუფლებას სწერდა, რომ მან მაიორ ყაზბეგს მოსთხოვა, თავაურელი ოსები არ კამოეშვა საქართველოში. ამ აკრძალვის მიუხედავად მუხრანელი და აოშელი ოსები მიდიან თავაურში და მათთვის საჭირო საქონელი მიჰქვთ. იგი მოითხოვს, რომ, რათა ღონისძიება ეფექტური იყოს, ოსები არც აქედან გაუშვან იქით<sup>31</sup>.

ამ ფაქტებიდან კარგადა ჩანს, რომ რუსეთის ხელისუფლები კარგად გრძნობდნენ მთიელების ბართან ეკონომიური ურთიერთობის აუცილებლობას და ამ გარემოებას იყენებდნენ მთიელთა დასამორჩილებლად ცენტრალური ხელისუფლებისადმი. 1804 წ., 26 ოქტომბერს, თავაურელების მიმართ ბრძანებაში, ციციანოვი მათგან სიმშვიდეა და მორჩილებას მოითხოვდა, სამაგიეროდ, აღუთქვამდა დარიალის გზაზე მიმომსვლელთაგან ბაყის აღების ნებართვას, რუსეთის ქვეშევრდომებთან გათანაბრებას და მოზდოქსა და თბილისში მარცვლეულისა და სხვა საჭირო საქონლის დაუბრკოლებლივ შექმნის უფლებას<sup>32</sup>.

ასეთივე პირობას აძლევს გენერალი ნესვიტაევი თავაურელ სტარშინიბს 1804 წ. 26 სექტემბერს. თუ რუსთა მიმოსვლას დარიალის გზაზე ხელს არ შეუშლით, ბაყსაც აიღებთ ძველებურად და მოზდოქსა და თბილისშიც დაუბრკოლებლად გატარებთ<sup>33</sup>.

ოსთა ეკონომიური ბლოკადის პოლიტიკა, მათ მორჩილებაში მოსაყვანად, ცარიზმის აღმოჩენა არ იყო. სამხრეთ ოსების მიმართ

<sup>29</sup> АКАК, I, стр. 271.

<sup>30</sup> АКАК, II, стр. 552.

<sup>31</sup> АКАК, II, стр. 552—553.

<sup>32</sup> АКАК, II, стр. 555.

<sup>33</sup> АКАК, III, стр. 213.

ამას აღრიდანვე მიმართავდნენ ქართველი ფეოდალები — მაჩაბლები, ერისთავები და სხვ. ცარიზმმა ამ პოლიტიკას უფრო დასრულებული სახე მისცა, იგი სამხედრო ძალებით განამტკიცა.

მაგრამ ეკონომიური ბლოკადის პოლიტიკას მისი გამტარებლისათვის ხშირად საწინააღმდეგო შედეგი მოჰქონდა. ცალკეულ ფეოდალებისადმი ოსები ინდივიდუალური თუ კოლექტიური ტერორის გზას მიმართავდნენ, ცარიზმის წინააღმდეგ კი ჯანყდებოდნენ. 1807—1808 წწ. სამხრეთ ოსეთში მღელვარების მიზეზი იყო ოსთათვის (ნაწილობრივ ქართველი მთიელებისათვისაც) კარანტინთან დაკავშირებით ქართლის ბარის სოფლებთან მიმოსვლის აკრძალვა. ამ ღონისძიებამ გააძნელა ოსთა სასურსათო მდგომარეობა და აჯანყება დაიწყო.

გრაფი გულდოვიჩი 1808 წ. 2 აპრილს, ახვერდოვისადმი განკარგულებაში წერდა, რომ «причиной их возмущения было то, что по случаю оказавшейся между осетинскими деревнями заразной болезнью было запрещено сим деревням всякое сообщение с Карталинею, отколь они получили жизненные припасы и другие потребности». ახლა რაკი გადამდები სენი აღარაა ხელს ნუღარ შეუშლით მიმოსვლაში, ხოლო ახლო სოფლებში მიიტანეთ მარილი, ტანსაცმელი და სხვა ნივთები, რათა იყიდონო<sup>34</sup>.

მანამდე გულდოვიჩი თავის პროკლამაციაში არაგვის, ჯავისა და ჰვრავის ხეობის ოსებისადმი აცხადებდა, რომ «позволю вам во всякое время ездить в Грузию для покупки соли и прочих потребностей, но только по билетам, для получения коих вместе явиться к ближайшему воинскому начальнику, которые и будет давать он до Гори, а оттоль, буде нужно кому далее проехать, получит уже от Горийского окружного начальника...»<sup>35</sup>.

როგორც ვხედავთ, ოსთა მასობრივი ბლოკადის ცარიზმის პოლიტიკა ხშირად საწინააღმდეგო შედეგებს იღებდა. ამის გამო, წესად შემოიღეს ძველებური სიგელების (რომლებიც ქართლში თავისუფალი მიმოსვლის უფლებას აძლევდა ცალკეულ ოსებს) მსგავსად, ბილეთების გაცემა კეთილსინდისიერად მიჩნეულ, ანუ ისეთ ოსებზე რომლებიც მებატონეებაა და ცარიზმის წინააღმდეგ არ გამოდიოდნენ.

ამ ნაშრომში ჩვენ მიზნად არ ვისახავთ ოსი ხალხის ეკონომიური ცხოვრების სრული სურათის წარმოდგენას, არც რუსეთთან საქართველოსა და ოსეთის შეერთების ეკონომიური შედეგების განხილვას.

<sup>34</sup> АКАК, III, стр. 218.

<sup>35</sup> АКАК, III, стр. 214.

ერთსა და მეორესა მხოლოდ იმ ზომით შეეხებოდა, რა ზომითაც ისინი გავლენას ახდენდნენ ქართველი და ოსი ხალხების ეკონომიურ ურთიერთობაზე.

საქართველოს და აგრეთვე ჩრდილო კავკასიის შეერთებას რუსეთთან, საქართველოსა და კავკასიის ხალხებში ეკონომიკის სწრაფი ცვლილებები არ გამოუწვევია. რეფორმამდელ ხანაში წვრილ სასაქონლო მეურნეობასთან ერთად, ბატონობს ნატურალური მეურნეობა. მაგრამ საქართველო და კავკასია, საერთოდ, მაინც ექცევა რუსეთის კაპიტალიზმის განვითარების საერთო ფერხულში.

XIX ს. პირველ ჰამ ათეულ წელს ცარიზმის წინაშე იდგა მნიშვნელოვანი ჰამბედრო-პოლიტიკური ამოცანა — დაშვიდებულიყო ამიერკავკასიაში, მოეგერიებინა თურქეთ-ირანის აგრესია. ეკონომიური პოლიტიკის საკითხი — გასაღების ბაზრად და ნედლეულის წყაროდ მისი გადაქცევა. ჭერ დღის წესრიგში არ იდგა. რა თქმა უნდა, ეკონომიურ საკითხებსაც ექცეოდა ყურადღება, მაგრამ უმნიშვნელო ზომით<sup>36</sup>.

ფეოდალურ სამფლობელოთა ეკონომიური და პოლიტიკური განკერძოებულობის ლიკვიდაციამ, შინაბრძოლების მოსპობამ, სამიმოსვლო გზების (დარიალის და სხვ.) მშენებლობამ, კასპიისა და შავ ზღვაზე ნაოსნობამ, გამოიწვია ვაჭრობისა და სასაქონლო წარმოების ზრდა.

ფეოდალური დაქუცმაცებულობა, შინაგანი ბაქები ხელს უშლიდა ქვიყანაში ვაჭრობის განვითარებას. პ. ციციანოვმა გააუქმა ისინი, მაგრამ 1807 წ. გულდოვიჩმა ისევ აღადგინა, რითაც თბილისელ ვაჭართა საჩივარი გამოიწვია<sup>37</sup>.

რუსეთის ხელისუფლების ზოგიერთი წარმომადგენელი ცდილობდა საქართველოს ეკონომიური მდგომარეობის გაუმჯობესებას. ერმოლოვი 1818 წლის 19 თებერვალს შინაგან საქმეთა მინისტრს სწერდა, რომ მთავრობის მხრიდან განსაკუთრებული ზრუნვის გარეშე ადგილობრივი მოსახლეობა გვიან შესძლებს საქართველოში არსებული პოლიტიკური და ფიზიკური უამინდობიდან აყვავებულ მდგომარეობაში გადასვლას<sup>38</sup>.

მთავრობის მხრიდან ქვეყნის ეკონომიური დაწინაურების ღონისძიება იყო 1822 წელს შეღავათიანი ტარიფის შემოღება 10 წლით. ამან ევროპული საქონლის მოზღვავება გამოიწვია. მაგრამ ასეთ ღონისძიებებს წარმატება არ ჰქონდათ არახელსაყრელი შინაგანი რეჟიმის გამო.

<sup>36</sup> З. В а н е е в, Крестьянский вопрос..., стр. 30.

<sup>37</sup> З. В а н е е в, Крестьянский вопрос..., стр. 30.

<sup>38</sup> АКАК, т. VI, ч. I, стр. 256.

თურქეთ-სპარსეთთან ომებში რუსეთის გამარჯვებათა შედეგად კავკასიაში ცარიზმმა თანდათანობით წინაპლანზე წამოსწია ეკონომიური საკითხები. დაიწყო სათანადო ღონისძიებების გატარება მისი რუსეთის მრეწველობის ბაზრად და ნედლეულის წყაროდ გადასაქცევად პროტექციონიზმის პოლიტიკის გატარებით. ფინანსთა მინისტრი ანკრინი, მთავარმართველი პასკევიჩი ა/ კავკასიას განიხილავდნენ როგორც რუსეთის კოლონიას<sup>39</sup>.

საქართველოში კაპიტალისტური მრეწველობის ჩანასახები ჩნდება 40—50-იან წლებში, იხსნება ახალი ფაბრიკა-ქარხნები.

სოფლის მეურნეობაშიც ხდება გარკვეული ძვრები — ადგილი ჰქონდა ცალკეული მეურნეობების რაციონალიზაციის ცდებს. ვორონცოვმა დიდი ყურადღება მიაქცია სოფლის მეურნეობის განვითარებასაც.

რა თქმა უნდა, ეკონომიური პროცესი უფრო შესამჩნევი და მნიშვნელოვანი იქნებოდა, ფეოდალიზმი რომ არ ყოფილიყო ამ გზაზე აღმართული. ამ პერიოდში ფეოდალიზმის ეკონომიურ საფუძველს ცვლილებები არ განუცდია. მთავარმართველი როზენი შეთანხმებას ეძებდა ქართველ თავადაზნაურობასთან, ვორონცოვმა კი მთლიანად აიღო ხელი გლეხთა ინტერესების რაიმე დაცვაზე (1845 წ. 28 აგვისტოს კანონი მებატონეებს ათავისუფლებდა დოკუმენტურად დაემტკიცებინათ თავისი უფლება ყმა გლეხებზე<sup>40</sup>).

ამიერკავკასიის საერთო ეკონომიური განვითარების ტენდენცია გარკვეულ გავლენას ახდენდა მთის ისეთ მოწყვეტილ რაიონებზეც, როგორც ოსეთი იყო.

განსახილველ ხანაში სავაჭრო ურთიერთობის განვითარებამ რუსეთთან და ზოგ სხვა ქვეყანასთან, ფეოდალური კლასის მოთხოვნილებანი გაზარდა. ამან გამოიწვია ფეოდალური ექსპლოატაციის დამძიმება. ფეოდალები ემყარებოდნენ რუსეთის ცარიზმის ხიშტებს და უწყალოდ ყვლეფდნენ თავის ყმებს. მაჩაბლები, ერისთავები თავას ბატონობის გავრცელებას აპირებდნენ შორეულ ხეობებში დასახლებულ ოსებზეც, რომლებიც ფხიზლად იცავდნენ თავის დამოუკიდებლობას. ამის მაგალითია ის მრავალრიცხოვანი აჯანყებანი, რომლებსაც ადგილი ჰქონდათ XIX ს. მთელი პირველი ნახევრის მანძილზე.

განსახილველი ხანის ოსეთში — მის მთიან რაიონებში (ასეთი კი უმრავლესობა იყო) დამახასიათებელი მოვლენა სოფლის მეურნეობისათვის იყო მცირე მიწიანობა. მთავორიანი ადგილები გამოუსადეგარი

<sup>39</sup> З. Н. Ванеев, Крестьянский вопрос..., стр. 31.

<sup>40</sup> В. Д. Абеев, Экономическое развитие Юго-Осетии в феодально-крепостническую эпоху (1800—1934 гг.), Изв. ЮОНИИ, VII, Сталин гр, 1955, стр. 51.



იყო მიწათმოქმედებისათვის. პატარა ნაკვეთები, რომელთაც ბუნებასთან სასტიკ ბრძოლაში ჰქმნიდნენ, ოღნავადაც ვერ აკმაყოფილებდა მოსახლეობის მოთხოვნილებას მარცვალზე. მიწა უღარესად ძვირი იყო. მიწა, რომელიც დაიტევდა ხარს — ღირდა ხარი, ერთი დღის სახნავი მიწა — 108 ძროხა<sup>41</sup>.

მაღალმთიან ზონაში ითვისებოდა ქერი. მიწას ხნავდნენ ძებრ-ით, მთისპირეთში პატარა გუთნით, რომელშიც სამი უღელი ხარი ება. ველზე — დიდი გუთნით, რომელსაც ქართულ გუთანს უწოდებდნენ და რომელშიც 7--8 უღელი ხარ-კამეჩი ება. პატარა გუთნით და კავით ერთი დღის ნახნავი იანგარიშებოდა 1/4 დესეტინად, დიდი გუთნით ნახნავი — 1/2 დესეტინად<sup>42</sup>.

ცარიზმის მიერ კავკასიაში გატარებული ღონისძიებანი სოფლის მეურნეობის გამოსაცოცხლებლად ოსებზე საკმაო გავლენას ვერ ახდენდა, რამდენადაც იგი ამ ღონისძიებათა მიღმა რჩებოდა. საქართველოში იყო საჩვენებელი მეურნეობები, ადგილი ჰქონდა ცალკეულ მემამულეთა ცდებს მეურნეობის გასაუმჯობესებლად. ოსეთში ასეთ რამეს ვერ ვხედავთ. ამაში დამნაშავე, პირველ რიგში, ქვეყნის ბუნებრივ-გეოგრაფიული პირობები იყო (სამიწათმოქმედო ბაზის შეზღუდულობა. არახელსაყრელი კლიმატური პირობები, დაშორებულობა ცენტრიდან).

XIX ს. ოსეთის მეურნეობა ნატურალური რჩებოდა. ეს განაპირობებდა კუსტარულ-საოჯახო წარმოების გავრცელებას. საოჯახო — კუსტარული წარმოება აკმაყოფილებდა მოსახლეობის მოთხოვნილებას სამუშაო იარაღებზე, სამეურნეო ინვენტარზე, საოჯახო ჭურჭელზე. ტანსაცმელზე, ფეხსაცმელზე და სხვ.

ლითონისაგან ამზადებდნენ კერაზე ჩამოსაკიდებელ ჯაჭვებს (რუხებს), იარაღს, საჭურველს, სამუშაო ინვენტარს.

ხისაგან — გუთნის ხის ნაწილებს, კევრებს, მარხილებს, უღლებს. ორთითებს, ფოცნებს, საოჯახო ჭურჭელსა და ავეჯს — თასებს, კოვზებს, ჯამებს, გობებს, ვარცლებს, სადღვებლებს, კასრებს, სკამებს, მაგიდებს, ტახტებს, სავარძლებს და სხვ. ქვისაგან — ხელსაფქვავეებს და წისქვილის ქვებს, საფლავის ქვებს და სხვ.

ჯვილაზე მნიშვნელოვანი და ფართოდ გამოყენებული იყო მატყლის წარმოება. მისგან ამზადებდნენ შალს, ნაბდებს, თექას, წინდებს, ყაბალახებს, თავსაბურს, ხალიჩებს. თხის ნაზი ბეწვიდან ამზადებდნენ მაღალხარისხოვან შალს „თინთიქის“ (თივთიქს), რომელზედაც დიდი

<sup>41</sup> В. Д. Абаев, Экономическое развитие Юго-Осетии... стр. 60.

<sup>42</sup> З. Ванеев, Крестьянский вопрос..., стр. 39.

მოთხოვნილება იყო და რომლის ნაჰერი ჩვეულებრივ შალზე 2—3-ჯერ ძვირი იყო.

განვითარებული იყო ტყავის დამუშავებაც.

სამხრეთ ოსები; ისევე როგორც სხვა მთიელები, ბარზე დამოკიდებული იყვნენ საზამთრო საქორების მსრივაც. სამხრეთ ოსებს ხშირად ეყენათ საქონელი მუხრანის ველზე, ალაიანში, გორის მაზრაში (კვერნაქის მთა). ამიტომაც პოლკ. ახვერდოვი 1808 წ. გრაფ გუდოვიჩს სთავაზობს, რომ ქსნის მოსახლეობის დასასჯელად, რომელიც არც თავის ბატონებს არც საერობო პოლიციას არ ემორჩილებოდა, აეკრძალათ ბარის სოფლებთან ურთიერთობა, ხოლო რაც მუხრანის ველზე და გორის მაზრაში პირუტყვი ეყენათ, ჩამოერთმიათ<sup>43</sup>.

სამხრეთ ოსებს ბაზართან დიდი ხნის მანძილზე ჰქონდათ კავშირი. ისინი თავის მეურნეობის — უპირატესად მესაქონლურის პროდუქტებს ან პირდაპირ ცვლიდნენ ქართლის ბარის სოფლებში პურზე, მარილსა და სხვა საქონელზე, ან ჰყიდდნენ საბაზრო ადგილებში და მერე მათთვის საჭირო საქონელს იძენდნენ.

რუსეთის მოხელე ჩილიავეი (ვილაშვილი) 1827 წ. წერდა, რომ მთიულ-მოსევეებსა და თრუსო-არაგვის ოსებს არ ჰყოფნიდათ საკვები და ხალხი ყოველწლიურად ყიდულობს პურს საქართველოს სხვადასხვა ადგილებში, ვლადიკავკაის მხარეში, ნაზრანში<sup>44</sup>. ამ ცნობას ამაგრებს გრაფ პასკევიჩის 1830 წლის ჩანაწერი ოსების შესახებ, რომ ისინი «хлебопашеством занимаются только для своего годового пропитания; но часто такового не достает до нового урожая и потому покупают хлеб у живущих на плоскости, оттуда же получают и соль»<sup>45</sup>.

რა იყო თრუსოელ და არაგველ ოსთა ბართან სავაჭრო-გაცვლითი ეკვივალენტი, კარგად ჩანს 1827 წ. აღწერილობიდან. მასში ნათქვამია, რომ თრუსოს და არაგვის ოსები «занимаются овцеводством... из шерсти делают довольно хорошие войлоки, башлыки, бурки и горское с кю, из молока сыр, а из шкур — шубы; выдсливают кожи, ремни и проч. и продают оные по Военно-Грузинской дороге, в Душети и Тифлисе»<sup>46</sup>.

1845 წლის აღწერილობაში ნათქვამია, რომ ოსები საკუთარი მატყლიდან ამზადებენ ქსოვილებს. მატყლი, შალი, ტანსაცმელი, ყველი და ერბო ქართლში იცვლება მთიულთათვის საჭირო საქონელზე.

<sup>43</sup> АКАК, III, стр. 218.

<sup>44</sup> АКАК, VII, стр. 349.

<sup>45</sup> ЦГВИА, ф. ВУА, д. 6238, л. 4.

<sup>46</sup> АКАК, VII, стр. 349.

აღწერის ავტორი აღნიშნავს, რომ დიდი ლიხვის სეობის ოსებს ქართლში საქონლის გასაცვლელად სიარულისას გზაზე მაჩაბლები სძარცვავენ<sup>47</sup>.

უანდარმთა პოლკოვნიკი შჩერბაჩევი ოსეთის მთიანი ხეობების ამორკვევის შემდეგ უანდარმთა შეფს ორლოვს 1850 წლის 16 ივნისს წერდა, რომ «народ более дисциплинированный и миролюбивый, ведя жизнь оседлую... скотоводство значительное, славное овцеводство; выделывают в большом количестве сыр, знаменитый за Кавказом»<sup>48</sup>. ამცნობიდან გამომდინარეობს, რომ ოსეთის მთებში დამზადებული მაღალი ხარისხის ყველი კავკასიის გარეთაც აღწევდა და კარგი რეპუტაციით სარგებლობდა.

ერთი სიტყვით, ოსი გლეხობის კავშირი ბაზართან განსახილველ სანაში უკვე საგრძნობია. ამან მათთვის ფულის მნიშვნელობა გაზარდა, რაც კარგად ჩანს საბატონო თუ საგლეხო გადასახადების ფულადი ფორმით შეფასებაში. გადასახადების აკრეფა ფულთ ოსებისათვის სამძიმო იყო. ცნობილია, რომ გურიის გლეხთა 1841 წ. აჯანყების ერთ-ერთი მოთხოვნა იყო ნატურალური გადასახადების ნაცვლად შემოღებული ფულადი გადასახადები (1840 წ.) გაუქმებინათ. ოსებიც ასეთივე აზრისანი იყვნენ. ყორნისელი გლეხები ჩიოდნენ ვორონცოვთან, რომ როცა მათ ფულად ახდევინებენ გადასახადს, დიდ უბედურებაში ვარდებიან და უკანასკნელი ჩოხის გაყიდვა უზღდებათ<sup>49</sup>.

ოსთა ბაზართან კავშირის განმტკიცებას XIX ს. 40-იანი წლები-სათვის ადასტურებს პაქსტაოზენიც, რომელმაც სამხრეთ ოსთა ოჯახებში ნახა ქვეშაგებები, ბალიშები, ხალიჩები, სპილენძის, თუჯის, მინის. ფაიფურის ჭურჭელი — თბილისში შექმნილი<sup>50</sup>.

სიმორისა და უგზოობის მიუხედავად ოსები თბილისის ბაზართან საკმაოდ მტკიცედ დაკავშირებული ჩანან. ოსები ურმებით შორეული სოფლებიდანაც კი ეზიდებოდნენ საქონელს და მისი გაყიდვის შემდეგ საჭირო საქონელს იძენდნენ. 1849 წ. ჯავის რაიონის სოფ. გუფთის მცხოვრებმა ივ. ჯიოშვილმა მეფისნაცვალ ვორონცოვთან საჩივარი შეიტანა დავით და რევაზ მაჩაბლებზე, რომელთაც 1840 წ. თბილისში მას (ჯიოშვილს) და მის 19 ამხანაგს თითო ურემი ხილი და სხვა სანოვაგე ჩამოართვეს<sup>51</sup>.

<sup>47</sup> ЦГИАЛ, ф. 1268, оп. I, 1845 г., д. 45, лл. 136, 139.

<sup>48</sup> В. Д. Абаев, Экон. развитие Юго-Осетии..., стр. 73.

<sup>49</sup> ЦГИА, ф. 7, л. 121, т. 4; З. Ванеев, Крестьянский вопрос..., стр. 48.

<sup>50</sup> Гакстгаузен, Закавказский край, СПб, 1857, стр. 86—87.

<sup>51</sup> З. Ванеев, Крестьянский вопрос..., стр. 46.

თბილისთან ეკონომიური კავშირის გარდა, ოსები, ბუნებრივია, პირველ რიგში ვაჭრობდნენ ცხინვალსა და ახალგორში, გორში, მეჯვრისხევში, ხაშურისა და ბორჯომის, დუშეთისა და ანანურის ბაზრებზე, რაქის სავაჭრო ცენტრ ონსა და საჩხერეში, ე. ი. იმ ადგილებში, რომლებთანაც გეოგრაფიულად ახლოს იმყოფებოდნენ.

ცხინვალსა და ლენინგორში ოსები იძენდნენ სპილენძისა და თუჩის კურკელს, ქსოვილებს. ოსებში ფართოდ გავრცელებული არყისა და ლუდის გამოსახდელი სპილენძის ჭეხვები, რომლებიც აგრეთვე იზმარებოდა ურვათისა და სისხლის ანგარიშსწორების საქმეებში, ცხინვალსა და ახალგორში შეიძინებოდა. ცხინვალსა და ახალგორში ოსები იძენდნენ მარილს, მარცვლეულს, ნავთს, მანუფაქტურას, აბრეშუმისა და ჟარჩის ქსოვილებს, საოჯახო საგნებს, რკინა-კავეულის ნაწარმს. თითონ კი აქ ასაღებდნენ ყველს, ერბოს, მატყლს, ტყავს, მზა ტანსაცმელს, პირუტყვს, ფრინველს, კუსტარულ ნაწარმს — ჩულს, ნაბღებს, შალს<sup>52</sup>.

XIX ს. 30-იანი წლებისათვის ცხინვალში, იანოვსკის მიმობილვის მიხედვით, გლეხური პროდუქციის გასაღება 30 ათას მანეთს შეადგენდა ვერცხლით<sup>53</sup>.

ოსებს დიდი მოთხოვნილება ჰქონდათ რკინასა და ტყვიაზე. რკინის მოთხოვნილებას იმერეთის სოფ. წედისიდან იკმაყოფილებდნენ, სადაც სათანადო სამთო წარმოება ადრიადნევე არსებობდა — ადგილობრივი მადნებიდან აღნობდნენ რკინას, ტყვიას და ვერცხლს. ტყვიის გირვანქაში, 1826 წ. მონაცემებით, ოსები 20 კაპიკს ვერცხლით იხდიდნენ<sup>54</sup>. მასზე კი მუდმივ აჯანყებებთან დაკავშირებით, დიდი მოთხოვნილება იყო მთელი განსახილველი ხანის მანძილზე.

ოსები ფართო მონაწილეობას ღებულობდნენ საჩხერისა და ონის ბაზრობებშიც. ჯერ კიდევ XVIII ს. 70-იანი წლებისათვის გიულდენ-შტედტი წერდა ოსთა ონსა და ხონში გამართულ პერიოდულ ბაზრობაზე მონაწილეობის შესახებ. 1837 წ. 21 თებერვალს კი ბარონი როზენი წერდა ბლუდოვს, რომ «В Сачхери и Опи бывает главный торг Рачинского округа, куда съезжаются: осетины и Лечхумские мингрельцы, а в последнее время самые дальние горные осетины»<sup>55</sup>.

<sup>52</sup> В. Д. Абаев, Эконом. развитие Юго-Осетии..., стр. 77 — 78.

<sup>53</sup> Обзор Российских владений за Кавказом, СПб, 1836, ч. II, разд. VIII; В. Д. Абаев, указ. работа, стр. 86.

<sup>54</sup> АКАК, VI, ч. I, стр. 186—187.

<sup>55</sup> АКАК, VIII, стр. 183, док. 101; З. Ванеев, Крестьянский вопрос..., стр. 46.

იმერეთის ამ ბაზრობაზე არამარტო სამხრეთ ოსები დადიოდნენ. დიგორელებიც დაინტერესებული ყოფილან რაჭასთან ვაჭრობით. 1831 წელს გრიგოლ ზურაბის ძე წერეთელს სიმონოვიჩი წერდა: თქუტუნის ბრწყინვალეების წერილის პასუხად გაუწყებ, რომელ როგორც თქუტუნგან ქელმწიფის ერთგულებაზე დაფიცებულთ დიგორელთ, ეგრეთვე მეზობელთაცა მათ და ბასიანის მცხოვრებთა დაუყვავოთ და კიდევ ატაროთ სევაქროთ რაჭას ისინი, რომელთაც რუსეთის მართებლობისათვის ბოროტი განზრახვა არა ჰქონდესთრა, და როგორც გწერთ, ოდეს ჩამოასხან მათ ცხენის ჯოგი გასაყიდათ, მაშინ ჰიდროტის ციხეში მათგან საკელმწიფოდ ბაჟიც აიღონ<sup>56</sup>.

სიმონოვიჩის ამ წერილიდან ნათელია დიგორელთა და ბასიანელთა სწრაფვა რაჭაში ვაჭრობისადმი. ცხენის ჯოგები ყოფილა ხშირად გაყიდვის საგანი, რომლებზეც ბაჟს იღებდნენ სახელმწიფოს სასარგებლოდ.

XIX ს. პირველი ნახევრის სამხრეთ ოსეთში ხშირად ადგილი ჰქონდა გლებთა აჯანყებებს, რაც მთავრობის მხრივ სასტიკ რეპრესიებს იწვევდა. ეს გარემოება აფერხებდა ოსთა ვაჭრობას ბარის სავაჭრო-ეკონომიურ ცენტრებთან. ესეც არ იყოს, მაჩაბლები, ერისთავები ხელს უშლიდნენ მათ ბართან ურთიერთობას, სძარცვავდნენ და იჭერდნენ გზაზე. ასეთივე ღონისძიებებს მიმართავდა ხელისუფლებაც, რომელმაც ბართან მათი ეკონომიური ურთიერთობის აკრძალვა ხელისუფლებისა და მებატონეთადმი ოსთა დამორჩილების მძლავრ ბერკეტად გაიხადა. სავაჭრო ცენტრებში მოხვედრის ასეთი სიძნელეები იწვევდა იმას, რომ ქვეყნის სიღრმეშიც პერიოდულად ეწყობოდა სავაჭრო პუნქტები, სადაც იყრიებოდნენ, ოსეთიდან და ქართლის თუ საერთილ საქართველოს სავაჭრო ცენტრებიდან. ასეთი პუნქტი იყო ვანელი დიდი ლიახვის შუა წელზე. ჯავის რაიონში. ვანელში სავაჭრო-დაცვლითი ოპერაციები წელიწადის განსაზღვრულ დროს ეწყობოდა. ამ ოპერაციებს ისეთი დიდი მნიშვნელობა ჰქონდა მოსახლეობისათვის, რომ საბაზრო დღეებში ადამი სასტიკად კრძალავდა სისხლის აღებას და მოსისხლენი ერთმანეთს უშიშრად ხედებოდნენ<sup>57</sup>. ვანელის ეს მნიშვნელობა ოსეთის შორეული სოფლების მცხოვრებთათვის არ შესუსტებულა XIX ს. დამლევისა და XX ს. დასაწყისისათვისაც. ისინი ვანელში ყიდულობდნენ საქირო საქონელს და უფრო შორს წასვლის აუცილებლობას თავს აღწევდნენ.

<sup>56</sup> ხელნაწერთა ინსტიტუტი, ფ. Sd, საბ. 1672.

<sup>57</sup> В. Д. Аббаев, Экономическое развитие Юго-Осетии..., стр. 84.

ბართან ასეთი მკიდრო ეკონომიური ურთიერთობა ოსებისათვის აუცილებელი იყო, მაგრამ ეს მათ მძიმე საყოფაცხოვრებო პირობებს არ ცვლიდა და ისინი ცდილობდნენ ბარში გადასახლებით დაეწიათ თავი გაქირავებიდან. ოსები სახლდებოდნენ ქართლის ბარის რაიონებში, თრიალეთში, კახეთში, ქალაქებშიც (იხილეთ ნაკლებად განსახილველ ხანაში).

ოსები ცდილობდნენ ყიდვის გზითაც შეეძინათ მიწა მიწის მესაკუთრეთაგან, ხიზნად ეწყობოდნენ ან სახელმწიფო მიწებზე სახლდებოდნენ. ეს რა თქმა უნდა, მხოლოდ სამხრეთ ოსებს არ ეხება. XVIII ს-ის მსვავსად, თავაურელი ოსები კვლავ დიდად დაინტერესებული ჩანან საქართველოში გადმოსახლებით. ეს კარგად ჩანს გენ. გუდოვიჩის მიწერილობიდან ლიტერონოვისადმი 1807 წ. 3 აპრილს:

«Вследствие рапорта в пр. за № 1150, относительно поселения Тагаурских старшин с подвластными им осетинцами с Дигомском ущельи, предлагаю отправить их вместе с Дигомскими старшинами в означенное ущелье для осмотра земли, просимой ими, где они должны по избранию оной положить между собою правила в рассужденни жизни их, поливу пашен и прочих выгод до земледелия и общественнопо спокойствия относящихся»<sup>58</sup>.

XIX ს. 40—50-იანი წლებით თარიღდება თრიალეთელი ოსების დასახლება. გ. ჩოჩიშვილი მათ 80-იანი წლებისათვის 200 კომლად თვლის და როკიდან გადასახლებულად მიაჩნია. იგი აღწერს რა მათ სამოსახლო ტერიტორიას, აღნიშნავს რომ იგი ტყიანია, სახნავი ცოტა აქვთ და ტყის გაკათვით ჰქმნიან სახნავ მიწებს. ხშირი სეტყვა ნათებს აფუჭებს, ამან მათ მიწათმოქმედებაზე გული აუცრუა. არც მესაქონლეობაა განვითარებული და ძალიან ღარიბად ცხოვრობინ<sup>59</sup>.

ოსებში გავრცელებული იყო ქართლის სოფლებში სეზონურ სამუშაოებზე სიარული, განსაკუთრებით მკის დროს. ქალაქად საშოვარზე გასვლა რამდენადმე გვიანდელი ამბავია. სეზონურ სამუშაოზე აღებული ფული ან ნატურა რამდენადმე აუმჯობესებდა მათ მატერიალურ სახსარს.

ქართველებთან ოსების ვაჭრობის თუ ეკონომიური გაცვლის გზაზე მრავალი პოლიტიკური თუ სოციალური დაბრკოლების გარდა, იყო ახალი დაბრკოლებაც, რაც მდგომარეობდა იმაში, რომ ადრე — ქართუ-

<sup>58</sup> АКАК, III, стр. 214.

<sup>59</sup> თრიალეთის ოსები, გაზ. „დროება“, 1884, № 63.

ლი სახელმწიფოებრიობის დროს ბაჟისაგან თავისუფალ ოსებს ბაჟის გადახდა დაეკისრათ რუსეთის ხელისუფლების მიერ. ეს ძალიან სამ-  
ქიმო იყო მათთვის, რაც კარგად ჩანს ახალგორელთა 1817 წლის სა-  
ჩივარში ერმოლოვთან: „საქართველოში რა რომ ბაჟი განწესებულა  
საქართველოს მეფეთაგან, არც ერთის მეფისაგან ძველადგანვე ქსნის  
ერისთავის ყმას და საარაგვო კაცს ბაჟი არ გამოგვრთმევია დღემდის  
არც საზღვრის გარედამ შემოტანილისა, და არც საზღვარს შიგნითის  
ჩვენგან მოტანილის ნივთის ბაჟი... ჩვენგან არარაი არს სათქმელი შე-  
მოსავალი, რომელთაც არც სულ არ გვდებია ბაჟი, დღეს გვეთხოვება  
ღარბთა მთის ხალხთა. გთხოვთ უმდაბლესად მოწყალება მოილოთ და  
რომელიც ზემორე მოგვიხსენებია, ამ სიმძიმისაგან განგვათავისუფ-  
ლოთ“<sup>60</sup>.

რუსეთში კაპიტალიზმის განვითარება საქართველოსა და ამიერ-  
კავკასიის მეურნეობის განვითარებაზე დიდ გავლენას ახდენდა და  
ამ გზით გარკვეულად ზემოქმედებდა ოსეთზეც. მაგრამ ამის მიუხე-  
დავად, ოსეთის მეურნეობა კვლავ ნატურალური ხასიათის რჩებოდა,  
თუმცა სასაქონლო-ფულადი ელემენტები მასში საკმაოდ ფეხმოკიდე-  
ბული ჩანს განსახილველი ხანის ბოლო პერიოდისათვის.

### § 3. კულტურული ურთიერთობა

ოსი ხალხი მთელი თავისი ისტორიის მანძილზე მკვიდრო კულ-  
ტურულ ურთიერთობაში იმყოფებოდა მეზობელ და მოძმე ქართველ  
ხალხთან. ქართული კულტურა საუკუნეების მანძილზე ცხოველმყოფელ  
გავლენას ახდენდა კავკასიის მთიანეთის ხალხებზე და, კერძოდ, ოსებ-  
ზე. ეს გავლენა გამოიხატებოდა ქართული ენისა და დამწერლობის,  
ქრისტიანული რელიგიის გავრცელებაში მთიელთა შორის, აგრეთვე  
ყოფისა და ზნე-ჩვეულებათა მთელი რიგი მომენტების ერთგვარობაში.

ოსეთში ქრისტიანული რელიგიის გავრცელებაში, XVIII ს. ოსე-  
თის სასულიერო კომისიის მუშაობაში ოსთა გასაქრისტიანებლად  
უაღრესად დიდი როლი ითამაშეს საქართველოს სასულიერო წრეებ-  
მა. ქრისტიანობის (ყველა რელიგიისათვის დამახასიათებელი რეაქცი-  
ულობის მიუხედავად) გავრცელებას კავკასიის მთიელთა შორის  
დადებითი მნიშვნელობა ჰქონდა, რამდენადაც მას შედეგად მოსდევ-  
და დამწერლობის, საეკლესიო ნუროთმოდგრების საწყისების განსა-  
ზღვრული ზომით გავრცელება ამ ხალხებში. ქრისტიანულ რელიგიას-

<sup>60</sup> ხელნაწერთა ინსტიტუტი, ფ. Hd, სპ. 10832.

თან დაკავშირებული ტერმინოლოგია ფართოდ გავრცელდა მთიელებში. განსაკუთრებით ოსებში<sup>61</sup>.

ქართული კულტურის, ქართული ენის გავლენა ოსებზე აისახა ქართული ლექსიკის, არაქართული წარმოშობის სიტყვების ქართული ენის მეშვეობით ოსური ენის ლექსიკაში შეღწევით. ცნობილ მეცნიერებს, ოსური ენის გამოჩენილ მკვლევარებს პროფ. ვ. აბაივს და აკად. გ. ახვლედიანს ამ დებულების დასადასტურებლად უამრავი ფაქტი აქვთ გამოვლენილი<sup>62</sup>. იმავე მკვლევარებს დადასტურებული აქვთ ქართულ ენაზე ოსური ენის გავლენის მრავალი მაგალითიც.

მაგრამ ლექსიკური ურთიერთშეღწევისა და ურთიერთგავლენის გარდა, უფრო მნიშვნელოვანია ქართული და ოსური ენების ფონეტიკური და გრამატიკული წყობის სიახლოვე. აღნიშნულ ენათა ფონეტიკური სიახლოვე, გრამატიკული ფორმისა და ფრაზეოლოგიზმების დიდი ოდენობის სემანტიკის ერთობა იმდენად დამახასიათებელი და საგრძნობია, რომ აკად. გ. ახვლედიანი შემდეგ დასკვნას აკეთებს: „ოსურ-ქართული ენობრივი ურთიერთობის სირთულე იმაში მდგომარეობს, რომ ჩვენ აქ გვაქვს ხანგრძლივი საურთიერთო გავლენა, რომელიც სცილდება ჩვეულებრივი გავლენის ფარგლებს“. აღნიშნული ენების ურთიერთდამოკიდებულებას, მისი აზრით, შეიძლება ვუწოდოთ უფრო ურთიერთგამქვალვა, რომელიც ახლოა ორენოვნებასთან, ვიდრე ურთიერთგავლენა<sup>63</sup>.

ქართველ ხალხთან ოსთა მუდმივი კონტაქტები (რაც გაძლიერდა საქართველოს რუსეთთან შეერთების შემდეგ), ოსების პოლიტიკური და ეკონომიური მიზნებით ხშირი მიმოსვლა საქართველოს ცალკეულ ადგილებში, ხელს უწყობდა ქართული ენის ფართოდ გავრცელებას ოსებში. რა თქმა უნდა, ქართველთა მეზობლად მცხოვრები ოსები (ალარას ვამბობთ მათზე, ვინც ქართველებთან უშუალოდ შერეულად ცხოვრობდა — XIX ს. კი ასეთი სოფლები სამხრეთ ოსეთში ძალიან ბევრი იყო) კარგად ფლობდნენ ქართულ ენას, რადგან მუდმივად უხდებოდათ ურთიერთობა მეზობელ ქართველებთან. სამხრეთ ოსეთის დაშორებული მთიანი რაიონების

<sup>61</sup> В. С. М и л л е р, Осетинские этюды, ч. III, 1887, стр. 14; В. И. А б а е в. Осетинский язык и фольклор, I, 1949, гл. 87; გ. თ. გ. ო. შ. ე. ი. ლ. ი, საქართველო-ოსეთის ურთიერთობის ისტორიიდან (უძვ. დროიდან XIV ს. დამლევამდე), ცხინვალი, 1958.

<sup>62</sup> В. И. А б а е в, Историко-этимологический словарь осетинского языка, I, М.-Л. 1956; Г. С. А х в л е д н а н и, Сб. избранных работ по осетинскому языку, I, Тб., 1960, стр. 142—143.

<sup>63</sup> Г. А х в л е д н а н и, დასახ. ნაშრ. გვ. 170.



მოსახლეობაში ქართულის ცოდნა ნაკლებ იყო გავრცელებული, რადგან მხოლოდ გარკვეული პირები ამყარებდნენ ბართან მიმოსვლას თავის ეკონომიური მოთხოვნილებების დასაკმაყოფილებლად. ასეთმა პირებმა, ჩვეულებრივ, იცოდნენ ქართული.

რაც შეეხება ჩრდილო ოსეთს, აქ ამ მხრივ ქართული ენის ცოდნა ნაკლებ იყო გავრცელებული. მაგრამ ქართულის მცოდნე (და არამარტო სალაპარაკო ენის, არამედ დამწერლობის მცოდნეც) იქაც საკმაოდ იყო. ეს აიხსნება იმ გარემოებით, რომ თავაუჩელი, ალაგირელი, ქურთათელი თუ დიგორელი ოსების სოციალური ზედაფენები რეგულარულ ურთიერთობაში იყვნენ საქართველოს ცალკეულ, უპირატესად მიმდგომ, ადგილებთან.

ჩრდილო ოსებში ქართული ენისა და დამწერლობის გავრცელებაში დიდი როლი ითამაშა ოსეთის სასულიერო კომისიამ (1745—92 წწ. მოღვაწეობდა ოსეთში და ჩრდ. კავკასიის სხვა ხალხებში). კომისიის შემადგენლობა დიდხინის მანძილზე ქართული იყო და ქართველი მისიონერები ოს ბავშვებს ქართულ და ოსურ წერაკითხვას ასწავლიდნენ.

ასე, რომ XIX ს. დასაწყისშივე ჩრდილო ოსეთში გვხვდებიან ქართულის მცოდნე პირები, რომლებიც ხშირ შემთხვევაში (XVIII ს. 80-იანი წლებიდან დაწყებული) რუსეთთან ურთიერთობაში და სხვა საქმიან მიმოწერაში ქართული დამწერლობით სარგებლობდნენ. მათი — მისიონერების აღზრდილი მოწაფეები რიგ ადგილებში მღვდლებად და დიაკვნებად მუშაობდნენ.

XIX ს. დასაწყისში სამხრეთ ოსთა შორის გვხვდება ისეთი პირები, რომლებსაც XVIII ს. ბოლოს მიუღიათ განათლება საქართველოში და ქართული კულტურის მოღვაწეებად ქცეულან — ეწოდნენ წიგნების გადაწერას. ერთ-ერთი ასეთი პირია ე. წ. „ოსთა მყოფელი“ (ე. ი. გაქრისტაინებული) გიორგი ჭათთიშვილი. ეს უკანასკნელი, იმერეთის სამეფოს გაუქმების შემდეგ, დედოფალ ანას გაპყოლია პეტერბურგში და იქ ქართული წიგნების გადაწერა გაუგრძელებია. ხელნაწერთა ინსტიტუტში დატულ მის მიერ გადაწერილ არისტოტელეს კატეგორიის ანდერძში იგი წერს: „აღიწერა წიგნი ესე კატილორია და სრულ იქმნა ბრძანებითა მათის უმაღლესობის იმერეთის დედოფლის ანასითა, სამეფოსა ქალაქსა სკტპტბურლს წელსა 1814, მაისის 5. დღესა კელითა ოსთა მყოფელ გიორგი ჭათთიშვილისათა“<sup>64</sup>. მასვე პეტერბურგში სხვა წიგნებიც გადაუწერია<sup>65</sup>.

<sup>64</sup> სპ. სსრ მეცნიერებათა აკადემიის კ. კეკელიძის სახ. ხელნაწერთა ინსტიტუტი, ფ. H, № 2365.

<sup>65</sup> ხელნაწერთა ინსტიტუტი, ფ. A, № 328.

XVIII ს. დამლევს მიიღო ქართული აღზრდა-განათლება ნეოფიტე ოსყოფილმა. ნეოფიტე ცნობილი იყო „მოქაშნობითა, აგრეთვე ეკლესიის წერილთა წარკითხვითა, მწერლობითა ქებული და მონოზონიბითაცა სრული. ამან მიიღო მეორე ანტონი კათალიკოზისაგან არქიმანდრიტობა და აწ მსახურებს მას და სცხოვრებს მისთან განუშორებლად“<sup>66</sup>.

იოანე ბატონიშვილის მიერ მოხსენებული ნეოფიტე თავის დროისათვის კარგი განათლება მიღებული პიროვნება იყო და ენერგიულად მოღვაწეობდა ქართული კულტურის ასპარეზზე, ისევე როგორც უფრო ადრე პართენი, გამალიილი.

XIX ს. დამდეგის ქართველ-ოსთა კულტურული ურთიერთობის საჩვენებლად დიდი მნიშვნელობა აქვს იოანე იალღუზიძის მოგვაწევობას. იგი XIX ს. პირველი ნახევრის ოსეთის ყველაზე მნიშვნელოვანი კულტურული მოგვაწე იყო, რომელმაც ღრმა კვალი გაავლო ოსთა კულტურული წინსვლის საქმეს და ქართველ-ოსთა კულტურული ურთიერთობის განსახიერება იყო.

იოანე იალღუზიძეზე დიდძალი ლიტერატურა არსებობს<sup>67</sup>. თანახმად მისი ავტობიოგრაფიისა, იოანე 1775 წელს დაბადებულა, სოფ. ზალდადან (სამხ. ოსეთი) იყო და გაბარაევების გვარს ეკუთვნოდა. ერეკლე II-ის ბრძანებით იგი იოანე ნათლისმცემლის მონასტრის არქიმანდრიტთან სწავლობდა ქართულ წერაკითხვას. აქედან, ერეკლესავე ბრძანებით იგი დავით გარეჯის მონასტრის წინამძღვარს იოანე ქარუმიძეს ჩააბარეს სიტყვიერების შესასწავლად. იოანე იალღუზიძე მასთან სწავლობდა გრამატიკას, რიტორიკას, ფიზიკას, კატეგორიას, მეტაფიზიკას, ლიტერატურას<sup>68</sup>.

<sup>66</sup> ი. ბ ა ტ ო ნ ი შ ვ ი ლ ი, კალმასობა, 11, თბილისი, 1948, გვ. 194.

<sup>67</sup> გ. ა ხ ე ლ ე დ ი ა ნ ი, ოსური ენის ისტორიისათვის, ოსუ მოამბე, VI, 1926, გვ. 339—346; მისივე, 1802 წლის ოსური A ხელნაწერი, ოსუ მოამბე, VII, 1926, გვ. 90—99 (ორივე ეს სტატია რუსულად იხ. Сборник избранных работ по осетинскому языку, I, Тбилиси, 1960, გვ. 80—90, 91—106); მისივე, იოანე იალღუზიძის გარეშემო (ოს.) ჟურნალ „ფილოლოგი“, № 2, 1928; Б. Б и г у л а е в, Краткая история осетинского письма, 1852, стр. 25—29; ა. შ ა ნ ი ძ ე, ერთი ფურცელი ქართულთა და ოსთა კულტურული ურთიერთობის ისტორიიდან, მაენე, 1964, № 1; ტ. ს ა რ ი შ ვ ი ლ ი, ოსეთ-საქართველოს კულტურულ-პედაგოგიური ურთიერთობა (1800—1821), 1965, გვ. 19—21; ყველაზე ვრცელი შრომა იოანე იალღუზიძის შესახებ ეკუთვნის ძ. გ უ გ ქ ა ე ვ ს, „О жизни и деятельности Ивана Ялгузидзе. Известия ЮОНИИ, вып. VII, 1959; вып. VIII, 1957.

<sup>68</sup> Дз. А. Г у р г а е в, О жизни и деятельности Ивана Ялгузидзе, Изв. ЮОНИИ, VII, стр. 282.

იოანე იალღუზიძე ადრევე შეუდგა ქართული ხელნაწერი წიგნების გადაწერას. 1794 წ. მან გადაწერა „კატეგორია სიმეცნეა“<sup>69</sup>, 1796 წ. „მეტაფიზიკა და ლოგიკა“<sup>70</sup>, 1797 წ. ბაუმეისტერის ფიზიკა<sup>71</sup>. ქართული ხელნაწერი წიგნების გადაწერას იგი შემდეგაც ეწეოდა, როცა სამსახურებრივ დავალებებს ასრულებდა.

1807 წ. მან გადაწერა გამოჩენილი ქართველი ლექსიკოგრაფის სულხან-საბა ორბელიანის სიტყვის კონა. ამ ხელნაწერი წიგნის ანდერძში ვკითხულობთ: „სრულ იქმნა სიტყვს-კონა ესე წიგნი, რომელ-არს ლექსიკონი ქრისტეს აქეთ ჩუზ (1807), აპრილსა ზ(7) კელითა იოანე იალღუზიძისათა“<sup>72</sup>. სხვა ფურცელზე იგი განაგრძობს, რომ „დიდთარე სურვილითა ვაძულებოდი ადრითვე ამა წიგნისა სიტყვს-კონისა, რომელ არს ლექსიკონი, რამეთუ მაქვენდა სამართლად ქონება ამისი საჭიროებითსა შერაცხევასა შანა, ხოლო დაეყუენებოდი ამა მიზეზთაგან, ოდესმე არა შოვნითა დედნისათა და ოდესმე დაღათუ ვიშოვნდიცა, ვარნა არა ეგრეთსა, რომელიცა კმაყოფელად სთნებოდა გონებასა ჩემსა. ხოლო შემდგომად მიზეზითა რომელითამე დავეკვეთე ესრეთსა ხვედრსა, რომელ ვიხილე ლექსიკონი მათის უდიდებულესობისა, ყოვლისა საქართველოსა მეფის სძლის წერეთლის ასულის ქეთევანისა, რომელიცა სთნდა გონებასა ჩემსა და მასმიოდაცა, არასაოა ყოფაჲ საქართველოსა შინა უმჯობესისა და უსრულესისა ლექსიკონისა და მუნით გარდმოვწერე ლექსიკონი ესე ფრიად სამართლისა მეცადინეობითა, რაოდენცა აქუნდა თავისუფლება ამის ეამსა უცალოებისა და სხვად და სხვად მიმზიდთა მიზეზთა გამო უძღურებასა ჩემისასა, რომელიცა ვითხოვ ყოველივე გულის მიერ მკითხთაგან შრომისათვის სიყვარულითა და ლოცვითა მოკსენებასა, და ცდომათავის სიყვარულითვე შენდობასა...“<sup>73</sup>

მოყვანილი მინაწერიდან კარგად ჩანს, რომ იალღუზიძე კეთილსინდისიერად ეკიდებოდა თავის საქმეს და დიდ პასუხისმგებლობას უყენებდა თავის თავს წიგნების გადაწერის საქმეში. ეს თავმდაბლობა და თავის საქმიანობისადმი ღრმა პასუხისმგებლობის გრძნობა იალღუზიძეს ახასიათებდა მაშინაც, როცა იგი მოწიფული და გამოცდილი მოღვაწე იყო. 1827 წელს გადაწერილი ფილოსოფიური კრებული (რომელშიც შედის ვასილი კაპადუკიელის „ექვსთა დღეთათვის“, გრიგოლ ნოსელის „დაბადებისათვის კაცისა“ და მისივე „პასუხი

<sup>69</sup> საქ. ცთა, ფ. 1446, № 205.

<sup>70</sup> ხელნაწერთა ინსტიტუტი, ფ. S, № 280.

<sup>71</sup> იქვე, ფ. Q № 97.

<sup>72</sup> იქვე, ფ. H, № 202, ფ. 196.

<sup>73</sup> ხელნაწერთა ინსტიტუტი, ფ. H, 202, ფ. 198.

„ქვეთა დღეთათვის“) ანდერძში, იგი მიმართავს მკითხველებს: „...თქვენ კეთილ გულისკმეირნო მკითხუშლნო, მიიღეთ ჩემი გლახაკისამიერი ესე უმდაბლესი ვედრება და უკეთუ ცთომამ და ნაკლულეუნება რამე იხილოთ, ნუ მწყევთ, არამედ სიყვარულისათვის ქნს მიერ მოწაფეთა და დატევებულისა ლოცვთ ხსენება მაგეთ, თუმცა ვიგულისმოდგინე, გარნა გონება კაცობრივი უძლურ არს“<sup>74</sup>

ხსენებული წიგნების გარდა, მას გადაუწერია ბაგრატ ბატონიშვილის ისტორია 1814 წელს<sup>75</sup>, სულხან-საბა ორბელიანის „სიბრძნე-სიცრუისა“ 1815 წელს<sup>76</sup>. რამდენჯერმე თეიმურაზ II-ის „სარკე თქმულთა“ (1823, 1824, 1828 წწ)<sup>77</sup>, საპოლიტიკო თეატრი (1828, 1829 წწ.)<sup>78</sup>. გ. ახვლედიანის თანახმად, იალღუზიძეს გადაუწერია „ტროადის დანგრევა“, „დავრიშიანი“, „მირიანი“<sup>79</sup>. იოანეს ხელით გადაწერილი „ვეფხისტყაოსანი“ პარიზის ეროვნული ბიბლიოთეკის ქართულ ზელნაწერთა შორის ყოფილა დაცული<sup>80</sup>.

რა თქმა უნდა, იალღუზიძის მიერ გადაწერილი ზელნაწერი წიგნების სია სრული არ არის. მაგრამ ამ სიიდანაც კარგად ჩანს, რომ იგი საუკეთესო გადამწერი იყო და დაკვეთებს ასრულებდა. ეს ყველაფერი კი მოწმობს, რომ ქართული კულტურის საბრძოლვე იოანეს თავის დროზე სასარგებლო საქმე უკეთებია.

იოანე იალღუზიძე აღმზრდელი ყოფილა იოანე ბაგრატიონის ვაჟის გრიგოლისა. გრიგოლის ზელნაწერ ფოლიანტში აღმოჩნდა იალღუზიძის ორი ლექსი, მიძღვნილი იოანეს მეუღლე ქეთევანისადმი. პირველი ლექსი შედგება ხუთი გაურითმავი სტროფისაგან, რომელთაგან თითოეული თორმეტმარცვლოვანი 5 ტაეპისაგან შედგება. მისი დასაწყისი ასოები ზევიდან ქვევით ქმნიან ფრაზას: „მეფის სძალი ქეთევან ნებას ეწიოს“.

მეორე ლექსი საშობაოდ თქმული იამბიკოა. შედგება ხუთი თორმეტ მარცვლოვანი ტაეპისაგან და მიძღვნილია ქეთევანისადმი, რომლის დაბადების დღე დამთხვევია „ქრისტეს დაბადების“ დღეს<sup>81</sup>.

უფრო მნიშვნელოვანია იოანეს ორიგინალურ პოეტურ ნაწარმოებთაგან მის მიერ ქართულ ენაზე შესრულებული პოემა „იალღუზი-

<sup>74</sup> ზელნაწერთა ინსტიტუტი, ფ. H, № 204, ფ. 127.

<sup>75</sup> ზელნაწერთა ინსტიტუტი, ფ. H, № 1130.

<sup>76</sup> ი ქ ვ ე, ფ. S, № 2522.

<sup>77</sup> ი ქ ვ ე, ფ. H, № 207, 2137; ფ. S, № 5155.

<sup>78</sup> ი ქ ვ ე, ფ. S, № 365, ფ. Q, № 274.

<sup>79</sup> „ფილიოგი“, 1928, № 2, გვ. 97.

<sup>80</sup> Дз. Г у г к а е в, Произведения И. Ялгузидзе, Изв. ЮСН 14. VIII, стр. 245.

<sup>81</sup> ტრ. რ უ ხ ა ძ ე, ქართული ეპოსი..., გვ. 2000; რუსული თარგმანი მისი დაბეჭდა ძ. გუგუჩევა, Изв. ЮСПИИ, VIII, стр. 247.

ანი“, რომელიც ოსთა ლეგენდარული მეფის ალლუზონის ლაშქრობებ-  
პსა და საქმიანობას ეხება.

ალლუზონის სამეფოდ ავტორის მიერ წარმოდგენილია მთელი  
ჩრდილო კავკასია. ალლუზონის საქმიანობის ფანტასტიკურ მასშტაბში  
წარმოდგენით, თავის გმირისა და, საერთოდ, ოსების წარსულის გაი-  
დეალებით, იგი კდილობდა ოსი ხალხის პატრიოტული გრძნობების  
გაღვივებას. იგი ასე ათქმევინებს ალლუზონს:

„თუ მიკითხავ, მოგახსენებთ მეფე ვარ ამოსარის,  
მპყრობელი დიდთა ქვეყანათ, ძირით დავით მეფის გვარის,  
ალლუზონ დიდი ჰელმწიფე, თვით მპყრობელი მილანჯარის,  
ბატონი დიდ ოვსთ, ჩერქეზთ, ჩეჩენთ, ნონთა კარის“<sup>82</sup>.

პოემის შინაარსის გადმოცემას და გარჩევას ჩვენ არ გამოვუდგე-  
ბით. ჩვენ ამ შემთხვევაში იმ ფაქტის აღნიშვნით დავემყოფილდე-  
ბით, რომ ეროვნებით ოსმა, ქართულ ენაზე აღზრდილმა, ქართულ  
ენაზე პოეტური ნაწარმოებები შექმნა, რომელშიც ასახა ოსური ხასია-  
თები, ოსთა ყოფისა და ზნე-ჩვეულებების სურათები. პოემა მრავალ-  
ჯერ იქნა გამოცემული<sup>83</sup>.

იალლუზიძის საქმიანობა განსაკუთრებით დიდ მნიშვნელობას  
იძენს ოსური კულტურის განვითარებისათვის იმ დროიდან, რა დროი-  
დანაც მან მუშაობა დაიწყო ოსეთის სასულიერო კომისიაში მთარ-  
გმნელად. კომისია 1815 წელს აღადგინეს და ამ დროიდანვე იგი მუ-  
შაობდა თარჯიმნად კომისიაში.

ამ მოვალეობას იგი კარგად ასრულებდა, რისთვისაც საქართვე-  
ლოს ეგზარხოსის ფეოფილაქტეს წარდგენით საგუბერნიო მდივნის ჩი-  
ნი მიიღო (1821 წ. 3 სექტ.).

1820 წ. თებერვალში იალლუზიძე დაინიშნა ოსური და ქართული  
ენების მასწავლებლად თბილისის სასულიერო სემინარიაში იმ ოსი  
მოსწავლეებისათვის, რომელთა გაგზავნა კურსის დასრულების შემ-  
დეგ ნავარაუდები იყო ოსეთში. სემინარიის გამგეობის ბრძანებაში ამ  
დანიშნასთან დაკავშირებით აღნიშნული იყო, რომ «Так как Иван  
Ялгузидзе основательный знаток родного и грузинского языков,

<sup>82</sup> М. Джанашивили, СМОМПК, в. 22, стр. 184, რუს. გვ. 185.

<sup>83</sup> პოემა პირველად 1885 წ. გამოსცა ნიკ. გამარეკელმა. 1897 წელს СМОМПК-ის  
22 ნაკვეთში მ. ჭანაშვილმა იგი პარალელური რუსული ტექსტით გამოს-  
ცა; 1922 წ. გაპობაევმა ბერლინში ცალკე წიგნად გამოსცა „ალლუზიანი“ რუ-  
სულ ენაზე; 1945 წ. ხანიკაევმა ოსურად თარგმნა „ალლუზიანის“ ნაწყვეტე-  
ბი და მას შემდეგ ოსური სკოლებისა და უმაღლესი სასწავლებლების პროგრამებში შე-  
დის; 1962 წ. პოემა ოსურ ენაზე მთლიანად ითარგმნა და გამოიცა ცალკე წიგნად ცხი-  
ნვალში პოეტ გ. ბესთაუთის მიერ.

то с принятием осетинских детей определить его учителем осетинского и грузинского языков». <sup>84</sup> თვით იალღუზიძეც თავის ავტობიოგრაფიაში აღნიშნავს იმ ფაქტს, რომ განწესდა ოსური და ქართული ენების მასწავლებლად და ოსი ბავშვების აღმზრდელად <sup>85</sup>.

სემინარიაში მუშაობის პერიოდში მას ნათლად უნდა ეგრძნო ოსური დამწერლობის შექმნის აუცილებლობა. ამიტომაც მაშინვე დაუწყია სათანადო მუშაობა ოსური ანბანის შექმნისათვის. მართალია, 1798 წელს რუსული საეკლესიო დამწერლობის ბაზაზე მოზდოკის ეპისკოპოსის გაიოზის (თელავის სემინარიის ყოფილი რექტორი) მიერ ოსი მღვდლის პავლე გენცაუროვის დახმარებით გამოცემული იქნა ოსური ანბანი და პირველდაწყებითი საკითხავი წიგნი, მაგრამ იგი არასრულყოფილი იყო და ფართოდ ვერ გაიდგა ფესვები.

და, აი, იალღუზიძემ იტვირთა ოსური ანბანის შექმნა. ეს აზრი მას დიდი ხნის მანძილზე დასტრიალებდა და როცა ხელშემწყობი პირობები შეექმნა, კიდევ განახორციელა.

1820 წ. მაისში იალღუზიძე საქართველოს ეგზარხოსს მოახსენებდა, რომ დიდხანია სურდა თავის თანამემამულეთათვის სასწავლო და სასულიერო წიგნები ეთარგმნა, მაგრამ არც წამქეზებელი ჰყავდა და არც საიმისო სახსრები ჰქონდა. თქვენი დავალებით განაგრძობდა იგი, — ვთარგმნე ცისკრის და მწუხრის ლოცვანი, მოკლე კატეხიზისი. ქრისტიანული ზნეთსწავლულობა, რომლებიც დაიბეჭდა ქართულად და ოსურად ქართული საეკლესიო ანბანის საფუძველზე. შემდეგ ვთარგმნე თქვენი დავალებით ღვთაებრივი ლიტურგია.

დასასრულ, იგი მოახსენებს ეგზარხოსს, რომ შეადგინა ოსური ანბანი, რომელიც 37 ნიშნისაგან (ლიტერისაგან) შედგება, საიდანაც 30 ქართულია, ხუთი ახლად შექმნილი, ორი კი რუსული ანბანიდანაა შემოტანილი. იალღუზიძე ითხოვს, რომ დაიბეჭდოს ეს ანბანი, რათა ოს ახალგაზრდობას საშუალება ჰქონდეს მშობლიურ ენაზე ისწავლოს <sup>86</sup>.

იალღუზიძემ ოსური ანბანის ორი ვარიანტი შეადგინა. ერთი — ხუცური დამწერლობის საფუძველზე, მეორე კი — მხედრულის. ხუცურის საფუძველზე საეკლესიო წიგნები უნდა თარგმნილიყო, მხედრულის საფუძველზე კი — საერო.

---

<sup>84</sup> Дз. Г у г к а е в, О жизни и деятельности Ивана Ялгузидзе, Изв. ЮОНИИ, в. VII, 1955, стр. 284.

<sup>85</sup> ი ქ ვ ე, Приложение — Автобиография Ялгузидзе, стр. 323.

<sup>86</sup> История Осетии в документах и материалах, II, стр. 553.

გაიოზის ანბანთან შედარებით იალლუზიძის ანბანში არ იყო არც დიაკრიტიული ნიშნები, არც შედგენილი ასოები. მასში ყველა ბგერა ერთი ნიშნით არის გამოხატული.

1821 წ. იალლუზიძემ თავის მიერვე შედგენილი შრიფტის საფუძველზე გამოსცა თბილისში ოსური ანბანი. იგი ხუცურის საფუძველზეა და მიზნად ისახავდა ოსი ახალგაზრდობისათვის თავის ენაზე წერა-კითხვის შესწავლის საშუალება მიეცა<sup>87</sup>. ეს იყო ერთადერთი ნაბეჭდი სასწავლო წიგნი, რომელიც ფართოდ იყო გავრცელებული ოსეთში. ამ წიგნებით ასწავლიდნენ ოსეთში მომუშავე მღვდლები და მედავითნენი ოსთა ბავშვებს წერაკითხვას XIX ს. პირველ ნახევარში. 1826—27 წლებისათვის არსებობს ცნობები, რომ ბეჟმარში ბლალოჩინი ათანასე მაჭავარიანი, ჯავაში ცერაძე (მედავითნე), ქუშელთაში მედავითნე იოსებ იალლუზიძე, მღვდლები დავით ოქროპირიძე (მალრანდვალეთში), ზაქარია ძლიერიშვილი (ჯავაში), იოაკიმ კოჩერაშვილი განათში და სხვ. ასწავლიდნენ ოს ბავშვებს წერა-კითხვას ოსურ ენაზე<sup>88</sup>. საფუძველი ამ სწავლებისა იყო იალლუზიძის დასახელებული ანბანი.

წერა-კითხვის შესწავლისადმი დიდ ინტერესს იჩენდნენ ჩრდილო ოსეთის საზოგადოებებშიც. დეკანოზ სამარდანოვის მოხსენებიდან ჩანს, რომ უნალისა და დარგავსის სამრევლოებში ბავშვები მღვდლების ხელმძღვანელობით სწავლობდნენ წერა-კითხვას<sup>89</sup>. დიგორიაში, ჭინათში, სანიბაში და სხვა ადგილებშიც ასეთი მოსწავლეები მრავლად იყვნენ<sup>90</sup>.

ი. იალლუზიძე დიდ დანხარებას უწევდა თავის თანამემამულეებს ბავშვების იმდროინდელ სასწავლებლებში მოწყობის საქმეშიც. იგი უწერდა განცხადებებს სათანადო ინსტანციებში, აქეზებდა სწავლავანათლების მისაღებად. ნარის, ნუზალის, ზალდას მცხოვრებთა სახელით დაწერილი განცხადებებით თბილისის სასულიერო სემინარიაში მიღებული იყვნენ თავა გუბაევის, იაკობ ბალაევის, ჩერმენ ალიკოვის, დავით იალლუზიძე-გაბარაშვილის ვაჟები. მრავალი სემინარისტი პირადად მასთან ცხოვრობდა<sup>91</sup>. დამთავრების შემდეგ მათ ოსეთის სოფლებში აგზავნიდნენ მღვდელთმსახურებად.

უკვე აღვნიშნავდით, რომ იალლუზიძემ ქართულიდან ოსურად მრავალი ოფიციალური საბუთი (მიმართვები, დებულებანი სასამარ-

<sup>87</sup> Дз. Г у г к а е в, Ук. раб. стр. 301.—303.

<sup>88</sup> История Осетии в документах и материалах, II, стр. 556, 558, 559, 560, 578.

<sup>89</sup> ი ქ ე ე, გვ. 557.

<sup>90</sup> Дз. Г у г к а е в, დასახ. ნაშრ. გვ. 305.

<sup>91</sup> Дз. Г у г к а е в, დასახ. ნაშრ. გვ. 306.

თლ.ოს შესახებ და სხვ.) თარგმნა. მაგრამ უფრო მნიშვნელოვანია სასულიერო ხასიათის წიგნების თარგმნა. ზოგიერთი ასეთი წიგნის თარგმნის შესახებ უკვე აღვნიშნეთ. ისინი დაიბეჭდა 1819, 1820, 1821 წწ. 1823 წელს მან დაამთავრა სახარების თარგმნა და სთხოვა ეგზარქოს ონასს, საშუალება მიეცა, ქართულისა და ოსურის კარგად მცოდნე ოსთა მეშვეობით შეემოწმებინა თარგმნის სისწორე. ეგზარქოსმა მოიწონა ეს წინადადება და დაავალა შალვა ერისთავს, მოეწვია ქართულის კარგი მცოდნე ორი ქრისტიანი ოსი და მათთან ერთად მოესმინა სახარების ტექსტი<sup>92</sup>. ერისთავი გ. ბიბილოვთან ერთად, გაჰყვა იალლუზიძეს პატარა ლიახვის სათავეში მცხოვრებ ოსებთან და იქ ზონკარში, ლეკოვანში, წითფორში შემდეგნაირად შეამოწმეს მისი თარგმნის სისწორე: გ. ბიბილოვი კითხულობდა ქართულ ტექსტს, თვითონ — ოსურს, შალვა ერისთავი კი ამას რუსული სახარებით ამოწმებდა.

შემოწმების შემდეგ სახარების ეს თარგმანი ეგზარქოსმა გაგზავნა უწმიდეს სინოდში. იქ გადაწყდა, რომ მოსკოვში ორი ათასიანი ტირაჟით დაბეჭდათ იგი, მაგრამ რაღაც მიზეზით ველარ დაიბეჭდა.

ამ სახარების ხელნაწერი ინახება საკავშირო მეცნიერებათა აკადემიის აღმოსავლეთმცოდნეობის ინსტიტუტის ბიბლიოთეკაში. მისი წინასიტყვაობა ავტორის დიდ პატრიოტობაზე, თავის ხალხისადმი უანგარო თავდადებაზე, ოსი ხალხის განათლებისადმი მის დიდ ზრუნვაზე მეტყველებს. წინასიტყვაობაში იგი წერს, რომ თავის თანამემამულეებს სხვა ხალხთა შორის უმწერლობოდ ხედავდა. ამ დიდ სიკეთეს თქვენ მოკლებული იყავით და მე ვცდილობდიო, რომ ოსურად წიგნი შემედგინა თქვენთვისო. და აი მე შეგიდგინეთ წიგნი, რომელსაც ქართულად „სახარება“ ჰქვია — სამი წელი ვიშრომე მასზე დღე და ღამე. ამას იმიტომ ვაკეთებდი, რომ თქვენ უწიგნოდ (უდამწერლობოდ) არ დარჩენილიყავით და ახლა იმას გთხოვთ, რომ შემდეგში თქვენ და თქვენი შვილები უფრო მეტად ნათლდებოდეთ გონებრივად.

იალლუზიძის თარგმანებს მთელ ოსეთში — სამხრეთსა და ჩრდილოეთში საყოველთაო გავრცელება ჰქონდა.

იოანე იალლუზიძემ, გარდა იმისა, რომ ოსური ანბანი შეადგინა და რიგი სასულიერო ხასიათის წიგნები თარგმნა, დიდი როლი ითამაშა ოსი ხალხის პოლიტიკური ორიენტაციის განმტკიცებაში. სამხედრო და სამოქალაქო ხელისუფლების დავალებით, იგი მრავალჯერ გამოდიოდა შუამავლად ხელისუფლებისა და ოსეთის საზოგადოებებს შორის — იყო სამხრეთ ოსეთის მრავალ რაიონში საგანგებო დავალებებით, აგრეთვე ნარში, მამისონში, ზაყყაში, ზარამაგში. იგი რუსეთის

<sup>92</sup> История Осетии в док. и мат-ах, II, стр. 574.



ხელისუფლების მოწოდებებს თარგმნიდა, თარჯიმნობდა შეხვედრებზე და საგანგებო დავალებებს ასრულებდა.

იალლუზიძის ამ საქმიანობის შესახებ რომ უფრო სრული წარმოდგენა შეგვექნეს, მოვიყვანოთ ზოგ ადგილს, სადაც ამის შესახებაა ლაპარაკი.

1802 წ. 5 მარტს სამხრეთ ოსეთში მოქმედი სადამსჯელო რაზმის უფროსი პოდპოლკოვნიკი სიმონოვიჩი გენერალ კნორინგს მოახსენებდა, რომ აზნაური იოანე იალლუზიძე «Будучи родом осетинец и кроткого нрава, посылалем был мною неоднократно с желаемым успехом с увещаниями к неблагонамеренным, особливо же к мятежникам Кешельты, и переводил учреждения судов и присяги с грузинского на осетинский диалект, чего осетины прежде сего не слышали, почему может он и впредь быть употребляем при них в пользу службы Е. И. В.»<sup>93</sup>.

ამავე ფაქტის შესახებ კნორინგი თავის უქვეშევრდომილეს მოხსენებაში წერდა, რომ იალლუზიძე «Переводил учреждения временных судов и присяги с грузинского на осетинский диалект, для чего заимствовал литеры грузинские, чего еще не бывало, послыку осетины знаков для изображения слов своего не имеют»<sup>94</sup>.

1802 წ. 19 მაისს კნორინგისადმი მოხსენებაში სიმონოვიჩი წერდა, რომ აზნაური იოანე იალლუზიძე გაიგზავნა შტაბსკაპიტან ოსიპოვთან ერთად დიდი ლიახვისა და ფაწის ოსებთან და ნარის მაზრაში, ოსების დასათყიციებლად. აქედან და აგრეთვე ზახა-ზარამაგიდან მივიღე წერილები, სადაც მოსახლეობა გამოთქვამს ერთგულებას მთავრობისადმი<sup>95</sup>.

1802 წ. 26 აგვისტოს კოვალენსკი მოახსენებდა კნორინგს, რომ იალლუზიძემ მიაგმო ნარისა და ზახის ოსების დაბეჭითებითი თხოვნის შესახებ, რომ მათთან გაიგზავნოს მოზღოკელი მღვდელი ქრისტინანობის საქადაგებლად. ეს მღვდელი მათ შორის ადრე მოღვაწეობდა და ხალხის პატივისცემა მოიპოვაო. კოვალენსკი, გამომდინარე იალლუზიძის შესაძლებლობიდან და ავტორიტეტიდან, აყენებს საკითხს:

«Не благоугодно-ли будет позволить при учреждении нового у сих народов правительства, определить к ним в число судей сего дворянина, который по отличной его способности и быв сам из осетинцев, с пользою мог бы быть употреблен и для

<sup>93</sup> АКАК, I, стр. 581.

<sup>94</sup> ი ქ ვ ე, გვ. 587.

<sup>95</sup> ი ქ ვ ე, გვ. 587.



მინისტრაცია სარგებლობდა მისი ამ ავტორიტეტით ოსებთან ურთიერთობის მოწესრიგების საქმეში. იგი თავგამოდებით იცავდა ოს ხალხს ფეოდალებისა და ცალკეული რუსი მოხელეების მხრივ ჩაგვრისაგან.

იალღუზიძის შედგენილმა ოსურმა ანბანმა, მართალია, საბოლოოდ ვერ მოიკიდა ფეხი ოსეთში, მაგრამ ეს ცარიზმის კოლონიზატორული პოლიტიკის ლოგიკური შედეგი იყო და იოანეს შემოქმედების კულტურულ-ისტორიულ მნიშვნელობას ჩრდილს ვერ აყენებს. როგორც არ უნდა ყოფილიყო მისი ოსური ანბანის ბედი, მისი ანბანი და ორიგინალური თუ თარგმნილი ნაწარმოებებით იწყება ოსური დამწერლობის ნამდვილი ისტორია.

იალღუზიძის შრომები წარმატებით იქნა გამოყენებული ოსური ენის მეცნიერული გრამატიკის შესადგენად. მაღალ შეფასებას აძლევდა მას აკად. შეგრენი<sup>100</sup>. აკად. გ. ასელედიანი წერს, რომ იალღუზიძის ტექსტებს დიდი მნიშვნელობა აქვთ ოსური ენის ისტორიისათვის<sup>101</sup>.

1815 წ. აღდგენილ იქნა ოსეთის კომისია. კომისიას სათავეში ჩაუყენეს არქივისპეკოპოსი დოსითეოს ფიცხელაური. ამ კომისიას ოსეთის სასულიერო კომისიის (XVIII ს. მოქმედის) ყველა ფუნქცია დაეკისრა. გაიზარდა კომისიის შტატი და ბიუჯეტი.

დოსითეოსი დიდი აქტივობით შეუდგა საქმეს. 12507 სული მონათლა მის დროს. მაგრამ იგი ძლიერად დაუპირისპირდა ქსნის ერისთავებს და საერო ხელისუფლებას. იმისათვის, რომ ოსთა ვაქრისტაანების საქმე გაეადვილებინათ, მათ პირდებოდნენ, რომ მეტატონეთაგან განთავისუფლებიან და სახაზინო გლეხებად ჩაირიცხებიან<sup>102</sup>. ეს იდეა ოსებში ძალიან პოპულარული იყო.

დოსითეოსის ამ საქმიანობას წინ აღუდგნენ ადგილობრივი მებატონენი და ხელისუფლება. ხელისუფლება მოითხოვდა მისგან — ნუ ერევით სამოქალაქო საქმეებშიო. ბოლოს საქმე იმით დამთავრდა, რომ იგი გადააყენეს და კომისია ეგზარქოს ფეოფილაქტეს დაუქვემდებარეს.

ფეოფილაქტე მთიელ ოსთა გასაქრისტაინებლად იყენებდა დეკანოზებს: ნიკოლოზ სამარღანოვს, იოსებ ელიოზიძეს, პეტრე ავალიანს, პესარიონ ილურიძეს, ათანასე მაჭავარიანს, გიორგი ამირიძეს, ზაქარია მამაცეს, იაკობ ლომოურს, ალექსანდრეს (შემდეგში დავით გარეჯის უღაბნოს არქიმანდრიტ ანტონის), მღვდლებს გაბრიელ საძაგლიშვი-

<sup>100</sup> შეგრენი იალღუზიძეს „კარგ“, „მოდენ“, „ქვიან ოსს“ უწოდებდა. Осетинская грамматика, 1844, стр. 17—27.

<sup>101</sup> Сборник избранных работ по осетинскому языку, I, стр. 5.

<sup>102</sup> История Осетии в док. и материалах, II, стр. 10, 637.

ლსა და იაკობ ზამთარაულს<sup>103</sup>. ამათი დამსახურება ოსთა გაქრისტიანების საქმეში სათანადო ჩილდობით აღინიშნა. საერო პირთაგან მათი ხელშიწყობა დავალებული ჰქონდათ ქართველ თავადებს, ოს აზნაურ-სტარშინებს. ქართველი თავადები ჩინებითა და საჩუქრებით დააჭილდოვეს. ოსი სტარშინები და აზნაურები კი ოქროსა და ვერცხლის მედლებით (ოსი „სტარშინები“ და „აზნაურები“ არის ოფიციალური ანვარიშის ტერმინები)<sup>104</sup>.

ოსეთის კომისიის საქმიანობის ყველაზე დადებითი შედეგი ის იყო, რომ ხელს უწყობდა თუნდაც წერა-კითხვის ფართოდ გავრცელებას სამრევლო სკოლების გახსნის გზით, რომლებსაც შედარებით განათლებული მღვდლები, დიაკვნები და მედავითნენი ხელმძღვანელობდნენ.

დაწყებული XIX ს. 20-იანი წლებიდან წყაროებში ხშირად ვხვდებით ცნობებს, რომ ოსეთის სამრევლოს მღვდლები შინაური წესით ასწავლიან ბავშვებს წერა-კითხვას ოსურ, ქართულ და, იშვიათად, რუსულ ენებზე. ჩნდება აგრეთვე ცნობები გორისა და თბილისის სასულიერო სასწავლებლებსა და სემინარიებში, აგრეთვე სხვა სასწავლო დაწესებულებებში ოსი ახალგაზრდობის სწავლისა<sup>105</sup>.

1846 წლისათვის თბილისის სასულიერო სემინარიაში ხუთი ოსი სწავლობდა. სემინარიის გამგეობამ ეგზარქოსს მიმართა ამ მოსწავლეთა შესანახად თანხების დაშვების შესახებ. ესენი იყვნენ ბართლომე ტუვანოვი, გიორგი კანტემიროვი, პეტრე ჩიკაშვილი, ნიკოლოზ კუნდუხოვი და ვასილი ცორაევი. ეს უკანასკნელი ამ დროს უკვე მოსკოვის სასულიერო აკადემიაში სწავლობდა, მაგრამ სემინარიის ხელმძღვანელობამ აუნაზღაურა გზისა და ეკიპირების ხარჯები<sup>106</sup>. 1848 წელს თბილისის სასულიერო სემინარიაში კვლავ ხუთი ოსი მოსწავლეა დასახელებული (რომელთაგან ორი ახალია)<sup>107</sup>.

1847 წლისათვის ოსეთის კომისიის კანცელარიამ ეგზარქატის კანცელარიას მიაწოდა ცნობა ოსეთის სკოლების (სასულიერო-სამრევლო) შესახებ. ეს სკოლები შემდეგ ეკლესიებსა და სამრევლოებთან არსებობდნენ. 1) არღონის წმინდა გიორგის ეკლესიასთან — 23 მოწაფით, 2) ყობა-ყაყყადურის სამრევლოში — 4,3) წინსოფლის წმ. გიორგის ეკლესიასთან — 6, 4) ნარის წმ. გიორგის ეკლესიასთან —

<sup>103</sup> История Осетий в док. и материалах, II, стр. 570—571.

<sup>104</sup> ი ქ ვ ე, გვ. 571.

<sup>105</sup> ი ქ ვ ე, გვ. 579—580.

<sup>106</sup> ი ქ ვ ე, გვ. 592.

<sup>107</sup> История Осетии в док. и материалах, II, стр. 595.

4, 5) ჯავის ღვთისმშობლის ეკლესიასთან — 12, 6) ხაჩირაანთკარის წმ. გიორგის ეკლესიასთან — 10 მოსწავლით<sup>108</sup>.

XIX ს. შუახანებისათვის ოსეთში მღვდლებად, მედავითნეებად, დიაკვნებად, მასწავლებლებად ინიშნებიან სწავლადამთავრებული ოსები. მათ, ვინც თბილისის სასულიერო სემინარიას ამთავრებდა, ხალხმრავალ სამრევლოებში გზავნიდნენ მღვდლებად<sup>109</sup>.

იზრდება გორისა და თბილისის სასულიერო სასწავლებლებში მოსწავლე ოსთა კონტიგენტი. 1852 წ. თბილისის სემინარიის პირველ კურსზე, ნახევრად კომისიის ხარჯზე, ჩაირიცხნენ მარალეთელი ბება ჩარაჯონ-წახილიძის ვაჟები ფარსადანი და თომა<sup>110</sup>. ასეთივე თხოვნით მიმართავს ეგზარქოსს ზღუბირელი გაბრიელ შავლოხოვი, რათა მისი შვილები გრიგოლი და ნიკოლოზი თბილისის სასულიერო სასწავლებელში მიეღოთ. როკაში მათ ქართული და რუსული წერა-კითხვა ნასწავლი აქვთ<sup>111</sup>.

50-იან წლებში და 60-იანი წლების დასაწყისში ოსეთში უშუალო სასულიერო საქმიანობის გარდა ოს ბავშვებს წერა-კითხვას ქართულ, რუსულ და ოსურ ენებზე ასწავლიდნენ იაკობ ქართველიშვილი. ზაქარია გვიმრაძე, გაბიჩვაძე, დიმიტრი ნასყიდაშვილი, ანდრია აფციაური, იონა მრევლოვი (მრევლიშვილი), ლაშაური, გრიგოლ წერეთელი, დავით ბოჭოროვი, კანდილაკი<sup>112</sup>.

60-იან წლებში ჯავაში მასწავლებლობდა ვასილ ცაბაძე. როცა დაისვა საკითხი, რომ ცაბაძე უნდა გადაეყვანათ და ბავშვთა სწავლის საქმე ისევ სამღვდლოებისათვის გადაეცათ, ჯაველმა ოსებმა საჩივარი აღძრეს და ითხოვეს მისი დატოვება. სამღვდლოების ხელში სწავლის გადაცემა უშედეგოა<sup>113</sup>.

50-იან წლებში ოსეთის სხვადასხვა ადგილებში მასწავლებლობდა სახაზინო გლეხი თომა ჩოჩიშვილი. იგი ქართულ წერა-კითხვას ასწავლიდა ბავშვებს. ორტევში 1859 წელს გახსნილ სკოლაში იგი 20 მოსწავლეს ასწავლიდა<sup>114</sup>.

მაგრამ მოსწავლეთა რიცხვი ოსეთის სკოლებში ძალიან მცირე იყო, მიუხედავად იმისა, რომ ოსები დიდ ინტერესს იჩენდნენ განათლებისადმი. ეს აიხსნება რიგი გარემოებებით, რომელთა შესახებ კო-

<sup>108</sup> История Осетии в док. и материалах, II, გვ. 592—593.

<sup>109</sup> ი ქ ვ ე, გვ. 599—600.

<sup>110</sup> ი ქ ვ ე, გვ. 602.

<sup>111</sup> ი ქ ვ ე, გვ. 611.

<sup>112</sup> ი ქ ვ ე, გვ. 597, 603, 610, 622, 624.

<sup>113</sup> ი ქ ვ ე, გვ. 621.

<sup>114</sup> ი ქ ვ ე, გვ. 601, 615, 617.

ლევსკი ასესორი — ცნობილი ქართველი ისტორიკოსი და საზოგადო მოღვაწე დიმიტრი ბაქრაძე წერდა 1864 წ. 12 ნომბერს. იგი ახასიათებს სამხრეთ ოსეთის სკოლებს. სამხრეთ ოსეთი ორ საბლალოჩინოდ იყოფოდა — ჯავისა და ორტევისა. ჯავის საბლალოჩინოში 77 მოსწავლეა (გასულებიანად — 84), ორტევისაში 30 (გასულებიანად — 44). თითოეულ აქაურ სამრევლოში 5-დან 17 სოფელი შედის, რომლებიც 2—25 ვერსით არიან დაშორებული სამრევლოს ცენტრს. მოსწავლეები შორეულ სოფლებიდან ვერ დადიან და ძირითადად იმავე სოფლიდან არიან, სადაც სკოლაა. სკოლები მოუხერხებელ ადგილას, შეუფერებელ ბინებშია და არავითარი ინვენტარი არა აქვთო. სამუშაოების დროს ბავშვები მშობლებს სკოლიდან გაჰყავდათ. იგი აკრიტიკებს სწავლების მეთოდებს, რომელიც ლოცვების მექანიკურ დაზეპირებას ემყარებოდა უპირატესად. ბავშვთა გონებრივ განვითარებას ყურადღება არ ექცევა. მასწავლებლები-მღვდლები მოუშნადებლები და ამ საქმისათვის უვარგისნი არიან. ყველაზე საიძედოდ და მცოდნედ თვლის ჯავის ბლალოჩინი ყანჩუევს, მღვდელ მალალაძეს (მსხლები), კასრაძეს (რუკის), მაჭავარიანს (ბეყმარის), ელიევს (ქალაქის ანუ ელისის). იგი ხაზს უსვამს ცხოვრების მძიმე პირობებს ოსეთში. მშობლებს ძალიან უჭირთ ბავშვების შენახვაო<sup>115</sup>. სხვა მოხსენებაში იგი აყენებს საკითხს ოსეთის სკოლაში შრომითი აღზრდის შემოღების შესახებ. ყველა სკოლას ბოსტანი უნდა ჰქონდეს და მოსწავლეებს მებოსტნეობა უნდა ვასწავლოთო. მან თბილისის სასულიერო სასწავლებლებში შესასვლელად ხუთი მოწაფე წარადგინა<sup>116</sup>.

ქართველ მოღვაწეთაგან ოსი ხალხის სწავლა-განათლების განვითარების, წიგნიერების გავრცელების საქმეში დიდი ღვაწლი მიუძღვის ვლადიკავკავის ოსური სასულიერო სასწავლებლის ზედამხედველს, ქართული, რუსული და ოსური ენების საუკეთესო მცოდნეს შიო დავითაშვილს. იგი 1836 წელს დაარსებულ აღნიშნულ სასწავლებელში, სადაც დასაწყისში 34 მოსწავლიდან 33 ოსი იყო, ოსურ ენას ასწავლიდა. ჩვენ აღვნიშნეთ, რომ ოსური დამწერლობა XIX ს. 20-იანი წლებიდან ქართული გრაფიკის ბაზაზე შეიქმნა. თვით საეკლესიო-სამრევლო სკოლებშიც ოსურთან ერთად, ქართული ენა ისწავლებოდა. ცარიზმის ნაციონალურ-კოლონიური პოლიტიკის შესაბამისად, შიო დავითაშვილს — ვლადიკავკავის სასულიერო სასწავლებლის ზედამხედველს — 1836 წელს განკარგულება მიეცა «Обучение детей горцев грузинским буквам как вообще ненужное, совершенно отменить». მან, როგორც ოსურის კარგად მცოდნემ, დავალება მიიღო. ოსური

<sup>115</sup> История Осетии... II, გვ. 630—633.

<sup>116</sup> იქვე, გვ. 634—635.

სახელმძღვანელოების ხელახლა სათარგმნად გამოყენებინა შეგარენის მიერ რუსული გრაფიკის საფუძველზე შედგენილი ოსური ანბანი<sup>117</sup>. დავითაშვილმა, მარტლაკ, მრავალი სასულიერო წიგნი და სახელმძღვანელო თარგმნა ოსურ ენაზე. იგი XIX ს. 40—50 წლებში ჩრდილო კავკასიაში ნაყოფიერ საგანმანათლებლო-პედაგოგიურ მუშაობაზეწეოდა<sup>118</sup>.

შიო დავითაშვილმა, როგორც ოსური ენის კარგმა მცოდნემ, ვლადიკავკაის ოსური სასულიერო სასწავლებლის ინსპექტორ, შემდეგ კი ზედამხედველ მკედლოვთან და ოფიცერ პეტრე ყუსკაევთან ერთად, დიდი დახმარება აღმოუჩინა შეგარენს ჯერ ოსური გრამატიკისა და, შემდეგ, ოსური ანბანის შედგენის საქმეში<sup>119</sup>.

ვლადიკავკაის ოსური სასულიერო სასწავლებლის კურსდამთავრებულები მიდიოდნენ სხვა ქალაქებში და იქ აგრძელებდნენ სწავლას: 1848 წელს სასწავლებლის ინსპექტორმა მღვდელმა კოლიევმა, რომელმაც პირველმა (1845 წელს) დაამთავრა თბილისის სასულიერო სემინარია, ვლადიკავკაის სამხედრო ოლქის უფროსს წარუდგინა შეიდი მოსწავლის სია უმაღლეს სასულიერო სასწავლებელში გასაგზავნად. ამათგან ერთი — ყუსკაევი თბილისის სასულიერო სემინარიაში გაიგზავნა. დამთავრების შემდეგ ისინი ბრუნდებოდნენ სამშობლოში და ნაწილობრივ სასულიერო უწყებაში, ნაწილობრივ კი სასწავლო დაწესებულებებში მუშაობდნენ.

XIX ს. I ნახევარში ოსეთისათვის საქართველოს კულტურული მნიშვნელობა ეკლავ დიდი იყო. შემთხვევითი არაა, რომ თბილისში სწავლამიღებულმა ოსებმა დიდი როლი ითამაშეს ოსი ხალხის კულტურული განვითარების საქმეში.

მაგალითად, 50—60-იანი წლების ოსეთში დიდი მნიშვნელობის მოვლენა იყო მღვდელ ალექსი კოლიევის (1823—66 წწ.) საქმიანობა. მან სომ პირველმა დაამთავრა თბილისის სასულიერო სემინარია და დაინიშნა ვლადიკავკაის ოსური სასულიერო სასწავლებლის ინსპექტორად და მეოთხე კლასის მასწავლებლად, შემდეგში კი ამ სასწავლებლის ზედამხედველი გახდა. მან პირველმა ჩაუყარა საფუძველი ქალთა განათლებას ოსეთში<sup>120</sup>. 1862 წელს მის მიერ დაარსებულ ქალთა კერძო სკოლაში 20 ოსი გოგონა სწავლობდა, 1863 წელს კი უკვე

<sup>117</sup> История Северо-Осетинской АССР, 1959, стр. 177—178.

<sup>118</sup> ტ. ს ა რ ი შ ვ ი ლ ი, ოსეთ-საქართველოს კულტურულ-პედაგოგიური ურთიერთობა, თბ., 1965, გვ. 21.

<sup>119</sup> История СО АССР, стр. 179.

<sup>120</sup> История СО АССР, стр. 182.

23 მოსწავლე. ამ სკოლის ბაზაზე 1865 წელს ჩამოყალიბდა ვლადიკავკაევის ოს ქალთა ორკლასიანი სასწავლებელი პანსიონით<sup>121</sup>. ა. კოლიევი ეწეოდა მთარგმნელობით მუშაობასაც.

კოსტა ხეთაგუროვი დიდად აფასებდა ა. კოლიევის კულტურულ-საგანმანათლებლო საქმიანობას. იგი მას „პირველი გაწვევის“ ოსი ინტელიგენციის ყველაზე ბრწყინვალე წარმომადგენელს უწოდებდა. მისმა სკოლამ (ქალთა), კოსტას თქმით, მრავალი შესანიშნავი მშრომელი — ოჯახის დედა და სახალხო მასწავლებელი აღზარდა.

აღსანიშნავია ვასილ ცორაევის (1827—1884) საქმიანობაც. მან დაამთავრა თბილისის სასულიერო სემინარია და გაემგზავრა მოსკოვის სასულიერო აკადემიაში. მისი დამთავრების შემდეგ იგი მასწავლებლობდა ვლადიკავკაევის სასულიერო სასწავლებელში, შემდეგ კი თბილისის სასულიერო სემინარიაში. 50-იანი წლების ბოლოს და 60-იანი წლების დასაწყისში იგი თარგმნიდა სასულიერო ხასიათის წიგნებს ოსურ ენაზე. მისი მთავარი დამსახურება ისაა, რომ მან დანიელ ჰონჭაძესთან ერთად ჩაიწერა ხალხური შემოქმედების ნიმუშები, რომლებიც შემდეგ, 1868 წ. პეტერბურგში გამოსცა შიფნერმა სათაურით: «Осетинские тексты, собранные Д. Чонкадзе и В. Цоравыим».

არ შეიძლება აქვე არ აღვნიშნოთ ოსური კულტურის სარბიელზე XIX ს. ცნობილი ქართველი მწერლის დანიელ ჰონჭაძის მოღვაწეობა.

დანიელ ჰონჭაძის მამა ჩრდილო ოსეთში გადასახლდა. დანიელმა სრულყოფილად შეისწავლა ოსური ენა. დაამთავრა რა თბილისის სასულიერო სემინარიის კურსი 1851 წელს, დაიწყო ოსური ენის მასწავლებლობა სტავროპოლის სემინარიაში. 1855 წელს თბილისში დაბრუნდა და სასულიერო სემინარიაში ოსურ ენას ასწავლიდა. იგი მთარგმნელობით მუშაობასაც ეწეოდა და რამდენიმე წიგნი თარგმნა ქართულიდან ოსურ ენაზე.

დანიელ ჰონჭაძემ საიმპერატორო მეცნიერებათა აკადემიის დავალებით დაიწყო მასალების შეკრება რუსულ-ოსური ლექსიკონის შესადგენად, მაგრამ მისი დასრულება არ დასცალდა. მანვე დიდი ამაგი დასდო ოსური ხალხური ზეპირსიტყვიერების ნიმუშების შეკრებას. ვ. ცორაევთან ერთად, მის მიერ შეკრებილი მასალები, როგორც უკვე აღინიშნა, შიფნერმა 1868 წელს გამოსცა პეტერბურგში<sup>122</sup>.

1860 წელს არქიმანდრიტი იოსები კავკასიის მარცხენა ორთის ჯარების სარდალს წერდა, რომ მან შეგერენის გრამატიკის საფუძველზე

<sup>121</sup> История СО АССР, გვ. 180; ტ. ს ა რ ი შ ვ ი ლ ი, დასახ. ნაშრ. გვ. 123.

<sup>122</sup> ა რ კ ა დ ი ბ უ ნ დ ა ძ ე, დანიელ ჰონჭაძე, თბ., 1966.



შეადგინა ოსური ანბანი და რომ ოსთა შორის არიან პირები, რომელთაც საკმაო განათლება აქვთ, გრამატიკულად იციან ოსური და რუსული და შეუძლიათ ნაციონალური განათლების საქმეში მოეხმარონ თანამემამულეებს. ესენი არიან მღვდლები კოლიევი და სუხიევი, დიაკონი ალაჯიკოვი, მასწავლებლები ყუსკაევი, კარაევი, კანტეშიროვი, საქართველო-იმერეთის სინოდალური კანტორის მდივანი მკედლოვი (მჭედლიშვილი), თბილისის სასულიერო სემინარიის მასწავლებელი ჭონქაძე და სხვ. ამთგან ზოგი ახლაც ეწევა საეკლესიო წიგნების თარგმნას ოსურ ენაზე<sup>123</sup>.

ზემოთქმული სრულ უფლებას გვაძლევს დავასკვნათ, რომ XIX ს. პირველ ნახევარში ქართული კულტურა და დამწერლობა კვლავ ცხოველყოფელ გავლენას ახდენდა ოსური კულტურისა და დამწერლობის განვითარებაზე. საქართველოს კულტურის ცენტრებში შეიქმნა, აღიზარდა და გამოიქედა ოსი ინტელიგენციის ის კადრები, რომელთაც ფაქტიურად საფუძველი დაუდეს ოსური წიგნური კულტურის, ოსური ლიტერატურისა და საზოგადოებრივი აზროვნების განვითარებას.

---

<sup>123</sup> История Осетии в док. и материалах, II, стр. 617—618.

## თ ა ვ ი II

ქართველი და ოსი ხალხების ურთიერთობა XIX ს. რეფორმის-  
შემდგომ ხანაში (1864—1900 წწ.)

### § 1. ეკონომიური ურთიერთობა

XIX ს. მეორე ნახევარი — საგლეხო რეფორმის შემდგომი ხა-  
ნა, ქართველი და ოსი ხალხების ეკონომიური ურთიერთობის თვალ-  
საზრისით, მრავალმხრივია საყურადღებო. ეს არის საქართველოში  
კაპიტალისტურ ურთიერთობათა განვითარების პერიოდი, რომელშიც  
ჩართული იყო სამხრეთ ოსეთიც, და, რომლის ეკონომიური ცხოვრება  
ქართველი ხალხის ეკონომიურ ცხოვრებასთან იყო გადაჭაჭვული.  
რეფორმის შემდგომ ხანაში ეკონომიურად ვითარდება ჩრდილო ოსე-  
თიც, თუმცა უნდა ითქვას, რომ ეკონომიურად იგი ჩრდილო კავკასიაში  
რუსულ სავაჭრო-სამრეწველო ცენტრების უპირატეს გავლენის ქვეშ  
ექცევა. რა თქმა უნდა, არ წყდება მათი ეკონომიური ურთიერთობაც  
საქართველოს სხვადასხვა ნაწილებთან. გარდა ამისა, საქართველოს  
(განსაკუთრებით ეს ეხება აღმოსავლეთ საქართველოს) ტერი-  
ტორიაზე რეფორმის შემდგომ ხანაში ოსების ფართოდ განსახლე-  
ბამ მათი ეკონომიური ცხოვრება ქართველი ხალხის ეკონომიური  
ცხოვრების ორგანული ნაწილი გახადა.

სამხრეთ ოსეთის მთიანი რაიონების მოსახლეობა სათანადო გზა-  
ბიოლოგიებით (მდინარეთა ხიობებს რომ მოჰყვებოდა) უკავშირდებოდა  
ქართლის ბარისა და იმერეთის სოფლებსა და სავაჭრო-სამრეწველო  
პუნქტებს. ასევე, ჩრდილო ოსეთის ყველა საზოგადოება, ნარ-მამისო-  
ნის აუზის მოსახლეობის ჩათვლით, საუღელტეხილო გზების მთელი  
სისტემით უკავშირდებოდა საქართველოს ბარს, მის სავაჭრო-ეკონო-  
მიურ ცენტრებს.

სამხრეთ ოსების ეკონომიური ურთიერთობა ქართველ ხალხთან  
განსახილველ ხანაში კვლავ ატარებს ერთი ეკონომიური მთელის  
ცალკეული ნაწილების ურთიერთობის ხასიათს. სამხრეთ ოსეთის მთია-

ნი რაიონებისათვის ეს არის მთისა და ბარის ეკონომიკათა ურთიერთობის ტიპური სურათი. ასეთივე ხასიათის იყო ეს ურთიერთობა ჩრდილო ოსეთის მთიანი რაიონებისათვის, მაგრამ მათმა ვადასახლებამ ჩრდილო კავკასიის ველებზე, იქ მსხვილი რუსული სავაჭრო-სამრეწველო ცენტრების წარმოქმამ, მისი ურთიერთობა საქართველოსთან ერთგვარად დააუსტა, მაგრამ სავსებით ვერ შეწყვიტა. ჩრდილო ოსეთის მთიანეთის საზოგადოებები კვლავ განაგრძობდნენ ეკონომიურ ურთიერთობას ქართლსა და იმერეთთან საუღელტეხილო გზების მეშვეობით.

ოსების ქართველებთან ცხოველ ურთიერთობას განაპირობებდა განსხვავებული ბუნებრივ-კლიმატური და სამეურნეო პირობები. მოიხეილი ოსების წინაშე მუდმივად იდგა მარცვლეულის პრობლემა. საკუთარი ნოსავალი ხელსაყრელი კლიმატური პირობების არსებობისას მაჭიბომ ექვს თვეს ყოფნიდათ. დანარჩენი დროისათვის მარცვალს ისინი ქართლის ბარიდან იღებდნენ გაცვლის ორ ყიდვის გზით. დიდი ლიახვას ხეობის ზემოწელზე, სოფ. ზღუბირში, მოხუცების გადმოცემით, ისინი მარცვლეულის დანაკლისს იძენდნენ ცხინვალში, ვანათში და ქართლის სხვა სოფლებში.

სოფ. ედისში (სამხრ. ოსეთის მაღალმთიანი ზონა დიდი ლიახვის სათავე) 1966 წლის საეილე ექსპედიციის დროს მოხუცმა მცხოვრებლებმა გვიამბეს, რომ საშუალო კაცს მოსავალი უკეთეს პირობებში აღდგომამდე ჰყოფნიდა, მაგრამ იქ სეტყვა ხშირია და მაშინ ხორბლეული ჩრდილო კავკასიიდან და ქართლის ბარიდან ამოჰქონდათ. ღარიბები, რომლებიც მთებში ყოველთვის უმრავლესობას შეადგენდნენ, მარცვლეულის მხრივ უფრო მეტად იყვნენ დამოკიდებული ბარზე. მარცვლის ამოსატანად, და საერთოდ ბართან თავის ეკონომიურ ურთიერთობის საწარმოებლად, სამხრეთ ოსეთის მთიან რაიონებში ტრანსპორტის ძირითად სახეს წარმოადგენდა ცხენი.

სამხრეთ ოსეთის მოსახლეობა საქართველოს ბარში იძენდა მისთვის საჭირო ყველანაირ საქონელს — ფაბრიკული წარმოების ქსოვილებს, მარილს, ჭურჭელს და სხვ. თბილისი სიშორისა და ცუდი გზების მიუხედავად, XIX ს. მეორე ნახევარში უაღრესად დიდ როლს ასრულებდა ოსებთან ვაჭრობის საქმეში. სამხრეთ ოსეთის სხვადასხვა რაიონებიდან, თბილისში ურმებით ეზიდებოდნენ ხილსა და სოფლის მეურნეობის სხვა პროდუქტებს და მათში აღებული ფულით იძენდნენ თავისთვის საჭირო საქონელს. გარდა ამისა, თბილისში, როგორც ამიერკავკასიის ეკონომიურ ცენტრში, თავს იყრიდა ყველა სავაჭრო-გამსაღებელი ოპერაციები, რომელთა მასშტაბები სულ უფრო და უფრო იზრდებოდა.

კაპიტალიზმის განვითარებას რეფორმის შემდგომ ხანაში სამხრეთ ოსეთში არ გამოუწვევია რაიმე სახის მრეწველობის შექმნა, თუ მხედველობაში არ მივიღებთ ხე-ტყის დამამუშავებელ წარმოებას, რომელიც XIX ს. დამლევიდან თანდათან იდგამდა ფეხს. სამხრეთ ოსეთში მტკიცედ შეიქრა სავაჭრო კაპიტალი, რომელიც კუსტარულ ნაწარმს კი არ იძენდა, არამედ ნედლეულს მრეწველობისათვის და სასურსათო პროდუქტებს რუსეთის ბაზრისათვის<sup>1</sup>.

მაგრამ სამხრეთ ოსებისათვის ცხინვალის და ახალგორის რჩებოდა ძირითად სავაჭრო ცენტრებად. სადაც მათი სავაჭრო-გაცვლითი ოპერაციების ძირითადი ნაწილი ხორციელდებოდა. XIX ს. რეფორმის შემდგომი ქართული და რუსული პრესა, პუბლიცისტიკა, ხაზს უსვამენ ამ ცენტრების გაცხოველებულ გაცვლა-გამოცვლას მთიანეთის მოსახლეობასთან, მათ შორის ოსებთან. ამასთან, ყველგან ხაზი ესმებოდა ამ ცენტრებში მოკალათებული ვაჭარ-მევაწაშეების მიერ ადგილობრივი თუ სავაჭროდ მოსული მოსახლეობის სასტიკ ექსპლოატაციას.

ლოქტორი პაფფი, რომელმაც 1871 წ. იმოგზაურა სამხრეთ ოსეთისა და ჩრდილო კავკასიის მთელ რიგ რაიონებში, ცხინვალზე წერდა, რომ იგი მნიშვნელოვანი ადგილია. მოსახლეობა უპირატესად სომხები და ებრაელებია. ისინი ყიდულობენ ლიახვის ხეობის მცხოვრებთა საქონელს და ჰყიდნიან მერმე<sup>2</sup>.

ოსებს ცხინვალში, ახალგორში და სხვა პერიოდულ საბაზრო ადგილებში გამოჰყავდათ პირუტყვი — ხარები, ძროხები, თხები, ცხვრები, ღორები, გამოჰქონდათ მატყლი, ყველი, ერბო, ტყავი, შალი და სხვ. რძის ვადამუშავებამ XIX ს. მეორე ნახევრისათვის ოსეთში, ისევე როგორც სხვაგან, შინამრეწველური ხასიათი მიიღო. ოსური ყველი, თუშურის, იმერულის და მეგრული სულუგუნის გვერდით, მთელ ამიერკავკასიაში დიდი პოპულარობით სარგებლობდა<sup>3</sup> და მის გარეთაც კარგად იყო ცნობილი. გასაგებია, იგი განსაკუთრებულ როლს ასრულებდა ქართველი და ოსი ხალხების სავაჭრო-გაცვლით ურთიერთობაში.

სამხრეთ ოსეთის მთიანეთში რეფორმის შემდგომ ხანაში მოსახლეობის არსებობის ძირითად წყაროს მესაქონლეობა (უპირატესად — მეცხვარეობა) წარმოადგენდა. ცხვარი ზამთარში მუხრან-ალაიანის ველებზე ან კვერნაქზე გამოჰყავდათ. საამისოდ ისინი ამ ადგილების

<sup>1</sup> В. Д. Абаев, Тбилиси и Осетия, 1959, стр. 11.

<sup>2</sup> Пф а ф, Описание путешествия в Южную Осетию, Рачу, Б. Кабарду и Дигорию, ССК, т. II, 1872, стр. 151.

<sup>3</sup> ბ. გ უ გ უ შ ვ ი ლ ი, საქართველოსა და ამიერკავკასიის ეკონომიური განვითარება..., V, გვ. 427.

მეპატრონეთაგან საძოვრებს ქირაობდნენ. ყიზლარის ველებზე ცხვრის გადარეკვა ცოტა უფრო მოგვიანებით დაიწყო და თანაც ეს ყველასათვის არ იყო მისაწვდომი.

მატყლს ისინი ასალებდნენ ცხინვალ-ახალგორში მეცხოველეობის სსვა პროდუქტებთან ერთად, მაგრამ მას ძირითადად მაინც ადგილზე გადაამუშავებდნენ ხოლმე და მზა პროდუქციის სახით — შალის, ნაბდების, ყაბალახების, თექის, ყისინას, შეყერილი ტანსაცმლის — ჩოხეის სახით ასალებდნენ. ოსებში ძალიან იყო გავრცელებული შალის წარმოება<sup>4</sup>. ისინი თხის ნაზი ბეწვისაგან აკეთებდნენ მეტად ნაზ შალს ე. წ. თიეთიკს (ოსურად თინთიქი), ხოლო ცხვრის მატყლისაგან უხემ შალს.

გორის მაზრის 1887 წ. ანგარიშში აღნიშნულია, რომ ოსებში შალის ქსოვა ძალიან გავრცელებულია. თიეთიკს და შალს ადგილობრივ დამზადებულ ხის დაზგებზე ქსოვდნენ, რომლებიც არაფრით ჩამოუვარდებოდნენ ფაბრიკულ შალს. მათი ფასი ასეთი იყო: თიეთიკი არშინი—2—4 მანეთი, შალი არშინი—1—2 მან. ისინი სალდებოდა მაზრაში, აგრეთვე გორში, თბილისში, ქუთაისში და ვლადიკავკავეში. ამ შანამრეწველური დარგის საერთო შემოსავლის დადგენა შეუძლებელია იმის გამო, რომ მას როსახლეობის ნახევარი მისდევს და ნედლეულის საკითხთან დაკავშირებით მეტად არათანაბრად აწარმოებენ<sup>5</sup>.

ცხინვალსა და ახალგორში ოსები იძენდნენ მათში დიდად გავრცელებულ სპილენძისა და თუჩის ქვაბებსა და ქურჭელს. სპილენძის ქვაბები არყისა და ლუდის გამოსახდელად აუცილებელი იყო და თითოეული ოჯახის ღირსების საქმე იყო ჰქონოდათ ისინი საკუთრად. აქვე იძენდნენ მანუფაქტურას, მარილს, ნავთს, რკინა-კავეულის ნაწარმს, საოჯახო საგნებსა და ღვინოს.

ცხინვალისა და ახალგორის ეკონომიური მნიშვნელობის შესახებ ოსებისა და მიმდგომი მოსახლეობისათვის ბევრ მასალას შეიცავს პერიოდული პრესა. გაზეთი «Тифлисский листок» 1900 წ. 11 მაისის №137-ში აღნიშნავდა, რომ თავისი მოხერხებული სავაჭრო მდებარეობით ცხინვალი თითქოს შუამავალია მთიანი ოსეთის გორსა და თბილისთან ვაჭრობაში. კვირაში 3-ჯერ აქ დადი ბაზრობა იმართება, მაისის თვეში კი იმართება „იარმარკა, რომელზეც ოსები მიერეკებიან

<sup>4</sup> Кустарная промышленность на Кавказе, I—II, 1902, Тифл.; პ. გ. უგულოვი, საქართველოსა და ამიერკავკასიის ეკონომიური განვითარება XIX—XX სს., ტ. V, თბილისი, 1962, გვ. 360; З. В. А. Н. Е. в, Крестьянский вопрос и крест. движение в Юго-Осетии в XIX в., Сталинир, 1956, стр. 42; В. Д. А. б. а. с. в, Экономическое развитие Юго-Осетии в период капитализма, стр. 54—55.

<sup>5</sup> საქ. ცთა, ფ. 414, საქმე 36, ფ. 5; З. Н. В. ა. ნ. ე. в, დასახ. ნაშრომ., გვ. 41.

ცხენის რემებს. კარგი გზები გაზრდიდა ვაჭრობას და ააყვავებდა მდი-  
დარ ჯაგის ხეობასო.

იმავე გაზეთის 1901 წ. 3 ნომბრის № 257-ში ხაზი ესმება ცხინ-  
ვალის: დიდ ეკონომიურ მნიშვნელობას. ყოველწლიურად ცხინვალზე  
გადის ექვსი ათასი ფუთი ოსური ყველი, 10 ათასი ფ. მატყლი, 100  
ათასი ფ. ხილი. ეს უფრო მეტი იქნებოდა, გზები რომ უკეთესი იყოსო  
ახალგორში მიმდინარეობდა ქსნისა და ლეჩხურის ხეობათა მოსახ-  
ლეობის ვაჭრობა. აქაური ვაჭრები უშუალოდ გლეხებისაგან ჩაღის  
ფასად ყიდულობდნენ ათეულ ათასობით ფუთ ცხერის მატყლს, ყველს  
და მას თბილისში და საზღვარგარეთაც ასაღებდნენ. აქ ყველი და ერბო  
უშუალოდ მარილზე იცვლებოდა და ყოვლად უსინდისოდ ატყუებ-  
დნენ მოაილებს.

ქართლთან ოსების ეკონომიურ ურთიერთობაში დიდ როლს ასრუ-  
ლებდნენ ე. წ. ბაზრობები რელიგიურ დღესასწაულებთან დაკავში-  
რებით. ერთ-ერთი ასეთი დიდი ბაზრობა იმართებოდა გერისთაობის  
დღესასწაულზე ს. არბოში, რომელიც აგვისტოს დამლევს ეწყობო-  
და. გაზ. „ტიფლისკი ლისტოკი“ 1900 წ. ბაზრობასთან დაკავშირებით  
აღნიშნავდა, რომ აქ — არბოში თავს იყრიან გორის მაზრის ყველა  
სოფლიდან, აგრეთვე თბილისიდან და თბილისის გუბერნიის ყველა სა-  
მაზრო ქალაქიდან ვაჭრები. აქ მოაქვთ ხორბალი, ყველი, ერბო,  
მსხვილფეხა საქონელი, ცხენები. კუსტარული ოსური ნაწარმი — ხის  
სკამები, მაგიდები, კარადები, საკარცხულები. მარილი იცვლება ყველ-  
სა და ერბოზე. ვაჭრები სასტიკად ატყუებენ ოსებს, რომლებიც წე-  
ლიწადში 1—2 ჯერ ჩამოდიან მთიდან თავის ნაწარმის გასაყიდათ<sup>6</sup>.

იგივე გაზეთი 1901 წლის დღეობასთან დაკავშირებით წერდა,  
რომ ოსებს ცხენები, პირუტყვი, მეცხოველეობის პროდუქტები. შალი  
მოაქვთ და სცვლიან სპილენძის ქვაბებზე, ხორბალზე, სიმინდზე. მა-  
რილზე და ჩითის ქსოვილებზე<sup>7</sup>.

ცხინვალ-ახალგორის გარდა, ოსებთან ვაჭრობისა და გაცვლა-  
გამოცვლის საქმეში დიდი მნიშვნელობა ჰქონდათ გორის, ხაშურის,  
ბორჯომის, დუშეთის, ანანურის, მეჯვრისხევის, ონისა და საჩხერის  
ბაზრობებს.

დასავლეთ საქართველოს ბაზრობებზეც ფართოდ მონაწილეობდა  
ოსური შალის ქსოვილები. XIX ს. დასასრულის მონაცემებით, ოსებს  
და რაჭველებს ჩრდილო კავკასიიდან შემოჰქონდათ ადგილობრივი შა-  
ლი, რომელიც ოსური შალის სახელწოდებით იყო ცნობილი. ამან ეს

<sup>6</sup> გაზ. «Тифлисский листок», 1900, 5 სექტ., № 207; 3. Н. Ванеев, და-  
სახ. ნაშრ., გვ. 347.

<sup>7</sup> «Тифлисский листок», 1901, 18 ოქტომ., № 243.

სახელწოდება მიიღო ონის სახელიდან, თუმცა მას არც ონსა და არც საერთოდ რაჭაში არ ამზადებდნენ. იგი მზადდებოდა უღელტეხილს გადაღმა. ბალყარეთში. ყარაჩაიში, დიგორიაში და სხვა ოსურ სოფლებში. რაველები, უპირატესად ონელები, ამ საქონელს ასაღებდნენ: აღნიშნული შალი ქუთაისის გუბერნიაში მიმოქცევაში მყოფთაგან საუკეთესო იყო. მეგრული შალი მზაროდ თავის სიახდით უძლებდა მის კონკურენტს. ოსური შალის ნაქერი (28 წურთა) ღირს 12—15 მანეთი, მეგრული კი 5—7 მანეთი. „სამაგიეროდ ოსური შალი გამოირჩევა დიდი გამძლეობით. განსაკუთრებით სასელგანთქმულია „დიგორული“, რომელიც თავისი ღირსებით არაფრით არ ჩამოეყვარდება განთქმულ ლეკურს“<sup>8</sup>.

შალით ვაჭრობა წარმოებდა ძველი სენაკის სასოფლო ბაზრობაზეც. ვინმე მკვიდრი (ფსევდონიმა) „ვალში“ შემდეგნაირად აღწერდა მას: „ერთი კვირია აქ ბაზრობაა გამართული. რა ბაღხი ესებავთ აქ არ იყოს — აფხაზი. ლეკი, ოსი და სხვადასხვა... ეს მიღეთის ხალხი ერთი მეორეში ირევა... ვერ წარმოიდგენთ რა მხეცურად და უმართებულოთ ეპყრობიან სავაჭროდ ჩამოსული ურიები და სომხები აქაურ სოფლელებს, გამოგლეჯენ ხელში შალს (უმთავრესად აქ შალის ვაჭრობაა), გადაუჯდებენ რვა მანეთიან შალში 3—4 მანეთს და თუ წაიღებს—წაიღებს, თუ არა და იმასაც არ აძლევენ...“<sup>9</sup>

ამრიგად, დასავლეთ საქართველოსთან ვაჭრობაში აქტიურად იყო ჩაბმული ჩრდილო ოსეთიც. რაჭის სოფ. წედისი დიდ როლს ასრულებდა ადრიდანვე რკინის წარმოებისა და ახლომახლო მცხოვრებ ხალხთა რკინით მომარაგების საქმეში. დიგორელებს, ბასიანელებს, ყაბარდოელებს აქ ადრიდანვე შემოჰქონდათ ჩოხა, ნაბადი, მატყლი, შემოჰყავდათ პირუტყვი, სამაგიეროდ გაჰქონდათ რკინის ნაწარმი—სახინები, თოხები, ცულები და სხვ., აგრეთვე კანაფი, აბრეშუმის და სხვ.<sup>10</sup> რკინა გაჰქონდათ დასამუშავებელი სახითაც.

ოსეთში, ისევე როგორც ამიერკავკასიის ხალხებსა და კავკასიის ნთიანეთის სხვა ხალხებში, სხვადასხვა ლითონის გადამამუშავებაზე აღმოცენებულმა შინამრეწველობამ, მაღალ განვითარებას მიაღწია, როგორც თავისი პროდუქციის ფართოდ გავრცელების, ისე თვით ნაკეთობის ხელოვნების მხრივაც<sup>11</sup>.

<sup>8</sup> Ш. Л о м н и а д з е, По Рионскому ущелью (путевые заметки), СМОМІІК, вып. XXII, გვ. 207—209.

<sup>9</sup> ეურნ. „კვალი“, 1899, № 14, გვ. 222; პ. გ უ გ უ შ ვ ი ლ ი, საქართველოსა და ამიერკავკასიის ეკონომიური განვითარება XIX—XX სს., ტ. V, გვ. 361—362.

<sup>10</sup> ნ. რ ე ხ ვ ი ა შ ვ ი ლ ი, მკედლობა რაჭაში, თბ., 1953, გვ. 13—14.

<sup>11</sup> პ. გ უ გ უ შ ვ ი ლ ი, დასახ. ნაშრომი, V, გვ. 409.

თვით საქართველოს მთიანეთის მოსახლეობაც, ეკონომიური მოსაზრებებით, მკიდროდ უკავშირდებოდა ჩრდილო კავკასიის მოსახლეობას. ასეთები იყვნენ მოხვევ-მთიულები, რაჭველები, სვანები. ეგ. გაბლიანის ცნობით, „სვანები აწარმოებენ გაცვლა-გამოცვლით მრეწველობას. მიაქვთ თერგის და ყუბანის ოლქებში ზაფხულობით ზურგით: არაყი, ჩირი, დაფქული მსხალი, თაფლი და სხვა ხილეულობა, ადგილობრივი ხელობის კალათები და ცვლიან მატყლზე. ქეჩებზე, შალებზე და სხვა. ამ მატყლისაგან სვანის ქალები აკეთებენ მშვენიერ შალებს, ქუდებს. შალებისაგან მამაკაცები იკერავენ, ჩოხებს, ხალათ-შარვალს, ქალები უქსოვენ წინდებსა და სხვ“<sup>12</sup>.

რეფორმის შემდგომი ხანის ქართველი და ოსი ხალხების ურთიერთობაში ერთ საინტერესო მოვლენას ვხედავთ: ქართველი მთიელები. (ზოგჯერ არა მხოლოდ მთიელები) 90-იან წლებში, სშირად მიმართავენ ჩრდილო კავკასიიდან, უპირატესად ოსეთიდან, სიმინდისა და სხვა მარცვლეულის შემოტანას. ეს აიხსნება იმით, რომ ჩრდილო ოსების ველზე განსახლება, კაპიტალისტურ სასაქონლო ურთიერთობათა სისტემაში ჩართვამ მარცვლეული მეურნეობის წინსვლა გამოიწვია.

მაგალითისათვის ავიღოთ ვლადიკავკავის ოლქის მდგომარეობა 80—90-იანი წლებისათვის. 1886—1890 წწ. ვლადიკავკავის ოლქის მოსახლეობა წელიწადში აწარმოებდა ორ მლნ ფუთზე მეტ მარცვლეულს<sup>13</sup>. 90-იან წლებში სასაქონლო-საეკავრო ურთიერთობათა განვითარების შედეგად, ჩრდილო ოსეთში კიდევ უფრო განვითარდა მარცვლეულის წარმოება. გადიდა სიმინდის, კარტოფილის, ხორბლისა და ქერის ნათესი ფართობები. განსაკუთრებით იზრდება სიმინდის ნათესები. 1890 წ. ოსეთში სიმინდის ნათესი შეადგენდა მთელი ნათესი ფართობის 30%, 1900 წ. უკვე 64%. ჩრდილო ოსეთს 1897-დან 1901 წლამდე, ყოველწლიურად ორი მლნ. ფუთი სიმინდი გაჰქონდა<sup>14</sup>. ასეთ პირობებში ჩრდილო ოსეთიდან 90-იან წლებში რაჭაში და დასავლეთ საქართველოს სხვა რაიონებში, ხევსა და მთიულეთში დიდი რაოდენობით შემოდის სიმინდი.

იმდროინდელი დამკვირვებელ-მოგზაური წერს, რომ «Живя в Уцере (რაჭის სოფელი) постоянно видишь перед собой целую вереницу осетинских повозок, везущих с Северного Кавказа куку-

<sup>12</sup> ეგ. გაბლიანი, ძველი და ახალი სვანეთი, ტფილისი, 1925, გვ. 166

<sup>13</sup> Евг. Максимов, Г. Вертепов, Туземцы Северного Кавказа, Владикавказ, 1892, стр. 21—22, 48.

<sup>14</sup> В. С. Гальцев, Социально-экономическое и культурное развитие Северного Кавказа. «Вопросы истории», 1954, № 10, გვ. 120; მისივე, К истории пореформенного развития Сев. Кавказа, Изв. СОНИИ т. XXV, 1966, стр. 106.



რუზუ და მდინარის მცხოვრებლებს. უნდა აღინიშნოს, რომ 1894-1895 წლებში (1894—1895 წწ.) იყო მძიმე უკმაყოფილება მცხოვრებლებში, რადგან მათ არ ჰქონდათ საკმარისი საკვები. უნდა აღინიშნოს, რომ 1894-1895 წლებში იყო მძიმე უკმაყოფილება მცხოვრებლებში, რადგან მათ არ ჰქონდათ საკმარისი საკვები.

შ. ლომინაძის ეს ცნობა წიგნის რედაქციამ სწორად მიიჩნია, ოღონდ შენიშნა, რომ მისთვის სხვა წყაროებიდან ცნობილია ჩრდილო კავკასიიდან მოტანილი სიმინდის მაღალი ხარისხი და ისიც, რომ ფუთი 60 კაპიკად იყიდება.

საქართველოს სამხედრო გზასთან დაკავშირებული მთიელებიც სურსათს უპირატესად ჩრდილო კავკასიაში — ოსეთსა და ინგუშეთის ველებზე იძენდნენ. ჟამურის სოფ. ჩიგოიანში 80 წლის გენო ტატოს ძე ძევისოვი გვიამბო (1966 წ.), თუ როგორ გადმოჰქონდათ სურსათი ჟამურის სოფლების (ქსნის სათავეშია) მცხოვრებთ ჩრდილო კავკასიის ველებიდან. ისინი ჩადიოდნენ საქართველოს სამხედრო გზაზე მდებარე მღეთში და მთიულებისაგან ქირობდნენ ცხენის ურმებს. ამ ურმებით მოჰქონდათ სიმინდი მღეთში, საიდანაც შემდგომ, ზამთრის თვეებში, ზურგით ეზიდებოდნენ, რადგან მღეთიდან გადმომავალ ბილიკებზე ზამთრობით ცხენი ვერ დადიოდა.

ასეთ პრაქტიკას ადგილი ჰქონდა ქართლის ბარიდან მარცვლეულს მთაში ატანის საქმეშიც. მთელი ოსები ბარში შექმნილ მარცვლეულს ინახავდნენ მთისპირეთში მცხოვრებ ოსებთან ან ზოგჯერ ნაცნობ ქართველებთან და შემდეგ, საჭიროების მიხედვით, ცხენებით მოჰქონდათ. ხშირად იგივე ხდებოდა ღვინის მიმართაც. ნაყიდ ღვინოს ბარის სოფლებში ინახავდნენ და როცა დასჭირდებოდათ, მიჰქონდათ. ყველაფერი ეს ოსთა ქართლის ბართან შემდგომ დაახლოებას იწვევდა. ეკონომიურად მასზე დამოკიდებულს ხდიდა.

XIX ს. 90-იანი წლებისათვის ამიერკავკასიაში დიდად გაიზარდა საქალაქო მოსახლეობის რიცხვი. ამასთან დაკავშირებით, და აგრეთვე იმის გამო, რომ ტექნიკური კულტურების გავრცელების შედეგად შემცირდა მარცვლეულის ნათესი ფართობები, ამიერკავკასიაში მკვეთრად გაიზარდა მოთხოვნილება მარცვლეულზე. გაძლიერდა ხორბლეულის იმპორტი ჩრდილო კავკასიიდან. უკვე 1891 წ. შემოტანილ იქნა 785,7 ათასი ფუთი მარცვლეული, 1893 წ. კი — 3904,6 ათასი ფუთი. შემდგომ

<sup>15</sup> Ш. Л о м и н а д з е, По Рюонскому ущелью (Путевые заметки), СМОМПК, XXII, стр. 207.

წლებში იგი მერყეობდა და 1900 წლისათვის შემოტანილი მარცვლეუ-  
ლი 2592,0 ათას ფუთად იანგარიშებოდა<sup>16</sup>.

აღნიშნული მონაცემები შეეხება რკინიგზით შემოტანილ მარც-  
ვლეულს და მთელ იმპორტულ მარცვლეულს არ მოიცავს. საქართვე-  
ლოს სამხედრო გზით, ნაწილობრივ ოსეთის სამხედრო გზითაც, საქა-  
პანო ტრანსპორტით დიდძალი მარცვლეული შემოდის არა მარტო  
ხე-მთიულეთში და რაჭაში, არამედ თბილისშიც.

ჩრდილო კავკასიიდან შემოტანილი პურის ძირითადი მომზარე-  
ბელი იყო თბილისი. ამასთან რკინიგზით შემოტანილი მარცვლეული  
მხოლოდ ნაწილობრივ შეიძლებოდა ყოფილიყო დაკავშირებული  
ჩრდილო ოსეთთან, მაშინ, როდესაც საქართველოს სამხედრო გზით  
შემოტანილი მარცვლეული, რომელიც XX ს. დამდეგს 1,4 მლნ. ფუ-  
თად იანგარიშებოდა, ძირითადად ჩრდილო ოსეთზე და ინგუშეთზე  
მოდის. მისი ტრანსპორტირების საქმეშიც ოსები დიდ როლს ასრუ-  
ლებდნენ.

რეფორმის შემდგომ ხანაში ქართველებთან ოსების ეკონომიურ  
ურთიერთობაში მნიშვნელოვან ადგილს იკავებს ხე-ტყით ვაჭრობა და  
ხის ჭურჭლის გაცვლა-გამოცვლა. დიდი ლიახვის ხეობაში არსებული  
ტყეებიდან ხეებს ატურებდნენ. სოფ. ხეწემდე. აქ მათ ათხიან ტივე-  
ბად ჰკრავდნენ და გორამდე ჩაჰქონდათ, საიდანაც ოცხიანებად შეკრავ-  
დნენ და თბილისში მიჰქონდათ. როგორც ცხინვალში, ასევე გორშიც  
იყიდებოდა ტივებად ჩამოტანილი ხე-ტყე. ძირითადი და საბოლოო  
პუნქტი კი თბილისი იყო. ტივებზე მათ სხვა პროდუქტებიც ჩამოჰ-  
ქონდათ.

ჯავის ხეობაში, ზღუბირში და ტყეებით მდიდარ სხვა ადგილებ-  
ში, ოსები ამზადებდნენ ხის იარაღებს — ურმებს, მარხილებს, კვე-  
რებს, უღლებს, ფოცხებს, ნიჩბებს, ფიწლებს, ორთითებს და სხვ.,  
აგრეთვე, საოჯახო ჭურჭელსა და ავეჯს — თასებს, კოვზებს, ჯამებს,  
გობებს, ვარცლებს, საღვებლებს, კასრებს, მაგიდებს, სკამებს, ტახ-  
ტებს და სხვ. ბარის რაიონებში მათზე დიდი მოთხოვნილება იყო და  
ოსებს ხშირად ჩამოჰქონდათ ისინი და ცვლიდნენ მარცვლეულზე.  
ზღუბირელებს, კერძოდ, თრუსოს გზით, ხის ჭურჭელი ბლომად გა-  
ქონდათ ხევში. მას თრუსოში, ხევში და მთა ადგილებში მატყლზე  
ცვლიდნენ, ვანათში და ბარის სოფლებში კი — ქერზე და სხვა მარც-  
ვლეულზე.

<sup>16</sup> პ. გუგუშვილი, მარცვლეულის მეურნეობა საქართველოსა და ამიერ-  
კავკასიაში, თბილისი, 1954, გვ. 156.

ხის დამუშავება მატყლის შემდეგ მეორე ადგილზე იდგა. ხის ინკენტარმა XIX ს. მეორე ნახევარში სასაქონლო ხასიათი მიიღო<sup>17</sup>. იგი შინამრეწველობის უმნიშვნელოვანეს ობიექტად იქცა მთელ რიგ ოსურ სოფლებში.

ამ გარემოებას ხაზს უსვამდა გორის მაზრის უფროსი 1887 წ. ანგარიშში, როცა ლაპარაკობდა სამხრეთ ოსეთის მთიანი ნაწილის მოსახლეობის მიერ შინამრეწველობის სახით ხის დამუშავებაზე (ჯამ-ჭურჭველო, ყვარი, ავეჯი და სხვ.) და მისი პროდუქციის გასაღებაზე გორსა და გორის მაზრის სოფლებში, უპირველესად პურზე გაცვლის წესით<sup>18</sup>.

ქართველ-ოსთა ეკონომიური ურთიერთობის სისტემაში მნიშვნელოვან ადგილს იკავებს ქირაზე სიარული. საქართველოს სამხედრო გზა კავკასიის რუსეთთან სარკინიგზო ქსელით დაკავშირებამდე რუსეთისა და ამიერკავკასიის დამაკავშირებელი ძირითადი მაგისტრალი იყო. რუსეთის საქონელი თბილისში და ამიერკავკასიის სხვა ქალაქებში ამ გზით მოდიოდა. ტვირთის ზიდვა ვლადიკავკაიდან თბილისამდე მალაკენების ოთხთვალეებითა და ოსების ურმებით ხდებოდა. გზის ეს როლი არ შესუსტებულა რკინიგზის გაყვანის შემდეგაც.

ოსებს ჯერ ხის ღერძიანი, შემდეგში კი რკინისღერძიანი ურმებით მოჰქონდათ ტვირთი ქირით (ყხრა — ოსურად) ვლადიკავკაიდან თბილისამდე, თბილისიდანაც უკან დატვირთულები ბრუნდებოდნენ. ამ გზით ოსები გარკვეულ ფულად სახსრებს შოულობდნენ და უფრო მტკიცედ ებმებოდნენ სასაქონლო-ფულად ურთიერთობათა სისტემაში. ვ. აბაევის თქმით, ახალგაზრდა ოსისათვის დიდი სახელი და მიღწევა იყო „დიდ ქალაქში“ („სტირ ქალაქ“ — ასე უწოდებდნენ ოსები თბილისს) რკინის ღერძიანი ურმით ქირაზე წამოსვლა<sup>19</sup>.

მღეთელ და სხვა მთიულთა ტრანსპორტის დაქირავებას მარცვლის გადმოსაზიდად ხშირად მიმართავდნენ ქართლის მთიანეთის (უპირატესად ქანის ხეობის ზემო წელის) ოსები.

საქართველოს სხვადასხვა პუნქტებში ქირაზე სიარულს მიმართავდნენ გორის მაზრის ოსებიც. 1864 წლის 26 მაისს ს. ორტვეის მცხ. მალხაზ ჩოჩიშვილმა (ასე იხსენება საბუთში) ალექსანდრე თარხანოვს პირობის წიგნი მისცა, რომ სახელმწიფო პროვიანტს გადმოიტანდა (არა ჩანს საიდან სად, მაგრამ მომდევნო საბუთების ანალოგიით ორპირიდან ახალციხეში უნდა ვიგულისხმოთ) პირველ გზობაზე

<sup>17</sup> Б. С. Кулов, Основные занятия населения Северной Осетии в XIX и начале XX в., Изв. СОИИИ, т. XXV, 1966, стр. 307.

<sup>18</sup> საქ. ცთა, ფ. 414, საქმე 36, ფ. 6; З. Н. Ванеев, Крестьянский вопрос., стр. 341.

<sup>19</sup> В. Д. Абасв, Тбилиси и Осетия, გვ. 9.

სამი ურმით, მეორე გზობაზე ორი ურმით, ჩეტვერტი 2,5 მანეთად (ე. ი. ფუთის გადმოტანა დაახლოებით 24 კაპიკი ჯდება). ამ ქირის ანგარიშში მან თავის პარტნიორებთან ერთად (ძნელი წარმოსადგენია, რომ მას პირადად სამი ურმის გამოყვანა შესძლებოდა). ცხრა თუმანი თეთრი მიიღო. პირობის წიგნში გათვალისწინებული იყო, რომ თუ პეტ ტვირთს დაუღებდნენ, მის ღირებულებასაც მიიღებდნენ<sup>20</sup>.

ასეთივე პირობის წიგნი მისცეს ალ. თარხანოვს გორის მაზრის სოფ. დოღლაურის მცხ ანდრია და იოსეფა ჩოჩიშვილებმა 1864 წლის 2 ივნისს ორპირიდან ახალციხეში სურსათის გადმოზიდვის შესახებ. ამ უკანასკნელთ 16 ურემი უნდა გამოეყვანათ. ფუთის გადმოტანა 20 კაპიკი ღირდა. ავანსად თითოეულ ურემზე 15 მანეთი მიიღეს, ხოლო საბოლოო ანგარიშსწორება ტვირთის გადმოტანის შემდეგ უნდა მომხდარიყო. პირობის წიგნში აღნიშნულია, რომ მოქირავნეთ უერთდება რაჯაბა ჩოშვილიც 1 ურმით<sup>21</sup>.

ქირით ნაშოვნე ფული მნიშვნელოვანი შეღავათი იყო ხელმოკლე ოსი მშრომელებისათვის, რომელნიც არ იყვნენ უზრუნველყოფილი საკმაო ოდენობის მიწებით და, ამდენად, საარსებო საშუალებათა ნაკლებობას მკვეთრად გრძნობდნენ. იგივე გარემოება აძლიერებდა მათს ეკონომიურ კავშირს საქართველოს სხვადასხვა რაიონებთან.

უმეწობის გამო ჭულშეხუთული ოსი გლეხობა მიმართავდა სეზონურ სამუშაოზე სიარულს ქართლის ბარსა და ჩრდილო კავკასიის ბარში.

ს. მაჩაბელი სახაზინო მთიელი ოსებთს ყოფა-ცხოვრების აღწერილსას ჰაჯანგებოდ ჩერდება საშოვარზე გასვლის საკითხზე. მისი აზრით, საშოვარზე გასვლა გლეხთა კეთილდღეობის ერთ-ერთი მთავარი წყაროა. მთის სოფლებში მოსავლის აღება უფრო გვიან იწყება, ამიტომ ოსები მიდიან მოსავლის აღებაზე ამიერკავკასიის სხვადასხვა ადგილებში. სოფლების ძომალის, ზღუბირის, კიმასის, სბას, საზელეთის, ჰვრის და შუა ერმანის მოსახლეობა ზაფხულში თერგის ოლქში მიდის. დანარჩენი სოფლების მცხოვრებნი კი — გორის, დუშეთის და თბილისის მაზრებში. ზამთარში ზემო ჩამოთვლილ შეიდი სოფლის მცხოვრებნი, აგრეთვე ბელოთის, გერის და ყლარსის მოსახლეობა მიდიან საქართველოს სამხედრო გზაზე, სადაც მუშა თავის ხარჯით 15-ს. სახაზინო ხარჯით კი 10 მან. იღებს თვეში. ისინი აქ ექვსი თვის მანძილზე რჩებიან და გზის გაწმენდაზე მუშაობენ. სხვა ოსური სოფლების

<sup>20</sup> საქ. სსრ მეცნიერებათა აკადემიის კ. კეკელიძის სახ. ხელნაწერთა ინსტიტუტი. ფ. Hd, საბ. 655 .

<sup>21</sup> ი ქ ე ე, საბ. 5551.

მცხოვრებნი ზამთარში მიდიან გორისა და ღუშეთის მაზრებში, სადაც ბაღებში დღიურად მუშაობენ. ბევრი ახალგაზრდა ოსი შედის საერობო დაცვის სამსახურში. ოსი ქალებიც დროებით სტოვებენ სამშობლოს და მიდიან ამიერკავკასიის სხვადასხვა ქალაქებში, სადაც მათ ქირაობენ ძიძებად ან შინამოსამსახურეებად. შეიძლება თამამად ითქვას, რომ ქ. თბილისში ძიძების 3/5 ოსის ქალებია<sup>22</sup>.

ქართლის სოფლებში მკვს დროს მუშებზე დიდი მოთხოვნილება იყო. ამ დროს დაიძრებოდნენ ოსები ცელებით და მოედებოდნენ ქართლის სოფლებს (მათთან მკის სეზონი უფრო გვიან იწყებოდა და თანაც დიდ დროს არ მოითხოვდა სახნავი მიწების სიმცირის გამო), ისინი მუშაობდნენ დღიურად 50-60 კაპიკად ან ნარდად. კარგი, მომკელი ნარდად მუშაობისას ერთ მანეთზე გამოდიოდა.

გარდა სეზონური სამუშაოებისა, ოსები მიდიოდნენ თბილისში და აზიერკავკასიის სხვა სამრეწველო ცენტრებში, სადაც კაპიტალიზმის განვითარების შედეგად მოუახელზე დიდი მოთხოვნილება იყო. ნაწილი ჩაფრებად და სხვა მისთანა სამუშაოებზე ეწყობოდა და თავის მდგომარეობით ცარიზმის დამცველად იქცეოდა, უბრაველსობა კი ფაბრიკა-ქარხნებში, რკინიგზაზე ეწყობოდა და ავსებდა ამიერკავკასიის პროლეტარიატის რიგებს. ამათ ხშირად თავის ოჯახებიც ჩამოჰყავდათ და თავის ცხოვრებას ახალ საარსებო და საზოგადოებრივ პირობებს უკავშირიდნენ. საქალაქო ცხოვრების ორომტრიალში მონევიდრიონი. კაპიტალიზმის „სიკეთეთა“ თავის ზურგზე გამომცდელნი, ისინი ებმებოდნენ პროლეტარიატის რევოლუციურ ბრძოლაში ცარიზმისა და კაპიტალისტების წინააღმდეგ და ამავე დროს რევოლუციურ შეგნებას ავრცელებდნენ თავის თანამემამულეთა შორის ჩამოსახლების ადგილებიდან (პატრიარქალური ტრადიციების სიმტკიცე მოდმივ სამუშაოზე გადმოსულ ოსებსაც აიძულებდა მჭიდრო კავშირი შეენარჩუნებინათ თავის თანამოგვარებებთან, თემთან).

XIX ს. დამლევისათვის სამხრეთ ოსეთში, კერძოდ ქსნის ხეობის ოსთა შორის, ფართოდ გავრცელდა საშოვარზე ქალთა გასკლაც. ჯანმრთელი, ახალგაზრდა დედები მოდიოდნენ თბილისში და აქ შეძლებულ ოჯახებს ძიძებად, შინამოსამსახურეებად ექირავებოდნენ, რათა ამ გზით მიღებული გროშებით ოდნავ მაინც გაეუმჯობესებინათ თავისი ცხოვრების მძიმე პირობები მთაში. ეს ახალი მოვლენა ძნელად ეგუებოდა ოსთა პატრიარქალურ ტრადიციებს, რომლისთვისაც უცხო იყო

<sup>22</sup> С. В. Ма ча б е л и, Экономический быт крестьян Горнийского уезда. Материалы для изучения экон. быта государственных крестьян Зак. края, т. VI. Тифл. 1887, стр. 237—238.

ქალების საშოვარზე სიარული, მაგრამ ცხოვრების რეალური მოთხოვნილებანი პატრიარქალურ ტრადიციებზე უფრო ძლიერი იყო.

საქართველოს ტერიტორიაზე ოსთა საშოვარზე სიარული მათ ქართველ ხალხთან აახლოებდა. ისინი ახლოს ეცნობოდნენ მის სამიურნეო საქმიანობას, სწავლობდნენ ქართულ ენას და სხვ. ამ გზით ნაშონი ფული ოსი გლეხის ეკონომიკის დანამატი იყო, რომელიც შლიდა ნატურალურ მეურნეობას და პატრიარქალურ ყოფას, იწვევდა გლეხობის დაშლას.

მაგრამ თუ სამხრეთ ოსეთის მთიელი, ხშირად მთისწინა ზოლის მოსახლეობაც მოდიოდა ქართლის ბარში სასოფლო-სამეურნეო სამუშაოებზე, ქართველი მთიელებიც არაიშვიათად მიმართავდნენ ასეთივე გავლას ჩრდილო ოსეთში და საერთოდ ჩრდილო კავკასიაში. ეს განსაკუთრებით ესება სვანებს და რაჭველებს. ორივე ეს რაიონი მაღალმთიანი რაიონებია და საარსებო საშუალებებით მწირი. 1895 წელს სვანეთში იმოგზაურა სახალხო სკოლების ინსპექტორმა ნ. დმიტრიევმა, რომელმაც აღწერა თავის შთაბეჭდილებები. ის წერს: „В виду скудости природы, не дающей сванам полного обеспечения, они принуждены уходить на сторону для заработков, при чем нанимаются для полевых работ и главным образом для земляных. На заработки идут в Рачу, Осетию, на Северный Кавказ (косьба и пастуший промысел) и в Мингрелию (косьба, уход за кукурузой). Никаких других промыслов и ремесл сваны не знают»<sup>23</sup>.

მასვე სვანეთის ძირითად სავაჭრო გზებად მიაჩნია საულელტეხილო ბილიკები, რომლებითაც ცხენით ბარჯის ზიდვა შეიძლება — ტეიბერისა — ოსეთში და ლატფარისა — ცხენისწყლის ხეობაში<sup>24</sup>.

სვანების საშოვარზე სიარული ბარად ახალი მოვლენა არ იყო. ისინი მას მიმართავდნენ შუასაუკუნეების მთელ მანძილზეც. თუმცა მას ფეოდალური პარტიკულარიზმისა და შინაომების პირობებში დიდი სიძნელები ხვდებოდა. მაშინ ოსეთი არ წარმოადგენდა ისეთ ადგილს, სადაც სვანების შრომას შეეძლო გამოყენება ეპოვო, მაგრამ კახეთში თუ ქართლში გადმოსასვლელად ისინი ოსებით დასახლებულ რაიონებს გაივლიდნენ ხოლმე.

რაჭველთა საშოვარზე სიარული იმავე მოტივებით (ეკონომიურით) იყო გამოწვეული, მაგრამ სხვადასხვა ხელობის ცოდნა რაჭველებს

<sup>23</sup> Н. Дмитриев, Из быта и нравов жителей ооьной Сванетии, СМОМПК, вып. XXII, стр. 182.

<sup>24</sup> ი ქ ვ ე, გვ. 185.

საშუალებას აძლევდა ჩრდილო კავკასიაშიც და სხვაგანაც გამოჩენილიყვნენ კვალიფიციური მუშების (დურგლების, კალატოზების და სხვ.) ახით და უფრო შეღავათიან პირობებში გამოეყენებინათ თავისი შრომა. იმავე ეკონომიური მომენტებით იყო გამოწვეული ჩრდილო კავკასის ველებზე რაჭველთა მუდმივად საცხოვრებლად გადასვლა. ყველაფერი ეს ხელს უწყობდა ქართველ-ოსთა შემდგომ ეკონომიურ და კულტურულ დაახლოებას.

## მოსახლეობის მოძრაობა, როგორც ეკონომიური ხასიათის მოვლენა

რეფორმისშემდგომ ხანაში ქართველ-ოსთა ურთიერთობაში ახალი მომენტები ჩნდება. ერთ-ერთი ასეთი მომენტია მაღალ მთიან და ხშირად არა მსოლოდ მაღალ მთიან რაიონებიდან მოსახლეობის მასიურად აყრა და ქართლის შიდა რაიონებში გადასახლება. XIX ს. დამლევისათვის ოსები უკვე კახეთის რაიონებსაც აღწევენ და იქ რიგი ოსური სოფლებისა იქმნება.

კავკასიის მთიანეთიდან ოსთა ქართლის ბარისაკენ მოძრაობა დასტურდება საქართველოს გვიანფეოდალური ხანის ისტორიის მთელ მანძილზე. იგი შედეგი იყო მთური მეურნეობის თავისებურებისა. პროფ. ვ. ჩიტაია აღნიშნავს, რომ „თავისთავად მოსახლეობის მოძრაობის პროცესი მთიდან მთასძირსა და ბარში მეტად საგულისხმო გარემოებას წარმოადგენს, ვინაიდან ეს მოვლენა დაკავშირებულია ალპური ლანდშაფტის მეურნეობის თავისებურებებთან. ეს თავისებურება პრიმიტიული, არა ინტენსიური მეურნეობის არსებობის პირობებში ჰქმნის მოსახლეობის რაოდენობის სტაბილობას, რომლის ნამატი იძულებულია მთიდან გადმოსახლდეს... ცნობილია, რომ სოფლის მეურნეობის პროდუქცია მთაში განააზღვრულია იმდენად, რომ ამ ზოლის მოსახლეობის სიმჭიდროვე მთელ მსოფლიოში მეტად მცირეა... ამის გამო როგორც კი მთის ზოლის მოსახლეობა მიაღწევდა თავის საზღვარს, მოსახლეობის ზედმეტი რაოდენობა იძულებული იყო პირველ რიგში მთისძირში გადმოსახლებულიყო, სადაც, ნაწილობრივ, ამის გამო. მოსახლეობის სიმჭიდროვე მაღალ დონეს აღწევდა. შემჩნეულია, რომ მეტად შემჭიდროებული სოფლის მოსახლეობა მსოფლიოში უმეტესად მთისძირა ზოლს ეკუთვნის“<sup>25</sup>.

მაგრამ მთის ზოლის ოსური მოსახლეობის ბარისაკენ მოძრაობის ამ ბუნებრივ-ისტორიულ პროცესს რეფორმის შემდგომ ხანაში აძლი-

<sup>25</sup> ვ. ჩიტაია, ქსნის ხეობის ეთნოგრაფიული ექსპედიციის მოკლე ანგარიში, ცნობის მოამბე, IV ვ, ტფილისი, 1939, გვ. 284.

ერებს მისი გაუმწურების სულ უფრო მზარდი განვითარება. ოსი მთიე-  
ლი გლეხი განიცდიდა სასტიკ ფეოდალურ ექსპლოატაციას, მას სულს  
უხუთავდა კულაკ-მეფავშეთა და ცარიზმის მოხელეთა თვითნებობა და  
ძალმომრეობა. ყველაფერი ეს, მოსახლეობის ბუნებრივ ზრდასთან  
ერთად, აიძულებდა მათ მძიმე ეკონომიური მდგომარეობიდან გამო-  
სავალი ეძებნათ ბარში გადასახლებით. ეს გადასახლება მათ ვერც  
ფეოდალური ექსპლოატაციისაგან, ვერც კულაკობისა და მეფავშე-კა-  
პიტალისტთა კაბალისაგან იხსნიდა და ვერც ცარიზმის მოხელეთა  
თვითნებობას მოაცილებდა, მაგრამ მათ ეკონომიურ მდგომარეობას  
კი აუმჯობესებდა. რეფორმამდელ ხანაში გადმოსახლება უპირატესად  
მთისძირის ზოლში ხდებოდა, თუმცა ზოგჯერ ქართლის შორიულ  
რაიონებსაც უწევდა (ბორჯომის რაიონი და სხვ.). მას მოსახლეობის  
თანდათანო წინ წამოწევის ხასიათი ქონდა და ზოგჯერ რიგ საშუალე-  
ლო რეკლებს გაივლიდა. ამის მაგალითად გამოდგება აწინდელი კას-  
პის რაიონის სოფ. თოგოიანი. XIX ს. შუა ხანებისათვის ისინი (მისი  
ძირითადი მოსახლეობა) ქსნის ხეობის სათავიდან ლეხურის ხეობის  
ზემოწილზე, წარში გადმოსახლდნენ, ხოლო იქიდან XX ს. დამდეგს,  
თავის აწინდელ სამოსახლო ტერიტორიაზე დასახლდნენ.

ოსთა გადასახლების მიზეზების შესახებ თბილისის გუბერნატო-  
რი 1896 წ. ოქტომბრის საჩივართან დაკავშირებით წარდგენილ ცნობაში  
აღნიშნავდა, რომ «Осетины... имеют большой избыток рабочих  
сил, прокормить которых на месте нет возможности из-за  
отсутствия каких-либо местных промыслов и заработков, это  
обстоятельство в связи с недостатком пастбищ удобных для  
скотоводства, составляющее главное занятие осетина, вынуж-  
дает население искать новых более привольных мест»<sup>26</sup>.

ქართლის რაიონებში ოსთა მასობრივი გადმოსახლება XIX ს.  
60-იანი წლებისათვის შეიმჩნევა. ქართული პერიოდული პრესა ამის  
შესახებ შინიშნავდა: «აქირ რვა-ცხრა წელიწადი იქნება რაც იმერლე-  
ბი და ოსები გადმოდინა შიდა ქართლში დასახლებლად. სასოფლო  
ადგილებად უფრო ძველ ნასოფლარებს ირჩევენ, სადაც წყალია. ამ  
ნასოფლარებში, თუ ტყეებია, ჰკაფავენ. ძველი ნანგრევის კედლები,  
საწნახლები, ხაროები და სხვა შენობა ახალმოსახლეებს კარგათ ხარჯს  
უმციკრებს. ამგვარად დასახლებულან: ყელეთში, ხავლეთში, ოქროს  
სოფელში და მთელ ძოვრეთის ხეობაში და სხვაგან... ჩვენი მამულის  
პატრონები რომ კაი ანგარიშის ხალხი იყოს. კარგათ ხელი უნდა გაუ-

<sup>26</sup> საქ. ცსა, ფ. 12, საქმე, 179, ფ. 1—3; П. В. Д о г у з о в, Рев. движение  
в Юго-Осетии в конце XIX в начале XX вв., Сталинпр, 1960, стр. 62.



შარტონ გადმოსახლებულებს. ამ სახით იმათი ცარიელი მამულები ხალხით გაშენდებოდა“<sup>27</sup>.

პერიოდული პრესა მოუწოდებს მემამულეებს ხელი შეუწყონ გადმოსახლებულთ ახალ ბინებზე მოწყობა-დამკვიდრების საქმეში თავისივე მამულების მოშენების ინტერესებრათვის. მაგრამ მემამულეები არავითარ რჩევას ყურს არ უგდებდნენ და ცდილობდნენ მაქსიმალური ექსპლოატაცია გაეწიათ მათთვის. 1865 წელს ს. იფნარის გლეხებმა საჩივარი შეიტანეს გ. ერისთავზე, რომლის მამულშიც ისინი შვიდი წლის წინათ გადმოსახლდნენ სოფ. ინაურიდან, სადაც მათა ყანები სეტყვამ და ზვავებმა გააფუჭეს. ახალ ადგილზე მათ ტყე გაჩეხეს, სახნავი მიწები გაიჩინეს და სახლები აიგეს. როცა თავადმა დიდი გადასახადები შეაწერა, მათ არ გადაიხადეს და მანაც კაზაკთა დახმარებით 70 კომლი გაასახლა, მიწები დაისაკუთრა, ნაგებობანი კი დაანგრია. ისინი იძულებულნი გახდნენ ი. ორბელიანის შირაქის მამულში გადასახლებულიყვნენ<sup>28</sup>.

რეფორმის შემდგომ ხანაში სამხრეთ ოსეთის გლეხობის გადასახლების მასშტაბის წარმოსადგენად მოვიყვანთ რამდენიმე მაგალითს: მთლიანად გადასახლდა ორტევის სასოფლო საზოგადოების სოფ. კობიას და ჭავის ხეობის სოფ. ელბაჩითის ყველა მცხოვრები. ბელოთის საზოგადოების 583 საგადასახლო კომლიდან გადასახლდა 206 კომლი, ორტევის საზოგადოების 906 კომლიდან — 483, როკის 732 კომლიდან — 392, ჭავის საზოგადოების 1178 კომლიდან — 451, ყემულთის 398 კომლიდან — 194 კომლი. გადმოსახლებულნი ძირითადად სახლდებოდნენ გორის მაზრის ხიდისთავის, ბორჯომისა და სურამის უბნებში კერძო მფლობელთა მიწებზე და მემამულეთა და მეფის მოხელეთა ექსპლოატაციას განიცდიდნენ<sup>29</sup>.

აღნიშნული მაგალითიდან ცხადად ჩანს, რომ გადმოსახლებულთა რიცხვი, მთელი მოსახლეობის ნახევარს შეადგენდა. XIX ს. ბოლოსათვის გადასახლებული მოსახლეობის რაოდენობა კიდევ უფრო გაიზარდა და მთელ რიგ საზოგადოებებში მთელი მოსახლეობის 2/3-ს შეადგენდა. ამ ღროისათვის როკის, ჭავის, ყემულთის, ყორნისის, წუნარის, ბელოთის და ორტევის საზოგადოებებზე 50 ათასი მანეთი ნარჩენი გადასახადების (ნედრობების) დავალიანება ირიცხებოდა, რაც ამ საზოგადოებათა 2/3-ის ზღუდერის საზოგადოების სოფლებსა და ხიდისთავის საპოლიციო უბანში გადასახლებით აიხსნებოდა. ისინი მიწერის

<sup>27</sup> გაზ. „ღროება“, 1870, № 24; „სახალხო გაზეთი“, 180, № 11.

<sup>28</sup> П. В. Д о г у з о в, დასახ. ნაშრ., გვ. 35.

<sup>29</sup> П. В. Д о г у з о в, დასახ. ნაშრ., გვ. 47—48.

ადგილზე ნებაყოფლობით არ იხდიდნენ გადასახადებს. ასე, რომ როკა-ში 1898 წ. საგადასახადო სიებში შეტანილ 137 კომლიდან ადგილზე დარჩენილი იყო მხოლოდ 38 კომლი, დანარჩენი 99 კომლი თბილისის გუბერნიის სხვადასხვა ადგილზე ცხოვრობდა<sup>30</sup>. ასეთივე მდგომარეობა იყო ჯომალის, ჭავის, ყემულთას, ბელოთის და სხვა საზოგადოებებში. 1895 წ. ედისის საზოგადოების ცხრა სოფლის გლეხთა საჩივარში ნათქვამი იყო, რომ 1873 წლის კამერალურ აღწერაში შეტანილ კომლთაგან 67 გადასახლდა და მათ გადასახადებსაც მეშამულენი დარჩენილებს ახდევინებდნენ. ასევე, ზალდაში დარჩენილ 42 კომლს 1900 წელს მეფის ჩინოვნიკები სთხოვდნენ იქიდან კარგა ხნის გადასახლებული 105 კომლს გადასახადებსაც<sup>31</sup>.

XIX ს. 70-იანი წლების დამდეგისათვის ოსთა კომპაქტური მოსახლეობა გაჩნდა მძოვრეთის ხეობაში (მტკვრის მარჯვენა ნაპირზე, აწინდელი ქარელის რ-ში). 1873 წლის 18 ივლისს გორის მაზრის უფროსის უმცროსი თანაშემწე წერდა მაზრის უფროსს მძოვრეთის ხეობაში დასახლებულ ოსთა თხოვნაზე დაენიშნათ მათთვის მღვდელი. ისინი ამჟამად ცხოვრობენ სოფლებში: მძოვრეთში, ორთუბანში, ელბაქიანთ-კარში, გვერძინეთში, კოდმანში, ბათეთში, მუხლეთში, ყელეთში სუკანათუბანში, ნადირაანთკარში, ჯერ არც ერთ მრევლს არ არიან მიწერილი და მათი თხოვნა უნდა დაკმაყოფილდეს<sup>32</sup>.

მოყვანილი ფაქტები კარგად მოწმობს თუ რა ინტენსიური ხასიათი მიიღო მოსახლეობის გადასახლებამ ბარის რაიონებში. ეს პროცესი გადაედო ქსნისა და არაგვის ხეობებსაც. იგი განსაკუთრებით საგრძნობი შეიქმნა 70-იანი წლების ბოლოდან. გაზეთი „დროება“ 1882 წლას ერთ-ერთ ნომერში აღნიშნავდა: „ეს სამართხი წელიწადია რაც ქსნის ხეობაშიაც გახშირდა სოფლებიდან ხალხის გადასახლება. უწინაც კი გამოდიოდა ქსნისა, არაგვისა და გუდამაყრის ხეობიდან ხალხი, მაგრამ იშვიათი იყო. თითო ორი კომლი თუ გადმოსახლდებოდა, მან-გლისისკენ ან ზემო ქართლისკენ იჩენდნენ ბინასა... ამ სამიოდ წელში კი უფრო გახშირდა ქსნიდან გადასახლება... ქარჩოხის, ცხრაძმის და ჟამურის ხეობიდან ასამდე კომლი... შემდეგ არახვეთიდან 8 კომლი, გვიდაქიდან შვიდი კომლი. ნადაბანიდან (თუ ნადიბანიდან? — გ. თ.) 2 კომლი, კორისა და გეზევრეთის საზოგადოებიდან 60 კომ. თითოდამ 30 კომლი. გადასახლებულთ რიცხვი იქნება ათზე ორიდან სამამდე. ეს შესამჩნევი პროცენტია.

<sup>30</sup> საქ. ცსა, ფ. 12, საქმე 1026, ფ. 3—8; П. В. Д о г у з о в, დასახ. ნაშრ., გვ. 64—65.

<sup>31</sup> П. В. Д о г у з о в, დასახ. ნაშრ. გვ. 49.

<sup>32</sup> საქ. ცსა, ფ. 48, ანაწ. 1, საქმე 1512, ფ. 2.

ქსნიდამ და არაგვიდამ გადასახლებულნი ვლადიკავკავისაკენ  
სახლებიან<sup>33</sup>.

XIX ს. დამლევს ოსებმა გადმოსახლება დაიწყეს კახეთშიც. კოტე ალაზნისპირელი თავის წერილში „ოსები კახეთში“, 1904 წელს წერდა, რომ „ოსები ამ რვა წლის წინად გადმოსახლებულან ჯორის მაზრიდან, ადგილების სიციოტავისა გამო, მსოლოდ 8 კომლი. შემდეგ თანდათან დაუწყიათ გადმოსახლება, ასე რომ დღეს სოფ. ხორშატიანში 50 კომლამდე დასახლებულან, კიდევ აბაშიძის ადგილებში, რომელიც იწოდება „არეშათ“. არეშათი მოსახლეობს სულ 20 კომლი. ესენი 1903 წ. გადმოსახლებულან. ამ ადგილების გარდა ოსები სხვა ადგილებზეც მოსახლეობენ, არეშა და ხორშატიანს ქვემოდ 5—6 ვერსის მანძილზე. სულ ითვლება 400 კომლი. როგორც ეტყობა, ოსები თანდათან მოემატებიან და აავსებენ კახეთის ტყეებსა<sup>34</sup>.

კოტე ალაზნისპირელს მოჰყავს საუბარი ხორშატიანელ ოს ილესთან, საადანაც ჩანს, რომ გადმოსახლებული ოსები მებატონისაგან ილუბდნენ იჯარით მიწას. კერძოდ ხორშატიანელები თავად ჯორჯაძეს კომლზე 25 მანეთს უხდიდნენ, თითოეულ კომლს მიზომილი ჰქონდა 10 დესტინა სახნავ-სათესი, ხოლო ტყით სარგებლობა თავისუფალი იყო. თუ გაჰყიდინდნენ, მებატონისათვის გარკვეული ნაწილი უნდა გადაეხადათ.

ხორშატიანელთა იჯარა 26 წლის ვადით ყოფილა განსაზღვრული. მასპინძელი ოსი შეწუხებული ყოფილა იმის გამო, რომ იჯარის ამ სახის გაშო ისინი თავს ამ ადგილის მუდმივ მცხოვრებლად არ გრძნობენ და ამიტომ თავის ცხოვრების მკვიდრ ბაზაზე მოწყობისათვის ვერ ზრუნავენ. „საბოლოო არა გვაქვს რა, ჩვენი ცხოვრება დროებითია და არა საშვილიშვილო. ამიტომაც ცხოვრება ცხოვრებას არ ვვიჯავს, სახლი სახლსა, გომური გომურს. განა არ გვინდა რიგიანი სახლის დაკეთება, კარგათ მოწყობა, მაგრამ რაკი ვიცით, რომ აქ საბოლოო არა გვაქვს, ამიტომ ამისთანა ქონებაებში ვცხოვრობთ“ — პასუხობს ის. წერილის დაწერის დროისათვის 8 წელი უკვე გასული იყო და მათ არ ჰქონდათ გარანტია, თუ დარჩენილი 18 წლის შემდეგ მებატონე კიდევ გაუგრძელებდა იჯარას.

ოსებს უცდიათ ჯორჯაძისაგან ამ ადგილებს შესყიდვა, მაგრამ მან არათუ მთელი სამოსახლო ადგილების, არამედ სასახლესაც მიწების მიყიდვაზეც უარი უთხრა. წერილის ავტორი დასძენს, რომ კომლზე 25 მანეთი საიჯარო ქირის გადახდა წლიურად დიდი თანხაა გა-

<sup>33</sup> „დროება“, 1882, 13 ნომბერი, № 237.

<sup>34</sup> „ივერია“, 1904, № 22.

ლაშხელისათვის, მებატონისათვის კი ძლიერ ხელსაყრელი და ამიტომ უარს ეუბნებაო.

რაც შეეხება აბაშიძეთა ადგილებზე დასახლებულ ოსებს, აგრეთვე ზემო ხოდაშნის თავზე დასახლებულ ოსებს, მათ მებატონეთაგან შეუსყიდიათ მიწები და ყველაფერი კარგად მოუწყვიათ, სამუდამო ბინა დაუდვიათ. ხორშატიანელი ოსები ფიქრობდნენ, რომ თუ ჯორჯაძე არ შეასყიდვინებდა დაკავებულ მიწებს, მაშინ გუბერნატორისათვის უთხოვათ თელავის მაზრის სოფ. ფაშინსა და ტურის ციხის სახელმწიფო ადგილებში დასახლების უფლება. ტურის ციხეში 700 კომლი აომეხი სახლობდა, ახლა მხოლოდ შვიდი კომლია დარჩაო. კოტე ალაზნისპირელი თანაგრძნობით შენიშნავს: „თუ გუბერნატორმა ხორშატიანში და არეში დასახლებულ ოსებს ტურის ციხეშიც არ მისცა ნება, მაშინ რა ეშველებათ, ვადის შემდეგ უნდა სხვა ადგილი ეძიონ, ან აქვე დარჩნენ ამავე მდგომარეობაში“.

ამრიგად, XIX ს. რეფორმის შემდგომ ხანაში ოსური მოსახლეობის ზრდა, მათი ექსპლოატაციის დამძიმება იწვევდა უმიწობის ზრდას და მძიმე ეკონომიურ პირობებში აყენებდა მთიელ ოსებს. ამ მდგომარეობას ისინი ქართლისა და კახეთის რაიონებში გადასახლებით აღწევდნენ თავს. ისინი სახლდებოდნენ მებატონეთა მიწებზე და იჯარას უჭდიდნენ მათ. უკანასკნელნი სარგებლობდნენ ოსთა გაჭირვებული მდგომარეობით და საიჯარო ჭირას სულ უფრო და უფრო უმატებდნენ.

ოსი გლეხკაცობის ცდები თავისუფალ სახაზინო მიწებზე გადმოსახლებისათვის უშედეგო რჩებოდა მეფის მოხელეთა მიერ შექმნილი დაბრკოლებების გამო. მაგ., კახეთში არეშის მიდამოებში არსებულ სახაზინო მიწებზე დასახლების ნებართვაზე იბრძოდა ქეშელთის, ტონტობეთის, გვერცევის, ხეცეს, მსხლების და დვანის 36 კომლი. მათ თელავის მაზრის სოფ. ახალსოფლის გლეხებს მიმართეს მიელოთ ისინი თავის საზოგადოებაში (მათ ახლოს მდებარეობდა არეში) და თუმცა თელავის გლეხებმა თანხმობა განაცხადეს, მეფის მოხელეებმა უარი უთხრეს. ასეთივე უარს იღებდნენ სხვა საზოგადოებათა გლეხებიც და ოსები იძულებული იყვნენ მემამულეთა კაბალაში მოქციულიყვნენ. სამაგიეროდ მეფის მთავრობა თავისუფალ მიწებზე ადგილობრივი ხალხების განსახლების მაგივრად რუსეთის სხვადასხვა გუბერნიებიდან ასახლებდა გლეხებს<sup>35</sup>.

ოსების ქართლის და კახეთის რაიონებში დასახლება კიდევ უფრო ძლიერებდა მათს ეკონომიურ კავშირს ქართველ ხალხთან, მათ ერთი-

<sup>35</sup> П. В. Д о р у з о в, დასახ. ნაშრომი, გვ. 54—55.

ნი ეკონომიური ორგანიზმის შემადგენელ ნაწილებად აქცევდა. აღნიშნული ოსები ითვისებდნენ ქართველი ხალხის მაღალ სამეურნეო კულტურას, ინტენსიური მეურნეობის ჩვევებს და თვითონაც კარგ მიწათმოქმედებად, მებაღეებად, მევენახეებად იქცეოდნენ. აღნიშნულ ოსთა ის ნაწილი, რომელიც ქართულ სოფლებში სახლდებოდა, თანდათან გაითქვიფა ქართველ ხალხში, ხოლო მათ, ვინც კომპაქტურად დასახლდნენ ცალკე სოფლების სახით, თუმცა შეინარჩუნეს თავისი ენა და ზნე-ჩვეულებანი, მაგრამ განიცადეს ქართული ენისა და ზნე-ჩვეულებათა დიდი გავლენა. ეს ბუნებრივიც არის. თავისი წარმოშობის დღიდანვე ეს ოსური ახალშენები ქართველ მოსახლეობასთან მჭიდრო კავშირში იმყოფებოდნენ, მისი ქირისა და ლხინის თანაზიარნი იყვნენ.

მაგრამ თუ საქართველოს მთიანეთის ოსი მოსახლეობა სახლდებოდა ქართლისა და კახეთის ბარის რაიონებში (XIX ს. 80-იანი წლებიდან ადგილი აქვს ვლადიკავკასიისაკენ — ჩრდილო კავკასიაში გადასახლებას, მაგრამ მას მაშინ მასიური ხასიათი არ მიუღია), საქართველოს მთიანეთის ქართული მოსახლეობა ჩრდილო კავკასიაში — ჩრდილო ოსეთის ტერიტორიაზე სახლდებოდა და იქაც ხდებოდა მათი დაახლოება. ეს გადასახლება ხდებოდა რაჭის მაზრიდან, ხევიდან, ნაწილობრივ ქსნისა და არაგვის ხეობებიდანაც.

იმდროინდელი პერიოდული პრესა შეიცავს ცნობებს ამ გადასახლების მიზეზებისა და დროის შესახებ.

გაზეთი „შრომა“ 1882 წ. 15 სექტემბრის ნომერში წერდა, რომ რაჭაში ამ წელს დიდი გვალვა იყო, ორი თვის საზრდო არავის მოსვლიათ და წინასწარმეტყველებდა გაზაფხულზე დიდი შიმშილობის ჩამოვარდნას. ისინი მოდიან კავკასიის მთის გადაღმა ადგილებში, ქ. კავკასიისაკენ პურისა და სიმინდის საყიდლად, მაგრამ უგზოობის გამო, დიდი წვალებითა და უბედურებით გადმოაქვთ ისინი ცხენით მამისონის შთაზე. კოდი პური რომ ადგილზე მანეთად იყიდონ, მოტანა უსათუოდ ორი მანეთი დაუჭლებათ<sup>36</sup>.

ასეთ პირობებში რაჭველებმა აირჩიეს მუდმივად გადასახლებულიყვნენ ჩრდილო კავკასიაში. 1883 წ. 28 იანვარს გაზ. „დროებამ“ გადმობეჭდა „ტერეკ“-ში დაბეჭდილი წერილი, რომელიც ვინმე ალაგირელს დაუწერია. მასში აღნიშნულია შემდეგი: „თითქმის მუდამ წელს ცუდი მოსავლისა გამო რაჭის მაზრაში, ხშირად შეხვედებით ხოლმე იქაურ მცხოვრებთ ზამთრობით ჩრდილოეთ ოსეთში, ყაბარდოში და ბალკარიაში, სადაც ერთობ მცირე ქირით ასრულებენ ხოლმე სხვადა-

<sup>36</sup> „შრომა, № 3.

სხვა მუშაობას. ესეთი მოგზაურობა, ეტყობა, ჰობეზრდა ამათაც და, აი, გასული წლიდამ იწყეს გადმოსახლება და სამუდამოდ დაბინავება სოფ. ალაგირში, სადაც ერთობ ძვირად იძენენ შენობათა და სამოსახლო ადგილებს. სულ ამჟამად ალაგირში გადმოსახლებულია 70 კომლი იმერელი (რაჭველი) და ამას გარდა 50 ოჯახი მხოლოდ ზაფხულამდე დარჩება, მაგრამ ამათაც ჰსურსთ შეიძინონ ადგილები და დარჩნენ აქ. სამწუხაროა, ალაგირელებს არ შეუძლიათ ეს იმერლები შერიცხონ თავიანთ საზოგადოების წევრებად. საქმე იმაშია, რომ თვით ამ საზოგადოებასაც მცირე ადგილ-მამული აქვს და ეს გადმოსახლებულნიც რომ მიიღონ თავიანთ საზოგადოებაში, უნდა მათაც გაუწილადონ ადგილები. თუ ადგილობრივი მთავრობა ყურადღებას მიაქცევს ამ გაჭირვებულ იმერლებს, ადვილად შეუძლიათ მათი შველა. სახაზინო ალაგირის ქარხნის განკარგულებაშია 1200 დესეტინა, რომელიც ქარხანას სრულებით არ სჭირია. ამ მიწის გადაჭრით საზოგადოებას დიდი შემწეობაც მიეცემა და იმერლებიც შეუერთდებიან მას<sup>37</sup>.

გაზ. „ტერჯიკი“ კეთილმოსურნეობით და გაგების გრძნობით მოეკიდა რაჭველთა ალაგირში გადასახლებას და დასახა კონკრეტული ღონისძიებაც მათი მიწით უზრუნველყოფისა და გაჭირვებული მდგომარეობის გაუმჯობესებისათვის. ეს იყო ოსი ხალხის გრძნობის გამოხატვა გადმოსახლებულთა მიმართ, რომლებთანაც აღრიდანვე მჭიდრო ეკონომიური ურთიერთობა ჰქონდათ ოსეთის სამხედრო გზის მეშვეობით.

გაზ. „დროების“ 30 იანვრის ნომერში დაიბეჭდა წერილი „ხალხის გადასახლების გამო“, რომელშიც განხილულია რაჭველების ოსეთის სოფელ ალაგირში გადასახლების შესახებ ცნობა. წერილში დადებითად არის შეფასებული „ტერჯიკ“-ის მასპინძლური ზუღით გაუღენთილი წერილი, მაგრამ სასტიკად წინააღმდეგია ჩრდილო კავკასიაში და საერთოდ, საქართველოს გარეთ ქართველების გადასახლებისა. ამით ისინი მოწყდებიან თავის თანამომძმეთა სულიერ ცხოვრებას, დაუძღურდებიან და თანდათან გადაგვარდებიანო. საამისო მაგალითად მოყვანილია XVIII ს. და XIX ს. დასაწყისში ყიზლარ-მოზდოკში დასახლებულ ქართველთა ბედი, რომლებიც ქართველებს აღარ ჰგვანან და არც ქართული იციანო.

წერილში გატარებულია აზრი, რომ საქართველოს მიწა-წყალი ძალიან ფართოა, მასში ბევრი ცარიელი ადგილია და ქართველ ხალხს არ ეჭირვება სხვა ხალხებში გადასვლა და მათი შეკაწროება. ქართველებს თვით ბუნებამ დაუღო საზღვარი — კავკასიის ქედი და იქით გადასახლება ქართველისათვის სიკვდილი იქნება. ეს იქნება მძიმე

<sup>37</sup> „დროება“ .1883, № 19.

ცოდვა ორი ხალხის წინაშე — ვისგანაც მიდიან და ვისთანაც მიდიან<sup>38</sup>.

მაგრამ გაზეთის ამ კეთილშობილურ განზრახვას ცხოვრებაში რეალური საფუძველი არ ჰქონდა. მიზეზი ცარიზმის კოლონიზატორული პოლიტიკა იყო, რომელიც საქართველოსა და ამიერკავკასიაში მიმართავდა ცენტრალურ გუბერნიებიდან კოლონისტების გადმოსახლებას, მაშინ როცა თვით ქართველი გლეხობა, განსაკუთრებით კი მთიანეთისა, მიწის დიდ სივიწროვეს განიცდიდა, მაგრამ თავისუფალ სახაზინო მიწებზე მათ გადმოსახლებას ყოველმხრივ ხელს უშლიდნენ.

აღნიშნულის გამო, ქართველი მთიელები სასლდებოდნენ ჩრდილო კავკასიაში. გაზეთ „დროებაში“ დაბეჭდილ კორესპონდენციაში გაბრიელ ბედოშვილი აღნიშნავდა, რომ „სწორედ იმნაჩისავე მდგომარეობაში არიან ამჟამად ხევის მცხოვრებნი, როგორშიაც რაჭველები: საშუალო გამოანაერაშებით, ასი კომლი მეტი გადასახლდა ამ შემოდგომაზე ხევიდამ ვლადიკავკავის მაზრაში.

გადასახლდნენ, მაგრამ როგორც არის ნათქვამი: უის გავეყარე, ვაის შევეყარეო, — სწორედ ამ საწყლებსაც ისეთი გადასახლება მოუხლათ სხვის ქვეყანაში: გადასახლებულებმა (იჯარით აღებულ მიწაზე) სახლების აშენება ველარ დააწერეს ზამთარსა, და უბრალო საპირუტყვო ფარეხებში ცოლშვილი სიცოციოთ ეხოცებათ.

თუმცა ამისთანა ცუდს მდგომარეობაში არიან წინ და წინ სახლების მოუმზადებლობის გამო... მაინც არც ერთი კომლი მათგან აღარ დაბრუნდება გაზაფხულზე სამშობლო ქვეყანაში“.

იმვე წერილში აღნიშნულია მოხვევთა გადასახლების მიზეზი. ავტორის ცნობით, ამის მიზეზი არის მარტო შიმშილი, რადგანაც ამ უკანასკნელთ ხუთ წელიწადს რიგიანი მოსავალი არ ღირსებიათ. თუ ერთი-ორი წელიწადი კიდევ გაგრძელდა ეს მდგომარეობა, მოხვევების ნახევარზე მეტი გადასახლდება ვლადიკავკავის მაზრაში. მასვე მოჰყავს ის ამბავი, რომ მოხვევები სამშობლოს აღვილად არ თმობდნენ, მაგრამ ტრადიციებზე ძლეერი აღმოჩნდა ის გაჭირვება, რომელშიც მოხვევები აღმოჩნდნენ.“ აუტანელის გაჭირვებისაგან მოხვევებს საფლავ-სამარეც დაავიწყდათ და თავ-ბედრიცა“ — წერდა იგი. ამ გაჭირვებულ ხალხს სახელმწიფო ხარჯის მომატებაც დაერთო. აქამდე კომლზე 20—30 კაპიკს იხდიდნენ, ახლა კი 3 მან. 90 კაპიკს ახდენებენო. „რომელ ერთს გაჭირვებას გაუძლოს მოხვევმ? სიმშილს, უშეშობას, ცივ ზამთარში გზაზე ბეგრით მუშაობას, ზამთარ-ზაფხულ ურმით ჯარების ბარგის ზიდვას?“<sup>39</sup>.

<sup>38</sup> „დროებ“, 1883, № 21.

<sup>39</sup> „დროება“, 1883, 9 თებერვალი, № 28.

ჩრდილო ოსეთის ასსრ სახელმწიფო არქივში დაცულია ალაგირში გადასახლებულ რაჭველთა სია. სია 1886 წელს ეკუთვნის და შეიცავს 147 ოჯახის წევრთა აღწერას. ისინი გადმოსახლებული იყვნენ სოფლებიდან: შქმერი, ლაჩტა, ურავი, შეუბანი, და სხვ. გადმოსახლებულთა გვარები: ლობჯანიძე, ჩიქვილაძე, სხირტლაძე, მაისურაძე, მეტრეველი, გოგრიჭიანი, ოშიაძე, საბანაძე, ჩალაძე, ბურდილაძე, სულთანიშვილი, რეხვიაშვილი, გაგნიძე, ჩიხრაძე, არჩვაძე, გობეჯიშვილი, გავაშელი, გუგუშაშვილი, ხიდაშელი, ქებაძე, კერესელიძე, ალავიძე, გამყრელიძე, ტაბუცაძე, ჯაფარიძე, ნეფორიძე, იაშვილი და სხვ<sup>40</sup>.

გადმოსახლებულნი ყიდულობდნენ ძიწის ნაკვეთებს, უმთავრესად კი იჯარით იღებდნენ ოსი მემამულეებისაგან, ან რუსი მიწათმფლობელებისაგან. ოს მემამულე თუგანოვებს ამ რაჭველ გლეხთაგან ბევრი მოიჯარე გლეხები ჰყოლიათ. ცნობილი ოსი მხატვრის მახარბეკ თუგანოვის ბიოგრაფს მხატვრის მამის — საფარის დასახასიათებლად მოჰყავს ოსი გლეხის გუბა თადევეის მონათხრობი: თუგანოვების მეიჯარე იმერლებმა სილტანუკის ველზე ცეცხლი დაანთეს და უყურადღებობის გამო გაჩენილმა ხანძარმა 30 დეკეტინა ყანა გადაუწვა საფარს. მეიჯარეებმა თავში ხელი შემოირტყეს და საფარს მოციქულები გაუგზავნეს — ოღონდ ნუ გვიჩივლებ და რაც გინდა გადაგვახდევინეო. მას უპასუხია, რომ მე თქვენი და ჩემი უბედურებით ვერ ვისარგებლებ. არაფერი არ მინდა, ოღონდ შემდეგში გაფრთხილდითო<sup>41</sup>. ამ ცნობიდან საინტერესოა გადასახლებული ქართველების მიერ მიწით სარგებლობის ერთი ფორმა — იჯარა.

მაგრამ ასე იყო თუ ისე, რა მიზეზების შედეგიც არ უნდა ყოფილიყო მოხვევთა და სხვა მთიელთა ვლადიკავკავის მაზრაში გადასახლება, მას ისევე როგორც რაჭველთა გადასახლებას ალაგირში და; საერთოდ, ჩრდილო ოსეთში, დიდი მნიშვნელობა ჰქონდა ქართველ-ოსთა დაახლოების საქმეში. ვლადიკავკავის ქართველთათვის ქართველთა შორის წერა-კითხვის გამავრცელებელმა საზოგადოებამ გახსნა ქართული სკოლა, რომელიც იქაურ ქართველთა შორის ფართო კულტურულ-საგანმანათლებლო მუშაობას ეწეოდა. შემდეგში ასეთივე სკოლა გაიხსნა ალაგირშიც. ამ სკოლებში წარმოებული კულტურულ-საგანმანათლებლო მუშაობა შეუქმნეველი არ რჩებოდა იქაური ოსური მოსახლეობისათვისაც, რომლის მოწინავე წარმომადგენლებიც მჭიდროდ იყვნენ დაკავშირებული აქ მოღვაწე ქარ-

<sup>40</sup> ЦГА СО АССР, ф. 11, оп. 52, ед. хр. 237, лл. 1—51.

<sup>41</sup> М у с а Х а к и м, Махарбек Туганов, Орджоникидзе, 1962, с.р. 14.



თველებთან და აქტიურ მონაწილეობას ღებულობდნენ მათ მიერ ჩატარებულ ღონისძიებებში.

ამრიგად, ოსების განსახლება საქართველოს ბარის რაიონებში, ისევე როგორც ქართველი მთიელებისა (ჩაჭველების, მოხვევების, მთიულების) ჩრდილო კავკასიაში გამოწვეული იყო ეკონომიური ფაქტორებით. მან გარკვეული როლი ითამაშა ქართველი და ოსი ხალხების ეკონომიური და კულტურული ურთიერთობის გაღრმავების საქმეში.

## § 2. კულტურული ურთიერთობა

საქართველოს რუსეთთან შეერთების შემდეგ ქვეყნად მშვიდობიანი ცხოვრების პირობების დამყარების შედეგად გაძლიერდა ქართველ ხალხთან ოსთა კონტაქტები. XIX ს. პირველ ნახევარში სამხრეთ ოსეთში გლახთა მუდმივი გამოსვლები ფეოდალური ექსპლოატაციისა და ცარიზმის ბიუროკრატიული აპარატის წინააღმდეგ ამ კონტაქტებს ხელს უშლიდა, მაგრამ ამის მიუხედავად, მათ შინც საკმაო განვითარება ჰპოვეს. რეფორმის შემდგომ ხანაში ქართველი და ოსი ხალხების კონტაქტები კიდევ უფრო გაფართოვდა. სავაჭრო-გაყვლითი და სხვა მიზნებით ოსები ხშირად დაიარებოდნენ საქართველოს სხვადასხვა ადგილებში. ეს იწვევდა ქართული ენის ფართოდ გავრცელებას ოსთა შორის. ქართული სოფლების მოსახლერე ოსური მოსახლეობა საყოველთაოდ ფლობდა ქართულ სალაპარაკო ენას, შორეულ მთიანეთის სოფლების მოსახლეობის მამაკაცთა აქტიურმა ნაწილმა (ვინც საბაზრო ადგილებში თუ სეზონურ სამუშაოებზე დადიოდა საქართველოს რაიონებში) იცოდა ქართული ენა. XIX ს. რეფორმის შემდგომ ხანაში ოსები ფართოდ სახლდებიან ქართლ-კახეთის რაიონებში, უშუალოდ ქართულ მოსახლეობას შორის და სწრაფად ითვისებენ არა მარტო ქართულ ენას, არამედ ქართველი ხალხის მაღალ სამეურნეო კულტურას და ზნე-ჩვეულებებს. ქართველი ხალხის სამეურნეო კულტურის გაცნობამ აღნიშნულ ოსებს საშუალება მისცა ეკონომიური დაწინაურებისათვის.

ჩრდილო ოსეთში ქართული ენის ცოდნა იქ შექმნილი პირობების გამო (რუსეთი! ცარიზმის დამკვიდრება იქ და რუსიფიკატორული პოლიტიკის გატარება განათლების სისტემაში) ნაკლებ იყო გავრცელებული, მაგრამ XIX ს. რეფორმის შემდგომი ჩრდილო ოსეთის ინტელიგენცია კარგად იცნობდა ქართულ კულტურას და მაღალ შეფასებას აძლევდა მას, მოწინავე ქართველ საზოგადო მოღვაწეთა მაგალითისა-

მებრ ცდილობდა ხელი შეეწყო თავისი ხალხის კულტურული დაწინაურებისათვის.

უკვე XIX ს. პირველ ნახევარშივე, საქართველოს დედაქალაქი თბილისი მთელი კავკასიის კულტურულ-ეკონომიური ცენტრი გახდა. თბილისის სასულიერო სასწავლებელსა თუ სემინარიაში მრავალმა ოსმა მიიღო განათლება, რომელთაც შემდეგ აქტიური მოღვაწეობა გააჩაღეს ოსეთში კულტურის ასპარეზზე.

რეფორმის შემდგომ ხანაში — 60—70-იან წლებში სამხრეთ ოსეთში პედაგოგიურ ასპარეზზე, ქრისტიანობის აღმდგენელი საზოგადოების სამრევლო სკოლებში, მრავლად მოღვაწეობდნენ ქართველი სამღვდლო პირები — კანდელაკი, ყანჩუევი, კასრაძე, ინაევი, პეპელოვი, ფოფხაძე, ნათიევი, მაჭავარიანი, ტატიევი.

სამრევლო სკოლების მოსწავლეთაგან კარგი აკადემიური წარმატების მქონენი ირიცხებოდნენ თბილისის სასულიერო სასწავლებელში; 1866 წ. ქრისტიანობის აღმდგენელი საზოგადოების ხარჯზე სასწავლებელში ჩაირიცხნენ ალექსანდრე კოკოშვილი და ნიკოლოზ გაბარაშვილი<sup>42</sup>. XIX ს. 70-იანი წლებიდან ცალკეული ოსები ირიცხებიან თბილისის სამხედრო ფელდშერთა სკოლაში. 1872 წ. ამ სკოლაში ჩარიცხულ იქნენ სოფ. რუკის სკოლის მოსწავლეები ივანე ჭიაყევი და სოლომონ კოზონოვი<sup>43</sup>.

სამხრეთ ოსების მრავალი წარმომადგენელი სწავლობდა გორისა და თბილისის სასულიერო სასწავლებლებსა და სემინარიებში 60—70-იან წლებში. კავკასიაში ქრისტიანობის აღმდგენელი საზოგადოების 1880 წლის ანგარიში შეიცავს მონაცემებს სამხრეთ ოსეთის სკოლებზე. ჯავის სკოლის კურსდამთავრებულთაგან მასში მოხსენებულია სემინარიადამთავრებული და მღვდლად განწესებული ჭიოევი, სემინარისტები სანაკოევი და თედეევი. ხახუტოვი — გორის სასულიერო სასწავლებლის მოწაფე, სამხედრო ფელდშერი გაგლოევი, საფელდშერო სკოლის მოსწავლე ცხოვრებოვი, დუშეთის სახელოსნო სასწავლებლის მოწაფე ივ. სანაკოევი, რომელიც სამასწავლებლო სემინარიაში გადასვლას ცდილობდა, ა. დავიდოვი — თბილისის სასულიერო სასწავლებლის მოსწავლე, შამბაშვილი — გორის სამასწავლებლო სემინარიის მოსწავლე და სხვ<sup>44</sup>.

80-იანი წლების ბოლოსათვის უკვე ოსი ქალებიც გვხვდებიან თბილისის ეპარქიალურ ქალთა სასწავლებლის კურსდამთავრებულთა შორის. ერთ-ერთი მათგანი ანა კოკოევა 1889 წ. საქართველოს ეგზარ-

<sup>42</sup> История Осетии в документах и материалах, т. III, стр. 598.

<sup>43</sup> ი ქ ვ ე, გვ. 608.

<sup>44</sup> ი ქ ვ ე, გვ. 625

ქოსმა მასწავლებლად განაწესა<sup>45</sup>. ამავე სასწავლებლის კურსდამთავრებული სანაკოვეა 90-იანი წლების დამდეგს მუშაობდა მასწავლებლად კოშკის სამრევლოში<sup>46</sup>.

80—90-იან წლებში სამხრეთ ოსეთში მრავლად ეწევიან პედაგოგიურ მოღვაწეობას თბილისისა და გორის სასწავლებელთა კურსდამთავრებულები: მღვდელი ზურაბ ჭიოევი — თბილისის ორკლასიანი სემინარიის კურსდამთავრებული; გაბრიელ ატაევი, წარმოშობით დიგორელი, თბილისის სასულიერო სემინარიის მეოთხე კურსიდან გამოსული; ალექსანდრე ბეგიზოვი — გორის საქალაქო სასწავლებლის კურსდამთავრებული; ალექსანდრე კოკიევი — თბილისის სასულიერო სასწავლებლის კურსდამთავრებული, მღვდელი, საღვთო სჯულის მასწავლებელი<sup>47</sup>.

30—90-იან წლებში სამხრეთ ოსეთის საეკლესიო-სამრევლო სკოლებში მრავლად მოღვაწეობდნენ თბილისის, გორისა და ქუთაისის სასულიერო სასწავლებლების კურსდამთავრებული ქართველებიც — გრიგოლ კასრაძე, ისიდორე კვიციანიძე, გერასიმე იმნაიშვილი, ტაბუნიძე, კოშკის ქალთა სკოლის მასწავლებელი საძაგელოვა და სხვ. ქრისტიანობის აღმდგენელი საზოგადოების სკოლების მისიონერ-ინსპექტორმა მამინაიშვილმა მიაღწია სოფ. ჰერივში (წრუში) სკოლის გასსნას<sup>48</sup>.

1886 წ. ვანათის სკოლაში, სადაც საღვთო სჯულის მასწავლებლად ბლადოჩინი ფილიევი იყო, სწავლობდა 26 ქართველი და 18 ოსა ბავშვი. მასწავლებლად მუშაობდა მცხეთაძე. მღვდელ ფილიევის ცოლს 16 ქართველი გოგონა შეეკრიბა და ხელსაქმეს ასწავლიდა. საზოგადოების სკოლების ინსპექტორმა სთხოვა მღვდლის მეუღლეს ოსი გოგონებიც აეყვანა და ესწავლებინა ხელსაქმე, რაც მათ ოჯახში გამოადგებოდათ: კერვა თეთრეულის, კაბების, ფეხსაცმლისა და სხვ<sup>49</sup>.

ცნობილი ქართველი მეცნიერი და საზოგადო მოღვაწე დ. ბაქრაძე, 60-იან წლებში საზოგადოების სკოლების ინსპექტორის თანამდებობაზე მუშაობისას, არაერთხელ ყოფილა სამხრეთ ოსეთში და იქაური სამრევლო სკოლების მდგომარეობის ზუსტი სურათი დაგვიხატა. იგი გვიჩვენებს იმ მიზეზებს, რომლებიც აიძულებენ სამხრეთ ოსეთის მშრომელებს მოწყვიტონ სკოლას ვაჟები — სამუშაოზე იხმარებენ, რადგან ეკონომიურად ნაკლებად არიან უზრუნველყოფილი ბატონყმო-

<sup>45</sup> საქ. ცთა, ფ. 141, საქმე 918, ფ. 3; Ист. Осетии..., III, стр. 656.

<sup>46</sup> საქ. ცთა, ფ. 141, საქმე, 766, ფ. 31; Ист. Осетии..., III, стр. 667.

<sup>47</sup> История Осетии..., III, гл. 664—665.

<sup>48</sup> იქვე, 691—692.

<sup>49</sup> იქვე, გვ. 648.

ბიდან გვიანი გათავისუფლების გამო. იგი დადებითად ახასიათებს ბეყმარის სკოლის მასწავლებლის ნათიშვილის, ორტევის სკოლის მასწავლებლის ჩოჩიშვილისა და ორტევის სამრევლოს მღვდლის კანდელაკის საქმიანობას. ჩოჩიშვილი დილით ჩამოუვლის სოფელს და ბიჭები მოჰყავს სკოლაში, ამასთან ღარიბებს თავის ხარჯზე ინახავს, ხოლო კანდელაკმა გაჭირვებულ მოსწავლეთა დასახმარებლად 20 კოდი ხორბალი გაიღო<sup>50</sup>.

ბეყმარის სკოლის მასწავლებელმა ი. ტატიშვილმა 1873 წელს შეიმუშავა ოსეთის სასოფლო სკოლების სასწავლო პროგრამა ოთხწლიანი სწავლებისათვის. ის საგნების შესწავლას უსახავდა ერთ მიზანს — ბავშვის სულიერი და ფიზიკური უნარის პარმონიულ განვითარებას. ეს მიღწეული უნდა ყოფილიყო საღეთო სჯულის, რუსული ენის, არითმეტიკის, ხაზვის, წერის, სიმღერის, გიმნასტიკის, მებოსტნეობის და ხელოსნობის (კერძოდ ღურგლობის) შესწავლით<sup>51</sup>.

თბილისის სასწავლებლებში აღიზარდა მრავალი ახალგაზრდა ჩრდილო ოსეთიდან. სასულიერო მასწავლებლის, სასულიერო სემინარიისა და ალექსანდრეს სახელობის სამასწავლებლო სემინარიის კურსდამთავრებულები შემდეგ აქტიურ საქმიანობას ეწეოდნენ თავის სამშობლოში სასულიერო და პედაგოგიურ ასპარეზზე. 60-იანი წლების ბოლოს ჩრდილო ოსეთში ყველაზე ცნობილი მასწავლებლები იყვნენ თბილისის ალექსანდრეს სახ. სამასწავლებლო სემინარიის კურსდამთავრებულები ნიკოლოზ ხეთაგოვი, იორამ ხურუმოვი, ბორის თუაევი, ნიკოლოზ დოევი, დავით კულაევი, დიმიტრი კოკოევი, ზაქრო კუბალოვი, ნიკოლოზ დაუროვი, ბორის ხეთაგუროვი, დავით ძუგაევი, გიორგი სალამოვი, იორამ ხეთაგუროვი და სხვ<sup>52</sup>.

თბილისში სწავლების პერიოდს აღნიშნული ოსებისათვის არ შეეძლო უკვალოდ ჩაეველო. 60-იანი წლები საქართველოში ეროვნულ-განმათავისუფლებელი მოძრაობის აღმავლობით აღინიშნა. ამ პერიოდს ეკუთვნის თერგდალეულთა სამოღვაწეო ასპარეზზე გამოსვლა და შეუძლებელი იყო ოს ახალგაზრდობას თბილისში არ განეცადა მათი იდეების გავლენა, კერძოდ, არ გაეზიარებინათ მათი სწრაფვა თავის ხალხის კულტურული დაწინაურებისათვის. თბილისში სწავლამიღებულმა მრავალმა ოსმა უაღრესად აქტიური მუშაობა გააჩაღა ოსეთში სასკოლო განათლების ფართოდ გავრცელებისათვის, თავის ხალხის კულტურის ფართო ასპარეზზე გამოყვანისათვის.

<sup>50</sup> История Осетии., III, гл. 599—600.

<sup>51</sup> იქვე, გვ. 609—614.

<sup>52</sup> М. С. Тотоев, Очерки истории культуры и общественной мысли в Северной Осетии в пореформенный период, Ордж., 1957, стр. 118.

1865 წელს თბილისის სასულიერო სემინარია დაამთავრა ბორის პეტრეს ძე გატიევი (1841—1879 წწ.). იგი იყო ალაგირის ხეობის სოფ. ჩიდიდან. 1870 წელს ყაზანის სასულიერო აკადემია დაამთავრა და თბილისში დაბრუნდა. სამსახურის გამოუნახველობის გამო იგი ელადიკაიკაში დაბრუნდა და იქ მოღვაწეობდა, წერდა ეთნოგრაფიულ ნარკვევებს<sup>53</sup>.

მოინახვე დემოკრატიული მსოფლმზედველობის მქონე მასწავლებელი ასლამურზა ყაითმაზოვი (1866—1925) სოფ. ზ. ზარამაგიდან, გორის სამასწავლებლო სემინარიის დამთავრების შემდეგ, მასწავლებლობდა ოსეთში, ყაბარდოში, ბოლოს ამიერკავკასიაშიც მოღვაწეობდა. ზარამაგელმა სტეფანე მამიტოვი (1848—1918) 1866 წელს დაამთავრა თბილისის სასულიერო სემინარია და ქუთაისის სასულიერო სასწავლებლის მასწავლებლად დაინიშნა, ბოლოს ოსეთში მოღვაწეობდა.

1864 წელს პირველი ხარისხის მოწმობით დაამთავრა თბილისის სასულიერო სემინარიის კურსი სალუგარდანელმა ალექსი გიორგის ძე გატიევი (1840—1909). ის მერე ოსეთში მოღვაწეობდა მასწავლებლად. მას ეკუთვნის ისტორიულ-ეთნოგრაფიული ნარკვევი «Христианство в Осетии». ის ჯერ გაზეთ «ტერსკიე ვედომოსტში» დაიბეჭდა 1889—90 წ.წ., 1901 წ. კი წიგნად გამოიცა<sup>54</sup>.

თბილისის სამასწავლებლო სემინარია დაამთავრა ცნობილმა ოსმა პედაგოგმა ზარიტონ ურუმიშაგოვმაც.

თბილისთან მნიშვნელოვანწილად დაკავშირებულია ცნობილი ოსი მოაზროვნისა და საზოგადო მოღვაწის ათანასე გასიევის სწავლისა. და მოღვაწეობის პროცესი. იგი დაიბადა 1644 წ. ქ. ვლადიკავკაეში, აქვე დაამთავრა სასულიერო სასწავლებელი და სტავროპოლის სასულიერო სემინარიაში შევიდა. იქიდან ის გადმოვიდა თბილისის სას. სემინარიაში და ერთი წელი სწავლობდა. 1871 წელს მან დაამთავრა კიევის სასულიერო აკადემია კანდიდატ-მაგისტრანტის ხარისხით და გამოიგზავნა თბილისში ქრისტიანობის აღმდგენელი საზოგადოების განკარგულებაში. აქ იგი ერთხანს რედაქტორობდა საეკლესიო წიგნებს და შტატგარეშე პედაგოგად იყო ქალთა პირველ გიმნაზიაში. იგი ასწავლიდა პედაგოგიკას, ფიზიკას და მათემატიკას<sup>55</sup>.

1872 წლიდან 4 წლის მანძილზე ა. გასიევი განწესებულ იქნა მოზღოვის სასულიერო სასწავლებლის მეთვალყურედ, მაგრამ სამ-

<sup>53</sup> М. С. Тотоев, დასახ. ნაშრომი, გვ. 84.

<sup>54</sup> იქვე, გვ. 339, 341 354—355.

<sup>55</sup> იქვე, გვ. 59—62.

ღვლელობასთან საერთო ენა ვერ გამოიხატა და იძულებული გახდა ამიერკავკასიაში წასულიყო, სადაც სხვადასხვა თანამდებობებზე მუშაობდა. 1904 წელს მან სამსახურს თავი დაანება და ოსეთში დაბრუნდა, სადაც პუბლიცისტური მოღვაწეობა დაიწყო.

თბილისში მოღვაწეობის პერიოდში ა. გასიევი ამხელდა ცარიზმის კოლონიურ პოლიტიკას ქართველი ხალხისა და კავკასიის სხვა ხალხთა განათლების საკითხში. იგი წერდა, რომ თბილისის გუბერნიის ფარგლებში ადგილობრივი მოსახლეობისათვის არ არსებობს იმ საღმრთლო საშუალებათა ნახევარიც კი, რომლებიც მაზრების, თემებისა და სოფლების განკარგულებაშია შიდა რუსეთში. ა. გასიევი თვლიდა, რომ აქ განათლების დარგში შეზღუდულობა უფრო მწვავედ იგრძნობოდა, რადგანაც „მოსწავლეთა მოზღვაება, ლტოლვა საგუბერნიო ქალაქისაკენ (ე. ი. თბილისისაკენ) გაცილებით უფრო დიდია, ვიდრე რუსეთში“<sup>56</sup>.

ა. გასიევი ქართველი ხალხის ინტერესების ერთგული დამცველი იყო სახალხო განათლების დარგში. იგი განიცდიდა იმ სიძნელებებს, რომლებიც მეფის რუსეთმა შეუქმნა ქართველი ხალხის კულტურული განვითარების საქმეს და თავისი საქმიანობით ცდილობდა მათი დაძლევის პირობების შექმნას.

XIX ს. დამლევისათვის თბილისის სასწავლებლებში (ყველა ტიპისა) ოს მოსწავლეთა რიცხვი კიდევ უფრო გაიზარდა. ეს გარემოება ხელს უწყობდა ოსი მოსწავლე ახალგაზრდობის კავშირს მოწინავე ქართველ საზოგადოებრიობასთან.

ჩრდილო ოსეთში XIX ს. მეორე ნახევარში მრავალი ქართველი ცხოვრობდა (რაჭის რაიონიდან მასობრივად ჩამოსახლებულნი და აგრეთვე სამსახურებრივ მოვალეობათა გამო ვლადიკავკაში თუ სხვა პუნქტებში დამკვიდრებულნი). მრავალი მათგანი ეწეოდა იქ მისიონერულ საქმიანობას მართლმადიდებელი ქრისტიანობის აღმდგენელი კომისიის ხაზით, ბევრი მასწავლებლობდა ადგილობრივ თუ ვლადიკავკაში გახსნილ ქართულ სკოლაში, ბევრიც მთავრობის დაწესებულებებში მუშაობდა. ასეთი პირები თავის საქმიანობით ხელს უწყობდნენ ოსთა განათლებისა და წინსვლის, ქართველ ხალხთან მათი კულტურული ურთიერთობის განმტკიცების საქმეს.

ვლადიკავკაში მოღვაწე ქართველთაგან XIX ს. მეორე ნახევარში აღსანიშნავია მიხეილ ზაალის ძე ყიფიანი (1833—1891). 1871 წლიდან იგი ოჯახით ვლადიკავკაში ცხოვრობდა. იგი იყო კოსტა ხეთაგუ-

<sup>56</sup> გაზ. «Тифлисский вестник», 1877, № 238; ტ. ს ა რ ი შ ვ ი ლ ი, ოსეთ-საქართველოს კულტურულ-პედაგოგიური ურთიერთობა, თბილისი, 1965, გვ. 41.

როვის მეგობარი და დაკავშირებული იყო ოსი ინტელიგენციის მოწინავე ნაწილთან. აღსანიშნავია, რომ იგი ვლადიკავკაზში შედიოდა წრეში, რომელშიც გაერთიანებული იყვნენ ა. არდასენოვი, ნ. ტუსკაევი, შანაევი, ჯ. შანაევი, გოჯიევი, ე. გაზდანოვი, აიდაროვი, დ. სოხიევი, ძ. გოლიევი, ნ. კანანოვი, ნ. ყაზბეგი, ათაბეგოვი, ძმები პ. და ს. აპოკევი (სომხები), ბ. კიხერი და სხვები<sup>57</sup>.

როგორც ვხედავთ, წრე თავის შემადგენლობით ინტერნაციონალური იყო. წრის ორგანიზაციაში აქტიურ მონაწილეობას ღებულობდა ო. კანანოვა (პალიცინა), რომელმაც 70-იანი წლების დასაწყისში დაიწყო რევოლუციური მოღვაწეობა რუსეთში. წრემ კონკრეტული ნაბიჯები გადადგა ვლადიკავკაზში ბიბლიოთეკის შესაქმნელად, რომელსაც რევოლუციური იდეები და ლიტერატურა უნდა გაეცრულებინა. მათვე განახორციელეს საიდუმლო ტიპოგრაფიის შექმნის ცდა<sup>58</sup>.

წრე თავის ხასიათით ხალხოსნურ მიმდინარეობას ეკუთვნოდა. მიხეილ ყიფიანი ქართველ ხალხოსანთა ერთ-ერთი თვალსაჩინო წარმომადგენელი იყო. მასთან მჭიდროდ იყო დაკავშირებული ალიხან არდასენოვი. უკანასკნელი 1876 წელს დააპატიმრეს და ციმბირში გადასახლეს ვლადიკავკაზში საიდუმლო საზოგადოების შექმნისათვის. დაპატიმრების მასალებში აღნიშნულია, რომ რევოლუციური საქმიანობის განსახორციელებლად ის ფულს ღებულობდა წრის ისეთი თვალსაჩინო წევრებისაგან, როგორც იყვნენ მიხეილ ყიფიანი და ეგნატე იოსელიანი<sup>59</sup>.

თუ რამდენად მჭიდროდ იყო დაკავშირებული ქართულ რევოლუციურ საზოგადოებრიობასთან ა. არდასენოვი, მოწმობს ის, რომ 70-იან წლებში სვანეთის აჯანყების დროს იგი მზად იყო წასულიყო სვანეთში და აჯანყებაში მონაწილეობა მიეღო.

თანამედროვეთა ეს გადმოცემა რომ მთლად სიმართლეს მოკლებული არ უნდა იყოს, ჩანს იქიდან, რომ უშუალო მომდევნო პერიოდში არდასენოვი დააპატიმრეს და ბრალდებად წაუყენეს თბილისისა და ქუთაისის გუბერნიებში რევოლუციური პროპაგანდის წარმოება. მართალია, შემდეგში ეს ბრალდება მოეხსნა 1878 წ. მოსკოვსა და ვოლოგდის გუბერნიაში რევოლუციური პროპაგანდის გამო, მაგრამ თვით ფაქტი ა. არდასენოვის 70-იანი წლების ქართველ რევოლუციონერებთან უმჭიდროესი კავშირისა ფაქტად რჩება. არდასენოვმა 1885 წელს,

<sup>57</sup> М. С. Тогоев, დასახ. ნაშრომი, გვ. 21.

<sup>58</sup> ი ქ ვ ე, 83- 22.

<sup>59</sup> ი ქ ვ ე, 83- 25.

ციმბირიდან დაბრუნების შემდეგ, თბილისში დაიწყო სამსახური სახელმწიფო ქონებისა და მიწათმოქმედების სამმართველოში. აქ იგი 1916 წლამდე მუშაობდა<sup>60</sup>. მისი ნარკვევი «Сванетия и Лечхуми», დაიბეჭდა გაზეთ „ნოვოე ობოზრენიეში“ (1890 წ.).

მ. ყიფიანი შემდეგშიც თავის საქმიანობით მკიდროდ იყო დაკავშირებული ოს ხალხთან, მის მოწინავე ინტელიგენციასთან. 1883 წლიდან, თერგის ოლქის მთიელთა შორის განათლებისა და ტექნიკური ცოდნის გამავრცელებელ საზოგადოებას „სათავეში ჩაუდგა საზოგადოების საპატიო წევრი მ. ყიფიანი. საზოგადოება დიდ ღალატს განაგრძობდა უწევდა ოსებს და თერგის ოლქის სხვა მთიელებს პირველადწყებითი სახალხო სკოლების ქსელის გაშლის, მშობლიურ ენაზე სწავლა-განათლების დაფუძნების, ოს მოსწავლეთათვის საერთო საცხოვრებლების მოწყობის, საზოგადოების ხარჯზე სტიპენდიანტების შენახვის, დღე-ენაზე საანბანო წიგნების გამოცემისა (1890 წ. გამოსცა ალმახსიტ კალნუკოვის „ოსური ანბანი“) და, საერთოდ, ადგილობრივ მოსახლეობაში ცოდნის გავრცელების საქმეში<sup>61</sup>.

მ. ყიფიანი 1891 წ. მარტის დამდეგს გარდაიცვალა. ოსმა ხალხმა იგი ცხარე ცრემლით დაიტირა. მისმა მეგობარმა კ. ხეთაგუროვმა ყიფიანის გარდაცვალებას უძღვნა ლექსი, სადაც მიუთითა მის უდიდეს დამსახურებაზე ოსი ხალხის წინაშე და გამოხატა მისი გარდაცვალებით გამოწვეული ღრმა გულისტკივილი. გაზეთი „ივერია“ 1891 წ. № 53-ში (10 მარტისა) მ. ყიფიანის გარდაცვალებასთან დაკავშირებულ კორესპონდენციაში კ. ხეთაგუროვის ლექსთან დაკავშირებით წერდა: „მას უკან დიდის გრძნობით წარმოსთქვა ლექსი ჯერ ოსურად და შემდეგ მეორე ლექსი რუსულად კოსტა ხეთაგუროვმა. შინაარსი ოსური ლექსისა მოკლედ ასეთი იყო: გზა მშვიდობისა, ჩვენთვის აღარა ზრუნავ ახლა. ქვეყნად გერჩება შენი სახელი. შენი მომღურავი ერთიც არ არის ჩვენს შორის. სახელი შენი საუკუნოდ ცოცხალი იქნება. თვით სიცოცხლე შენი საუკუნოდ იყო. მარტო შენ შესძელ და ერს შესწირე კეთილდღეობა შენი. სიყრმიდან სიბერემდე ნატვირთი გქონდა მწუხარება ერისა. ანთებული ლამპარი გეჭირა და გვინათებდი ბნელ გზას. საცა საჭირო იყო იბრძოდი, მაგრამ უფრო ხშირად ალერსი გეხერხებოდა... კეთილი მწყემსი იყავ ღარიბთათვის. რით გადაგიხადოთ სი-

<sup>60</sup> М. С. Тотоев, დასახ. ნაშრომი, გვ. 26; ა. არდასენოვა 1896 წ. თბილისში გამოსცა წიგნი «Переходное состояние горцев Северного Кавказа». ავტორის ადგილზე აღნიშნული ინიციალები В. Н. Л. მისი ფსევდონიმია და ნიშნავს: „Вера», «Надежда», «Любовь».

<sup>61</sup> ტ. ს ა რ ი შ ვ ი ლ ი, ოსეთ-საქართველოს კულტურულ-პედაგოგიური ურთიერთობა, გვ. 24—25.



კეთის სამაგიერო?.. უბედურნი ვართ ჩვენ. ასჯერ უბედურია ის, ვინც უშენოდ სტირის აქა“<sup>62</sup>. დამსწრე ოსებს, გაზეთის ცნობით თვით ყველაზე გულმაგრებსაც კი, ცრემლი ვერ შეუკავებიათ.

ოსმა ხალხმა კოსტა ხეთაგუროვისა და თავის სხვა მოწინავე წარმომადგენელთა პირით მაღალი შეფასება მისცა მისი კულტურული წინსვლისათვის დაუღალავი მებრძოლის მ. ყიფიანის მოღვაწეობას, ხედავდა რა მასში „განათლებისათვის დაუცხრომელ მებრძოლს“, ჩაგრული და უფლებებო მთის ხალხთა ქომავს, „გულშემატკაეარს“, „თანამგრძნობელს“ და „გულწრფელ მეგობარს“. კოსტამ თავის ღირსეულ მეგობარს, რომელმაც თავის გარდაცვალებით „მწუხარება და მწარე ნაღველი“ დაუტოვა მთიელებს, უძღვნა ორი ლექსი და დახატა მისი პორტრეტი. მან მ. ყიფიანის ღვაწლი ოსებზე ღირსად ცნო იმისა, რომ მისი სახელი თაობიდან თაობას მაღლიერების გრძნობით გადასცემოდა.

ჩრდილო ოსეთში ბევრი სხვა ქართველი სასულიერო და საერო პირი მოღვაწეობდა განათლების ასპარეზზე. ბევრმა მათგანმა დიდი ამაგი დასდო ოსთა განათლების საქმეს.

XIX ს. 80—90-იან წლებში ქართულ პერიოდულ პრესაში სისტემატურად ქვეყნდებოდა კორესპონდენციები ოსეთიდან, რომელსაც ხელს აწერდა „ქართველი ოსებში“ (ფსევდონიმია) — ნ. ბაკურაძე, რომელიც ჩრდილო ოსეთში მღვდლად მუშაობდა. მისი კორესპონდენციები შეეხებოდა ოსეთში მიმდინარე ყოველდღიურ მოვლენებს და ქართველ მკითხველ საზოგადოებას საშუალებას აძლევდნენ ამ მოვლენების საქმის კურსში ყოფილიყვნენ. ბევრს წერდა იგი ოსთა რელიგიურ ზნე-ჩვეულებებზე ჟურნალ „მწყემსის“ ფურცლებზე.

ასეთივე ხასიათისა იყო მღვდელ გიორგი საძაგლიშვილის საქმიანობა, რომელიც 80-იან წლებში ფართოდ თანამშრომლობდა ჟურნალ „მწყემსში“ „ლიახველი გიორგის“ ფსევდონიმით. იგი წერდა ქრისტიანული რელიგიის მდგომარეობაზე, ოსურ ენაზე წირვა-ლოცვის შესრულების აუცილებლობაზე, ეკლესიების ნაშთებზე, ამხილებდა ოსურ მავნე ზნე-ჩვეულებებს და მიესალმებოდა მათ გაუქმება-შესუსტებას. მას ჩაწერილი და გამოქვეყნებული აქვს ზოგიერთი ოსური ლექსები.

გ. საძაგლიშვილი მაღალი აზრისა იყო ი. იალღუზიძის მიერ შედგენილ ოსურ ანბანზე, რომელიც ქართული შრიფტის საფუძველზე იყო შექმნილი. ა. შეგარენის მიერ რუსული გრაფიკის საფუძველზე შექმნილ ანბანს ის ოსურისათვის უვარგისად თვლიდა, რადგან მან წერა-კითხვა შეაფერხა ოსეთში. ქართული გრაფიკა უკეთესია ამ მიზნით<sup>63</sup>.

<sup>62</sup> ი ქ ე ე. გვ. 37. აქ მთლიანად მოტანილია „ივერიის“ კორესპონდენცია.

<sup>63</sup> ჟურნ. „მწყემსი“, 1884, № 11, გვ. 6; 1885, № 2, გვ. 4—5.

1894—1900 წწ. თერგის ოლქის სახალხო სკოლების ინსპექტორად გადაყვანილ იქნა თბილისის სათავადაზნაურო სკოლის ინსპექტორი, ცნობილი ქართველი პედაგოგი ალექსი ბესარიონის ძე ჭკინაძე (1851—1917 წწ.). მან დიდი ღვაწლი დასდო არარუსთა სკოლებში რუსული ენის სწავლების სათანადო სიმართლეს დაყენებას. იგი მოითხოვდა რუსული ენის სწავლებას მშობლიური ენის საფუძველზე. მისი დასკვნების საფუძველზე მიღებულ იქნა გადაწყვეტილება თერგის ოლქში რუსული ენის სწავლება დედაენის საფუძველზე დაემყარებინათ. ამას ოსეთის სახალხო სკოლების წარმატებისათვის გარკვეული მნიშვნელობა ჰქონდა<sup>64</sup>.

ქართველი სასულიერო პირები XIX ს. მეორე ნახევარშიც აქტიურად მოღვაწეობდნენ ოსეთში კავკასიაში მართლმადიდებელ ქრისტიანობის აღმდგენელი საზოგადოების ხაზით სასულიერო განათლების ასპარეზზე. იმერეთის ეპისკოპოსი, საზოგადოების მისიონერი და სკოლათა ინსპექტორი ლეონიდი, 80-იან წლებში აქტიურად იღწვოდა ოსებს შორის სამისიონერო სკოლების ქსელის გაფართოებისა და ოსთა შორის განათლებისაკენ ლტოლვის განმტკიცებისათვის. ოსეთში თავის სარევიზიო მოგზაურობების დროს, იგი ოსებს უქადაგებდა განათლების დიდ მნიშვნელობას და ამან სათანადო ნაყოფიც გამოიღო. როგორც გაზეთ ივერიის“ კორესპონდენტი წერდა, „ამ თხუთმეტიოდე წლის წინ ჩრდილოეთ ოსეთში სულ 10—15 სკოლა მოიპოვებოდა და ისიც“ კავკასიაში ქრისტიანობის აღმდგენელი საზოგადოების“ ხარჯით აშენებული. მაშინდელი ოსები დიდი ხალისით კი არ გზავნიდნენ თავიანთ შვილებს სკოლებში. არამედ თითქმის საყვედურით. მაგრამ ჩრდილოეთის ოსებმა სწავლის მნიშვნელობა მალე შეიგნეს, მომეტებულად მას დღეს აქეთ, რაც ჩრდილოეთ ოსების ინსპექტორად დაინიშნა პატივცემული ეზლანდელი იმერეთის ეპისკოპოსი, ყოვლად სამღვდლო ლეონიდი, მაშინ ისევ მღვდელ-მონაზონი. მათი მეუფება მობრძანდებოდა თუ არა აქაურს სკოლებში, მაშინვე სოფლის ყრილობას ახდენდა და მცხოვრებთ ტყბილას მოძღვრებით ესაუბრებოდა თუ სწავლა-განათლებას რა დიდი მნიშვნელობა აქვს... ეს რჩევა-დარიგება უნაყოფოდ არ დარჩა... დღეს კი აქ სკოლაში ბავშვებს კენჭის ყრით იღებენ. დღეს ჩრდილოეთ ოსეთის ყველა სამრევლოში არსებობს სკოლა“<sup>65</sup>.

XIX ს. უკანასკნელ წლებში ვლადიკავკავის ოს ქალთა თავშესაფარ სასწავლებელს განაგებდა დეკანოზი მამაცევი. ეს სასწავლებელიც

<sup>64</sup> ტ. ს ა რ ი შ ვ ი ლ ი, დასახ. ნაშრ., გვ. 28—29.

<sup>65</sup> გაზ. „ივერია“, 1901, № 61; ტ. ს ა რ ი შ ვ ი ლ ი, დასახ. ნაშრ., გვ. 26—27.

„ქრისტიანობის აღმდგენელ საზოგადოებას“ ეკუთვნოდა და დიდი როლი ითამაშა ოს ქალთა განათლების საქმეში. ვლადიკავკაის ქალთა გიმნაზიის გეოგრაფიის მასწავლებლად 1880 წლიდან, 20 წლის მანძილზე, მუშაობდა იმავე გიმნაზიის კურსდამთავრებული ალექსანდრა ნიკოლოზის ასული ჩხეიძე. იგი ოქროსა და ვერცხლის მედლით იყო დაჯილდოებული<sup>65</sup>.

ვლადიკავკაეში 1888 წელს ქართველთა შორის წერაკითხვის გამავრცელებელი საზოგადოების მიერ იქაურ ქართველთათვის გაიხსნა ქართული სკოლა. 1892 წელს ამ სკოლის უფროს მასწავლებლად მიწვეულ იქნა და 14 წლის მანძილზე მოღვაწეობდა ცნობილი ქართველი პედაგოგი და საზოგადო მოღვაწე ლუარსაბ გერასიმეს ძე ბოცვაძე (1855—1919). ამ დროისათვის სკოლაში 48 მოსწავლე ირიცხებოდა, ხოლო სასკოლო შენობა არ ქონდათ. ლ. ბოცვაძემ მიზნად დაისახა კავკაელ ქართველობაში გაეღვიძებინა მშობლიური ენისადმი სიყვარული. შათი ეროვნული თვითშეგნება. მან მოკლე ხანში გაიციო იქ მცხოვრები ყველა ქართველი და სკოლაშიც იმატა მოსწავლეთა რიცხვმა. ლ. ბოცვაძის ინიციატივით კავკაის ერთ გორაკზე მალე აშენდა სკოლის ლამაზი შენობა. სკოლაში, გარდა სამეცადინო დარბაზებისა, იყო ქალთათვის ჭრა-კერვის სასწავლებელი, რომელშიც მეცადინეობდნენ არა მარტო ქალიშვილები, არამედ შუახნის ქალებიც.

სკოლას ჰქონდა დიდი დარბაზი თეატრალური წარმოდგენებისათვის. მასში ხშირად იმართებოდა ლიტერატურული სადამოებო, რომლებზეც კითხულობდნენ ქართველ მწერალთა თხზულებებს, ასრულებდნენ ქართულ სიმღერებს, დგამდნენ წარმოდგენებს, ატარებდნენ ლექციებს ქართ. კულტურის მოღვაწეთა შესახებ. ერთი სიტყვით, სკოლა სამაგალითოდ იქცა, რომელსაც მაღალ შეფასებას აძლევდნენ ი. გოგებაშვილი, ი. ჭავჭავაძე<sup>67</sup>.

კავკაის ქართულმა სკოლამ დიდი როლი შეასრულა იქაური ქართველების ეროვნულ ნიადაგზე აღზრდა-განათლების საქმეში. მაგრამ მას არანაკლები მნიშვნელობა ჰქონდა ქართველებისა და ოსების კულტურული კავშირის გაღრმავებისათვის, ოსებს შორის ქართული კულტურის პროაგანდისათვის.

კავკაის გიმნაზიის მასწავლებელმა გ. კახიძემ მთავრობის წინაშე აღძრა საკითხი ალაგირში 1880-იანი წლებიდან დასახლებული ქართველი გლეხებისათვის (რაჭის მაზრიდან), რომლებიც 114 ოჯახს შეადგენ-

<sup>65</sup> ЦГА СО АССР, ф. 127, оп. 1, ед. ХР. 1544, ფ. 1—23.

<sup>67</sup> ი. ვ. ჭ ქ უ ა ს ე ლ ი, აღმზრდელი და მოპირახულე. თბილისი, 1966, გვ. 10—13; ტ. ს ა რ ი შ ვ ი ლ ი, დასახ. ნაშრ. გვ. 135—145.

დნენ, ქართული სკოლა გაეხსნათ. სკოლა გაიხსნა 1897 წელს. მის გამკედ რუსი მღვდელი ანდრეევსკი დაინიშნა, რომელმაც ქართული ენა არ იცოდა. იგი ითვლებოდა საღვთო სჯულის მასწავლებლადაც, მაგრამ ამ საგანს ასწავლიდა ქართულის მცოდნე სხვა მასწავლებელი. აქ სხვადასხვა დროს პედაგოგიურ მოღვაწეობას ეწეოდნენ პ. ლომთათიძე, ე. სირბილაძე, გ. რაზმაძე, ლუღუშაური, მიქიაშვილი<sup>68</sup>.

ოსეთში არსებული ქართული სკოლები ქართული კულტურის ისეთ ცენტრებს წარმოადგენდნენ, რომელთა გავლენა ოსებსაც სწვდებოდა. სახალხო განათლების ქართველი მოღვაწენი ჩრდილო კავკასიაში არც ოსებს იგიწეებდნენ. კავკავის ქართული სკოლის 1895/96 სასწ. წლის ანგარიშის განხილვის დროს, მასწავლებელთა შეკრებაზე წაიკითხეს ბალთელების — კვიციანიძის და ჭანიშვილის წერილი, სადაც იტყობინებოდნენ, რომ სოფლის ახალგაზრდა მწერალს ნიკოლოზ ფარეშიშვილს აუყვანია თითქმის 40-მდე ბავშვი ქართველ-ოსებისა და ქართულ-რუსულ წერა-კითხვას ასწავლის. ისინი ითხოვდნენ დახმარებას ბალთელი ბავშვებისათვის, რომელთაც სწავლის სურვილი კი აქვთ, მაგრამ შეძლება არა აქვთო. წერილს თანაგრძნობა გამოუწვევია — ხელმოწერით შეუგროვებიათ 50 მანეთი, ხოლო რამდენიმე ახალგაზრდა შეპირებია სახელმძღვანელო წიგნების ყიდვას<sup>69</sup>.

ქართული კულტურის მოღვაწენი, როგორც ვხედავთ, ოსი ახალგაზრდობის სწავლა-აღზრდის საკითხებსაც არ იგიწეებდნენ. ქართული პერიოდული პრესა სისტემატურად აქვეყნებდა ცნობებს ოსეთში სკოლების მდგომარეობაზე, მათ მოუწყობლობაზე, აკრიტიკებდა მთავრობის მოხელეთა ანტიხალხურ პოლიტიკას ოსების განათლების საკითხებში. ქართული პრესა მიუთითებდა, რომ მხოლოდ სწავლა-განათლების გზით შეიძლება ოსი ხალხის გამოყვანა კულტურული განვითარების გზაზე და ცდილობდა ხალხისათვის სწავლის სურვილის ჩაწერვას.

უტრანალი „კვალი“ აღნიშნავდა, რომ 1895 წ. 18 აგვისტოს საზოგადოებრიობამ იღღესასწაულა ცხინვალის ნორმალურ სასწავლოებელთან სამეურნეო განყოფილების გახსნა და ზეიმზე „ძმურად ატარებდნენ დროს ქართველი, სომეხი, ოსი, ურია... ყველანი ერთს საზოგადო საქმეს შეეერთებინა და ეს საზოგადო საქმე იყო გონება-განვითარების საქმე — ნორმალური სკოლისა და სამეურნეო განყოფილების კეთილად წარმატება“<sup>70</sup>.

<sup>68</sup> ტ. ს ა რ ი შ ვ ი ლ ი, დასახ. ნაშრომი, გვ. 145.

<sup>69</sup> უტრან. „კვალი“, 1896, № 11, გვ. 177; ტ. ს ა რ ი შ ვ ი ლ ი, დასახ. ნაშრ. გვ. 48—49.

<sup>70</sup> „კვალი“, 1895, № 38.

XIX ს. მეორე ნახევრის დიდი ქართველი პედაგოგი, მწერალი და საზოგადო მოღვაწე ი. გოგებაშვილი (1840—1912) დიდ ინტერესს იჩენდა ოსი ხალხის სწავლა-განათლებისადმი. თავის ნაკრევებსა და წერილებში იგი არაერთხელ ეხება ოსურ სკოლებში სწავლებისა და აღზრდის პროცესის რაციონალურ პედაგოგიურ პრინციპებზე აკეთის საკითხს. მან სახალხო სკოლის წარმატებით მუშაობის ძირითად პირობად აღიარა სწავლების დედაენაზე მოწყობა.

ებრძოდა რა კავკასიის სახალხო სკოლების დირექციის რუსიფიკატორულ პოლიტიკას, რომელიც უცნობი ენის შესწავლას უცნობი ენის მეშვეობით ითვალისწინებდა, ი. გოგებაშვილი მას ანტიპედაგოგიურ მოვლენას უწოდებდა. იგი მიუთითებდა, რომ დირექციის ეს პოზიცია გარკვეულ პოლიტიკურ მიზანს ისახავს: „თუ აფხაზური ენა არ გამოდგება პირველდაწყებითი სწავლების იარაღად, მაშინ არც ოსური გამოდგება. ხოლო თუკი ორივე ეს ენა განდევნილ იქნება სახალხო სკოლებიდან, მაშინ რაღა უფლების ძალით შეიძლება სხვა დანარჩენ მთიელთა და თვით არამთიელთა ენების დატოვება სასკოლო სწავლებაში“<sup>71</sup>.

ი. გოგებაშვილი კარგად გრძნობდა, რომ პირველად დაწყებითი განათლების საფუძვლად მშობლიური ენის უარყოფა მიზნად ადგილობრივ ენათა გადაგვარებას ისახავდა, რომელიც ცარიზმის რუსიფიკატორულ პოლიტიკიდან გამომდინარეობდა. ამიტომაც ის მოითხოვდა, რომ „...ოსეთის სკოლებში გვეყავდეს მომზადებული ოსი მასწავლებელი, ქართულში — ქართველი, სომხურში — სომეხი და ა. შ.“<sup>72</sup>. იგი თვლიდა, რომ ყოველმა სახალხო მასწავლებელმა უნდა იცოდეს იმ ხალხის ენა, ვის ბავშვებსაც ასწავლის.

ი. გოგებაშვილმა ადვილად გამოიცნო ცარიზმის მოხელეთა მიერ გატარებული ღონისძიების — სოხუმის ეპარქიასთან შავი ზღვის ოლქის ნაწილის, ხოლო ვლადიკავკავის ეპარქიასთან თერგის ოლქის შემოერთების ნამდვილი მიზანი. ეს აფხაზებისა და ოსების გარუსებისათვის გატარდაო<sup>73</sup>.

იაკობი პრინციპულად წინააღმდეგი იყო კავკასიის ეროვნულ უმცირესობათათვის სტანდარტული სახელმძღვანელოების შექმნისა. იგი თვლიდა, რომ „თვითეულ მსხვილ კავკასიურ ტომს მცა თავისებურებებთან შეფარებული ცალკე სახელმძღვანელო უნდა ჰქონდეს რუსულ ენაში“<sup>74</sup>. ასეთ სახელმძღვანელოთა საფუძვლად უნდა შეადგენდეს თვალსაჩინო და ზეპირი სწავლება მშობლიური ენის სისტემატუ-

<sup>71</sup> ი. გოგებაშვილი, თხზულებანი, ტ. I, 1952, გვ. 157.

<sup>72</sup> იქვე, ტ. II, 1952, გვ. 66.

<sup>73</sup> იქვე, ტ. II, 1954, გვ. 174.

<sup>74</sup> იქვე, ტ. III, 1954, გვ. 420.

რი დახმარებით<sup>75</sup>. ი. გოგებაშვილის ეს სალი პედაგოგიური მოსაზრებები სავსებით ვრცელდებოდა ოსი ხალხის სწავლა-განათლების საკითხებზე.

XIX ს. მეორე ნახევრის ქართული კულტურის მესაჭე, ეროვნულ-განმათავისუფლებელი მოძრაობის დიდი მედროშე ი. ჭავჭავაძე შეუპოვრად იბრძოდა ცარიზმის კოლონიური პოლიტიკის წინააღმდეგ. იგი არ იფარგლებოდა მარტოოდენ საქართველოს ინტერესებით და კავკასიის ყველა ხალხთა თავისუფლებისათვის იბრძოდა. კავკასიის ხალხთა ერთიანობა მას მიაჩნდა მათი შემხუთფელი ბორკილების დამსხვრევისა და თავისუფლების მოპოვების ძირითად პირობად. ეს იდეა მას გატარებული აქვს პოემა „აჩრდილში“.

„როდისღა ვნახე მშვენიერსა ამ ქვეყანასა  
თვისთა დიდების ნაშთსა ზედა კვლავცა აღმდგარსა,  
... როს იგი ტომნი ცად მიღწეულ მძღაურ კავკასიისა  
ერთისა აზრით, ერთის ფიქრით განდიდდებოან?  
თავისუფლების მშვენიერის სხივთ მხურვალება  
როდის დაადნობს დაქანგებულს დიდ ხნის ბორკილსა“.<sup>76</sup>

ილია ჭავჭავაძე ხალხთა შორის ჭეშმარიტ თანასწორობას, თითოეული ხალხის ეროვნული თავისებების პატივისცემას და ამ ნიადაგზე მათთან მეგობრული ურთიერთობის დამყარებას მოითხოვდა. იგი წერდა, რომ „...საკუთარი კეთილდღეობა ჩვენის მეზობლის კეთილდღეობაზეა დამოკიდებული, რომ მეზობლის უბედურებაზე ჩვენი ბედნიერება ვერ დაფუძნდება, ვერ აშენდება“<sup>77</sup>. რაც შეეხება ამა თუ იმ ხალხის ნაციონალურ თავისებურებათა პატივისცემას, ამის შესახებ მას ეკუთვნის შემდეგი აზრი: „ყოველ ერს თავის საკუთარი სახე აქვს, თავის საკუთარი გულთა-თქმა, თავისი წადილები, თავისი სულთა სწრაფვა, თავისი ღირსება. ამეების შეგინება ერთი იმისთანა სიბრძნეა, რომელიც გონებაგახსნილ ადამიანს არ ეპატიება, არ შეენდობა“<sup>78</sup>.

ილია თავის ცხოვრების მთელ მანძილზე ერთგულად ატარებდა მეზობელ ხალხებთან პატივისცემაზე დამყარებულ, კორექტულ ურთიერთობას, რომლის მიზანა ცყო კავკასიის ხალხებს შორის მჭიდრო ურთიერთობის დამყარება. მის მაგალითს მიჰყვებოდნენ მისი თანამებრძოლნი და თანამოაზრენი ა. წერეთელი, ი. გოგებაშვილი და მრავალი სხვა.

თავის მხრივ ოსი ხალხის დიდი პოეტი, მოაზროვნე და საზოგადო მოღვაწე კოსტა ხეთაგუროვი ქართველი ხალხის დიდი პატივისცემელი

<sup>75</sup> ი. გოგებაშვილი, ტ. III, გვ. 418.

<sup>76</sup> „ჩენა საუნჯე“, ტ. 7, თბ., 1960, გვ. 49.

<sup>77</sup> გაზ. „ივერია“, 1 86, 16 ოქტ.

<sup>78</sup> ი. ჭავჭავაძე, თხზულებანი, II, გვ. 418—419.

იყო და დიდ შეფასებას აძლევდა მისი შემოქმედებითი ინტელიგენციის მოღვაწეობას. ქართველ მესამოციანელთა მსგავსად, იგი აქტიურად იღწვოდა თავისი ხალხის კულტურულ-ეკონომიური დაწინაურებისათვის, დაუზოგავად ამხელდა ცარიზმის კოლონიურ პოლიტიკას კავკასიაში და მის უარყოფით შედეგებს ადგილობრივ ხალხთა განვითარებაში.

კოსტა ხეთაგუროვი მჭიდროდ იყო დაკავშირებული ვლადიკავკაის ქართულ კოლონიასთან, მეგობრობდა ამ კოლონიის ისეთ მესვეურებთან. როგორც აყენენ მიხეილ ყიფიანი და ლუარსაბ ბოცვაძე. კოსტა თბილისშიც ყოფილა, სადაც ხვდებოდა მოწინავე ქართველ მოღვაწეებს. კერძოდ, ის ჩამოვიდა თბილისში 1899 წ. ჩრდილო კავკასიიდან მეფის ადმინისტრაციის მაერ მის გადასახლების საკითხთან დაკავშირებით. თბილისში ის ყოფილა სოლომონ გედევანიშვილთან, რომელთანაც იკრიბებოდნენ ქართველი საზოგადო მოღვაწეები. სოლომონის ქალს კოსტამ მიუძღვნა ლექსი (ალბომში ჩაუწერა)<sup>79</sup>.

ჩვენ უკვე მოვიყვანეთ კოსტას მიხეილ ყიფიანთან მეგობრობის ფაქტები. მაგრამ კოსტას დიდი ინტერესი ქართველი ხალხისადმი, ოს ხალხთან მათი მეგობრობის საკითხები არ შემოფარგლულა მისი ნაცნობობა-მეგობრობით ცალკეულ ქართველ მოღვაწეებთან. მან თავის შემოქმედებაშიც ასახა ქართველი და ოსი ხალხების წარსული ისტორიული მეგობრობა, გარეშე მტრების წინააღმდეგ ერთობლივი ბრძოლა. ამას მოწმობს მისი დაუმთავრებელი პოემა „ხეთაგი“. პოემის მიხედვით ხეთაგი ოსი ღმირი და ჯარის წინამძღოლი იყო. მასთან ჩავიდა თბილისიდან ვახტანგ მეფის წარგზავნილი თავადი დადიანი და გადასცა ვახტანგის წერილი ირანელ დამპყრობთა წინააღმდეგ დახმარების თხოვნით.

ხეთაგი და მთელი ოსი ხალხი გამოეხმაურნენ ვახტანგის თხოვნას. ისინი მზად არიან აღმოუჩინონ ქართველ ხალხს დახმარება თავისუფლებისა და დამოუკიდებლობისათვის ბრძოლაში. ამ მზადყოფნის შეხედვაზე დადიანი აცხადებს, რომ ბავშობისას მან კარგად იცოდა ოსური ენა, რადგან იმერეთში ცხოვრობენ ოსები, ერთმანეთში ნათესაობაც გვაქვსო.

კოსტას სამწერლო და საზოგადო მოღვაწეობას კარგად იცნობდნენ იმდროინდელი ქართველი საზოგადო მოღვაწენი. მისი პირველი კრებულის „ირონ ფანდირ“ („ოსური ფანდური“) გამოსვლას გამოჩენილმა ქართველმა მეცნიერმა ალ. ხახანაშვილმა სპეცია-

<sup>79</sup> შ. გოზალიშვილი, კოსტა ხეთაგუროვი, სტალინირი, 1960, გვ. 75.

ლური ნარკვევი „მოძრაობა ოსეთში განათლებისაკენ“ მიუძღვნა. იგი წერდა: „კაცობრიობის ცხოვრებას ერთი მაღალი აზრი აწარმოებს... „სიყვარული და სათნობა“ კაცთა შორის. ვისაც ეს წმინდა ცნება შეუგნია, იმისათვის მეზობლის და თანამომის ბედნიერება სასიხარულოა და მისი მწუხარება სავალალო. ერთი სასიამოვნო მოძრაობა აღინიშნა ჩვენს მოსაზღვრე ხალხში, რომელთანაც საქართველოს უცხოვრია მრავალი საუკუნე, და ეს მოძრაობა გულისსმიერია ჩვენთვისაც: მე მოგახსენებთ ოსების განათლებისაკენ მისწრაფებას“.

აღ. ხახანაშვილი ეხება ოსთა რაოდენობას, აღნიშნავს, რომ მათ აქვთ 200 ათას მცხოვრებზე 30 სასოფლო სკოლა; მაგრამ ამის მიუხედავად უკანასკნელ დრომდის განათლებამ ვერ მოიკიდა მათში ფეხი. ამის მიზეზად მას მიაჩნია ოსურ ენაზე საკითხავი წიგნების უქონლობა და სწავლების გაუგებარ, რუსულ ენაზე წარმოება. იგი თვლის, რომ ამ საქმეში წარმატება მშობლიურ ენაზე დამყარებით მიიღწევა, რომ „საკირთა სამშობლო ენაზედ მწერლობის შექმნა“. ახლა, ოსურ დამწერლობას საფუძვლად დაედო აკად. შეგრენის შექმნილი ანბანი. 1890 წ. გამოიცა პირველი საკითხავი ოსური წიგნი და ახლა სასულიერო წიგნების გარდა იცემა საერო წიგნებიცო. მას მხედველობაში ჰქონდა 1897 წ. გაპპო ბაევის მიერ გამოცემული «Авхардтн Хагани» აღ. კუბალოვისა და 1899 წ. კოსტა ხეთაგუროვის „ირონ ფანდირი“.

აღ. ხახანაშვილი ეხება „ირონ ფანდირის“ აღნაგობას, ლექსთაწყობას და მოჰყავს სათაურები კრებულში შეტანილი ლექსებისა. ის ატყობინებს მკითხველებს, რომ კოსტა ხეთაგუროვს განზრახული აქვს ოსურად თარგმნოს „აღლუზიანი“, რომელშიც დაცულია ოსების ისტორია. ნარკვევს აღ. ხახანაშვილი ამთავრებს სიტყვებით: „ვეუსურვოთ ოსებს წარმატება ამ პატიოსან გზაზედ და ვინატროთ იმათის საერო მწერლობის გაფურჩქვნა“<sup>80</sup>.

თავის მხრივ, კოსტას დიდ პატივისცემას ქართველი ხალხისადმი, მისი მოწინავე წარმომადგენლებისადმი კარგად მოწმობს მისი გამოხმაურება გაზ. „სევერნი კავკაზის“ 1899 წ. 3 მაისის ნომერში აღ. ყაზბეგის ავადმყოფობასთან დაკავშირებით. იგი რედაქტორს თხოვს დაბეჭდოს მისი ცნობა, რომ კავკასიის კულტურის მოღვაწეთათვის არაერთხელ გამხდარა ცნობილი ქართველი მწერლის ალექსანდრე ყაზბეგის მძიმე მდგომარეობა, რომ ის საავადმყოფოში სხვა ავადმყოფებთან ერთად საერთო პალატაში წევს და მოკლებულია ნორმალურ საკვებს, ჩაის და ბაპიროსსაც კი, რომ ხარჯების გადაუხდელობის გამო, იქიდანაც გამოისვრიან, როგორც უსარგებლო ნივთს.

<sup>80</sup> გაზ. „ივერია“, 1899., 29 ივნისი, № 136.



კოსტა აღშფოთებით აღნიშნავს, რომ განა ის ადამიანი, ვისი ნაწერებიც სიამოვნებით იკითხება ხალხის მიერ, ვისი მშობლის სახლშიც ბევრი დროს ატარებდნენ, იმის ღირსია რომ ქუჩებში ნაფლეთებში გახვეული დადიოდეს და სადმე ღობის ძირში მოკედეს<sup>81</sup>?

ცნობილი მწერალი და საზოგადო მოღვაწე იოსებ იმედაშვილი. (რომელიც პირადად იცნობდა კოსტა ხეთაგუროვს), გადმოგვცემს იაგორ ლუდლუშაურის ნაამბობს, რომ „კოსტა ხეთაგუროვი ხშირად დადიოდა ალექსანდრე ყაზბეგთან, ჩერდებოდა მასთან რამდენიმე დღით, კითხულობდნენ, მუსიაფობდნენ და დროს კამათში ატარებდნენ“<sup>82</sup>.

კოსტას დიდ სიყვარულსა და პატივისცემას ქართველი ხალხისადმი მოწმობს ისიც, რომ მან შექმნა ტილო ქართველთა განმანათლებლის წმინდა ნინოს გამოსახულებით, სადაც არ დაუშურებია საღებავი მისი სილამაზისა და სათნოების გამოსახატავად. სურათი გამოფენილი იყო ვლადიკავკავში 1887 წელს. მასზე გამომხატურება დაბეჭდა „ივერიამ“ (1887 წ. 16/XII, № 264).

ლ. ბოცვაძემ გაზეთ „ტერსკიე ვედომოსტიში“ მოთავსებულ ნეკროლოგში კოსტა ხეთაგუროვის გარდაცვალებასთან დაკავშირებით, ღრმა შეფასება მისცა მის საზოგადოებრივ მოღვაწეობას. ის წერდა, რომ „საუკუნოდ დადუმდა სიმარტლის, სიყვარულის, მეგობრობისა და თავისუფლების მაცნე. ძვირფასი კავკასიის ცის კამარას მოსწყდა ერთი კაშკაშა ვარსკვლავი, რომელიც თავის ნათელ სხივებს მშობლიური ქვეყნის ყველა ქოხს აფენდა“. ლ. ბოცვაძე აღნიშნავს იმ მძიმე ვითარებას, რომელშიც უხდებოდა მოღვაწეობა კოსტა ხეთაგუროვს, იმ ტიტანურ ბრძოლას, რასაც იგი ეწეოდა ცარიზმის ბიუროკრატიულ აპარატის წინააღმდეგ თავის ხალხის ცხოვრების პირობების გასაუმჯობესებლად, მათი კულტურული დაწინაურებისათვის, მოწინავე იდეალებისათვის. იგი აღნიშნავდა აგრეთვე, რომ კოსტას გარდაცვალება უდიდესი ზიანი იყო არა მარტო ოსეთისათვის, არამედ მთელი კავკასიისათვის და რუსეთისთვისაც. მან მიუთითა, რომ სიცოცხლეში ვერ დაუასდა კოსტას ღვაწლი, მაგრამ მომავალში ვინც გაეცნობა კოსტას პოეზიას, დაინახავს მის გულისტკივილს ხალხის მძიმე ცხოვრების გამო, მის ბრძოლას უკეთესი მომავლისათვის, ის უფრო მეტად დააფასებს და შეიყვარებს

<sup>81</sup> გაზ. „Сев. Кавказ“, 1893, 3 მაისი. შ. გოზალიშვილი, კოსტა ხეთაგუროვი, სტალინირი, 1961., ტ. სარიშვილი, ოსეთ-საქართველოს კულტ. პედ. ურთიერთობა, გვ. 36—37.

<sup>82</sup> შ. გოზალიშვილი, კოსტა ხეთაგუროვი, გვ. 61.

მასწ. ლუარსაბ ბოცვაძემ უკვდავება უწინასწარმეტყველა კოსტას სახელს და ეს წინასწარმეტყველება სულ მალე ახდა კიდევ.

ლ. ბოცვაძე კოსტას იმ ადამიანებს აკუთვნებდა, რომლებიც იშვიათად ჩნდებიან, რათა თავისი სიცოცხლე ხალხის ინტერესებისათვის ბრძოლას შეაწირონ, მისი უფლებების დაცვისა და უკეთესი მომავლის სამსწერპლოზე მიიტანონ. ის თავის ხალხს კავკასიის ხალხებთან სოლიდარობისაკენ მოუწოდებდა, უკეთესი მომავლისათვის ბრძოლის მაგალითს აძლევდა, კავკასიის დაწინაურება-წინსვლის საქმეში მხურვალე მოღვაწე იყო.

XIX ს. 80-იან წლებში გაიშალა გ. ჩოჩიშვილის პუბლიცისტური მოღვაწეობა ქართულ პერიოდულ პრესაში. გიორგი ჩოჩიშვილი (ლიახველის ფსევდონიმით წერდა ქართულ ჟურნალ-გაზეთებში) შეილი იყო ერთ-ერთი პირველი განმანათლებლის—თომა ჩოჩიევისა (სამხრეთ ოსეთი). მან პირველი თანრიგით დაამთავრა თბილისის სასულიერო სემინარია და ჯავის რაიონში მასწავლებლად დაიწყო მუშაობა. ის სრულყოფილად ფლობდა ქართულ და რუსულ ენებს. ქართულ ენაზე ის წერდა წერილებს სამხრეთ ოსების ისტორიის, ეკონომიკის, ეთნოგრაფიის, ფოლკლორის და სხვ. საკითხებზე. მისი წერილები იბეჭდებოდა ძირითადად გაზეთ „დროების“ ფურცლებზე, აგრეთვე ჟურნ. „მწყემსში“ და სხვ. ის დაუღალავად ამხელდა ოსი ხალხის ცხოვრების ნაკლოვანებებს, მანე ჩვეულებებს. ამხელდა სოფლისქამია მყელეფაეებს, რომლებიც დაუნდობლად ძარცვავდნენ გლეხობას.

ქართული მწიგნობრობის საფუძველზე გაიზარდა ოსი ხალხის საყვარელი თვითნასწავლი მწერალი სეკა გადიევი. იგი დაიბადა დაახლოებით 1856 წელს, ლუდის ხეობის სოფ. ქვემო განისში (საქ. სამხედრო გზასთან), დარიბი მთიელი ოსის ოჯახში.

ახალგაზრდობაში სეკას წილად ერგო მძიმე შრომა მამისეულ ქვიანი მიწის ნაჭრებზე, საქართველოს სამხედრო გზაზე, მწყემსობა ქირით. მხოლოდ შემთხვევამ გაუხსნა მას წერა-კითხვის შესწავლის შესაძლებლობა. მამამისის ნაცნობმა ქართველმა მღვდელმა მას ქართული წერა-კითხვა ასწავლა და 18 წლის ასაკში ის თავისუფლად ლაპარაკობდა, წერდა და კითხულობდა ქართულად.

ქართული ენის ცოდნამ, საეკლესიო და საერო ლიტერატურის ძეგლების გაცნობამ ქართულ ენაზე, მას შესაძლებლობა მისცა დაახლოებოდა ქართულ კლასიკურ ლიტერატურას. ის გაეცნო ნ. ბარათაშვილის, ვაჟა-ფშაველას, ილია ჭავჭავაძის, აკაკი წერეთლის,

მე «Терские ведомости», 1906, 15/IV, № 81; შ. გოზალიშვილი; დასახ. ნაშრომი, გვ. 82; ა. ცოტნიაშვილი, ქართულ-ოსური ლიტერატურული ურთიერთობის ისტორიიდან, ცხინვალი, 1968, გვ. 133—134.

ალექსანდრე ყაზბეგის ნაწარმოებებს. ქართული ენის ცოდნამ მას საშუალება მისცა მედავითნე გამხდარიყო ლუდის სამრეელოში 1873 წელს<sup>84</sup>.

სეკა გადიევი თავის მხატვრულ შემოქმედებაში ეხებოდა ღარიბი მთიელი ოსების უსიხარულო ცხოვრებას, ბატონყმობისა და დრომოკმული პატრიარქალური ადათების სიმძიმის ქვეშ მათ გმინვას. მისი მოთხრობების გმირები მოქმედებენ ოსეთში, ხევში, საქართველოს სწვა ადგილებში, განსაზღვრულ ურთიერთობაში შედიან ქართველი ხალხის როგორც გაბატონებული წრეების, ასევე მშრომელთა წარმომადგენლებთან.

„ქართლის ცხოვრების“ სიუჟეტების საფუძველზე მას დაწერილი აქვს ლეგენდები, მოთხრობები თამარ მეფესა და დავით სოსლანზე, ოს-ბალათარზე<sup>85</sup>.

მის მოთხრობებში ბევრია მოთხრობილი არაგვისა და ქსნის ერისთავებს მიერ მთიელებს ჩაჯვრახე, მათ ცდებზე ურთიერთისათვის დაეპირისპირებინათ ოსები და მოხევეები, რათა უფრო ადვილად მოექციათ ორივე ეს ხალხი თავის ბატონობის უღლის ქვეშ. ნაწარმოებში „არაგვის ერისთავი ნუგზარი“ ლუდელი ოსები ასამართლებენ ნუგზარს და ერთ-ერთ სერიოზულ ბრალდებად უყენებენ შემდეგს: „ერისთავო-ბატონო“... რატომ გვაძულე ჩვენ და ჩვენ მეზობელ მოხევეებს ერთმანეთი გვეხოცა, რა დანაშაული მიუძღოდათ მათ შენს წინაშე? რატომ ავიბიძგებდი ბოროტმოქმედებისაკენ? რატომ წაგვართვი თავისუფლება“... .

სეკა გადიევის შემოქმედების მკვლევარმა ნაფი ჯუსოითიმ მის ლიტერატურულ წინამორბედად მიიჩნია ალ. ყაზბეგი. სეკა კარგად იცნობდა ყაზბეგის შემოქმედებას. მათი შემოქმედების საერთო მომენტები მკვლევარს ახსნილი აქვს პირველ ყოვლისა იმით, რომ ორივე პწერალი აღწერდა იმ მთიელთა საზოგადოებებს, რომელთაც არ სცნეს ფეოდალური დამოკიდებულება, აღწერდა მათ საზოგადოებრივ ცხოვრებას, ზნე-ჩვეულებებს, ხასიათს. გარდა ამისა, ეს ორივე მწერალი დაიბადნენ და აღიზარდნენ ურთიერთის მეზობელ თემებში.— ზოხევეები, მთიულები, ლუდელები და თრუსოელები ძველი და ახლო მეზობლებია. ამ თემებში მოსახლე ქართველებისა და ოსების ფსიქიკური წყობა და საზოგადოებრივი წინააღმდეგობანი აისახა სეკა-გადიევისა და ალ. ყაზბეგის შემოქმედებაში<sup>86</sup>.

<sup>84</sup> Нафи Джусойты, Сека Гадиев, Сталингр, 1958, стр. 5—6.

<sup>85</sup> Б. ჯუსოითი, დასახ. ნაშრომი, გვ. 124—125.

<sup>86</sup> Б. ჯუსოითი, დასახ. ნაშრ., გვ. 171.

სეკა გადიევის არქივში, რომელიც ჩრდილო ოსეთის სამეცნიერო-კვლევით ინსტიტუტში ინახება, 100 გვერდამდე ქართულ ენაზე ნაწერია დაცული. ქართული ნაწერების უმრავლესობა შეეხება სხვადასხვა ავადმყოფობის მკურნალობის წესებს, სიზმრების ახსნას, შელოცვებს. ამ ნაწერებს შორის არის ქართულ ენაზე შესრულებული ლექსი „ბულბული“. ეს ლექსი კარგად მოწმობს სეკას მიერ ქართული ენისა და პოეზიის კარგად ცოდნას, მის გავლენას.

ლექსი თავიდან ბოლომდე თავისუფლების სიყვარულითაა გაჟღენთილი და სიმბოლურად ასახავს კავკასიის ხალხთა დამონებულ მდგომარეობას ცარიზმის კოლონიური ხელისუფლების ბატონობის ბრკეყალეებში:

„... გალია მიჩანს სამარედ,  
ოქროთ შორთული ქსოვილი.  
თუმც ბრინჯი უხვად მიყრია.  
დამწყვდეული ვარ პყრობილი.

დამიჭირეს და შემადგეს,...  
გალიაში ჩამადგესა,  
ათასწილ სიკვდილი სჯობდა  
ამ სასჯელის განსაცდელსა“<sup>87</sup>

ზემოთ მოტანილი სტრიქონები გარკვეული აზრით ეხმაურება ნ. ბარათაშვილის ცნობილ სტროფს პოემიდან „ბედი ქართლისა“.

„რა ხელპყრის პატივს ნაზი ბულბული,  
გალიაშია დატყვევებული.  
ასრე რას არგებს კაცსაც დღება,  
თუ მოაკლდება თავისუფლება“....

ზოგიერთი ქართველი მწერლისა და პოეტის შემოქმედებაში ოსთა თემა გარკვეულად აისახა. ჯერ კიდევ გრ. ორბელიანმა თავის „საღლეგრძელოში“ ოსები დაახასიათა თამარის დროშის ქვეშ ქართველების მხარდამხარ მებრძოლ ხალხად, მხატვრული სიტყვითაც დაადასტურა საქართველოს ფეოდალური მონარქიის სისტემაში ოსი ხალხის ადგილი და მნიშვნელობა. ვინ არ იცის საღლეგრძელოს ეს სტროფა:

თამარს დროშა გაშალეს, შეკრბა დიდუბეს ლაშქარი...  
ოსი ფეხმარდი, მთიული ვით ციხე-ბურჯი მაგარი“.

ქართული დრამატურგიის მამამთავარმა. ცნობილმა გიორგი ერისთავმა (1813-1864) მოღვაწეობის დასაწყისში პოეზიაშიც გამოს-

<sup>87</sup> ჩრდ. ოსეთის სამეცნიერო-კვლევითი ინსტიტუტის არქივი. ს. გადიევის პირადი ფონდი, № 6, ანაწ. I, საქმე 13. ფურც. 27; ლექსის ფოტოპირი დაბეჭდეს ა. ბი-აზროვმა და გ. ბესთაუთიმ ქურნალ „ფილოგის“ 1965 წ. № 9-ში.

ცადა კალამი. მის ერთ-ერთ პირველ ნაწარმოებს წარმოადგენს პოემა „ოსური მოთხრობა ანუ ზარე და ყანიმათი“. პოემა დაიწერა 1832 წლამდე და პირველად გამოქვეყნდა 1832 წ. „სალიტერატურონი ნაწილნი ტფილისის უწყებათანის“ მე-2, 3, 4 ნომერებში, მაგრამ ბეჭდვა არ დასრულებულა. პირველად სრულად დაიბეჭდა 1853 წ. „ცისკრის“ მე-4 ნომერში „ზარე და ყანიმათის“ სახელწოდებით. იგი ასახავს საქართველოს ისტორიის ძნელბედობის ხანას, კერძოდ კი კახეთის 1659 წლის აჯანყების ხანას. ამ აჯანყების ამბებს მიიძღვნა ვაჟა-ფშაველას პოემა „ბახტრიონი“, აკ. წერეთლის „ბაში-აჩუკი“ და სხვა. გ. ერისთავის ნაწარმოებიც ამით რიგში დგას. პოემაში გიორგი ერისთავი ქართველებსა და ოსებს გვიჩვენებს, როგორც გარეშე დამპყრობლობის წინააღმდეგ ერთიან ძალას. მკიდრო ურთიერთობაში მყოფ ხალხებს. პოემა ვითარდება შემდეგნაირად: მოხუცი ოსი ჰყვება საქართველოს გარდასულ დროთა ამბებს — კახეთის აჯანყების ამბებს. ამ დროს ქართლის მოურავად გამოყვანილია მთხრობელის პაპის ძმა როინი. მეფემ სპარსეთში გაგზავნა როინის ძმა ანუ მთხრობელის პაპა და ერთიც სხვა, ჩარაევების (ცარიათა) გვარიდან. ამ მოციქულებს იმედი არ გაუმართლებიათ — გზიდან გამოიპარნენ, რისთვისაც როინმა საკუთარი ხელით სიკვდილით დასაჯა ორივე<sup>88</sup>.

ქართველმა მწერალმა და საზოგადო მოღვაწემ ანტონ ფურცელაძემ (1839—1913) როგორც თავის მხატვრულ შემოქმედებაში, ასევე პუბლიცისტიკაში ასახა ქართველი და ოსი ხალხების ისტორიული ურთიერთობის ზოგიერთი მომენტი, მათი საერთო ბედი და ერთობლივი ბრძოლა როგორც გარეშე მტრების, ასევე ფეოდალური ექსპლოატაციის მძიმე უღლის წინააღმდეგ.

ა. ფურცელაძის ისტორიულ პოემაში „მარაბდა“ ასახულია ქართველ ხალხის გმირული ბრძოლა სპარსელი დამპყრობლების წინააღმდეგ და ამ ბრძოლაში ოსთა ძმური დახმარება ქართველებისათვის. ავტორის წარმოდგენით ეს ძმური დახმარება პირველი შემთხვევა კი არ იყო, არამედ სისტემატური ხასიათისა და დიდი მნიშვნელობაც ჰქონდა მას წარსულში. ოსთა ლაშქრის გამოსვლას მარაბდის სისხლიან ბრძოლაში მონაწილეობის მისაღებად იგი შემდეგნაირად აგვიწერს:

„დიდი ხანია ოსნი ჩვეულან  
ქართველებთანა მტერთან ბრძოლასა,  
დიდი ხანია ოსი, ქართველი  
შეფიცებულან ერთად ძმობასა;

<sup>88</sup> დ. გ ა მ ე ზ ა რ დ ა შ ვ ი ლ ი, ნარკვევები ქართული რეალიზმის ისტორიდან, თბ., 1965, გვ. 53—58; ა. ც ო ტ ნ ი ა შ ვ ი ლ ი, დასახ. ნაშრომი. გვ. 79—82.

დიდი ხანია მათ ერთმანეთის  
მოყვარეობა და მტერიც უცინიათ;  
ერთა ღვიძლ ძმათა, ის რე პირმტკიცედ.  
მტრის ტყვეობიდან თავი უხსნიათ.

...ქართველს და ოსსა ერთი მამული,  
ერთი ქვეყანა ერთად, იმურად გვზრდის;  
დიდი ხანია მტერი ქართველთა  
მოსისხლე მტრადა ოსებსაც ჰხადის.

დიდი ხანია, ოსი. ქართველი  
ერთი ქვეყნისთვის მტერს ერთად ვებრძვით,  
უმაგალითოდ და შეუპოვრად  
ვიცავთ ქვეყანას და მტერსა ვღვენით“...

ანტონ ფურცელაძემ სპეციალური მოთხრობა უძღვნა ბატონყმურ-  
ი ურთიერთობის საშინელებათა მხილებას. მოთხრობა „მართაში“ მან  
ვეიჩვენა, რომ ქართველი და ოსი გლეხობა არაადამიანური ცხოვრე-  
ბის პირობებში არიან ჩაყენებული მემატონეთა მიერ და სიმპატიურად  
უყურებს მათ ბრძოლას. თავის ადამიანური უფლებების დასაცავად.

მოთხრობის მთავარი გმირი არის ოსი ქალიშვილი მართა, რომელიც  
ობოლი იყო და თავადმა ილიკომ მეფახშე ხეჩოს მწვევარ  
ძაღლში გაუცვალა. მწერალს მართა გამოყვანილი ჰყავს შრომის მოყ-  
ვარე და კეთილშობილებით აღსავსე ადამიანად. იგი „მოუცლელად იყო  
საქმეში გართული“, „თავის ხალისიანობით და სილამაზით ყველას უყ-  
ვარდა. ძვირად თუ ვინმე გაიგონებდა მართასაგან ურიგო სიტყვასა,  
წინადად თუ ვინმე მოიგონებდა იმისგან წყენასა“. იგი ფიზიკურადაც  
ლამაზ ქალადაა გამოყვანილი. მას შეუყვარდა თავისივე მსგავსი პატი-  
ოსანი ქართველი გლეხი სოსე, მაგრამ მემატონე როსტომ ტაბლაძე  
გადაეღობა მათ ბედნიერებას და მიჯნურთ სიცოცხლე ჯოჯოხეთად გა-  
დაუქცია. იგი ასევე სულა ართმევდა თავის სხვა ყმებსაც. უკანას-  
კნელებმა გადაწყვიტეს მიემართათ უკიდურესი საშუალებისათვის—  
მოეკლათ მემატონე.

შეთქმულ ყმებს აქტიურად ეხმარება მართა. ის არა მარტო  
თანაუგრძნობს შეთქმულებს, არამედ ერთ-ერთ გადამწყვეტ ფიგურას  
წარმოადგენს მათში და აქეზებს გლეხებს, რომელთაც ძალიან უმძიმთ  
ოსების დაღვრა. ის ამბობს, რომ შერცხვენის შემდეგ სიცოცხლე  
არაფრად უღირს და დამლუპველს სამაგიერო უნდა გადაუხადოს.

მაგრამ მართასთვის უცხო არაა სიბრალულის გრძნობა. შეუ-  
რაცხყოფილი ადამიანობის შურისმაძიებელი ტირის: „ღმერთო! ღმერ-  
თო! რად მიგვახწვევინეს აქამდინა. რა ენაღვლებოდათ პატარა ქრის-

<sup>80</sup> ა. ფურცელაძე, მარაბლა, 1942, გვ. 12—13—14.

ტიანლად მოქცეულიყვნენ, რომ არც თვითონ წაწყმენდილიყვნენ, და არც არაიენ ცოდოში ჩაეყენებინათ.

ა. ფურცელაძის „მართა“ ანტიბატონყმურ ნაწარმოებთა იმ რიგში დვას, რომელსაც ეკუთვნის დ. ჰონჭაძის „სურამის ციხე“, ი. ჰავაძის „კაკო ყაჩალი“, „კაცია-ადამიანი?“ და სხვ.

მწერალი ანასტასია ერისთავ-ხოშტარია აქტიურად თანამშრომლობდა XIX ს. მეორე ნახევრის ქართულ პრესაში. იგი სისტემატურად აქვეყნებდა კორესპონდენციებს „ივერიაში“ ქსნის ხეობის მოსახლეობის ცხოვრების შესახებ. მან რუსულიდან გადმოთარგმნა და 1885 წ. „ნობათში“ დაბეჭდა ოსური ლეგენდა „ბესო“<sup>90</sup>. მასვე ეკუთვნის ოსური ლეგენდის „ემშაქის სამარე“ დაბეჭდვა „ივერიაში“<sup>91</sup>.

ქართველი და ოსი ხალხების კეთილმეზობლური კულტურული ურთიერთობის საქმეს დიდი სამსახური გაუწია ნ ი კ ო ლ ო ზ გ ი ო რ გ ი ს ძ ე ბ ე რ ძ ე ნ ო ვ მ ა, რომელიც ჩრდ. ოსეთის ს. არლონში დაიბადა 1831 წელს, ქართველი მღვდლის ოჯახში. მამამისი ქრისტიანობის აღმდგენელი საზოგადოების ხაზით მოღვაწეობდა ოსეთში, აგებდა ეკლესიებს. ნიკოლოზმა ჯერ ვლადიკავკავის სასულიერო სასწავლებელი დაამთავრა. შემდეგ კი თბილისის სასულიერო სემინარია.

ოსეთში ხანგრძლივად ცხოვრებამ, ოსი ხალხის ცხოვრების ღრმად გაცნობამ (ზნე-ჩვეულებების, ყოფის, ზეპირსიტყვაობის), განსაკუთრებით ალაგირისა და დიგორიის ხეობებში, განსაზღვრა ნ. ბერძენოვის დიდი ინტერესი ოსი ხალხის ეთნოგრაფიისადმი. მან ოსეთის ეთნოგრაფიას მიუძღვნა მრავალი ნაშრომი, რომლებიც იბეჭდებოდა გაზეთში «Закавказский вестник» და «Кавказ»<sup>92</sup>-ში. მისი შრომების ნაწილი დაბეჭდილ იქნა „სანკტ-პეტერბურგის ვედომოსტებში“ და უფრ. „რუსსკოე სლოვოში“.

ოსეთის ეთნოგრაფიაზე მისი პირველი ნაშრომების ბეჭდვა დაიწყო 1850 წელს გაზ. „კავკაზ“-ში. 1850—53 წწ. მის მიერ დაბეჭდილი შრომების სათაურებია: «Новый год у осетин Владикавказского округа», «Осетинский обряд сидения мертвецов»; «Очерки Осетии. Хетаджи-кад...», «Уацилла», «Цоппай»; «Из записок об Осетии» (ზნეჩვეულებათა ბატონობა, სისხლის აღება, მესისხლეთა შერიგება.

<sup>90</sup> „ნობათი“, 1885, № 3—5. გვ. 120—131.

<sup>91</sup> „ივერია“, 1894, № 39.

<sup>92</sup> ნ. ბერძენოვს ვარდაცვალებისთანავე მიუძღვნა სპეც. ბროშურა დ. ბ ა ქ რ ა ძ ე მ. Никлай Георгиевич Бердзенов и его литературная деятельность, Тифл. 1874; ოსეთის შესახებ მის შემკვიდრეობას ეხება ა. მ ა გ ო მ ე დ ო ვ ი წერილში Н. Г. Б е р д з е н о в — этнограф.-литератор. Изв. СОНИИ, т. XXI, в. 1, Орджуникидзе, 1958.

ოჯახი და საოჯახო ყოფა, სტუმართმოყვარეობა, მიწათმოქმედება, საგზაფხულო და საზაფხულო სამუშაოების დაწყება და მ-თან დაკავშირებული წეს-ჩვეულობები); «Очерки Осетин. Чиндз-Фахсоев. Гий-Сой»; «Очерки Осетин. Дигория» (მათი ცხოვრების ყველა მხარეს შეეხება); «Из воспоминаний об Осетии — ცალკიული ეთნოგრაფიული შენიშვნები»; «Из записок Об Осетии» — ოსი ქალის მდგომარეობის შესახებ და სხვ. 1855 წ. აღმანახ „ზურნაში“ მისი დაიბეჭდა «Осетинская Сафо (Картины и нравы из моих воспоминаний)».

ბ. ბერძენოვის ამ ნაშრომში მოცემულია მდიდარი მასალა ოსი ხალხის ეთნოგრაფიის საკითხებზე. იგი მრავალ საკითხს ეხება და აშუქებს. თანაც ეს იყო პერიოდი, როცა ოსეთში ის-ის იყო ჩნდებოდნენ განათლებული პირები, რომლებიც დიდ ინტერესს ავლენდნენ ოსი ხალხის ისტორიისა და კულტურის მიმართ. ნ. ბერძენოვი ერთ-ერთი პირველთაგანი იყო. რუსულ ენაზე წერა მისი ნაშრომების ფართო საზოგადოებისათვის გაცნობას უზრუნველყოფდა.

ბ. ბერძენოვი ხაზს უსვამს ოსი ხალხის მუსიკალურ-სასიმღერო რეპერტუარის სიმდიდრეს. რელიგიურ დღესასწაულებთან დაკავშირებულ სიმღერებში ის ხედავდა ოსი ხალხის ყოფისა და ფსიქოლოგიის ასახვას. ა. მაგომედოვის საშარტლიანი დასკვნით ნ. ბერძენოვის ეთნოგრაფიული ნაშრომები ოსებზე არა მარტო ეთნოგრაფიული თვალსაზრისით არიან საინტერესო, არამედ ლიტერატურის თვალსაზრისითაც, რამდენადაც ისინი ატარებენ მხატვრული თხრობის ხასიათს.<sup>93</sup>

ნ. ბერძენოვი XIX ს. შუა ხანებისა და მეორე ნახევრის ოსეთის ისტორიისა და ეთნოგრაფიის მკვლევართათვის დიდი ავტორიტეტი იყო, როგორც ოსეთის კარგი მცოდნე. მის ნაშრომებს იყენებდნენ ისეთი მკვლევრები, როგორც იყო მაქს. კოვალევსკი, ვს. მილერი. დოქტ. პაფფი, ნ. დუბროვინი და სხვ. უაღრესად მაღალ შეფასებას აძლევდა მის შრომებს აკად. მ. ბროსეც.

ნ. ბერძენოვი მეუობრულ ურთიერთობაში იყო ვ. ცორაითან, დანიელ ჭონქაძესთან. შემთხვევითი არაა, რომ დანიელ ჭონქაძემ თავის დაუმთავრებელი ეთნოგრაფიული ჩანაწირები (Записки о куртатинцах). ფოლკლორული და ლექსიკოლოგიური მასალა ანდერძით ნ. ბერძენოვს დაუტოვა. მან ეს მასალა რუსეთის საიმპერატორო მეცნიერებათა აკადემიას გაუგზავნა, რომლის დაჯალბებითაც დ. ჭონქაძე მუშაობდა რუსულ-ოსური ლექსიკონის შედგენაზე. ამ მასალის ნაწილი პეტერბურგში აკად. შიფნერმა გამოსცა წიგნში «Осетинские тек-

<sup>93</sup> А. Х. Магомедов, დასახ. ნაშრომი, გვ. 12 •



სტყობანი: Дани. Чонкадзе и Вас. Цораевым». ეს ტექსტები შემდეგ ფრანგულ და გერმანულ ენებზეც გამოიცა.

ნ. ბერძენოვს ხელი უნდა შეეწყო ოსი ეროვნული ინტელიგენციის დაინტერესებისათვის მშობლიური ეთნოგრაფიის საკითხებით. მისი რედაქტორობის პერიოდში „ზაკავკასკი ვესტნიკში“ დაიწყო ბეჭდვა (1855 წ.) ოსი სოლომონ ჟუსკაევის ეთნოგრაფიული წერილებისა (იგი მაშინ თბილისის სასულიერო სემინარიის მოსწავლე იყო).

ნ. ბერძენოვი საქართველოს ეთნოგრაფიის შესანიშნავი მკვლევარი იყო. საქართველოს ეთნოგრაფიისა და ისტორიის საკითხებს მან არაერთი ნაშრომი მიუძღვნა. მისი ნაშრომი «Историческая этнография Осетии» დღესაც არაა მნიშვნელობას მოკლებული. ამას გარდა ის ეწეოდა აქტიურ კრიტიკულ-პუბლიცისტურ საქმიანობას.

ნ. ბერძენოვი თავისი მეცნიერული და ლიტერატურული მოღვაწეობით ქართველი და ოსი ხალხის მეგობრული ურთიერთობის განსახიერებას წარმოადგენდა. მისი ნაშრომები ოსებზე არა მარტო ამ ხალხის ცხოვრების, ფსიქოლოგიისა და ენის კარგ ცოდნას ამჟღავნებენ, არამედ მათი ავტორის ოსებისადმი კეთილგანწყობილებასაც გვიჩვენებენ. ნ. ბერძენოვს ოსები თავის მხრივ დიდი სიყვარულითა და პატივისცემით ეპყრობოდნენ. მისი სახელი ახლაც ძვირფასია ოსთათვის. ამის მაგალითია ა. მაგომედოვის დასახელებული ნაშრომიც.

არ შეიძლება არ მოვიხსენიოთ ისიც, რომ XIX ს. მეორე ნახევარში ქართველი ისტორიკოსები ეხებიან ოსი ხალხის უძველესი ისტორიის საკითხებს, ავლენენ მათ შესახებ ისტორიულ წყაროებში დაცულ ცნობებს. ამ მხრივ აღსანიშნავია მ. ჯანაშვილის მოღვაწეობა. მას ეკუთვნის წერილი «Из осетинской истории», რომელშიც ოსი ხალხის ისტორიის არა ერთი საკითხია დასმული. მაგრამ განსაკუთრებული აღნიშვნის ღირსია მ. ჯანაშვილის ის მუშაობა, რაც მან ქართულ ისტორიულ წყაროებში ჩრდილო კავკასიის ხალხებზე, მათ შორის ოსებზე მასალების გამოვლენისათვის ჩაატარა. ეს მასალები მან დაბეჭდა სათაურით: «Известия грузинских летописей и историков о Северном Кавказе и России»<sup>94</sup>. იგი დიდი ხნის მანძილზე, დღესაც კი, კავკასიის ხალხთა ისტორიით დაინტერესებულ პირთათვის რუსულ ენაზე, თითქმის, ერთადერთ ხელმისაწვდომ წყაროდ რჩება.

მ. ჯანაშვილსავე ეკუთვნის ი. იალღუზიძის პოემის „აღღუზიანის“ რუსულ ენაზე თარგმნა და პარალელურად ქართულ-რუსულ ენებზე დაბეჭდვა.

<sup>94</sup> Сборник материалов для описания местностей и племен Кавказа, вып. 22, 1897.

ასე წარმოგვიდგება XIX ს. მეორე ნახევარში ქართველი და ოსი ხალხების კულტურული ურთიერთობის სურათი. როგორც მოყვანილი მასალა გვიჩვენებს, ეს ურთიერთობა ამ პერიოდში ფრიად ინტენსიური იყო და გამოვლენის მრავალი ფორმა ჰქონდა. იგრდადებით გავლენას ახდენდა ოსი ხალხის სწავლა-განათლების საქმის დაწინაურებაზე, ოსური კულტურის განვითარებაზე. ქართველი და ოსი კულტურის მოღვაწეთა პირადი ურთიერთობა ყოველთვის საზოგადოებრივ ელფერს ატარებდა და ამ ორი მეზობელი ხალხის შემდგომი დაახლოებისა და წინსვლის სტიმული იყო.

## თ ა ვ ი III

ქართველი და ოსი ხალხების ურთიერთობა 1901-1921 წწ.

### §1 ქართველი და ოსი ხალხების რევოლუციური თანამებობრობა

XX ს. დასაწყისი რუსეთის იმპერიაში აღინიშნა მუშათა კლასისა და გლეხობის რევოლუციური მოძრაობის ახალი აღმავლობით. განსაკუთრებით ორგანიზებული ზასიათი ამ მოძრაობამ მიიღო მას შემდეგ, რაც მას სათავეში ჩაუდგა რუსეთის სოციალ-დემოკრატიული მუშათა პარტია ვ. ი. ლენინის მეთაურობით.

საქართველოში განსაკუთრებით მწვავედ გაიშალა კლასობრივი ბრძოლა. სამხრეთ ოსები მთელი რიგი განსაკუთრებული პირობების (მძიმე ეკონომიური ვითარება უმიწობის, მემამულეთა და ცარიზმის მოხელეთა მხრივ მძიმე ექსპლოატაციის, პოლიტიკური უფუფიერებისა და ნაციონალურ-კოლონიური ჩაგვრის) გამო, აქტიურ მონაწილეობასღებულობდნენ რუსეთის პირველ ბურჟუაზიულ-დემოკრატიულ რევოლუციაში.

სამხრეთ ოსების რევოლუციური მოძრაობა ქართველი ხალხის რევოლუციურ მოძრაობასთან მჭიდროდ იყო გადაჯაჭვული. ამ დროისათვის ოსები უკვე იყვნენ თბილისისა და საქართველოს სხვა სამრეწველო ცენტრების მუშების შემადგენლობაში და აქტიურად მონაწილეობდნენ მის კლასობრივ ბრძოლაში, რომელიც მიმართული იყო თვითმპყრობელობის წინააღმდეგ. მაგრამ ქართველი და ოსი ხალხების ერთობლივი რევოლუციური ბრძოლა განსაკუთრებით მკაფიოდ გამოვლინდა გლეხობის გამოსვლებში.

გლეხთა გამოსვლებმა მწვავე ხასიათი მიიღეს გორისა და დუშეთის მაზრაში, სადაც ქართველებთან ერთად ცხოვრობდა ოსი მოსახლეობა. მათ შორის ფართო რევოლუციურ მუშაობას ატარებდნენ

ოსდმპ გორის სამაზრო პარტიული ორგანიზაციის რწმუნებულები. ამ ორგანიზაციის ისეთი მოღვაწენი, როგორც იყვნენ გ. ელისაბედაშვილი, ალიმბარაშვილი და სხვა, ხშირად მიდიოდნენ სამხრეთ ოსეთის სოფლებშიც და რაზმავდნენ გლეხობას თვითმპყრობელობისა და მებატონეთა წინააღმდეგ საბრძოლველად.

1904 წ. შეიქმნა რსდმპ ცხინვალის კომიტეტი, რომელიც გორის კომიტეტის უშუალო ხელმძღვანელობით მოქმედებდა. მასში ქართველებთან ერთად შედიოდნენ ოსებიც. იმავე წლის შემოდგომაზე შეიქმნა სოციალ-დემოკრატიული ჯგუფი ვანათში. ასეთივე პარტიული ჯგუფები შეიქმნა ჯავსა და ქემერთშიც. ჯავის პარტიულ ჯგუფში შედიოდნენ პავლე ქუმარიტოვი, ნიკა და ფიდა მინდიაშვილები. ეს ჯგუფები თავის გარშემო თავს უყრიდნენ მოწინავე გლეხებს და სოფლის ინტელიგენციას. მათ დიდი როლი შეასრულეს სამხრეთ ოსეთის მშრომელი მოსახლეობის დარაზმვის საქმეში რევოლუციური გამოსვლებისათვის. ამ მუშაობის შედეგი იყო ის, რომ ქართველი და ოსი გლეხობა ერთსულოვნად გამოვიდა ლოზუნგებით: „გაუმარჯოს თავისუფლებასა და ერთობას“, „ძირს ნიკოლოზი“.

უკვე 1905 წლის თებერვლისათვის გლეხთა გამოსვლებმა მოიცვეს თბილისისა და ქუთაისის გუბერნიები. გურიის გლეხობის თავგანწირულმა რევოლუციურმა გამოსვლამ ფართო გამოხმაურება ჰპოვა საქართველოს სხვა კუთხეებში, განსაკუთრებით გორის მაზრაში. აქაც დაიწყო გლეხთა მღელვარება. ქართულ-ოსური სოფლების მოსახლეობა მიტინგებზე ბოიკოტს უცხადებდა მეფის ხელისუფლებას. თებერვლის შუა რიცხვებში ცხინვალში შეიკრიბა გლეხობა რვა სოფლიდან. მიტინგებზე ისმოდა მოწოდებები რევოლუციური ბძოლისაკენ მეფისა და მემამულეების წინააღმდეგ.

უფრო თვალსაჩინო იყო სოფ. ყორნისში შემდგარი მიტინგი, რომელსაც ქართული და ოსური სოფლების ხუთი ათასამდე წარმომადგენელი ესწრებოდა. მიტინგმა დაადგინა: გამოეცხადებინათ მეფის მთავრობის ყველა დაწესებულებისადმი ბოიკოტი, არ ეცნოთ თავად-აზნაურობა და სამღვდელოება, აღეკვეთათ „დრამის“ ფული; უარი ეთქვათ მემამულეებისათვის და ხაზინისათვის გადასახადების გადახდაზე. გლეხებმა ერთმანეთისადმი ერთგულების ფიცი დადეს<sup>1</sup>.

გლეხობა ანადგურებდა მემამულეთა სახლკარს, სამეურნეო ნაგებობებს (წისკვილებს, საბძლებს და სხვა), თვითნებურად ჩეხდა ტყეს, აყენებდა პოლიტიკურ მოთხოვნებს. გორის მაზრის უფროსი ატყობინებდა გუბერნატორს, რომ გორის მაზრის სოფლების კანცელარიებში

<sup>1</sup> П. В. Д о г у з о в, указанная работа, стр. 205—206.

საქმის წარმოება სულ არ არის, რადგან ზოგ საზოგადოებაში გლეხები მუქარათ აიძულებენ სოფლის მწერლებს და ჩაფრებს, თავი დაანებონ თავის თანამდებობებს<sup>2</sup>.

1905 წ. 15 მარტს გორის მაზრის უფროსი თავის მოსხენებაში კავკასიაში სამოქალაქო საქმეთა მთავარმართებლისადმი შეშფოთებით აღნიშნა, რომ გლეხთა მოძრაობამ საშიში ხასიათი მიიღო, რომ მაზრის დასავლეთისა და შუა ნაწილის ოსები ჩამოდიან მთებიდან, დაეხეტებიან ბრბოებად მემამულეთა კარმიდამოებში და ადგილობრივ მოსახლეობასთან ერთად, უწყესრიგობას აძლიერებენო. ადგილობრივი ხელისუფლება პარალიზებულია, მათ ძალით ერეკებიან.

ქართველ და ოს გლეხთა ეს ბრბოები ერეკებიან მემამულეთა მოსამსახურეებსაც, რის შედეგადაც მათი მამულები და ჯოგები უმეტეა-ლყუროდ რჩება. ბევრი მათგანი სტოვეებს თავის სახლკარს. ამბოხებუ-ლები აყენებენ პოლიტიკურ მოთხოვნებს. მაზრის უფროსი ითხოვს მნიშვნელოვანი სამხედრო ძალების გაგზავნას გორის მაზრაში გლეხობის რევოლუციური მოძრაობის აღსაკვეთად<sup>3</sup>.

გლეხთა ასეთივე გამოსვლებს ადგილი ჰქონდა შორაპნის მაზრა-ში. აქ ქართველი და ოსი გლეხები წვავენენ სასოფლო კანცელარიებს და აიძულებდნენ ადგილობრივ ადმინისტრაციას, მიეტოვებინათ სამსახური<sup>4</sup>.

ასეთივე ფართო გამოსვლები მოხდა ქსნის ხეობაშიც. 8 ათასამდე ოსი გადადიოდა ერთი სოფლიდან მეორეში და მემამულეთა მოსამსახურეებს ერეკებოდა. თვით ახალგორში შეიკრიბა 1500-მდე გლეხი „თავისუფლებისა და ერთობის“ ლოზუნგებით<sup>5</sup>.

ქართველების, ოსებისა და ცხინვალში მცხოვრები სხვა ეროვნებე-ბის — სომხებისა და ებრაელების ერთობლივ გამოსვლებზე მეტყვე-ლებს 1905 წ. 9 მარტის ცხინვალის დიდი მიტინგი, რომელსაც 1500 კაცი ესწრებოდა. ამ მიტინგზე არჩეულ იქნა 16 დეპუტატი — ოთხი ქართველი, ოთხი ოსი, ოთხი სომეხი და ოთხი ებრაელი. მათ უნდა შეე-მუშავებინათ მშრომელი მასების მოთხოვნები და წარედგინათ მთავრო-ბის კომისიისათვის, რომელსაც ელოდნენ<sup>6</sup>.

კიდევ უფრო გრანდიოზული იყო 13 მარტს სოფ. დგერისში შე-მდგარი მიტინგი. აქ გამოდიოდნენ ქართულ და ოსურ ენაზე. გლეხე-

<sup>2</sup> გაზ. „ცნობის ფურცელი“, 1905, 14 მარტი, № 2770; 17 მარტი, № 2773.

<sup>3</sup> Революционное движение в Юго-Осетии (1905—1907 гг.). Документы и материалы, сост. И. Н. Ц х о в р е б о в, Сталинири, 1958, стр. 17—18.

<sup>4</sup> П. В. Д о г у з о в, указ. работа, стр. 208.

<sup>5</sup> Газ. «Новое обозрение», 1905, 19/III, № 61.

<sup>6</sup> გაზ. „მოგზაური“, 1905, 27 მარტი, № 11.

ბი აცხადებდნენ რომ არ უნდათ მამასახლისი, მწერალი, სააქციზო მოხელე და სტრატეგიები, რომლებმაც სილატაკემდე მიგვიყვანესო. ცოლშვილი შიმშილითა და სიცივით გვიწყდება, უკანასკნელ ლუკმას პირიდან გვაცლიან. დღემდე ვითმენდით, ყურებში ბამბა გვექონდა და ქვეყანა ჩალით დახურული გვეგონა. ახლა გამოვფხიზლდით და მოვითხოვთ ყველაფერ იმას, რაც ჩვენსავით ტანჯულ ხალხს მიეცემაო.

ეს მიტინგი იმავე დღეს ცხინვალში გაგრძელდა და დემონსტრაციით დასრულდა. მასში რვა ათასზე მეტი კაცი მონაწილეობდა. „ერთობის“ ლოზუნგებით მათ გაიარეს ცხინვალის ქუჩები და აიძულეს მომრიგებელი მოსამართლე ანდრეევი, დაეტოვებინა ცხინვალი<sup>7</sup>.

ყველგან, სოფლებში გლეხობა დაესია ადგილობრივი ხელისუფლების ორგანოებს და მათი დარბევა დაიწყო. ამ საქმეში ერთსულოვნად გამოდიოდნენ ქართველი და ოსი გლეხები. ბელოთ-მერეთის საზოგადოებებში გლეხთა გამოსვლებს ხელმძღვანელობდნენ დმენისელი ვასო დუდაევი, ხოშურელი ესტატე არჩვაძე და ზონკრელი მათე ვალიევი. ოქონის, ატოცის და ბრეთის საზოგადოებაში არსებულ სოფლებში სოფლის კანცელარიების დახურვის, მამასახლისების გარეკვის და სხვა დონისძიებების განხორციელებას ეწეოდნენ გლეხთა არჩეული პირები გ. აბაევი, მინაძე და ქველაძე<sup>8</sup>.

გლეხობა არბევდა მემამულეთა სახლკარს, აიძულებდა სიკვდილის მუქარით მიეტოვებინათ თავისი მამულები და წასულიყვნენ. მთავრობის დამსჯელ ექსპედიციებს ყველგან შეიარაღებულ წინააღმდეგობას უწყევდნენ.

ბოლშევიკების აქტიური მუშაობა გლეხებს შორის მის ბრძოლას ორგანიზებულ, პოლიტიკურ ხასიათს აძლევდა.

20 მარტს ახლომახლო სოფლების ქართველი და ოსი გლეხობა (ოთხი ათასამდე კაცი) შეიკრიბა სოფ. მეჭვრისხევში. მიტინგზე გადაწყდა მემამულეთათვის წარედგინათ მოთხოვნა — დროებით ვალდებული გლეხები გაენთავისუფლებინათ გადასახადებისაგან და საკუთრებაში გადაეცათ მათთვის მიწები. ტყით სარგებლობის ნებართვა უნდა გაეცათ ხალხის მიერ არჩეულ პირებს<sup>9</sup>.

რევოლუციური მოძრაობის აღმავლობის პირობებში, ბოლშევიკების მოწოდებით, ყველგან, მათ შორის სამხრეთ ოსეთის სოფლებშიც, იქმნება გლეხთა რევოლუციური კომიტეტები — ადგილობრივი თვითმმართველობის ორგანოები, რომელთაც დიდი როლი ითამაშეს. სოფლად რევოლუციური ძალების დარაზმვაში, მასზე პროლეტარიატის ჰეგემო-

<sup>7</sup> ვაზ. „მოგზაური“, 1905, № 11.

<sup>8</sup> П. В. Д о г у з о в, указ. работа, стр. 216—217.

<sup>9</sup> ი ქ ვ ე, გვ. 221.

ნიის განმტკიცების საქმეში. საზრეთ ოსეთში ისინი შეიქმნა წუნარში, ყორნისში, თამარაშენში, ავნევეში, ოქონაში, ანალგორში და სხვ. მათში აქტიურად თანამშრომლობდნენ ქართველი და ოსი გლეხობის წარმომადგენლები. ისინი ასრულებდნენ არა მარტო ადგილობრივი მმართველობის, არამედ სასამართლო ფუნქციებსაც.

თავადაზნაურობამ, აზვირთებული გლეხობისაგან თავის მამულეების დაცვის, მათი მორჩილებაში მოყვანის მიზნით, შექმნა 400 კარგად შეიარაღებული კაცისაგან შემდგარი შავი რაზმი. გორის მაზრაში აზნაურების შავი რაზმის შექმნის ინიციატორი იყო მსხვილი მემამულე გიორგი ამილახვარი. რაზმის ხელმძღვანელები იყვნენ აზნაურები ზ. აბდუშელიშვილი და აბელ კალატოზიშვილი, თავადები გიგო და აპოლონ მაჩაბლები. მათ აქტიურად უჭერდა მხარს ტირქისის მემამულე სულხანიშვილი და მომრიგებელი მოსამართლე სარდიონ ამირაჯიბი.

თავად-აზნაურთა შავი რაზმის შექმნასთან დაკავშირებით, გორის მაზრაში 1905—07 წწ. რევოლუციური მოძრაობის აქტიური მონაწილე დიმიტრი ფანჯარაშვილი თავის მოგონებაში წერს, რომ გ. ამილახვარმა, ზ. აბდუშელიშვილმა და ა. კალატოზიშვილმა მთავრობას გამოთხოვეს იარაღი შავი რაზმის შესადგენად. მათ გლეხებში დაიწყეს სათანადო პროპაგანდა. ქვემო ავჭალაში, ერთ-ერთ შეხვედრაზე გლეხების წარმომადგენლებთან, ამ თავადაზნაურებმა შესთავაზეს მათ, დაედოთ ფიცი ღვთისმშობლის წინაშე, რომ არ უღალატებდნენ სამშობლოს და იბრძობდნენ საქართველოში მცხოვრებ უცხო ეროვნებათა წინააღმდეგ, განსაკუთრებით კი ოსების წინააღმდეგ, რომლებსაც თავის ისტორიულ მტრებს უწოდებდნენ. როცა სოფლის გარეთ შეკრებილ ხალხის ყურამდე მიადწია ამ ამბავმა, ისინი შეშფოთდნენ, განსაკუთრებით ღელავდნენ ოსები. დ. ფანჯარაშვილს შეუთავაზებია აღელვებული ხალხისათვის, რომ თავადაზნაურობის საპასუხოდ შეედგინათ წითელი რაზმი, აერჩიათ რამდენიმე გამოცდილი კაცი, გაეგზავნათ ოსეთ-მთიულეთში და ეცნობებინათ თავიანთი ერთობის ძალა, მოეწოდებინათ, რომ არ დაემორჩილონ ხელისუფლებას და არ გადაიხადონ გადასახადები. ამ სიტყვების გაგონებაზე დამსწრე ოსობას უპასუხია: „შენი ენის ქირიმე, ოლონდ ქართველები ჩვენთან ერთად იყავით და ჩვენ ყველანი ვიბრძობლებთ“. არჩეულ იქნა ექვსი კაცი: ნოე გაბაშვილი, ნიკო ბოლოთაშვილი, თედო გაბარაშვილი, მალხაზ გაბარაშვილი, ზაქარია ნადირაძე, რომლებიც სათანადო დავალებით, ცხენებით, გაემართნენ ლეჩხურისა და ქსნის მთებში<sup>10</sup>.

წ 10 საქ. სსრ ცია, ფ. 2417, საქმე 307, ფურც. 14—15, დ ი მ ი ტ რ ი ფ ა ნ ჯ ა რ ი შ ვ ი ლ ი ს მოგონება. ამ მოგონებაზე მივეყრითა დოკ. ნ. ნიკოლაიშვილმა, რისთვისაც მადლობას მოვახსენებთ.

თავადაზნაურთა შავ რაზმს ენერგიულად დაუპირისპირდა რევოლუციური გლეხობის მიერ შექმნილი წითელი ასეულები. შეიქმნა ცხინვალ-ყორნისის, ქსნის და ცალკე ჯავის ხეობის წითელი ასეულები თითოეული 150—250 კაცის შემადგენლობით. ისინი იარაღდებოდნენ თავადაზნაურთათვის, ბოქაულთათვის და სხვა თანამდებობის პირთათვის ჩამორთმეული იარაღით. წითელი ასეულები თავზარს სცემდნენ მემამულეებსა და მეფის მოხელეებს.

1905 წ. ზაფხულისათვის გლეხთა რევოლუციური მოძრაობის მასშტაბი კიდევ უფრო გაფართოვდა. ქართველი და ოსი გლეხობა მეგობრულად, მხარდამხარ გამოდიოდნენ მემამულეთა და მეფის მოხელეთა წინააღმდეგ. გაზეთი „ტიფლისკი ლისტოკი“ აღნიშნავდა, რომ ქართლში გლეხთა მოძრაობა ძლიერდება. სოფლის საზოგადოებებში ყველა ჯაჭმეებს განაგებენ ასისტავები და ათისტავები, საზოგადოების არჩეულ პირებთან ერთად. შიდა ქართლის მოსახლეობის ყოველგვარი ურთიერთობა მთავრობის დაწესებულებებთან შეწყვეტილია. ცხინვალის ხეობაში ადგილობრივ მოსახლეობას შორის, ეროვნების მიუხედავად, დამყარდა მჭიდრო ერთიანობა<sup>11</sup>.

გლეხთა მზარდი რევოლუციური გამოსვლებით შეშფოთებულმა ვორონცოვ-დაშკოვმა გორისა და დუშეთის მაზრებში საგანგებო რწმუნებით გაგზავნა გენერალ-ადიუტანტი ამილახვარი. მან შექმნა კომისიები, რომელთაც უნდა გამოეყვანათ მემამულეთათვის გლეხობის მიერ მიყენებული ზარალი და სასტიკი ღონისძიებებით შეეცადა დაკისრებული მისიის შესრულებას — გლეხთა გამოსვლების აღკვეთას.

მაგრამ გლეხთა გამოსვლები არ წყდებოდა. მჭადიჯვარში ქართველი და ოსი გლეხების მიტინგზე მაზრის უფროსს მოსთხოვეს კაზაკების მიერ მათთვის წართმეული პროდუქტების დაბრუნება. ისინი უარს აცხადებდნენ გადასახადების გადახდაზე. მაზრის უფროსის ბრძანებით მიტინგს ტყვია დაუშინეს, რის შედეგადაც 30 კაცი მოკლეს და დაქრეს<sup>12</sup>.

გორისა და დუშეთის მაზრებში გლეხთა რევოლუციური გამოსვლების სიმძაფრე იქავედ მივიდა, რომ მეფისნაცვალმა ისინი ცალკე საგუბერნატოროდ გამოჰყო და პოლკოვნიკ ალფტანს ჩააბარა. მასვე საგანგებო რწმუნებანი მიეცა რევოლუციასთან საბრძოლველად.

სასტიკი რეპრესიები, ეგზეკუციები, დაპატიმრებები მიზანს ვერ აღწევდა. გლეხობა განაგრძობდა სასტიკ ბრძოლას. წითელი ასეულები განაგრძობდნენ მემამულეთა განიარაღებას, საძულველი მებატონე-

<sup>11</sup> «Тифлисский листок», 1905, 21/VI, № 146.

<sup>12</sup> П. В. Д о г у з о в, указ. работа, стр. 236.



ბის სახლ-კარის დარბევას და განადგურებას. წითელ ასეულებში მხარ-  
დამხარ იბრძოდნენ ქართველი და ოსი რაზმელები<sup>13</sup>.

რევოლუციის შემდგომი განვითარების პირობებში, საქართველოს  
ბოლშევიკებმა, 1905 წ. შემოდგომაზე დიდი მუშაობა ჩაატარეს მასე-  
ბში ბულიგინის სათათბიროსათვის ბოიკოტის გამოსაცხადებლად,  
17 ოქტომბრის მანიფესტის ფარისევლური ხასიათისა და მენშევიკების  
კონსტიტუციური ილუზიების სამხილებლად. ეს უკანასკნელი გამოდი-  
ოდნენ შეიარაღებული აჯანყების, პროლეტარიატისა და გლეხობის რე-  
ვოლუციურ-დემოკრატიული დიქტატურის ლოზუნგის წინააღმდეგ,  
ბურჟუაზიულ-დემოკრატიული რევოლუციის სოციალისტურ რევოლუ-  
ციად გადაზრდის წინააღმდეგ.

ცხრა დეკემბრის შეიარაღებულმა აჯანყებამ მოსკოვში ფართო  
გამომხურება ჰპოვა მთელ იმპერიაში. 10 დეკემბერს თბილისშიც დაი-  
წყო აჯანყება. 15 დეკემბერს ღამით სამხრეთ ოსეთში წითელი რაზმე-  
ლები თავს დაესხნენ ზაპოლიციო საგუშაგოებს ცხინვალის რაიონში.  
მთელი ძალაუფლება რაიონში აჯანყებული ხალხის ხელში გადავიდა.  
ცხინვალის რაიონი მთიანი ოსეთის საზოგადოებებიანად შეიარაღებუ-  
ლი აჯანყების ერთ-ერთ მძლავრ კერად გადაიქცა. რაიონში დათხოვნილ  
იქნა მთავრობის ყველა დაწესებულება. აჯანყებული გლეხები თავის  
რევოლუციური კომიტეტების სახით საკუთარი ბედის-პატრონები გახ-  
დნენ<sup>14</sup>.

აღნიშნულ ამბებში გორის მაზრის ქართველი და ოსი მოსახლეო-  
ბა ერთსულოვანი იყო. ისინი მხარდამხარ იბრძოდნენ ცარიზმისა და  
მემამულეთა წინააღმდეგ, აძევებდნენ ადმინისტრაციას' და მემამუ-  
ლებს და რევოლუციურ წესრიგს ამყარებდნენ.

მაგრამ დეკემბრის შეიარაღებული აჯანყების დამარცხებამ მოს-  
კოვში, განსაზღვრა რევოლუციური გამოსვლების დროებითი მარც-  
ხი პერიფერიებში. ცარიზმმა გამოიყენა იაპონიასთან ზავის დადება,  
საერთაშორისო რეაქციის მხარდაჭერა, მუშათა და გლეხთა კავშირის  
სისუსტე და შეტევაზე გადავიდა. გორის მაზრაც რეაქციის სათარეშო  
არენად გადაიქცა. ჯარის ნაწილები, თავადაზნაურთა შავი რაზმები  
დაძრწოდნენ აქ. სპობდნენ რევოლუციური მუშებისა და გლეხების  
სახლებს, ხვრეტდნენ, ასახლებდნენ ციმბირში, ეგზეკუციებს უყენებ-

<sup>13</sup> Рев. движение в Юго-Осетии (1905—1907 гг.), док. и мат., стр. 90.

<sup>14</sup> Я. Х у ц и ш в и л и н, Вооруженное восстание в Грузии 1905 г., Исто-  
рические записки, т. 49, М., 1954, стр. 127; ს. ბ ე კ о ე ე ა, 1905 წლის რევოლუ-  
ციური მოძრაობა სამხრეთ ოსეთში, 1905-1907 წ. რევოლუცია საქართველოში, თბ.,  
1955, გვ. 325—326; П. В. Д о г у з о в, Революционные..., стр. 281.

დნენ. კაპიტან ვნუკოვსკის რაზმმა მთელი ცხინვალის რაიონი შემოიარა და ყველგან სისხლიან კვალს სტოვებდა.

მაგრამ რევოლუციური გლეხობა ადვილად არ თმობდა თავის პოზიციებს. იგი მძიმე ბრძოლებით იხვედა უკან. გლეხობა განაგრძობდა მემამულეთა განდევნას, ადმინისტრაციის ბოიკოტს, გადასახადებზე უარის თქმას, მემამულეთა ტყეების გაჩეხვას და სხვ. მაგრამ 1906—1907 წწ. ბრძოლები უკვე სააირეგრადო ბრძოლების ხასიათს ატარებდა<sup>15</sup>. ამ ბრძოლებში ქართველი და ოსი გლეხები კვლავ ერთად გამოდიოდნენ. მაგ. 1906 წ. 7—8 ივნისის ღამეს სოფ. ერგნეთში ივანე მაჩაბლის მამულის დარბევაში მონაწილეობდნენ ბ. გაზზაევი, ვ. ზუბაშვილი, კასრაძეები, გ. გოგაშვილი.

ცხინვალის რაიონში ოსი და ქართველი გლეხობის ერთობლივი გამოსვლების მასშტაბზე წარმოდგენას იძლევა გორის მაზრის უფროსის 1906 წ. 1 დეკემბრის რაპორტი თბილისის გუბერნატორისადმი. ის წერს, რომ გორის მაზრაში უწყესობებმა (ე. ი. გლეხთა რევოლუციურმა გამოსვლებმა) ისეთი უჩვეულო გაქანება მიიღეს, რომ სრული ანარქია დამყარდა. ეს მაზრა არამარტო კავკასიაში, არამედ მთელ რუსეთში აქარბებს ყველას როგორც გამოსვლების რაოდენობით, ასევე სიმწვავის მიხედვით<sup>16</sup>.

1905—7 წწ. რევოლუციურ მოძრაობაში ქართველი და ოსი ხალხების რევოლუციურმა თანამეგობრობამ თავზარი დასცა ხელისუფლებას. მან სათანადო ზომებიც მიიღო, არ დაეშვა მომავალში მათი ერთობლივი რევოლუციური გამოსვლები, დაეპირისპირებინა ისინი და ამით ჩამოეცილებინა თვითმპყრობელობის წინააღმდეგ საერთო ბრძოლისაგან. ამ მიზნით, მეფის მოხელეები, პოლიცია, ქართლის სოფლებში მიმართავენ ოსი მამასახლისებისა და ჩაფრების ჩაყენებას, რომელთა ძალადობასაც ქართველები მტრად უნდა გადაეციდა მთელი ოსი ხალხისადმი. ქართველი და ოსი მოწინავე მოღვაწენი კარგად გრძნობდნენ ამ საშიშროებას, ამხელდნენ მეფის აგენტების ასეთ პროვოკაციულ მოქმედებას და ხალხებს მოუწოდებდნენ სიფხიზლისაკენ. ვლადიკავკავში 1906 წლის 23 ივლისიდან გამოსული გაზეთი „ირონ გაზეთ“ („ოსური გაზეთი“) ოს მშრომელებს უქადაგებდა მეზობელ ხალხებთან მეგობრულ ურთიერთობას, უხსნიდა რომ ხალხთა ურთიერთწყაიღების პოლიტიკა ცარიზმის პოლიტიკაა, რათა ამით ხალხები ჩამოაშოროს თვითმპყრობელობის წინააღმდეგ ბრძოლას.

<sup>15</sup> ს. ბ ე კ ე ვ ა, დასახ. ნაშრომი, გვ. 328.

<sup>16</sup> П. Д о р у з о в, указ. работа, стр. 319.

თბილისში 1907 წ. 8 მარტიდან გამოდიოდა ოსური გაზეთი „ნოცარდ“ („ახალი ცხოვრება“). იგი თანმიმდევრულად ატარებდა ქართველ და ოს ხალხებს შორის მეგობრობის შემდგომი განმტკიცების პროპაგანდას. ამ გაზეთის მესამე ნომრის მოწინავე წერილი ქართველი და ოსი ხალხების ურთიერთობას შეეხება. გაზეთი წერს, რომ ამ ხალხებს ისტორიულად „მტერიც ერთი ჰყავდათ და მოყვარეც“, რომ „ქართველი მშრომელი ხალხი თავის ბატონების მადლიერი არასოდეს არა ყოფილა, მაგრამ, ოსებთან კი, როგორც ძმებთან, განწყობილად ცხოვრობდა“. გაზეთს ესმოდა, რომ ქართველი და ოსი ხალხების მეგობრობას სერიოზულ საფრთხეს უქადა მუფის მთავრობის მოხელეების ერთა წაკიდების პოლიტიკა. „...გრძნეულსა სურს საწყალი ხალხების კერა ჩაანელოს. მაგრამ ეს ასე არ უნდა მოხდეს..... ჩვენ ამიერიდანაც ერთად უნდა ვიცხოვროთ და ამიტომ ყური არავის არ უნდა ვათხოვოთ და ერთმანეთს, მტრის გასახარად, გული არაფრით არ უნდა დავუქოდოთ“....

როცა 1907 წ. გაზაფხულზე ცარიზმის მოხელენი პროვოკაციებს აწყობდნენ გორის მაზრაში ქართველ-ოსთა წასაკიდებლად, ქართველი რევოლუციონერი პოეტი ირ. ევლოშვილი გამოვიდა „გამაფრთხილებელი წერილით“, რომელშიც წერდა: „...გორის მაზრაში მოსალოდნელია ოსების და ქართველების შეტაკება. მიზეზი ამისა, ერთის მხრით ყოფილა ისიც, რომ ქართლის სოფლებში დააყენეს ოსი მამასახლისები... გამწარებული ხალხი ოსი მამასახლისების გამო ემდურის თვით ოსის ხალხსაც. ამრიგად პროვოკაციისათვის — ერთი ერის მეორეზე დასაჯახებლად საუკეთესო ნიადაგი შექმნა ადგილობრივმა პოლიციამ და თუ თვით ხალხის გონიერმა ნაწილმა არ შეაყენა ეს ორი ერთმანეთზე ეშმაკურათ მისეული ერი, შესაძლებელია ჩვენ გავხდეთ საშინელი და სამარცხვინო სურათების მოწმენი“<sup>17</sup>.

ქართველი და ოსი ხალხის პროგრესულმა წარმომადგენლებმა სასტიკად ამხილეს მუფის მთავრობის პროვოკაციული მოქმედება და არ მისცეს მას შესაძლებლობა დამტკბარიყო ქართველი და ოსი ხალხების ურთიერთ სისხლისღვრით.

1905—07 წწ. რევოლუციის დამარცხების მიუხედავად, ქართველმა და ოსმა ვლუხობამ თავის კლასობრივი ინტერესებისათვის ერთობლივი ბრძოლის კარგი სკოლა გაიარეს.

ქართველი და ოსი ხალხების რევოლუციური თანამეგობრობა ვლინდებოდა ჩრდილო ოსეთის სინამდვილეშიც. 1903 წ. ამიერკავკა-

<sup>17</sup> გაზ. „დრო“, 1907, 21/111, № 9. ირ. ევლოშვილის წერილს ჩვენი ყურადღება მიაქცია დოც. ნ. ნიკოლაიშვილმა, რისთვისაც მას ღირ მადლობას მოვახსენებთ.

სიაში შექმნილმა რსდმპ კავკასიის კომიტეტმა დიდი როლი შეასრულა თერგზე მარქსისტული იდეების გავრცელებისა და რევოლუციური მუშაობის გაშლის საქმეში. რსდმპ კავკასიისა და ბაქოს კომიტეტების დავალებით, ი. გ. ფიოლეტოვი გადავიდა გროზნოში, სადაც ხელმძღვანელობდა რსდმპ გროზნოს ორგანიზაციას. აქედან მისი დახმარებით. 1904 წ. გაფორმდა რსდმპ ვლადიკავკავის ჯგუფი, რომელიც აერთიანებდა რუსების, ქართველების, ოსების, სომხებისა და სხვა ჯგუფებს. ეს ჯგუფი უშვებდა პროკლამაციებს რუსულ, ქართულსა და ოსურ ენებზე, ეწეოდა რევოლუციურ მუშაობას მუშებს შორის.

1904 წლის ბოლოსათვის ვლადიკავკავში შეიქმნა რსდმპ თერგდალისტნის კომიტეტი, რომელსაც უნდა ეხელმძღვანელა რევოლუციური მოძრაობისათვის ჩრდილო კავკასიაში.

რუსეთ-იაპონიის ომში რუსეთის ცარიზმის დამარცხებამ გამოაცოცხლა რევოლუციური მოძრაობა ჩრდილო კავკასიაშიც. ცხრა იანვრის სისხლიანმა ტრაგედიამ აავსო ხალხის მოთმინების ფიალა.

ჩრდილო ოსეთში ამ პერიოდში ფართო გაქანება მიიღო მასების რევოლუციურმა გამოსვლებმა. ამ გამოსვლებში მონაწილეობდნენ რუსები, ოსები, ქართველები და აქ მოსახლე სხვა ეროვნებათა წარმომადგენლები. მღელვარება მოედო ალაგირში მცხოვრებ ქართველებს, რომლებიც დროებით მცხოვრებლებად ითვლებოდნენ. ვლადიკავკავის ოლქის მესამე უბნის უფროსის 1905 წ. 21 აპრილის ოქმიდან ჩანს, რომ, ალაგირში მცხოვრებ ზაქარია კინჭაძემ ღამით გატეხა კარცერის ბოქლომი და გაიქცა. ადგილობრივმა ხელისუფლებმა სცადეს მისი დაპატიმრება, მაგრამ მის დამცველებად გამოვიდნენ სიკო და იაგორ გამყრელიძეები. როცა საქმე გამწვავდა, ალაგირელი ქართველები 50 კაცამდე მივიდნენ კანცელარიაში. უბნის უფროსმა სცადა კაზაკების გამოძახება, მაგრამ ამის საშუალება არ მისცეს და დაიშალნენ მუქარით: «У нас своя сотня казаков, не нужны мы ваших казаков»<sup>18</sup>.

ვლადიკავკავის ოლქის უფროსმა ამ ამბების შესახებ თავის მხრივ აცნობა თერგის ოლქის უფროსს და შესთავაზა დაეპატიმრებინათ ალაგირელი ქართველები ვასილ სულთანისვილი, სიკო, ვიქტორ და იაგორ გამყრელიძეები ხელისუფლებისათვის წინააღმდეგობის გაწევის მოტივით.

ალაგირის ქართული მოსახლეობა შემდეგაც ენერგიულად მონაწილეობდა რევოლუციურ მოძრაობაში. ისინი აპყვნენ მთელ იმპერიაში

---

<sup>18</sup> Северная Осетия в революции 1905—1907 годов. Документы и материалы (Подг. к печати А. К. Джанаев и А. А. Тедтоев), Ордж., 1955-стр. 33—34.

და, კერძოდ, ოსეთში გაშლილ გლეხთა მოძრაობას სახაზინო მიწების ხელში ჩასაღებად, ტყეების გასაჩუხებად. ალაგირის თემის მამასახლისი პოტემინი 1905 წ. 12 მაისს ატყობინებდა თავის უფროსებს, რომ აქაურმა ქართველებმა დაიწყეს სამთო-სამრეწველო ქიმიურ საზოგადოება „ალაგირის“ მიწების თვითნებური დაკავება. საზოგადოებას ეს მიწები ხაზინიდან იჯარით აქვს აღებული, ქართველებმა კი კვლების გაქრა დაიწყეს და საკარმიდამოდ დანაწილებას აპირებენ<sup>19</sup>. იგივე პოტემინი 13 მაისს ატყობინებს ვლადიკავკავის ოლქს უფროსს, რომ ალაგირელი ქართველები, რომლებმაც „ალაგირის“ მიწები დაიკავეს, 15 მაისს აპირებენ ისეთი „ბუნტის“ მოწყობას, როგორიც ამჟამად მიმდინარეობს ამიერკავკასიაში, და, რომ მას უშიშრად არ შეუძლია თავის სამსახურებრივი მოვალეობის შესრულება<sup>20</sup>.

1905 წ. გაზაფხულზე ფართოდ გაიშალა მუშათა რევოლუციური გამოსვლები. ვლადიკავკავში 5 მაისს დაიწყო საპირველმაისო გაფიცვა. გაფიცვის ორგანიზატორებმა 6 მაისს გრანდიოზული ხუთი ათასიანი დემონსტრაცია მოაწყვეს ქალაქში. დადიოდნენ წითელი დროშით, მღეროდნენ რევოლუციურ სიმღერებს. ორატორები მოუწოდებდნენ თვითმპყრობელობის დასაშობად. 7 მაისს ქალაქის ბაღში შედგა დემონსტრაცია, სადაც 500-მდე კაცი მონაწილეობდა. ვლადიკავკავის პოლიცემისტერის პოლკოვნიკ კოტლიარევსკის პატაკიდან თერგის ოლქის უფროსისა და თერგის კაზაკთა ლაშქრის ატამანისადმი ჩანს, რომ როცა კაზაკებმა დემონსტრანტების გარეკვა სცადეს, ქართველთაგან ზოგიერთმა კაზაკებს ქვების სროლა დაუწყო<sup>21</sup>.

ჩრდილო კავკასიაზე, კერძოდ ოსეთზე, ბოლშევიკური პარტიის გავლენა ხორციელდებოდა ამიერკავკასიიდან კავკასიის სამხარეო კომიტეტის მეშვეობით. საქართველოში მიმდინარე ამბები დიდ გავლენას ახდენდა ვლადიკავკავის ოლქის მშრომელთა რევოლუციურ მოძრაობაზე. თბილისში 29 აგვისტოს საქალაქო თვითმმართველობის სახლში მუშათა მიტინგის დახვრეტამ აღაშფოთა ვლადიკავკავის მშრომელები. 4 სექტემბერს აქ, სარაჯევის ქარხნის რაიონში (ქალაქგარეთ) გაიმართა მიტინგი. სათანადო პროკლამაციებში გაშუქებული იყო თბილისის ამბები და ხელისუფლება მას თბილისის კომიტეტის მოქმედებად თვლიდა. მიტინგზე აქტიური მონაწილეობა მიიღეს სტუდენტებმა, აგრეთვე ქართველმა, რუსმა და სომეხმა ხელოსნებმა. აღნიშნულ ამბებთან დაკავშირებით, ვლადიკავკავის პოლიცემისტერი კავკასიის პოლიციის უფროსს ასე უხანაიოებდა ვლადიკავკავში რევოლუციური მოძ-

<sup>19</sup> დასახ. კრებული, გვ. 37.

<sup>20</sup> იქვე, გვ. 38.

<sup>21</sup> იქვე, გვ. 41.

რაობის მონაწილე ძალებს: ქალაქში ინტელიგენცია ყველაზე მეტადაა ოპოზიციურად განწყობილი. მათგან ებრაელები და სომხები არ კმაყოფილდებიან სიტყვებით და ერთიანდებიან წრეებში, ამყარებენ ურთიერთობას ოპოზიციურ ცენტრებთან. შემდეგ ოსები, რომელთა ინტელიგენცია ძალიან მოუსვენარია, ყველაფრით უკმაყოფილოა და მოსახლეობას აგულიანებს უწყურიგობისაკენ, ხრწნის მათ. ამასთან აგიტატორები არიან სტუდენტები და სოფლის მასწავლებლები. ქართველთა ინტელიგენციას საყვედური არ ეთქმის, მაგრამ სტუდენტობა არ ისვენებს. უბრალო ქართველი ხალხი — მუშები და ხელოსნები მოუსვენარნი არიან და მათ შორის ბევრია მავნე (რევოლუციური) ელემენტი. ამიერკავკასიის ამბების გავლენით ესენი — აულაგმავი ბუნები მქონენი — მომზადებული რევოლუციონერები — ანარქისტები არიანო.

დასასრულ, ის წერს, რომ დაპატიმრებულ იქნა ქართველი რამი-შვილი, რომელიც მუშებს აღელვებდა და ამით კრასნორიადის ქუჩაზე სიმშვიდე დამყარდა. მისივე მოთხოვნით გაძევებულ იქნა ქალაქიდან სტუდენტი მოსულიშვილი<sup>22</sup>.

ამიერკავკასიაში გაშლილი მუშათა კლასისა და გლეხობის რევოლუციური ბრძოლა ფართო გამომხაურებას პოულობდა ჩრდილო ოსეთში. ალაგირში დროებით მცხოვრებმა ოსებმა და ქართველებმა დაიკავეს მკვიდრი რუსების — მდიდრების კუთვნილი საძოვარი, შელობეს, ხეები დარგეს და თივა დადეს. თავიანთ საჩივარში ისინი (საძოვრის პატრონები) აღნიშნავენ, რომ საყენზე ხუთი კაპიკი ზარალი განიცადეს<sup>23</sup>.

ალაგირელმა ქართველებმა „ალაგირის“ მიწის თვითნებური მოხვნა დაიწყეს. კონსტანტინე გუგუშვილმა ორი დესეტინა, გრ. ვალაძემ ერთი დესეტინა, სოლომონ სხირტლაძემ ორი დესეტინა მოხნეს. ასევე მოხნეს ლობჯანიძეებმა და სხვ. ისინი აცხადებდნენ, რომ მიწის მეპატრონეს საიჯარო ქირას გადავუხდით, მაგრამ უხვნელ-უთესველი ვერ დავრჩებით<sup>24</sup>.

დეკემბერში გამოსვლები მოხდა ოსურ დივიზიონში, სხვა სამხედრო ნაწილებში. 18 დეკემბერს, ღამით, მთელი გარნიზონის მიტინგს ელოდნენ. 500 მოქალაქე შეგროვდა და წითელი დროშებითა და მარსელიოზის სიმღერით დაიძრნენ აფშერონის პოლკის ყაზარმისაკენ, სადაც მათ შეერთებას სთხოვდნენ. პოლკის უფროსმა და სხვა ოფიცრებმა, შესძლეს აგიტატორების — პოპოვის, ტომაშევსკისა და ლუღუშა-

<sup>22</sup> დასახ. დოკ. კრებული, გვ. 101—102.

<sup>23</sup> ი ქ ვ ე, გვ. 104—105.

<sup>24</sup> ი ქ ვ ე, გვ. 162—165.

ურის (ყაზბეგის მცხოვრების) დაპატიმრება. ისინი ორი ასეულის თანხლებით პოლიციაში გაგზავნეს, მაგრამ დემონსტრანტებმა ისეთი საშინი ვითარება შექმნეს, რომ ხელისუფლება იძულებული გახდა გაენთავისუფლებინა ისინი<sup>25</sup>.

უფრო ადრე, 1905 წ. 28 ოქტომბერს აფშერონის პოლკში არეულობა მოხდა. ცუდი საკვები პროდუქტები მიზეზი გახდა ჯარისკაცთა მღელვარებისა. მათთან ერთად იყვნენ დაბალი ჩინის მქონე ოფიცრებიც. გამოსვლა ჩაახშეს, მისი ორგანიზატორები გაასამართლეს. ბრალდებულთა შორის პირველი იხსენიება უნტერ-ოფიცერი ივანე ნოსიძე (ექვს სხვა უნტერ-ოფიცერთან ერთად) და რიგითი ობეჩკრაშვილი (!) 12 სხვა რიგით ჯარისკაცთან ერთად<sup>26</sup>.

დეკემბრის თვეში ვლადიკავკავის რკინიგზაზე დიდი გაფიცვა მოხდა. იგი 8-დან 26 დეკემბრამდე გაგრძელდა. 7 დეკემბერს ამ გაფიცვის სახელმძღვანელოდ არჩეულ 30 კაციან კომიტეტში შედიოდა კონსტანტინე სოლომონის ძე ცაგარელი, ქუთაისელი, მე-10 დისტანციის ტექნიკოს-პრაქტიკანტი. იგი მოხსენებებით გამოდიოდა მუშათა მიტინგებზე<sup>27</sup>.

დეკემბრის შეიარაღებული აჯანყების დამარცხების შემდეგ, მთავრობა ყველგან შეტევაზე გადავიდა. 1906 წ. იანვარში, ჩრდილო ოსეთში მოქმედება დაიწყო პოლკოვნიკ ლიახოვის დამსჯელმა ექსპედიციამ. იგი არტილერიის ცეცხლს უშენდა სოფლებს და მოითხოვდა რევოლუციონერთა გაცემას. ამოქმედნენ სამხედრო-საველე სასამართლოები.

ამის მიუხედავად, არ წყდება რევოლუციური მოძრაობა. 1906 წ. იანვრის დასაწყისში ვლადიკავკავში ჩავიდნენ ცნობილი რევოლუციონერები ნოე ბუაჩიძე და ნ. კიკნაძე („სტეპაკ“). რომლებიც მანამდე ქუთაისის გუბერნიაში — ხარაგოულში მუშაობდნენ. ალიხანოვ-ავარსკის დამსჯელი ექსპედიციის შესვლამ დასავლეთ საქართველოში გამოიწვია იქიდან მათი წასვლა. რაჭა-მამისონის გზით ისინი ჩავიდნენ ვლადიკავკავში და მაშინვე არალეგალურ მუშაობაში ჩაებნენ. ისინი მუშაობდნენ თერგ-დაღესტნის კომიტეტის ტიპოგრაფიაში, მუშაობდნენ მუშათა არალეგალურ წრეებში.

ნ. ბუაჩიძის ჩაველით ბოლშევიკური ფრაქციის მუშაობა ვლადიკავკავში გამოცოცხლდა. 1906 წ. 7 ივნისს მოეწყო რეზაკოვისა და ტერტეროვის ლუდის ქარხნების მუშათა გაფიცვა, მერე ვახტანგოვის

<sup>25</sup> ი ქ ვ ე.

<sup>26</sup> ი ქ ვ ე, გვ. 254—260.

<sup>27</sup> ი ქ ვ ე, გვ. 193—202.

თამბაქოს ფაბრიკისა. ისინი მოითხოვდნენ ხელფასის გადიდებას, რვა-სათიან სამუშაო დღეს. 10 ივნისს, გაიფიცნენ ტრამვაის პარკის მუშები (ვატმანები და კონდუქტორები). ნ. ბუაჩიძის ხელმძღვანელობით ბოლშევიკებმა 24—25 ივნისს ღამით ხელთ ჩაიგდეს ლიბერალური გაზეთის „უაზბეგის“ სტამბა და მისი მუშების დახმარებით ათასობით პროკლამაცია დაბეჭდეს, რომლებიც გაავრცელეს მთელ თერგის ოლქში. ეს პროკლამაციები მიმართული იყო სახელმწიფო სათათბიროს გარეკვის წინააღმდეგ. 26 ივნისს მოეწყო პოლიტიკური დემონსტრაცია, შემდეგ ქალაქგარეთ ათასკაციანი მიტინგი.

ნ. ბუაჩიძისა და ნ. კიკნაძის მოღვაწეობა აქ რვა თვე გაგრძელდა. 1906 წ. 28 აგვისტოს ვლადიკავკაის მუშათა ერთდღიანი გაფიცვა მოეწყო — 1905 წ. 29 აგვ. თბილისში მუშათა დახვრეტის წლისთავის აღსანიშნავად.

მთავრობამ გააძლიერა რეპრესიები, დევნა. ნოემბერში ვლადიკავკაეში ჩავარდა არალეგალური სტამბა, რომელიც ბაქოს კომიტეტმა მისცა მას. ბუაჩიძე იძულებული გახდა გასცლოდა ქალაქს. იგი წავიდა როსტოვში, იქიდან კი მოსკოვში. ნ. კიკნაძე საზღვარგარეთ გაემგზავრა<sup>28</sup>.

მრავალი ქართველი მასწავლებელი და ახალგაზრდა აქტიურ რევოლუციურ მუშაობას ეწეოდა ვლადიკავკაეში როგორც რევოლუციის აღმავლობის, ასევე მისი ჟიკანდახევის პერიოდში. 1906 წ. 1 აპრილს ვლადიკავკაეში აღმოაჩინეს ბოლშევიკური არალეგალური სტამბა. ამასთან დაკავშირებით დააპატიმრეს ქართული სკოლის მასწავლებელი ელენე კაზახაშვილი და 18 წლის იოსებ ბაბილაძე — ასოთამწყობი. სტამბაშივე ნახეს ორი ბომბი. ამ სტამბასთანვე იყო დაკავშირებული ილია ელიაძე. ისინი ბეჭდავდნენ პროკლამაციებს<sup>29</sup>.

1907—1910 წლებში მთელი რუსეთის იმპერიაში დამყარდა სტოლიპინის რეაქციის მძიმე ხანა. ქართველი და ოსი გლეხობა საქართველოში მაინც არ წყვეტდა ბრძოლას. ისინი განაგრძობდნენ მემამულეთა საზღ-კარის გადაწვას, მათი მიწების ძალად მოხვნას, გადასახადების გადახდაზე უარს. შეტაკებებში ისინი დაუნდობლად სობდნენ ექსპლოატატორულ კლასთა ცალკეულ წარმომადგენლებს.

საქართველოში, კერძოდ სამხრეთ ოსეთის ტერიტორიაზე, ახალი რევოლუციური აღმავლობის პერიოდში, გაძლიერდა გლეხობის რევოლუციური გამოსვლები. გაზეთმა „პრავდამ“ და პრადის პარტიულმა კონფერენციამ დიდი როლი ითამაშეს მასების დარაზმვის საქმეში ბოლშევიკური პარტიის ხელმძღვანელობით:

<sup>28</sup> დასახ. დოკ. კრებული, გვ. 141—143; История СО АССР, გვ. 283—284.

<sup>29</sup> დასახ. დოკ. კრებული, გვ. 283—285.



ასალი რევოლუციური აღმავლობის პერიოდში გორის მაზრაში დიდი რევოლუციური მუშაობა გასწია ელისაბედაშვილმა. გორელ რატაკვეშელთა მეშვეობით, სამხრეთ ოსეთში ხედებოდა ბოლშევიკური პროკლამაციები და გაზეთები. თბილისში მომუშავე ბოლშევიკი ოსებ-სამხრეთ ოსეთში გარკვეულ მუშაობას ეწეოდნენ ხე-ტყის დამცურებელ მუშათა მეშვეობით.

თბილისში ოსი მუშები აქტიურად მონაწილეობდნენ ბოლშევიკურ ორგანიზაციებში. მაგალითად, თბილისის რკინიგზის მთავარ სახელოსნოში სამკედლო სამაქროში მუშაობდა კოსტა ჯატიევი, თბილისის სოციალურ-დემოკრატიული ორგანიზაციის პირველი რაიონის წევრი, რომელიც მუშაობდა 1910 წ. კონფისკებულ სოციალურ-დემოკრატიულ სტამბაში. ის ახლო მეგობარი იყო ცნობილი რევოლუციონერის მიხა ჩოდრიშვილისა. ორგანიზაციაში მას იცნობდნენ „კოსტას“, „კოსტა-ოსის“ და „ოსოს“-ს სახელით. თბილისის სოციალ-დემოკრატიულ ორგანიზაციაში მუშაობდნენ დავით გაგლოევი, ილია გასიევი, დავით და ვასილ სანაკოევი, ანდრია ცხოვრებოვი და სხვა მრავალი<sup>30</sup>.

1912 წლისათვის დაბრუნდა საზღვარგარეთიდან და სამხრეთ ოსეთში ფართო რევოლუციური მუშაობა გაშალა სოციალ-დემოკრატმა „ვანო-ოსმა“.

ბოლშევიკების თბილისის კომიტეტის დავალებით, სამხრეთ ოსეთში 1913 წელს ჩამოვიდა 1905—1907 წწ.-ის აქტიური მონაწილე სამსონ სანაკოევი და გლეხებს შორის სააგიტაციო მუშაობა გაშალა. ამავე წლის შემოდგომაზე ის არაღეგალურად გადავიდა იმერეთში და იქაც რევოლუციურ მუშაობას ეწეოდა. მეფის ოხრანკის აგენტმა თავადმა აბაშიძემ საფარიდან მოჰკლა იგი. იგი ჩამოასვენეს საჩხერიდან ოსეთში. მისი დაკრძალვა მეფის ხელისუფლების საწინააღმდეგო დემონსტრაციად იქცა<sup>31</sup>.

გლეხობა მემამულეთა თვითნებობას ტერორით პასუხობდა. გადასახლებიდან გამოქცეულმა, 1905—07 წწ. რევოლუციის მონაწილე გარსო კოზაევმა 1909 წ. ქართველი და ოსი გლეხების თხოვნით მოჰკლა ფლავისმანის მემამულე გ. ერისთავი. 1913 წ. გუფთელმა გლეხებმაც მოჰკლეს თავის მემამულე მაჩაბელი, რომელიც შეუბრალებლად სძარცვავდა გლეხებს<sup>32</sup>.

<sup>30</sup> И. Н. Ц х о в р е б о в, Революционное движение в Юго-Осетии в 1910—1914 гг., Изв. ЮОНИИ, XI, Цхинвали, 1962, стр. 187.

<sup>31</sup> ი ქ ვ ე, გვ. 190.

<sup>32</sup> ი ქ ვ ე.

იმპერიალისტური ომის დაწყების შემდეგ სოფლად კლასობრივი ბრძოლა უფრო გამწვავდა. ქართველი და ოსი გლეხობა განაგრძობდა ბრძოლას მეფის ადმინისტრაციისა და მემამულეთა თვითნებობის წინააღმდეგ.

ქართველი და ოსი ხალხების ურთიერთობის თვალსაზრისით, განსაკუთრებით საინტერესოა საბჭოთა ხელისუფლების დამყარებისათვის ბრძოლის პერიოდი. ეს ბრძოლა მიმდინარეობდა დღევანდელ სამხრეთ ოსეთის ტერიტორიაზეც და საქართველოს იმ რაიონებშიც, სადაც ქართულ-ოსური მოსახლეობა იყო, ისევე, როგორც მთელ რუსეთსა და კავკასიაში. მას ბოლშევიკები ხელმძღვანელობდნენ. საქართველოში ამ ბრძოლას ხელმძღვანელობდა რკპ (ბ) კავკასიის სამხარეო კომიტეტი.

1917 წელს სამხრეთ ოსებში ბოლშევიკური ორგანიზაციები ჯერ არ იყო. გლეხთა შორის რევოლუციური იდეების გავრცელებას ეწეოდნენ ადგილობრივი მოწინავე ინტელიგენციის ნაწილი, დემობილიზებული ჯარისკაცები, კავკასიისა და რუსეთის სამრეწველო ცენტრებში მომუშავე ოსი მუშები.

ბოლშევიკური პარტიის დირექტივების თანახმად, 1917 წ. 23 აგვისტოს სოფ. ორტევში შეიქმნა გლეხთა რევოლუციური კავშირი, რომელიც ხელმძღვანელობდა გლეხთა რევოლუციურ მოძრაობას 1918 წ. აპრილამდე.

1917 წ. თებერვლის რევოლუციის შემდეგ, თბილისში, 3(18) მარტს შექმნილი იქნა დროებითი მთავრობის ამიერკავკასიის განსაკუთრებული კომიტეტი, რომელმაც თავის ხელში აიღო მხარის შინაგანი მმართველობის საქმე. კომიტეტი მოითხოვდა მოსახლეობისაგან ძველებურად ეხადათ სამხედრო ბეგარაც და გადასახადებიც. მემამულეთა მიწათმფლობელობა ხელუხლებელი დარჩა. ამან გლეხობის აგრარული მოძრაობა კიდევ უფრო გაამწვავა. უღლეური დროებითი მთავრობა მალე დაემხო.

ოქტომბრის რევოლუციის, მუშათა და გლეხთა წინააღმდეგ საბრძოლველად ქართველმა მენშევიკებმა, სომეხმა დაშნაკებმა და აზერბაიჯანელმა მუსავატელებმა თბილისში, 1917 წ. 11 ნოემბერს ჩამოაყალიბეს კონტრევოლუციური ამიერკავკასიის კომისარიატი. მას მენშევიკი ევგ. გეგეჭკორი ჩაუდგა სათავეში.

1917 წ. 2 დეკემბერს ნოე ჟორდანიას თავმჯდომარეობით მოწვეულ იქნა საქართველოს ეროვნული ყრილობა, რომელმაც აირჩია ბურჟუაზიულ-მემამულური ეროვნული საბჭო. საბჭოს დასახული პროგრამა საქართველოს რუსეთისაგან ჩამოცილებას ამზადებდა. საბჭოთა რუსეთისაგან ამიერკავკასიის ჩამოცილების იურიდიულად გასაფორმებ-

ლად, ქართველმა მენშევიკებმა 1918 წლის 26 თებერვალს, თბილისში, მოიწვიეს ამიერკავკასიის სეიმი — ყოფილი სრულიად რუსეთის დამფუძნებელი კრების ამიერკავკასიელი წევრებისაგან, რომლებიც წარმოადგენდნენ ესერების, მენშევიკების, დაშნაკებისა და მუსავატელების პარტიებს. სეიმმა 1918 წ. 22 აპრილს გამოსცა დადგენილება საბჭოთა რუსეთისაგან ამიერკავკასიის ჩამოცილებისა და „ამიერკავკასიის დემოკრატიული ფედერაციული რესპუბლიკის“ შექმნის შესახებ. სეიმმა 25 აპრილს შექმნა ბურჟუაზიულ-მემამულური მთავრობა მენშევიკ ა. ჩხენკელის მეთაურობით.

ამიერკავკასიის ბურჟუაზიულმა ფედერაციულმა რესპუბლიკამ დიდხანს ვერ გასძლო. საქართველოს ეროვნულმა საბჭომ 1918 წ. 26 მაისს გამოაცხადა საქართველოს დამოუკიდებელი რესპუბლიკის შექმნა. ცალკე რესპუბლიკებად გამოცხადდნენ სომხეთი და აზერბაიჯანიც.

ასეთი იყო პოლიტიკური ფონი, რომელშიც მიმდინარეობდა საქართველოს მუშათა კლასისა და გლეხობის რევოლუციური ბრძოლა საბჭოთა ხელისუფლების დამყარებისათვის.

მენშევიკებმა არაფერი არ გააკეთეს გლეხობის ინტერესებისათვის. მემამულეთა მიწა ხელუხლებელი დარჩა. გლეხობას აიძულებდნენ უწინდებურად ეხადა გადასახადები. ამან კიდევ უფრო გაამძაფრა გლეხთა რევოლუციური ბრძოლა მთელ საქართველოში.

საქართველოში გლეხთა რევოლუციური მოძრაობის ფონზე გორის მაზრის გლეხობის ბრძოლა გამოირჩეოდა თავის სიმწვავეით. აქ ძირითადად შემოდირდა სამხრეთ ოსეთიც. ქართველი და ოსი გლეხობა ერთობლივად იბრძოდა მემამულეების წინააღმდეგ. გლეხთა რევოლუციური კავშირის მიერ მოწყობილ მიტინგებსა და კრებებზე გლეხობა მოითხოვდა მემამულეთა მიწების კონფისკაციას, მათ განდევნას, მთავრობის წარმომადგენელთა გაწვევას, სკოლების გახსნას. ეს მოთხოვნები სპეციალური დელეგაციის მეშვეობით წარუდგინეს ამიერკავკასიის სეიმს, მაგრამ მან არ მიიღო ისინი. პირიქით, მან გადაწყვიტა მოსახლეობის განიარაღება. ამან კიდევ უფრო გააძლიერა გლეხთა გამოსვლები<sup>33</sup>.

1918 წ. თებერვლის შუა რიცხვებში, მენშევიკებმა სოფ. ერედვში მოაწყვეს მიტინგი, რომელზეც გამოვიდნენ: ცხინვალში მენშევიკების მიერ დანიშნული კომისარი კ. ყაზიშვილი, მენშევიკი დურგლი-

<sup>33</sup> Борьба трудящихся Юго-Осетии за Советскую власть (1917—1921 гг.), Документы и материалы, собр. И. Н. Цховребов, Сталининри, 1957, стр. 4.

შვილი და მენშევიკური გვარდიის უფროსი, ცხინვალში, სოსიკო პოვრიშვილი. დურგლიშვილმა გაილაშქრა ბოლშევიკების წინააღმდეგ, მათ აყვავებული რუსეთი ნანგრევებად აქციესო. პოვრიშვილი ცდილობდა გლეხობის ყურადღება გადაეტანა თურქებისაგან შომდინარე საფრთხეზე. კ. ყაზიშვილი თავს დაატყდა ოსებს და ყოფილ ფრონტელებს — ბოლშევიზმის ხოლერით ხართ დაავადებული და თუ განიარაღებული არ იქნით, საქართველოს დააქცევთო. მიტინგზე, ქართველი და ოსი გლეხების წასაკიდებლად, იგი არ მოერიდა ისტორიის გაყალბებასაც. მან განაცხადა, რომ საქართველო 118 წელი იყო რუსეთის უღლის ქვეშ ოსების მიზეზითო. ისინი მაშინაც და ახლაც რუსეთს ენმარებიან კავკასიის დაპყრობაშიო. მოსული ოსები შევიფარეთ ჩვენ შიწაზე და ისინი კი მზად არიან დანა ჩაეგარტყან ზურგშიო. ქართველ გლეხობას ის პირდაპირ ეუბნებოდა — ამდენი სისხლი დავაქციეთ თავისუფლებისათვის, თქვენ კი ოსებთან ერთად ანარქიის შექმნას ცდილობთო. ამაზე ილა ბერუაშვილმა უპასუხა, რომ დიად, ჩვენ შევღივართ გლეხთა კავშირში და კავშირი გვაქვს ოს მშრომელ გლეხობასთან.

13 მარტს, მენშევიკების გვარდიამ (რომელსაც ბედის ირონიით წითელი გვარდია ეწოდებოდა), ალყა შემოარტყა ერედვს მოსახლეობის განსაიარაღებლად. მოსახლეობამ იარაღი ტყეში გაიტანა, გვარდიელებმა ააფორიქეს სოფელი, გაძარცვეს, მძევლები წაიყვანეს.

აღნიშნული ამბების შესახებ გლეხთა კავშირის პრეზიდენტის 1918 წ. 14 მარტის სნდომაზე, რომელსაც გორა პაპუაშვილი თავმჯდომარეობდა, ილა ბერუაშვილის მოხსენებასთან დაკავშირებით გამოტანილ იქნა დადგენილება, რომ არ ჩააბარონ იარაღი, ხოლო ოსი და ქართველი ხალხების მშრომელთა ინტერესებისათვის, მათ შორის კეთილ-მეზობლური ურთიერთობის შენარჩუნებისათვის დახვრეტილ იქნას ყველა პროვოკატორი, რომელიც უნდობლობას თესავს და აქეზებს ქართველებს ოსებზე.

პრეზიდენტის სნდომაზე გამოვიდა გლეხთა კავშირის თავმჯდომარე გიორგი ყულუმბეგოვი, რომელმაც განაცხადა, რომ მენშევიზმი უფრო საშიში მტერია, ვიდრე ცარიზმი იყო. მენშევიკები ექსპლოატატორული კლასების შვილებია. რათა თავის მდგომარეობა შეინარჩუნონ, ცდილობენ ქართველი გლეხობის ყურადღება სჩვა საგანზე გადაიტანონ. გრიგოლ ვეშაპელი მთელ საქართველოში გაჰყვირის ოსთა განდევნაზე და სათანადო ღირექტივებს აძლევს ეროვნულ-დემოკრატიულ ორგანიზაციებს. მათგან არც მენშევიკები განსხვავდებიან. მათში სოციალიზმის არაფერი დარჩა და მხოლოდ თავისი ბატონობის შენარჩუნ-

ნებისათვის იღწვიან. გლესობას მიწას ბოლშევიკების გარდა არავინ მისცემს<sup>34</sup>.

15 მარტს ვანაში გაიმართა ცხინვალის რაიონის წარმომადგენელთა დიდი მიტინგი. ყაზიშვილმა მოსთხოვა მიტინგს იარაღის ჩაბარება. მიტინგმა კონტრწინადადებები წამოაყენა, რომლებშიც აღნიშნა, რომ მენშევიკებს თავის წარმომადგენლებად აღარ თვლიდნენ, რადგან კონტრევოლუციურ პარტიებთან თანამშრომლობა დაიწყეს, რომ მიწის საკითხი არ გადაწყდა და სეიმის 1918 წ. 7 მარტის კანონმა ღრმად აღგვაშფოთა, რადგან ამ კანონით შემამულეს რჩება 50 დესეტინა მიწა. ამასთან ფიქტიური გაყოფით ის მთლიანად ინარჩუნებს მიწას. მიტინგმა შოითსოვა შემამულეთა გასასლება გორის მაზრიდან და მათი მიწების მცირემიწიან გლეხთათვის განაწილება; მენშევიკური ხელისუფლების წარმომადგენელთა გაყვანა ცხინვალის რაიონიდან; მიტინგმა დაადგინა, რომ არ ვადაიხდიდა „საბალახოს“ და „ლაღას“, არ ჩააბარებდა იარაღს, ხოლო მისი მოთხოვნების შესასრულებლად სამი დღის ვადა დააწესეს, რის შემდეგაც თვითონ რევოლუციური გლეხობა განახორციელებდა მათ<sup>35</sup>.

მენშევიკურ მთავრობას თავისი სოციალური ბუნების გამო. არ შეეძლო გლესთა აღნიშნული მოთხოვნების დაკმაყოფილება. ცხინვალის კომისარმა კ. ყაზიშვილმა კანონგარეშე გამოაცხადა ცხინვალის რაიონი და გვარდიის მეშვეობით შეუდგა მოსახლეობის განიარაღებას. ამან გამოიწვია 19 მარტს ცხინვალზე ოსი და ქართველი გლეხების შეიარაღებული იერიში. მათ სასტიკ ბრძოლაში დაამარცხეს მენშევიკური გვარდიის ნაწილები და ცხინვალიც დაიკავეს. მათ 23 მარტამდე ეკავათ ცხინვალი. ბრძოლაში მოკლულ იქნენ გორიდან რაზმით ჩასული საგუბერნიო კომისარი გ. მაჩაბელი და ცხინვალის დიქტატორი კ. ყაზიშვილი. 100 გვარდიელი განიარაღებული და ტყვედ იქნა წაყვანილი<sup>36</sup>.

მენშევიკურმა მთავრობამ აჯანყებულთა წინააღმდეგ გაგზავნა დიდი ჯარი არტილერიით, ტყვიამფრქვევებით, ჯავშნოანი მანქანით ვ. ჯულელისა და პოლკოვნიკ კონიაშვილის მეთაურობით. აჯანყებულები იძულებული გახდნენ უკან დაეხიათ ბრძოლებით. გვარდიელები შედიოდნენ დაცარიელებულ სოფლებში. ბრძოლისუნარიანი მამაკაცები იარაღით ხელში გარბოდნენ სოფლებიდან და ტყეებს აფარებდნენ თავს, რათა განეგრძოთ ბრძოლა.

<sup>34</sup> Борьба трудящихся Юго-Осетии за Советскую власть, стр. 19—23.

<sup>35</sup> ი ქ ე, გვ. 24—25.

<sup>36</sup> Борьба трудящихся Юго-Осетии за Советскую власть, стр. 28—29.

ცხინვალის ამბებმა ფართო მითქმა-მოთქმა გამოიწვია. ეს იყო ოსი და ქართველი გლეხობის ერთობლივი გამოსვლა მათთვის საძულველი მენშევიკური მთავრობის წინააღმდეგ. ამ ფაქტს აღიარებდა თვით მენშევიკური მთავრობაც<sup>37</sup>. მაგრამ ბურჟუაზიულ-ნაციონალისტური პრესის ფურცლებზე დაიწყო მეთოდური, ანტიოსური პროპაგანდა. აგარულ ნიადაგზე აღმოცენებული აჯანყება, რომელშიც ქართველი და ოსი გლეხობა ერთად გამოდიოდა, მონათლეს ოსთა ეროვნულ მოძრაობად, რომელიც, თითქოს, მიმართული იყო ქართველი მოსახლეობის წინააღმდეგ. აგრელებდნენ ყოველგვარ ჭორებს, რომ ოსებს ქართველების აყრა და მათი მამულების დაკავება აქვთ განზრახულიო. ქართველ გლეხობაში კონტრარევოლუციონური ელემენტები პროვოკაციულ მუშაობას ეწეოდნენ და ოსებს წინააღმდეგ აქეზებდნენ მათ. ამ პროპაგანდას გარკვეული წარმატება ჰქონდა. შორეული რაიონების გლეხობა, რომელთაც წარმოდგენა მარ ჰქონდა ისეთში მიმდინარე ამბების ნამდვილ ბუნებაზე, ეწერებოდა მენშევიკურ გვარდიაში და მიჰყვებოდა მას ოსებზე სალაშქროდ.

გაზეთები „საქართველო“, „ჩვენი რესპუბლიკა“, „ეოზროყდენიე“ და სხვა. ერთმანეთს ეჯიბრებოდნენ ოსთა ლანძღვაში და მათ წინააღმდეგ ყოველგვარი პროვოკაციული ხმების გავრცელებაში. მენშევიკების გაზეთები „ერთობა“, „ბორბა“ თავიდან ცდილობდნენ შედარებით ობიექტური ყოფილიყვნენ ცხინვალის ამბებთან დაკავშირებით ოსთა პოზიციების შეფასებაში, მაგრამ ქვეყანაში კლასობრივი ბრძოლის გამწვავების, ბოლშევიკური პარტიის მეთაურობით ოსთა რევოლუციური მოძრაობის გაძლიერების შედეგად, ისინი სულ უფრო და უფრო მტრულ პოზიციებზე დგებოდნენ მათ მიმართ.

1918 წ. მაისის ბოლოს და ივნისის დასაწყისში ჯავაში ჩატარდა ოსთა ყრილობა. მას დაესწრნენ მენშევიკების წარმომადგენლები ის. რამიშვილი, ჩხეიძე, სიხარულიძე, ბოლშევიკებისაგან—ფ. მახარაძე. ყრილობის მიმდინარეობას წარმართავდნენ ბოლშევიკები. ისინი ფ. მახარაძის ხელმძღვანელობით ატარებდნენ ბოლშევიკურ ხაზს. ყრილობის განხილვის საგანი იყო მიმდინარე მომენტი, ოსების დამოუკიდებლობის საკითხი, საუღელტეხილო რკინიგზის გაყვანის საკითხი. ოსეთის ეროვნული საბჭოს არჩევა და სხვა<sup>38</sup>.

15—17 ივნისს სოფ. წუნარში ჩატარდა სამხრეთ ოსეთის წარმომადგენელთა მეოთხე ყრილობა. მას ესწრებოდა საქართველოს ეროვნული კრების სოციალ-დემოკრატიული (მენშევიკური) ფრაქციის

<sup>37</sup> Газ. «Борьба», 1918. 23-III, № 36; «ერთობა», 1918, 18/III. № 71.

<sup>38</sup> Борьба трудящихся Юго-Осетии за Советскую власть... стр. 39—42.

წარმომადგენელი ი. წერეთელი, რომლის შესახებ ეროვნულ საბჭოს სხდომაზე ნ. ჟორდანიამ 1918 წ. 17 ივნისს განაცხადა: „ჩვენი ამხანაგი ი. წერეთელი ცხინვალს წავიდა, რათა ოსეთი საქართველოს შენოუერთოსო“<sup>39</sup>.

მაგრამ ი. წერეთლის მისიას—მიეღწია ოსების მიერ საქართველოს მენშევიკური მთავრობის ცნობისათვის — შედეგი არ მოჰყოლია. მისა შეტანილი რეზოლუცია უარყოფილ იქნა.

ამის შემდეგ კიდევ უფრო გაძლიერდა მტრული კამპანია ოსების წინააღმდეგ. მენშევიკები თესავდნენ ნაციონალურ შუღლს ქართველებსა და ოსებს შორის. უფრო მტრული იყო ეროვნული დემოკრატების პოზიცია ოსებისადმი. ისინი აკრიტიკებდნენ მენშევიკებს იმაში, რომ საეპოა ჰიმეკაციით არ ახშობდნენ ოსთა რევოლუციურ გამოსვლებს. მათი გაზეთი „საქართველო“ წერდა, რომ გამდგარი ოსების მოსადრეკად, უეკველია, უფრო შთამაგონებელი ძალაა საჭირო. ამიტომ შესაძლებელია, რომ ენაწყლიანი ლიდერის მაგიერ სოციალ-დემოკრატიულმა პარტიამ ექვსი კვირის შემდეგ ცხინვალისაკენ ბ. ვ. ჭუღელი გაგზავნოს, რომელიც როგორც ცნობილია, თვით ყრილობებსა და პარლამენტის სხდომებს მაუზერის რევოლუციითა და სამხედრო ბინოკლით აღჭურვილი ესწრება“.

გაზეთი იმავე სტატიაში თავს ესხმის ოსთა სწრაფვას თვითგამორკვევისაკენ და აღნიშნავს, რომ „ჩვენ არ ვიცით სად გადაწყდება ოსობის საკითხი, პარლამენტში თუ ბრძოლის ველზე... ეს საკითხი საქართველოს შინაური საკითხია. ჩვენი სახელმწიფოებრივი სუვერენიტეტი ვერცელდება მთელს ჩვენს ისტორიულ ტერიტორიაზე... ჭავის ხეობის ოსებს აქვთ თავიანთი ენა, მაგრამ არა აქვთ ლიტერატურა და ეროვნული კულტურა. ამიტომ შეუძლებელია ოსურ კულტურულ ან ტერიტორიულ ავტონომიაზე ლაპარაკი. მით უმეტეს შეუძლებელია, რომ ცალკე ოსური სახელმწიფო მოეწყოს, რომელიც ჭაველ და წუნარელ ფანტაზიორების გეგმით საქართველოს უნდა შეუერთდეს ფედერაციულად... საკმაოა, რომ საქართველოს პარლამენტმა და მთავრობამ მართლაც „ღია დასტოვოს სამხრეთ ოსეთის საკითხი“, რომ ჭავის ხეობამ მწვავედ იგრძნოს მთელი უბედურება უპატრონოდ დარჩენილი პირველყოფილი თემისა. სხვა არა იყოს რა, ოსობა შიმშილით ამოწყდება საქართველოს საბაჟო საზღვარმა ცხინვალთან რომ გაიაროს“. გაზეთის სიტყვით, ჭაველი ბოლშევიკები და ესერები, შეგნებულად თუ შეუგნებლად, რუსეთის იმპერიალიზმის საქმეს აკეთებენ.

<sup>39</sup> Газ. «Борьба», 1918, 21/VI, № 98.

დასასრულ ვაზეთი აღნიშნავს, რომ „ეს ელემენტები ჩვენში სახელმწიფოს დამრღვევის როლს ასრულებენ და ისინი სასტიკად უნდა დაი-საჯონ, როგორც უდიდესი სახელმწიფო დამნაშავენი“<sup>40</sup>.

როგორც ვხედავთ, ამ წერილში გაყალბებულია ოსი მშრომლების პრეტორა სოციალური თავისუფლებისათვის, ეროვნული თვითგამორკვევისათვის, საბჭოთა ხელისუფლების დასამყარებლად. მათი სამართლიანი ბრძოლა, რომელიც მიმდინარეობდა ბოლშევიკების ხელმძღვანელობითა და ქართველი მშრომელი მოსახლეობის მხარდაჭერის პირობებში, საქართველოს დალატად არის გამოცხადებული.

მენშევიკებისა და სხვა ბურჟუაზიულ-ნაციონალისტური პარტიების ცილისწამება, რომ საქართველოში ოსთა მოძრაობას ქართველებისადნინი მტრული ხასიათი ჰქონდა, გამოავლინეს დუშეთის და საჩხერის აჯანყებებში. 1918 წლის 17 ივნისს დუშეთის მაზრაში დაიწყო გლეხთა აჯანყება. მაზრის ოსი მოსახლეობა მაზრაში ამოუდგა ქართველ გლეხებს. 19 ივნისს დუშეთი აიღეს, ხოლო 26 ივნისს დუშეთში გლეხთა ყრილობის მიერ არჩეულმა აღმასრულებელმა კომიტეტმა საბჭოთა ხელისუფლება გამოაცხადა მაზრაში. მენშევიკური მთავრობის ჯარებში სასტიკად ჩაახშეს აჯანყება. აჯანყების ბევრი მონაწილე ჩრდილო კავკასიაში გადავიდა.

ამავე დროს დაიწყო საჩხერის გლეხთა აჯანყება. მიზეზი აჯანყებისა იყო მენშევიკური გვარდიის ცდა—ვანეიარაღებინა ქართველი გლეხობა. აჯანყებაში აქტიური მონაწილეობა მიიღეს მეზობელი ოსური სოფლების გლეხებმა. აჯანყება პირველად არგვეთის, ჩიხის და სავანის გლეხებს დაუწყიათ. მათ საჩხერე აიღეს 28 ივნისს და იქ სამხედრო-რევოლუციური კომიტეტი შექმნეს, რომელმაც გამოაცხადა საბჭოთა ხელისუფლება. კომიტეტმა დაადგინა მიწის დაუყოვნებლივ გადაცემა გლეხებისათვის. მთავრობამ რეგულარული ჯარის ნაწილები გაგზავნა აჯანყების ჩასახშობად. 29 ივნისს საჩხერე აიღეს მთავრობის საკავალერიო ჯარებმა არტილერიის დახმარებით. სამხედრო მინისტრისადმი გამოგზავნილი დეპეშის მიხედვით, მცხოვრებთა ერთმა ნაწილმა არ მონდომა იარაღის დაყრა და „მთებში გაიხიზნა ოსებთან შესაერთებლად, რათა ჩვენთვის გზა მოეჭრათ“<sup>41</sup>.

საქართველოს ეროვნულ კრებაზე, საჩხერის აჯანყების გამო გამართულ კამათში, გამოვიდა ივ. გომართელი (ალიონის წევრი). მან გაილაშქრა ვეშაპელის წინააღმდეგ და განაცხადა, რომ საჩხერისა და მის

<sup>40</sup> „საქართველო“, 1918, 23/VI, № 124.

<sup>41</sup> „საქართველო“, 1918, 7 ივლისი, № 132.



ახლომანლო სოფლების გლეხების გამოსვლა რომ დამარცხდა, ბოლშევიკების წარმომადგენლები მივიდნენ ოსეთის სოფლებში და დახმარებამა ჩხოვეს მათ. ოსებმა უპასუხეს, რომ, თუ ეს თხოვნა ქართველი ხალხის სურვილია, მანდატები წარმოადგინეთო. წარმომადგენლები უკან დაბრუნდნენ, მანდატები მოიტანეს და დახმარებაც მიიღეს<sup>42</sup>.

აჯანყებულთა დასანმარებლად გამოვიდა კუდაროს, ყემულთის. წონისა და სხვა საზოგადოებების ოსი მოსახლეობა. 1918 წ. 8 ივლისს სოფ. დარკავში შეიქმნა შტაბი, რომელმაც გადაწყვიტა საჩხერეზე მეორე იერიშის მიტანა. საჩხერის მისადგომებთან გაიმართა სასტიკი ბრძოლა მენშევიკურ გვარდიასა და აჯანყებულ გლეხებს შორის. აჯანყებულებს ამ ბრძოლაში ხელმძღვანელობდა მამაკი ოსი ბოლშევიკი. მგზნებარე რევოლუციონერი ისაკ ხარებოვი. იგი აჯანყებულებთან მივიდა ოქონისა და ყორნისის რაზმით. აჯანყებულებმა 18 ივნისს მძლავრი დარტყმა მიიყენეს მენშევიკების ჯარებს. ამ ბრძოლაში სასიკვდილოდ დაიჭრა ი. ხარებოვი<sup>43</sup>. საჩხერის აჯანყებაში აქტიურ როლს ასრულებდა სტუდენტი ალ. ჯატიევი.

საჩხერის აჯანყებაში ოსთა აქტიურბა მონაწილეობამ გააცოფა საქართველოს ბურჟუაზიულ-ნაციონალისტური პარტიები, რომლებიც ოსების მიმართ მტრულ კამპანიას ეწეოდნენ. საქართველოს ეროვნულ საბჭოში ეროვნულმა დემოკრატმა გრ. ვეშაპელმა შეიტანა შეკითხვა საჩხერის ამბების გამო, რომლის ირგვლივ გაიმართა ცხარე კამათი და გამოააშქარავა თითოეული პარტიის ნამდვილი ბუნება. გრ. ვეშაპელმა სასტიკად გაილაშქრა ამ რევოლუციური გამოსვლების წინააღმდეგ და იგი ოსთა ეროვნულ აჯანყებად მონათლა, ოსთა ბრძოლად საქართველოს რესპუბლიკის წინააღმდეგ. ოსებმა ჩააგონეს საჩხერის და მის ახლო-მანლო სოფლების მცხოვრებლებს, წერდა იგი, რომ საქართველოს მთავრობის წინააღმდეგ გამოსულიყვენენ. რათა უფრო მეტი სიძულვილი გამოეწვია ოსებისადმი, იგი ამბობდა, რომ საქართველოში ოსები ცდილობენ თავის მიწა წყლის გაფართოებას ქართველ გლეხთა მიწების მიტაცების გზით. ქართველებმა რომ ოსებს ნამდვილი გულის ნადები გაუგონ, როგორც ერთი კაცი, ფეხზე დადგებიან, და საშინელი ბრძოლით კალაპოტში ჩააყენებენ შარაგზაზე საყაჩაღოდ გამოსულ ოსებს“—იმეორებდა იგი საქართველოს სოციალისტ-ფედერალისტთა გაზეთ „სახალხო საქმეში“ დაბეჭდილ ამ სიტყვებს და უსაზღვრო კმაყოფილებას გრძნობდა მისი პოზიციის მიმართ, რომელიც ოსთა რევოლუციურ

<sup>42</sup> „საქართველოს რესპუბლიკა“, 1918, 1 სექტ. № 31.

<sup>43</sup> И. Н и к о н о в, Крестьянские восстания в Юго-Осетии в 1917—1920 гг., Сталинири, 1956, стр. 44.

ბრძოლას ბოლშევიკური პარტიის ხელმძღვანელობით ყაჩაღობად, ძარცვა-გლეჯად, ქართველი ხალხის წინააღმდეგ ბრძოლად ასალებდა<sup>44</sup>.

გრ. ვეშაპელის შეკითხვაზე პასუხის გაცემისას შინაგან საქმეთა მინისტრი, პირწაგარდნილი მენშევიკი ნ. რამიშვილი იძულებული იყო აღენიშნა შეკითხვის მიზანი. ის მიმართულია ზოგ ეროვნებათა წინააღმდეგ. „რომ ერთი თვალი გადავავლოთ ამ მოძრაობას... თქვენ დარწმუნდებით რომ... ეს იყო მოძრაობა არა ეროვნული, არამედ სოციალური. ამ მოძრაობის უმთავრესი ხელმძღვანელები იყვნენ ბოლშევიკები“. გრ. ვეშაპელის პასუხად, რომელიც ამტკიცებდა, რომ საჩხერის აჯანყება ოსებმა დაიწყეს, ნ. რამიშვილმა განაცხადა, რომ ოსები თავიდან არ მონაწილეობდნენ მასში, რომ ეს აჯანყება ქართველმა გლეხებმა წამოიწყეს, რომ „ეს მოძრაობა ადგილობრივ გლეხთა მოძრაობა იყო“. მანვე გამოამჟღავნა მენშევიკური მთავრობისადმი ოპოზიციური პარტიების ნამდვილი არსი, როცა განაცხადა, რომ საქართველოს ზევრ კუთხეში მოხდა ასეთი გამოსვლები — რაჭა-ლეჩხუმში, გორის მაზრაში, დუშეთში, თიანეთში. მაგრამ მათზე სიტყვას არ სძრავდნენ, ნამდვილად კი ყველა ესენი აღმოცენებულია აგარაული საკითხით გლეხთა უკმაყოფილების ნიადაგზე<sup>45</sup>.

ვეშაპელისა და მისი თანამოაზრეების წინააღმდეგ გამოვიდა ეროვნული კრების დეპუტატი ალ. ლომთათიძე (სოციალ-დემოკრატი), მან უსაყვედურა ვეშაპელს მთელი ერის წინააღმდეგ გამოსვლა. შენ გინდა 20 ათასი ქართველით ააშენო სახელმწიფო. რატომ ეხები მხოლოდ საჩხერისა და დუშეთის ამბებს და არ შეეხე გორის, თელავის, ზუგდიდის, სენაკის სისხლისღვრასო. ცხინვალის ამბები უფრო ადრე მოხდა, მაგრამ მას იმიტომ არ ახსენებ, რომ მასში ტყვიავის, ტირძნისის, ნიქოზის და მახლობელი სოფლების ქართველები მონაწილეობდნენო. როდესაც მან განაცხადა, რომ ჩვენ ოსებიც ისევე უნდა დაეკმაყოფილოთ, როგორც ქართველი გლეხები, მას შესძახეს, რომ ეს ოსური რესპუბლიკა იქნებაო<sup>46</sup>.

საქართველოს ეროვნულ კრებაში ოსთა რევოლუციური გამოსვლების საკითხზე კამათის მასალების ასე ვრცლად მოტანა ნათლად ააშკარავებს ბურჟუაზიულ-ნაციონალისტური პარტიების დამოკიდებულებას ოსებისადმი. აქედან აშკარაა, რომ თუ მენშევიკების პარტია, როგორც მმართველი პარტია ოსების საბჭოთა ხელისუფლებისათვის, თვითგამორკვევისათვის ბრძოლის მიმართ თავის პოლიტიკას (დათრგუ-

<sup>44</sup> გაზ. „საქართველოს რესპუბლიკა“ (მენშ. მთავრობის ორგანო), 1918, 26/VII, № 2; 28/VII, № 4; 25/VIII, № 25.

<sup>45</sup> ი. ვ. ე. 1918, 24/VIII, № 24; 25/VIII, № 25.

<sup>46</sup> გაზ. „საქართველოს რესპუბლიკა“, 1918, 29/VIII, № 28.

მის პოლიტიკას) დემაგოგიური ლოზუნგებით ნიღბავდა, სხვა პარტიები პირდაპირ აქეზებდნენ ქართველ ხალხს ოსების საქართველოს რესპუბლიკიდან გაძევებით ერთხელ და სამუდამოდ ბოლო მოეღოთ მათი მოძრაობისათვის.

საქართველოს ეროვნულ კრებაში როცა ასეთი ცხარე კამათი მიმდინარეობდა ოსების საკითხზე, ხოლო ბურჟუაზიულ-ნაციონალისტური პარტიების პრესა ათასგვარ ჭორებს ავრცელებდა ოსთა მოძრაობის შესახებ, მენშევიკური მთავრობა დროს არ კარგავდა და თავის კომისრებისა და გვარდიელების მეშვეობით ცდილობდა ოსთა შორჩილებაში მოყვანას. მაგრამ მთიანი ოსეთი არ სცნობდა თავის დამოკიდებულებას მენშევიკურ მთავრობისადმი და განაგრძობდა მის წინააღმდეგ ბრძოლას. გორის სამაზრო კომისარი ქარცივაძე 1918 წ. ნოემბერში მოახსენებდა შინაგან საქმეთა სამინისტროს, რომ მთიან ოსეთში ხელისუფლება პარალიზებულია, რომ ჯარისკაცებსა და გადასახადებს არ იძლევიან. ეს იმიტომ ხდება, რომ დღემდე მოსახლეობის განიარაღება არ მოხერხდა<sup>47</sup>.

სამხრეთ ოსეთის მშრომელი მოსახლეობის რევოლუციური ბრძოლა მიმდინარეობდა ბოლშევიკური პარტიის ხელმძღვანელობით. 1918 წ. 30 ივლისს ჯავაში მოწვეულ იქნა სამხრეთ ოსეთის კომუნისტების კრება, რომელზეც შეიქმნა რკპ (ბ) სამხრეთ ოსეთის საორგანიზაციო ბიურო. ამ უკანასკნელმა დიდი მუშაობა გასწია ადგილებზე პარტიული ორგანიზაციებისა და კომიტეტების შესაქმნელად, — მშრომელთა რევოლუციური ბრძოლის ხელმძღვანელობისათვის. ბიუროს მუშაობა დავერგვინდა 1919 წ. 12 ივლისს ჯავაში რკპ (ბ) სამხრეთ ოსეთის არალეგალური კომიტეტის შექმნით, რომელიც სათავეში ჩაუდგა საბჭოთა ხელისუფლებისათვის ბრძოლას<sup>48</sup>.

რკპ (ბ) კავკასიის სამხარეო კომიტეტმა 1919 წ. სექტემბრის პლენუმზე მიიღო დადგენილება ოქტომბრის რევოლუციის ორი წლისთავზე საქართველოში საყოველთაო აჯანყება მოეწყოთ. დაიწყო მზადება. მენშევიკებისა და ინგლისის დაზვერვამ გაიგო ეს და აჯანყების წინა დღეს სამხედრო — რევოლუციური შტაბი დააპატიმრეს. აჯანყება ხელმძღვანელობის ჯარეუმი დაარჩა. დადგენილება გამოსვლის შესახებ გაუქმდა, მაგრამ ამის შესახებ ცნობამ ადგილებამდე დროზე ვერ მიალწია და მთელ რიგ ადგილებში აჯანყება დაიწყო.

დიდი ლიახვის სათავეში, როკაში, 1919 წ. 23 ოქტომბერს დაიწყო აჯანყება. ადგილზე მენშევიკური ხელისუფლების დამხობის შემდეგ

<sup>47</sup> გაზ. „Борьба“, 1918, 21/XI, № 224.

<sup>48</sup> Борьба трудящихся Юго-Осетии за Советскую власть, стр. 5.

ისინი დაიძრნენ ვანელისა და ჯავისაკენ. ამ დროს მიიღეს ცნობა თბილისში აჯანყების გადადების შესახებ და უკან დაბრუნდნენ.

სამხრეთ ოსეთის ბოლშევიკებმა აქტიური მონაწილეობა მიიღეს 1919 წ. 7—14 ნოემბერს ხაშურის რაიონში გამართულ აჯანყებაში. ბურჟუაზიულ-ნაციონალისტური პარტიების შოენისტური პროპაგანდის მიუხედავად, აქ ქართველი და ოსი მშრომელები კვლავ ერთად გამოვიდნენ მენშევიკური ხელისუფლების წინააღმდეგ. აჯანყებულთა რაზმის უფროსი იყო ტატე ბუცხრიკიძე. შტაბის უფროსი კი ზნაურ აიდაროვი. აჯანყებულებმა დაიკავეს სოფელი ხცისი, გამოაცხადეს საბჭოთა ხელისუფლება და აირჩიეს გლეხთა დეპუტატების საბჭო ზნაურ აიდაროვის მეთაურობით. ზნაურ აიდაროვის რაზმის წინააღმდეგ მენშევიკებმა გაგზავნეს მნიშვნელოვანი სამხედრო ძალა — ქვეითი და ცხენოსანი რაზმი არტილერიით. იგი ტყვედ ჩავარდა და მოკლეს<sup>49</sup>. მისი შეპყრობა მენშევიკურ გაზეთ „ერთობაში“ დიდი ამბით გამოცხადდა<sup>50</sup>.

მენშევიკურმა მთავრობამ ჯარი გაგზავნა სამხრეთ ოსეთში. ჯარმა ცეცხლითა და მახვილით გაიარა ჯავის რაიონი. აჯანყებულები და სამხრეთ ოსეთის პარტორგანიზაციის აქტივი ჩრდილო კავკასიაში გადავიდნენ და ძალების მოკრეფას შეუდგნენ. ჩრდილო ოსეთში დაიწყო ფორმირება პარტიზანული რაზმისა იმ პირთაგან, ვინც დაიხია სამხრეთ ოსეთიდან. რკპ (ბ) კავკასიის სამხარეო კომიტეტმა 1920 წ. 23 მარტს გამოიტანა დადგენილება შეექმნა რევკომი სამხრეთ ოსეთში და შეიარაღებული აჯანყების მზადება დაიწყო.

1920 წ. აპრილში როკის ხეობაში დაიწყო წითელი პარტიზანების გამოსვლები. მისის დასაწყისში როკაში, აჯანყებულთა შტაბში მოვიდნენ რკპ (ბ) კავკასიის სამხარეო კომიტეტის წარმომადგენლები გ. დევდარიანი და გ. მოწონელიძე, რომლებმაც სამხრეთ ოსეთის რევკომთან ერთად, ვადაწყვიტეს როკის რაიონში საბჭოთა ხელისუფლების გამოცხადება.

ვლადიკავკაეში შექმნილი სამხრეთ ოსეთის ბრძადა გამოვიდა აჯანყებულთა დასახმარებლად. ჯავის რაიონში მენშევიკური ჯარების დამარცხების შემდეგ მთელი სამხრეთ ოსეთი და ცხინვალის ვაწმენდილ იქნა მენშევიკების ჯარისაგან. 8 ივნისს ცხინვალში გამართულ მიტინგზე გამოცხადდა საბჭოთა ხელისუფლება<sup>51</sup>.

სამხრეთ ოსეთში გაიგზავნა ცხენოსანი პოლკი, მენშევიკური გვარდიის რვა ბატალიონი, 2 სამთო ბატარეა, თვითმფრინავები. აჯა-

<sup>49</sup> Борьба трудящихся Юго-Осетии за Советскую власть.... стр. 6.

<sup>50</sup> გაზ. „ერთობა“, 1919, 16/XI № 282.

<sup>51</sup> И. Никитов, Крестьянское движение в Юго-Осетии..., стр. 53.

წყების ჩაქრობა დაევალა ქართველი და ოსი ხალხების ჯალათს, მენ-  
შევიკური გვარდიის შტაბის უფროსს ვ. ჯულელს. მთავრობამ აჯან-  
ყებული ოსი გლეხობა ქართველი ხალხისა და დემოკრატიის მტრებად,  
მძარცველებად, ველურებად გამოაცხადა და მოუწოდა თავის ჯარს  
მიწისაგან პირისა აღეგავა ოსეთი, თითქოს და, ქართველი ხალხის  
საკეთილდღეოდ.

მენშევიკურმა და ოპოზიციურმა ბურჟუაზიულ-ნაციონალისტურ-  
მა პრესამ აღვირახსნილი შოვინისტური კამპანია გააჩაღა ოსთა  
წინააღმდეგ. თავისუფლებისა და ეროვნული თვითგამორკვევისათვის  
მებრძოლ ოსეთს ისინი „ვანდეას“, ხოლო რევოლუციურ ოსებს  
ბრბოებს უწოდებდნენ, რომელთა მიზანი თითქოს ქართველ მოქალა-  
ქეთა სარჩო-საბადებლის, ქართველ გლეხების მიწების მიტაცება  
იყო. მთავრობის მეთაურმა ნ. ჟორდანიამ განაცხადა, რომ ოსეთის  
აჯანყობამ არ წამოაყენა არც ერთი ლოზუნგი ეროვნული და სოცია-  
ლური ხასიათისა, ისინი უცხო და მათთვის გაუგებარი ლოზუნგები-  
სათვის იბრძვიან და საქართველოს დემოკრატია ვალდებულია ჩაახ-  
შოს ეს მოძრაობა იარაღით<sup>82</sup>.

საქართველოს ბოლშევიკებმა გადაჭრით დაჰგმეს მენშევიკების  
პოლიტიკა ოსებისადმი. გაზ. „კომუნისტი“ 1920 წ. 13 ივნისის ნო-  
მერში დაბეჭდა მოწინავე „ყველას გასაგონად“, სადაც ანალიზი გაუ-  
კეთა ოსეთის აჯანყებას და აღნიშნა, რომ საქართველოს სხვადასხვა  
ბურჟუაზიულ-ნაციონალისტური პარტიები არა თუ საქმით, სიტყვითაც  
კი წინააღმდეგი არიან ხალხების თვითგამორკვევისა და მათ იარაღით  
უნდათ სამხრეთ ოსეთის აჯანყების ჩახშობა. კომუნისტები აღიარე-  
ბენ ყველა ხალხის უფლებას ეროვნულ თვითგამორკვევაზე ცალ-  
კ, სახელმწიფოდ გამოყოფამდე და ამ უფლების წართმევა არც სამ-  
ხრეთ ოსეთისათვის შეიძლება.

მაგრამო — განაგრძობს „კომუნისტი“, — არის კიდევ მესამე შეხე-  
დულება სამხრეთ ოსეთის აჯანყებაზე. ეს არის მენშევიკების დამოკი-  
დებულება მისდამი. ეს პარტია სიტყვით სცნობს ერების თვითგამორ-  
კვევას, საქმით კი ძალით ახშობს ოსთა ეროვნულ გამოსვლებს. ამას  
ისინი სხვადასხვა არგუმენტებით ასაბუთებენ, რომლებიც ვერავითარ  
კრიტიკას ვერ უძლებენო.

<sup>82</sup> მენშევიკების ლიდერის აღნიშნული განცხადების სიყალბე აშკარაა. სამხრეთ  
ოსეთის მშრომელთა რევოლუციურ ბრძოლას ჰქონდა მკვეთრად გამოხატული ეროვ-  
ნული და სოციალური ხასიათი. ეროვნული თვითგამორკვევისათვის სამხრეთ ოსე-  
თის მშრომელთა ბრძოლის სურათი კარგადაა გაშუქებული უ. ბ ა ხ ტ ა ძ ი ს მონო-  
გრაფიაში „სამხრეთ ოსეთის ავტონომიური ოლქის შექმნა და მისი სამართლებრივი  
მდგომარეობა“, თბილისი, 1968, გვ. 29—71.

მომხე ხალხების ძმური სოლიდარობის სახელით „კომუნისტი“ მოითხოვდა, რომ ოსების მიმართ არ იქნეს გამოყენებული ძალადობა, არ დაიღვაროს ქართველი და ოსი მშრომელების სისხლი. თუ არსებობს ერთა თვითგამორკვევის უფლება, თუ მენშევიკებმა ის არ გადაშალეს თავის პროგრამიდან, მაშინ მათ არა აქვთ საფუძველი გაამართლონ თავის ძალადობა ოსთა მიმართ. ამას მოითხოვს არამარტო სოციალიზმის, არამედ უბრალო დემოკრატიზმის პრინციპი... საქართველოს ინტერესები მოითხოვენ, რომ იგი შეგობრულ ურთიერთობაში იყოს ოსებთან, ეს კი მაშინ იქნება, თუ ოსთა თვითგამორკვევას იცნობენ. თუ ეს არ მოხდა, თუ ოსეთის აჯანყებას უხეში ძალით ჩააქრობენ, მაშინ ძმებს შორის დაღვრილ სისხლზე პასუხისმგებლობა თავს დაატყდება მენშევიკურ პარტიას და სხვას არავის<sup>53</sup>.

მენშევიკებმა არა თუ ყურად იღეს ბოლშევიკების ეს სამართლიანი და გონივრული რჩევა, არამედ სასტიკად გაილაშქრეს მათ წინააღმდეგ. გაზეთს ბრალად დასდეს ის, რომ მან მოინდომა „ოსეთში მოთარეშე ბრბოების“ გამოყენება რესპუბლიკის დასამხობად და მოითხოვა „ოსეთის ბრბოების თვითგამორკვევა“. გავლენიანი კომუნისტები ამასვე მოითხოვენ აქარისა და აფხაზეთისათვის. მათი გეგმის გამოცხადება მოასწავებს საქართველოსაგან განაპირა კუთხეების ჩამოცილებას, რაც რესპუბლიკისთვის საბედისწერო იქნებაო. ამიტომ დახურეს გაზეთი<sup>54</sup>, ხოლო აჯანყებულ ოსეთს მიუსიეს ვ. ჯუღელის ბანდები, რომლებმაც ცეცხლითა და მახვილით გაიარეს მთელი სამხრეთ ოსეთი, ყველგან სიკვდილი, ნგრევა და ცეცხლი შეიტანეს.

მენშევიკები უარყოფდნენ ეროვნული თვითგამორკვევის უფლებას არაქართველთათვის და აშკარად იდგნენ ეროვნულ უმცირესობათა შევიწროების შოვინისტურ პოზიციებზე. მენშევიკი ჩხენკელი პარტიულ ყრილობაზე ამბობდა: „ჩვენს ტერიტორიაზე მრავალი ეროვნული უმცირესობანი ცხოვრობენ... ისინი დღეს არიან პოლიტიკური ორგანიზაცია, მაშინ როდესაც ჩვენ უნდა ვაქციოთ ისინი კულტურულ ორგანიზაციად“<sup>55</sup>.

მენშევიკური პრესა არ მალავდა, რომ ის მზად იყო მსხვერპლად წიეტანა თავის კოტრრევოლუციური ინტერესებისათვის ეროვნული უმცირესობანი. ამას ის ქართველი ხალხის ინტერესებისათვის ბრძოლით ნიღბავდა, იმ ხალხისა, რომელიც აღნიშნული პარტიის ბატონობის მთელ პერიოდში მას ებრძოდა. მენშევიკური გაზეთი — „ერ-

<sup>53</sup> კომუნისტი, 1920, 13 ივნისი, № 10.

<sup>54</sup> საქართველოს რესპუბლიკა, 1920, 16 ივნისი, № 132.

<sup>55</sup> გაზ. „ერთობა“, 1920, 24 ივნისი; ნ. შ ა ხ ა რ ა ძ ე, დიდი ოქტომბრის გამარჯვება საქართველოში, თბილისი, 1967, გვ. 305.

თობა“ ურცხვად წერდა: „ქართული სახელმწიფო უნდა იქნეს მოწყობილი უმრავლესობის სურვილის მიხედვით, ამიტომ არაქართველი ხალხების ინტერესები უნდა შეეწიროს მსხვერპლად ქართველი ხალხის თვითგამორკვევას“<sup>56</sup>.

სამხრეთ ოსეთში მენშევიკური მთავრობის კონტრევოლუციური პოლიტიკა საფუძვლიანად იქნა მხილებული სამხრეთ ოსეთის მშრომელთა მიერ საბჭოთა რუსეთისა და კავკასიის ხელმძღვანელი პარტიული, რევოლუციური და სამეურნეო ორგანოებისადმი გაგზავნილ მემორანდუმში 1920 წ. 28 მაისს. მასში აღნიშნული იყო, რომ ოქტომბრის რევოლუციის დღიდან ისინი განიცდიდნენ ორი მძინვარე კონტრევოლუციური ძალის — ჩრდილოეთიდან დენიკინის, სამხრეთიდან — ქართველი სოციალ-მოღალატეების დაწოლას, მათ მიერ ბლოკადაში იპყოფებოდნენ და არ შეეძლოთ მსოფლიოს მშრომელებისათვის ემცნოთ ის საშინელებანი, რასაც მათში უორდანიასა და კ. „დემოკრატიული“ მთავრობა ეწეოდა.

სამხრეთ ოსებმა არ იცნეს საბჭოთა რუსეთისაგან ჩამოცილება. ამან გამოიწვია მენშევიკური მთავრობის სასტიკი რეპრესიები. მათ გამოგზავნეს ე. წ. „სახალხო გვარდია“, რომელიც შედგებოდა მსხვილი და წვრილი ექსპლოატატორებისაგან, მეღუქნეების, სისხლის სამართლის დამნაშავეების, შუღერების, გიმნაზისტებისა და სხვათაგან, თავად მაჩაბლის, ქართველი პურიშკევიჩის — ვეშაპელის და არქიზანდიტ ჭულელის მეთაურობით. მათი გამოჩენა ყველგან დაკავშარებული იყო ძარცვა-რბევასთან, განადგურებასა და სიკვდილთან. ხალხის აღშფოთებას არ ჰქონდა საზღვარი — აჯანყდნენ არამარტო ოსები, არამედ ქართველებიც — ცხინვალში, დუშეთში, საჩხერეში.

ეს იყო დასაწყისი კლასობრივი, პარტიული ბრძოლისა, საბჭოთა ხელისუფლებისათვის ბრძოლისა ამიერკავკასიასა და სამხრეთ ოსეთში. მენშევიკები ამ ბრძოლაში არ ერიდებოდნენ მოტყუებას, პროვოკაციებს, მოსყიდვის, ცილისწამებას. მათმა წარგზავნილმა ირაკლი წერეთელმა ვერ შესძლო ოსთა შემორიგება მენშევიკურ მთავრობასთან. ხალხის მასებზე ვერც მათი აგენტების მიერ მოწვეული „ყრილობის“ გადაწყვეტილებებმა იქონიეს გავლენა სამხრეთ ოსეთის საქართველოსთან შეერთების საკითხზე.

მაშინ, ქართულმა ნაციონალისტურმა პრესამ ცხინვალის, საჩხერისა და დუშეთის აჯანყებები მონათლა ოსთა ნაციონალისტურ გამოსვლებად და საქართველოს დამოუკიდებლობისა და თავისუფლების ხელყოფად, მშრომელი ხალხების ერთმანეთზე წასაკიდებლად.

<sup>56</sup> გაზ. „ერთობა“, 1920, 30 ივნისი.

მემორანდუმი ამხელს მენშევიკური მთავრობისა და ბურჟუაზიულ-ნაციონალისტური პარტიების მტკიცებას, თითქოს ეს იყო ოსთა აჯანყება ქართველთა წინააღმდეგ. მთელ ამ ამბებში არ იყო არც „ოსი“, არც „ქართველი“. აქ იყო მხოლოდ რევოლუციური აჯანყებულები — ბოლშევიკები და რევოლუციის მოღალატე მენშევიკები. ორივე ბანაკში იყო ქართველიც და ოსიც. ეს იყო კლასობრივ-პარტიული ბრძოლა, რომელსაც ყორდანიათა მთავრობა რევოლუციურიდან ნაციონალისტურ კალაპოტში გადაგდებდა უპირებს. მაგრამ მისი ეს ცდები ქართველი და ოსი მასების მტკიცე წინააღმდეგობებზე იმსხვრევა. არავის არ შეუძლია მოიტანოს ქართველ-ოსთა ნაციონალისტური შეჯახების არც ერთი ფაქტი, მაშინ, როდესაც მეზობელ თერგის ოლქში ნაციონალურმა შეჯახებებმა ეპიდემიური ხასიათი მიიღეს. სამხრეთ ოსეთისა და საქართველოს მშრომელმა გლეხობამ და მუშებმა, რომელთა მშვიდობიანი და მეგობრული ცხოვრებით შეგვიძლია ვიამაყოთ, კარგად იციან ვინაა მათი საერთო მტერი და მალე მოულებენ მას ბოლოს.

მემორანდუმში ნაჩვენებია ის მეთოდური სისასტიკე, რასაც ოსების მიმართ მრავლად მოწყობილი დამსჯელი ექსპედიციები მიმართავდნენ.

ამ სისასტიკეს შედეგად სდევდა მასების რევოლუციური სულისკვეთების განმტკიცება. მენშევიკების მიერ სისხლისაგან დაკლილი სამხრეთ ოსეთის მშრომელები თავის წარმომადგენელთა პირით რუსეთისა და კავკასიის კომუნისტებს, წითელ არმიას სთხოვდნენ დეხმარებას მენშევიკური მთავრობის დასამზობად<sup>57</sup>.

მენშევიკურმა მთავრობამ სცადა ერთხელ და სამუდამოდ ბოლო მოეღო ოსთა რევოლუციური გამოსვლებისათვის. ვ. ჯუღელის სარდლობით მენშევიკურმა ჯარებმა გაუგონარი სისასტიკე გამოიჩინეს ოსთა მიმართ. ისინი ანგრევდნენ და სწვავდნენ ოსურ სოფლებს. ჰკლავდნენ და ძარცვავდნენ. ჯუღელის დღიური, რომელიც 1920 წლის ბოლოს წიგნად გამოვიდა, გაუღნითლია სისხლითა და ნატისუსალით. მასში იგი დაუფარავად და ღრმა კმაყოფილებით აგვიწერს ოსთა საცხოვრებლების ნგრევა-დაწვას, მთელი მხარის უწყალო განადგურებას<sup>58</sup>.

მენშევიკური მთავრობის რეპრესიებისაგან გაქცეული ოსური მოსახლეობა როკის, სბის, კუთიხის, ზეკარის უღელტეხილებით გადა-

<sup>57</sup> Борьба трудящихся Юго-Осетии за установл. Советской власти..., стр. 88—98.

<sup>58</sup> В. Д ж у г с л и, Тяжелый крест. Тифлис, 1920. стр. 220—240.



უნდა ჩრდილო ოსეთში. ასე რომ მენშევიკების ჯარება ცარიელი ხოფლები ხელეზიდათ. და ადვილად „ახერხებდნენ“ მათ გადაწვას.

აუწერელი იყო ის ზიანი და განადგურება, რაც ოსებმა განიცადეს აღნიშნული ექსპედიციის შედეგად. უამრავი ხალხი დაიღუპა, ჯონება, საჩჩო-საბადებელი, საცხოვრებელი, პირუტყვი დაკარგეს. ჩრდილო ოსეთში გადასულ 20 ათასამდე ოსს შიშვე პირობები დაჩვიდა, გავრცელდა ეპიდემია. ჩრდილო კავკასიელმა ბოლშევიკებმა, სპაჭოთა რუსეთმა დიდი დახმარება აღმოუჩინეს ოს ლტოლვილებს<sup>59</sup>.

მენშევიკური მთავრობა არ დასჯერდა სამხრეთ ოსეთის განადგურებას. მან გადაწყვიტა საქართველოს რუკიდან ამოეშალა საერთოდ ოსეთის სახელი. შემუშავდა გეგმა, რის მიხედვითაც დარჩენილი მოსახლეობაც უნდა გადაესახლებინათ ბორჩალოსა და ყარაააში, ხოლო მათ ადგილზე ქართველები დაესახლებინათ<sup>60</sup>.

მენშევიკების მთავრობამ სპეციალური კომისია შექმნა სამხრეთ ოსეთიდან ოსთა გასახლების ორგანიზაციისათვის მიწათმოქმედების სამინისტროს წარმომადგენელ ვ. რცხილაძის ხელმძღვანელობით. კომისიაში შედიოდნენ მთავრობის წარმომადგენელი — დამფუძნებელი კრების წევრი ვ. ჟღენტი, გენერალი კონიაშვილი, ა. ხუბუტია. ოქუაშვილი, გოგინაშვილი და ჰხვა. მენშევიკების ოფიციალური „ერთობა“ აღნიშნავდა, რომ საქართველოს რესპუბლიკა ასახლებს ოსებს იქ. სადაც მიისწრაფოდნენ — „სოციალისტურ სამოთხეში“.

დაიწყო ღუშეთის მაზრიდან ჯავასა და მის მიდამოებში მთიულ-ძოხვევ-გულდამაკრელთა გადასახლება. ამათ გარდა, აქვე ასახლებდნენ რაჭა-ლეჩხუმელებს, იმერლებს, გურულებს, ქართლებს. 1921 წლის დასაწყისისათვის ფრონის ხეობის სათავეებში—მალდაში, ყორნისში, წუნარსა და რუსთავში 200, ხოლო ჯავის ხეობაში 104 კომლი დაასახლეს<sup>61</sup>.

ქართული ნაციონალისტური პრესა რეკლამას უკეთებდა ამ საზარელ ბოროტმოქმედებას, მას ისტორიული სიმართლის აღდგენას, ამ ადგილებში კანონიერი მემკვიდრის დაფუძნებას, მათი ახალი ისტორიის დაწყებას უწოდებდნენ<sup>62</sup>.

ქართველი ბოლშევიკები აღშფოთებული იყვნენ მენშევიკების კაცმოძულე პოლიტიკით ოსებისადმი. ფ. მახარაძე აღნიშნავდა,

<sup>59</sup> Борьба трудящихся Юго-Осетии..., стр. 236—138, 170, 180; И. Н и к о н о в, указ. работа стр. 68—69.

<sup>60</sup> ი ქ ვ ე, გვ. 116—119, 140—142, 165.

<sup>61</sup> ვაზ. „საქართველო“, 1920, 20 ოქტომბერი, № 109; 1921, 7 იანვარი. № 5; 11 იანვარი, № 6; 3 თებერვალი, № 25.

<sup>62</sup> ი ქ ვ ე.

რომ პატარა ოსეთი უშუალოდ შეეჭახა მენშევიკების დიდმპყრობე-  
ლურ მისწრაფებებს. როცა მენშევიკებმა საქართველო დამოუკიდებ-  
ბელ სახელმწიფოდ გამოაცხადეს, ოსებმა გადაწყვიტეს შეენარჩუნე-  
ბინათ თავის ავტონომია, რომლითაც რევოლუციის დღიდან ისინი  
ფაქტიურად სარგებლობდნენ. ოსები საბჭოთა ორიენტაციაზე იდგნენ.  
ამიტომ მენშევიკებს გაგონებაც არ სურდათ ოსთა ავტონომიისა. ისი-  
ნი უნდა შესულიყვნენ ქართულ სახელმწიფოში, უარი ეთქვათ თავისი  
ენის გამოყენებაზე სასკოლო საქმეში და საქმის წარმოებაში. როცა  
დარწმუნების მეთოდები არ გაუვიდათ, დაიწყეს უსასტიკესი ბრძოლა  
მათ წინააღმდეგ. ოსებთან სისხლიანი ანგარიშსწორება თითქოს დამ-  
თავრდა. ამისათვის მათ უაღრესად ცინიკურად გამოიყენეს 1920 წ.  
ივნისის აჯანყება ჯავის ხეობაში. გამხეცებული „სახალხო გვარდიელები“  
ნ. ჟორდანიასა და ნ. რამიშვილის ღირექტი ბით ისეთ საშინე-  
ლებებს სჩადიოდნენ, რომლის მსგავსი ისტორიამ ცოტა იცის. მოსახ-  
ლეობას განურჩევლად ხვრეტდნენ, ქონებას იტაცებდნენ. ვისაც შეეძ-  
ლო გარბოდა, ვისაც არა— ასახლებდნენ სამხრეთ ოსეთიდან. ეს სას-  
ჯელი არა მარტო ჯავის ხეობას დაატყდა, არამედ საქართველოში  
მცხოვრებ მთელ ოს მოსახლეობას. საერთოდ, მთელი ოსები გამოცხადე-  
ბული არიან კანონგარეშე, მიჩნეული არიან საქართველოს მტრე-  
ბად და მათ მიმართ ეწევიან ყოველგვარ ძალადობას, მშობლიური ად-  
გილებიდან ძალად გადასახლებამდე. ოს ხალხთან ბრძოლის ისტორია  
საქართველოს მენშევიკური მთავრობის ისტორიის ერთ-ერთი ჰამარც-  
ხინო ფურცელია. ყოველივე ამის შემდგომ ვასაკვირი არაა, რომ სა-  
ქართველოს მენშევიკურმა პარტიამ ოსი ხალხის სახით, ასაკისა და სქე-  
სის განურჩევლად, მოსისხლე მტერი შეიძინა<sup>63</sup>.

მაგრამ მენშევიკური მთავრობა უძლური იყო უკუღმა დაეტრია-  
ლებინა ისტორიის ჩარხი. 1921 წლის თებერვალში საქართველოს  
მშრომელებმა დაამხეს მათთვის საძულველი მენშევიკური დიქტატუ-  
რა და საბჭოთა ხელისუფლება დაამყარეს. ამ ბრძოლაში ოსები კვლავ  
მოწინავეთა რიგებში იდგნენ. ჩრდილო ოსეთში, რომელშიც ამ დროს  
უკვე კარგახანია საბჭოთა ხელისუფლება იყო, სამხრეთ ოსეთიდან გაღ-  
მოსულ ლტოლვილთა ბაზაზე შექმნილმა სამხედრო რაზმმა, აგრეთვე  
დიგორიის რევოლუციურმა რაზმმა აქტიური მონაწილეობა მიიღეს  
სამხრეთ ოსეთიდან, რაჭა-ლეჩხუმიდან და სხვა ადგილებიდან მენშე-

<sup>63</sup> Ф. М а х а р а д з е. Диктатура меньшевистской партии в Грузии, Мос-  
ква, 1921, стр. 70.

ვიკების განდევნასა და საბჭოთა ხელისუფლების დამყარებაში. 1921 წ. 5 მარტს ცხინვალის დაკავებული იქნა რევოლუციონერების მიერ.

სამწლიანი ბრძოლა მენშევიკების წინააღმდეგ დამთავრდა მშრომელთა გამარჯვებით. ბოლო მოელო მუდმივ ტერორსა და ძალადობას სამხრეთ ოსთა მიმართ. ამიერიდან ქართველი და ოსი მშრომელების ძმურ ურთიერთობას აღარ მოშხამავდა მენშევიკური და სხვა წვრილბურჟუაზიული პარტიების ნაციონალისტური შხამი. სამხრეთ ოსეთის ლარიზობამ 1921 წ. 8 ივლისს, 1920წ. 8 ივნისის აჯანყების წლისთავთან დაკავშირებით, საქართველოს რევკომისადმი მისალმებაში განაცხადა, რომ თავის ნაწამები და გარუჯული სამშობლოს ნანგრევებზე ფიცს დებს საქართველოს მუშებსა და გლეხებთან კავშირში იდგეს რევოლუციის საღარაჯოზე<sup>64</sup>.

მაგრამ ქართველი და ოსი ხალხების რევოლუციური თანამეგობრობა არა მარტო სამხრეთ ოსეთში ვლინდებოდა. მიუხედავად იმისა, რომ მენშევიკებმა და სხვა ბურჟუაზიულ-ნაციონალისტურმა პარტიებმა დიდად „იღვაწეს“ ოსების წინააღმდეგ ქართველი ხალხის ასამხედრებლად, მათ მიზანს მხოლოდ ნაწილობრივად მიაღწიეს.

ქართველი ბოლშევიკები. ქართული პროგრესული საზოგადოება თანაგრძნობითა და გაგებით ეკიდებოდნენ ოსთა მოძრაობას ეროვნული თვითგამორკვევისათვის. უფრო მეტიც, ქართველი ბოლშევიკები ოსებში ხედავდნენ მენშევიკური ანტიხალხური მთავრობის წინააღმდეგ მებრძოლ დამკვრელ ძალას და ცდილობდნენ ამ ბრძოლისათვის ორგანიზებული ხასიათი მიეცათ.

ქართველი მენშევიკები სასტიკად სდევნიდნენ ქართველ ბოლშევიკებს. ეს უკანასკნელნი იძულებული ხდებოდნენ ჩრდილო კავკასიაში გადასულიყვნენ.

მრავალმა ქართველმა ბოლშევიკმა ღრმა კვალი გაავლო ჩრდილო კავკასიის ხალხთა რევოლუციური მოძრაობის ისტორიაში. ვლადიკავკაჟში 1917 წლის მაისიდან აქტიურ მუშაობას ეწეოდნენ მამია და მარიამ ორახელაშვილები, ნ. ბუაჩიძე და სხვ. ნ. ბუაჩიძე თერგის ბოლშევიკთა ერთ-ერთი ხელმძღვანელი გახდა. იგი იყო მუშახსენებელი ვლადიკავკაჟის გაერთიანებულ კომიტეტში ლენინის აპრილის თეზისებზე. თავის მოხსენებაში მან ღრმად გააშუქა რევო-

<sup>64</sup> Газ. «Правда Грузии», 1921, 14 июня, № 84.

ლუციის განვითარების პერსპექტივები<sup>65</sup>. მას დიდი ამაგი მიუძღვის მასების ბოლშევიკური პარტიის გარშემო დარაზმვის საქმეში.

1917 წ. სექტემბრის ბოლოს ვლადიკავკაის საბჭოში მოწყობილ არჩევნებში ბოლშევიკებმა დიდი გავლენა მოიპოვეს. საბჭოს აღმასკომში შევიდნენ ს. კიროვი, მ. ორახელაშვილი, გ. ცაგლოვი, ს. ბუაჩიძე და სხვ. ვლადიკავკაის მუშათა და გლეხთა დეპუტატების საბჭოს თავმჯდომარედ არჩეულ იქნა მ. ორახელაშვილი.

1917 წ. 2 ოქტომბერს თბილისში შედგა კავკასიის ბოლშევიკური ორგანიზაციების ყრილობა. ვლადიკავკაის წარმომადგენლად ყრილობას ესწრებოდა მ. ორახელაშვილი. იგი სიტყვით გამოვიდა და აღნიშნა, რომ ოსებს შორის პარტიულ მუშაობას ვეწევით და დიდი გავლენაც გვაქვს<sup>66</sup>.

ნ. ბუაჩიძე იყო ინიციატორი და ორგანიზატორი თერგის ოლქის საბჭოების ყრილობის მოწვევისა. ვლადიკავკაის საბჭომ 1917 წ. 30 დეკემბერს მიიღო დადგენილება საბჭოთა ხელისუფლების ოფიციალურ ორგანოდ ვლადიკავკაის დეპუტატთა საბჭოს ცნობისა და ჩსფსრ სახკომსაბჭოს განკარგულებებისადმი დამორჩილების შესახებ.

„თერგ-დალესტნის მთავრობის“ (რომელიც შეიქმნა 1917 წ. 22 ნოემბერს თავად კაპლანოვის მეთაურობით) განკარგულებით სხდომათა დარბაზში შეიჭრა შეიარაღებული ოფიცერთა რაზმი, რომელმაც დააპატიმრა პრეზიდენტის წევრები — ნ. ბუაჩიძე, მ. ორახელაშვილი და სხვ. მათ აშკარა დალუპვა ელოდათ. მაგრამ ქალაქის პარტიული ორგანიზაციისა და პარტია „კერმენის“ ცენტრალური კომიტეტის მოწოდებით კერმენისტების რაზმმა ამურხან კალოევის, გინო ბარაკოვისა და დანიელ თოგოევის (თვალსაჩინო რევოლუციური მოღვაწეები ჩრდილო ოსეთში) უშუალო მონაწილეობით ისინი გაანთავისუფლა<sup>67</sup>.

ჩრდილო კავკასიაში უაღრესად რთულ პირობებში უხდებოდათ ბოლშევიკებს მუშაობა. ეროვნული სიჭრელე სოციალურ სიჭრელესთან ერთად, ფართო გასაქანს იძლეოდა ყოველგვარი ნაციონალისტური და კონტრევოლუციური ავანტიურებისათვის. კონტრრევოლუციის

---

<sup>65</sup> История Северо-Осетинской АССР, Советский период, Орджоникидзе, 1966, стр. 15—16. ვლადიკავკაიში ნ. ბუაჩიძის მოღვაწეობის შესახებ დაწერილებით იხ. И. Дубинский и Мухадзе, Товарищ Ной, Тб., 1965; И. Н. Никонов, В. С. Гальцев, Ной Буачидзе, Г. Орджоникидзе, 1957. მაშინ ორახელაშვილის რევოლუციური მოღვაწეობა გაშუქებულია კვაქაძის ნარკვევში — მაშინ ორახელაშვილი, თბ., 1965.

<sup>66</sup> История СО АССР, გვ. 27—28.

<sup>67</sup> История СО АССР, стр. 33—34.

კანასახიერებდა კახაკობის პრივილეგირებული ზედაფენა, ადგილობრივი ხალხების სოციალური ზედაფენები, წვრილი ბურჟუაზია, სამღვდელეობა და მოღვაწეები. ასეთ პირობებში ბოლშევიკები უპარველეს ამოცანად ისახავდნენ არ დაეშვათ ეროვნებათა შორის წინააღმდეგობათა ომში გადასვლა. თეთრკახაკობა დაქინებით მიისწრაფვოდა ჩეჩნებისა და ინგუშების განადგურებისაკენ (კახაკები მათ მიწებზე სახლობდნენ და ეს ჩეჩენ-ინგუშთა წინააღმდეგობას იწვევდა).

1918 წ. 25 იანვარს მოზდოკში შედგა თერგის ხალხთა I ყრილობა. ამ ყრილობაზე ვლადიკავკავის (ოსეთის) დელეგაციას ხელმძღვანელობდნენ ნ. ბუაჩიძე, ს. მამსუროვი, ს. ტაქოევი და ა. გოსტიევი. ყრილობაზე პიატიგორსკის დელეგაციას ხელმძღვანელობდა ს. კიროვი. როგორც ს. ორჯონიკიძე წერდა, ბოლშევიკებმა ს. კიროვისა და ნ. ბუაჩიძის ხელმძღვანელობით მოქნილი ტაქტიკის მეოხებით შესძლეს კახაკთა მაქინაციების დარღვევა და არ დაუშვეს ომის გამოცხადება ჩეჩენ-ინგუშებთან<sup>68</sup>.

ყრილობამ აირჩია დროებით ორგანო -- თერგის სახალხო საბჭო ნ. ბუაჩიძის მეთაურობით.

დიდი იყო ნ. ბუაჩიძის ღვაწლი თერგის ხალხთა II ყრილობის მუშაობაში, რომელიც 1918 წ. 16 თებერვალს მოაწვიეს პიატიგორსკში. ყრილობამ ხმების უმრავლესობით მიიღო დადგენილება რსფსრ სახკომსაბჭოს ხელისუფლების ცნობისა და თერგის ოლქის რსფსრ ავტონომიურ ოლქად გამოცხადების შესახებ. შეიქმნა თერგის რესპუბლიკის სახკომსაბჭო ნ. ბუაჩიძის მეთაურობით<sup>69</sup>.

ნ. ბუაჩიძე ენერგიულად იბრძოდა კონტრრევოლუციონერების წინააღმდეგ, რაზმავდა მასებს ბოლშევიკების გარშემო. დიდი წინააღმდეგობების მიუხედავად, თერგის სახკომსაბჭომ ნ. ბუაჩიძის ხელმოწერით გამოსცა დეკრეტი, რომლითაც მთელი სახაზინო, საუფლისწულო, სამინისტრო, საეკლესიო და კერძო მესაკუთრეთა მიწები ცოცხალი და მკვდარი ინვენტარით უნდა გადასულიყვნენ ადგილობრივი სამიწო საბჭოების განკარგულებაში, რომელთაც წინადადება ეძლეოდათ გაენაწილებინათ ისინი მშრომელებს შორის. სამოქალაქო ომმა და ეროვნებათა შორისმა წინააღმდეგობებმა შეაფერხეს ამ კანონის ცხოვრებაში გატარება.

ნ. ბუაჩიძის ხელმძღვანელობითვე ჩატარდა რკპ(ბ) თერგის საოლქო პარტიული კონფერენცია, რომელზეც იგი მიუთითებდა სახალხო მეურნეობის ყველა-დარგში ბოლშევიკური ორგანიზაციების როლის

<sup>68</sup> Г. К. О р д ж о н и к и д з е, Избранные статьи и речи, М., 1939, стр. 56.

<sup>69</sup> История СО АССР, стр. 39.

ამაღლებების აუცილებლობაზე. თერგის ხალხთა შორის მშვიდობის შენარჩუნება მას უველა კომუნისტის უპირველეს ამოცანად მიიჩნდა. დიდ ჯურადლებას უთმობდა კონტრრევოლუციასთან ბრძოლის ინტერესებისათვის წითელი არმიის განმტკიცებას<sup>70</sup>.

მას ღრმად სწამდა სოციალიზმის გამარჯვების გარდუვალობა და ამ რწმენას სწირავდა მთელ თავის ენერგიას. 1918 წ. მაისში იგი წერდა, რომ დადგა ახალი ერა და ვერავითარი ძალა ვერ შეცვლის მას, ვერავინ ვერ შეუშლის ხელს, რომ ბოლშევიკებს განასხვავებს ღრმა რწმენა ახალი ერის გარდუვალობაში<sup>71</sup>.

1918 წ. ზაფხულის დასაწყისში ახალგაზრდა საბჭოთა სახელმწიფოს ერთობლივად შემოუტია შინაგანმა და გარეგანმა კონტრრევოლუციამ. ყუბანზე ჩამოყალიბებულმა ე. წ. მოხალისეთა არმიამ იენიკინის მეთაურობით ივლისის თვეში მთელი რიგი საკვანძო პუნქტები დაიკავა ჩრდილო კავკასიაში. იგი სულ უფრო და უფრო უახლოვდებოდა თერგის რესპუბლიკას. ამან გამოაცოცხლა შინაგანი კონტრრევოლუციაც.

1918 წ. ივნისში ვლადიკავკაზში შემოვიდა 200 კაზაკი, შეადწინეს აფშერონის პოლკის ყაზარმაში და წითელარმიელებს მოუწოდეს შეერთებოდნენ მათ ინგუშთა სოფლების აღსაგველად პირისაგან მიწის.

ამ ადგილას გაჩნდა სახკომპაბუოს თავმჯდომარე ნ. ბუაჩიძე. იგი მოუწოდებდა შეეწყვიტათ მიტინგი და მშვიდად დაბრუნებულიყვნენ თავის ადგილებზე. მუხანათურმა ტყვიამ სასიკვდილოდ დაჭრა იგი და მალე გარდაიცვალა. ასე დასრულდა ქართველი რევოლუციონერის მგზნებარე სიცოცხლე, მსხვერპლად მიტანილი ოსებისა და თერგის ოლქის სხვა ხალხების ბედნიერებისათვის.

ჩრდილო კავკასიაში შექმნილი მძიმე მდგომარეობის გამო. ვ. ი. ლენინის მითითებით, აქ გამოგზავნილ იქნა ს. ორჯონიკიძე, რევოლუციის უშიშარი რაინდი, რომლის სახელთანაც დაკავშირებულია ჩრდილო კავკასიის, და არა მარტო ჩრდილო კავკასიის, ხალხთა თავიანწირული ბრძოლა დენიკინისა და ყოველგვარი კონტრრევოლუციური ძალების წინააღმდეგ, საბჭოთა ხელისუფლების აღდგენა და განმტკიცება. ს. კიროვთან ერთად იგი წარმართავდა ოსი ბოლშევიკების ბრძოლას როგორც დენიკინის ბანდების, ასევე მისი მოკავშირე შინაგანი კონტრრევოლუციის წინააღმდეგ.

თერგის ბოლშევიკებს დიდი დახმარება აღმოუჩინეს რკპ(ბ) კავკასიის სამხრეთ კომიტეტის იმ წევრებმა, რომლებიც საქართველო-

<sup>70</sup> История СО АССР, стр. 47.

<sup>71</sup> გაზ. «Народная власть», 1918, 16/V, № 37.

დან ვლადიკავკავში გადავიდნენ. მენშევიკური მთავრობისაგან დევნის გამო. ამ ჭკუტში შედიოდნენ ფ. მაზარაძე, ა. ნახარეთიანი, ს. ქავთარაძე, ა. გეგეჭკორი და სხვ. ვლადიკავკავის პარტიული ორგანიზაციის მუშაობაში ისინი მაშინვე ჩაერთნენ და ხელმძღვანელობდნენ საპასუხისმგებლო პარტიულ და სახელმწიფოებრივ დაწესებულებებს.

გეგეჭკორი ღუშეთის აჯანყების შემდეგ თავის რევოლუციური რაზმით გადავიდა ჩრდილო კავკასიაში და იქ აქტიურ მონაწილეობას იღებდა კონტრრევოლუციონერთა განადგურების საქმეში. ა. გეგეჭკორი 1918 წ. დასაწყისში ერთხანს ვლადიკავკავის კომენდანტიც იყო.

1918 წ. აგვისტოს პირველ რიცხვებში ვლადიკავკავში შემოიჭრნენ საბჭოთა სელისლდელების წინააღმდეგ ამბოხებული კაზაკები და ზოგიერთი ოსური სოფლების რაზმები. მათ შიგნითაც აღმოაჩნდათ მომხრეები. ამბოხებულთა პირველი დარტყმა მიიღო ვლადიკავკავის პოლკის 1-მა ბატალიონმა, ა. გეგეჭკორის ქართულმა და ოსი კერამენტების რაზმებმა კესაევის მეთაურობით. ხანგრძლივი სისხლისმღვრელი ბრძოლების შედეგად ვლადიკავკავი გაწმენდილ იქნა მეამბოხეთაგან. ვლადიკავკავის გმირულ დაცვაში მრავალი ქართველი მონაწილეობდა. ზევერი მათგანი ბრძოლაში დაეცა, მათ შორის ნ. ჩხუბიანი, ქალაქის საბჭოს მდივანი, პარტიული და საბჭოთა საქმიანობის აქტიური მონაწილე.

ჩრდილო კავკასიაში, კერძოდ ოსეთში მიმდინარე ამბებში აქტიურ მონაწილეობას ობულობდნენ ვლადიკავკავსა და ალაგირში მოსახლე ქართველები. შეძთხვევითი არაა ოსი კონტრრევოლუციონერების აშკარა მტრობა ალაგირელი ქართველებისადმი, რომლებიც საბჭოთა ხელისუფლების მხარეზე იყვნენ. როცა მათ უგალუკ ცალიკოვის ბანდებმა საფრთხე შეუქმნეს, ვლადიკავკავიდან გაგზავნილმა წითელი არმიის რაზმმა, აგნიევისა და რამონოვის ოსურმა რაზმებმა ალაგირელი და სალუგარდანელი ღარიბობის დახმარებით ბანდიტები ალაგირიდან დაიფრინეს. როცა აღნიშნული რაზმები ვლადიკავკავში გაიწვიეს, ქართველი და რუსი მოსახლეობა მათ გამოჰყვა და არდონსა და ვლადიკავკავში დაბინავდა. არდონში მათ მოსაწყობად თერგის რესპუბლიკის მთავრობამ თავის წარმომადგენელი მიავლინა<sup>72</sup>.

1919 წლის თებერვალში დენიკინელებმა ვლადიკავკავი აიღეს. წითელმა არმიამ დარიალის გზით დაიხია საქართველოსაკენ. თერგის ოლქის ხელმძღვანელი პარტიული და სამეურნეო მუშაკებიც იძულე-

<sup>72</sup> История СО АССР, стр. 82—83.

ზეული იყვნენ ვასკლოდნენ მტერს. ზოგი მათგანი (ა. ბოტოევი, თ. სოზა-  
ვეი) საქართველოში გადმოვიდნენ, ზოგი ამ გადმოსვლის ცდის დროს  
კონტრრევოლუციონერთა ხელით დაიღუპა.

1919 წ. მაისის შუა რიცხვებში განაგრძობდნენ სასტიკ ბრძოლას  
დენიკინის ბანდების წინააღმდეგ დიგორელი პარტიზანები. ძალთა  
უთანასწორობის შედეგად ისინი იძულებული გახდნენ ყარაუგომისა  
და ლების გადასასვლელებით საქართველოში გადასულიყვნენ. მენშე-  
ვიკურმა მთავრობამ ისინი განაიარაღა და როგორც ინტერნირებულ-  
ნი, ქუთაისში გაგზავნა. ამათ შორის იყვნენ ცნობილი ოსი რევოლუ-  
ციონერები დ. თოგოევი, ძ. ტაკოევი, გ. არსაგოვი და სხვ.

ისინი საქართველოში 1919 წ. ოქტომბრამდე იმყოფებოდნენ. შე-  
მდეგ, რკპ (ბ) კავკასიის სამხარეო კომიტეტის წინადადებით ისინი და-  
ბრუნდნენ ჩრდილო კავკასიაში და სათავეში ჩაუდგნენ აჯანყების მო-  
წინააღმდეგე საქმეს. მთელი ჩრდილო ოსეთი სამხედრო ბანაკს დაემსგა-  
ვსა. მათმა თავგანწირულმა ბრძოლამ, წითელი არმიის ბრწყინვალე გა-  
მარჯვება დენიკინის ჯარებზე გამოიწვია ის, რომ 1920 წ. 21 მარტს  
ულადიკავკავი განთავისუფლებული იქნა. საბჭოთა ხელისუფლება აღ-  
დგა.

ჩრდილო კავკასიაში საბჭოთა ხელისუფლების გამარჯვებას დი-  
დი მნიშვნელობა ჰქონდა საქართველოს მშრომელთა რევოლუციური  
მოძრაობისათვის. იგი გადაიქცა მძლავრ ბაზად მენშევიკური მთავრო-  
ბის წინააღმდეგ რევოლუციურ ძალთათვის. ჩრდილო ოსეთში სამხრეთ-  
ოს ლტოლვილთაგან შემდგარმა რაზმმა დიდი როლი შეასრულა  
საქართველოში საბჭოთა ხელისუფლების დამყარების საქმეში. დიგორი-  
ის რევოლუციური რაზმი 500-მდე კაცის შემადგენლობით ძ. ტაკო-  
ევის მეთაურობით ლების გადასასვლელით გადავიდა რაჭაში და აქტი-  
ური მონაწილეობა მიიღო დასავლეთ საქართველოში საბჭოთა ხელი-  
სუფლების დამყარებისათვის ბრძოლაში. ამ რაზმის მოქმედებას, მის  
რევოლუციურ წესრიგს მაღალ შეფასებას აძლევდნენ ადგილობრივი  
რევკომები — რაჭის, ტყიბულის, ქუთაისის, აგრეთვე პარტიის რაჭის  
სამაზრო ბიურო. მათ მხურვალე მისალმებები გაუგზავნეს დიგორიის  
რევოლუციურ რაზმს. ქუთაისის რევკომის სახელით დიგორიის რაზმს  
მადლობით მიმართა საქართველოს რევკომის წევრმა, რევკომის სა-  
განგებო რწმუნებულმა ა. გეგეჭკორმა (1921 წ. 15 აპრილს). მისალმე-  
ბაში იგი წერდა, რომ ქართველი მშრომელების დასახმარებლად დი-  
გორელმა ხალხმა გამოგზავნა ბრძოლაში გამობრძმედილი რაზმი.

რაზმმა ზამთრის პირობებში გადმოლახა თოვლით დაფარული კავ-  
კასიის მთები და გმირული მონაწილეობა მიიღო ქართველი გლეხო-  
ბის განთავისუფლებაში. ქუთაისის საგუბერნიო რევკომის, მთელი და-



საველეთ საქართველოს მშრომელთა სახელით იგი მადლობას უხდის დიგორელ ხალხს დახმარებისათვის და ჰპირდება, რომ მზადაა მთელ ამ ხალხთან ერთად, თუ კი საჭირო გახდება, ყოველგვარი დახმარება და მხარდაჭერა აღმოუჩინოს დიგორელებს. საქართველოს რევკომმა დიგორიის რაზმი წითელი დროშით დააჯილდოვა.

საქართველოს გასაბჭოებას ალტაცებით შეეგება ჩრდილო ოსეთი. თავის მისალმებაში საქართველოს რევკომისადმი ოსეთის ოლქის III ყრილობის მონაწილენი წერდნენ: „ამიერიდან კავკასია ერთხელ და სამუდამოდ თავისუფალია. ამიერიდან კავკასია მთლიანად მუშურ-გლეხურია, სოციალისტურია. დიდება ქართველ მუშებსა და გლეხებს, რომლებიც მსოფლიოს პროლეტარულ ოჯახში შევიდნენ თავის ბედის ბატონ-პატრონად. გაუმარჯოს საბჭოთა საქართველოს, გაუმარჯოს კავკასიისა და მთელი მსოფლიოს მუშათა და გლეხთა ძმურ კავშირს“<sup>73</sup>.

იმავე ხანებში თერგის ბოლშევიკების გაზეთი მოწინავე სტატიაში „თერგი და საქართველო“ წერდა: „წითელი საქართველო და წითელი თერგი, შეხედეთ, თითქოს მთებიც კი უღიმიან და განზე იწევენ სულიერად მონათესავე რესპუბლიკების შესახვედრად“.

საქართველოსა და ოსეთის გასაბჭოება უდიდესი მნიშვნელობის მოვლენა იყო არა მარტო ამ ხალხების ისტორიაში, არამედ მათი ურთიერთობის ისტორიაშიც. 1921 წელი საზღვარია ამ ხალხების არამარტო ძველი და ახალი ისტორიისა, არამედ მიჯნაა ორი ეპოქისა ამ ხალხების ურთიერთობაშიც. საბჭოთა ხელისუფლების დროშის ქვეშ სამხრეთმა და ჩრდილო ოსეთმა ავტონომია მიიღეს, განვითარდნენ ეკონომიურად და კულტურულად, საბჭოთა კავშირის ხალხთა ძმური ოჯახის თანაწარუფლებიანი წევრები გახდნენ. მათი ურთიერთობა ქართველ ხალხთან პრინციპულად სხვა ხასიათს იღებს. შემოქმედებითი შრომის ფერხულში ჩაბმულნი, ისინი ხელიხელ ჩაკიდებულნი იღწვიან ჩვენი დიდი სამშობლოს საკეთილდღეოდ.

## §. 2. ეკონომიური ურთიერთობა

XX საუკუნის დამდეგს ქართველი და ოსი ხალხების ტრადიციულ ეკონომიურ ურთიერთობაში არსებითი ხასიათის ცვლილებები არ გამოუწვევია იმის შიუხედავად, რომ ეკონომიური გაცვლა-გამოცვლა ფართოვდებოდა. ცხინვალი და ახალგორი კვლავ რჩებოდა ძირითად სავაჭრო პუნქტებად, სადაც ოსები თავისთვის საჭირო საქონელს

<sup>73</sup> ЦГА СО АССР, ф. 39, д. 44, л. 1.

იძენდნენ. ოსებისათვის ახლაც დიდი მნიშვნელობა ჰქონდა თბილისის და ვარის ბაზრებს, აგრეთვე სურამის, მეჯვრისხევის, ონისა და სხვა ბაზრებს.

ჩრდილო ოსებთან ქართველების ეკონომიური ურთიერთობა ძირითადად ვლადიკავკავში ხორციელდებოდა. აქეთ იყო მიპყრობილი მთიულეთისა და ხევის მოსასლეობის ეკონომიური ინტერესები.

როგორ ფორმებში მიმდინარეობდა ქართველ-ოსთა ეკონომიური ურთიერთობის პროცესი XX ს. დამდეგიდან საქართველოში საბჭოთა ხელისუფლების დამყარებამდე? მთელი ოსები დასახლებულ სავაჭრო პუნქტებში ძირითადად იძენდნენ მარცვლეულს, რაზედაც დიდი მოთხოვნილება არსებობდა მთაში სახნავ-სათესად ვარგისი მიწების ნაკლებობისა და მოუსავლჩანობის გამო. სამაგიეროდ მათ დიდი რაოდენობით გამოჰქონდათ მეცხოველეობის პროდუქტები, შინამრეწველობის ნაწარმი, გამოჰყავდათ პირუტყვი და სხვ.

ზ. ედილმა ქართლთან სამხრეთ ოსებს ეკონომიური ურთიერთობის ვრცელი სურათი აგვიწერა. დიდი ღიახვის ხეობის აღწერასთან დაკავშირებით იგი წერდა, რომ მიწათმოქმედებასთან ერთად ჯაეის ხეობის ოსები მისდევენ მესაქონლეობას. „აკეთებენ საუკეთესო ყველს. რომელიც თბილისის ბაზარში ცნობილია ოსური ყაღის სახელით და კარგის ღირსებისაც არის. გარდა ამისა, აკეთებენ შალეებსაც, რომლებიც ღირსებით არ ჩამოუვარდებიან ხონურ შალებს. უმთავრეს დარგს კი გამორჩენისას ოსეთში ხე-ტყის დამზადება შეადგენს. მთელი ოსეთი... საუკეთესო ტყით არის დაფარული და აი იმ ტყეებიდან ოსები ამზადებენ ყოველგვარ ხე-ტყის მასალას, რომელთაც ზემო ქართლში დიდი გასავალი აქვს. ამზადებენ კარის, ფანჯრის, იატაკის ფიცრებს, აგრეთვე ყავარს, მესერს, ხის ავჯგულობას. ჭურჭლოს და სხვა და სხვა. გარდა ამისა ბევრი ტივები ჩამოაქთ გორში და შემდეგ ბევრი იგზავნება გასასყიდად. ეს არის ერთი უმთავრესი დარგთაგანი გამორჩენისა ოსეთში. მთელი შიმოდგომა. სამთარი ამზადებს ამ მასალას ოსი და შემდეგ გაზაფხულზე ტივებთან ერთად ჩამოაქვს ყველა ეს ქართლში და ჰყიდის, სამაგიეროდ ყიდულობს პურსა და მიაქვს იაივი. ჰახლში“<sup>74</sup>.

ფართოდ მონაწილეობდნენ ოსები ქართლში რელიგიურ დღეობებთან დაკავშირებულ ბაზრობებში. მეჯვრისხევი უსანგთობისას გამართულ ბაზრობაზე (ერთი კვირა გრძელდებოდა) ოსებს მიჰქონდათ ყველი, ერბო, ქათამი, ხის ჭურჭელი და იარაღი—სადღვებლები,

<sup>74</sup> ვახ. „საქართველო“, 1918, 26 ნომბერ, № 203.

ფიწლები, არნადები (ხაჩევალი), ორთითები. ოსები სწირად ყველს მარლზე სცვლან — ლიტრა ყველში 6-8 გირვანქა მარლს აძლევენ<sup>75</sup>.

ასეთივე ბაზრობა იმართებოდა ხოლმე ზღუდრობის დღესასწაულზე ცხინვალთან. აქ „ბევრი ხალხი მოდის სხვადასხვა კუთხიდან. მოაქვთ ხის ჭურჭელი, აწრისხევეური (პატარა ლიასის ზემო წელზე — გ. თ.) კილობნები, სკამები, ურმები, თვლები, საქონელი, მატყლი. ყველა, ერბო, ტყავებო, ხის მასალა — მარგილო, ბოძი, სამიჯრე წნელი, ყავარი, ქსნის თიხის ჭურჭელი, იმერული ქვევრები, ფრიბეული, ოსური ხაჰაურებიც კი, 10 ათასი თუმნის იყიდება“<sup>76</sup>.

როგორც ვხედავთ, მესაქონლეობის პროდუქტებთან ერთად, ოსებს ძირითადად ხის ჭურჭელ-იარაღები გამოჰქონდათ ქართლის საბაზრო პუნქტებში და ხშირად უბაზრო სოფლებშიც. სადაც მათ პირდაპირ ცვლიდნენ მარცვლეულზე, ხის ჭურჭელ-იარაღის კეთების ცენტრები იყო ძირითადად ჯავის ხეობა, განსაკუთრებით ზღუბორის თემი, აგრეთვე, პატარა ლიახზე აწრისხევი და მისი მახლობელი სოფლები. სოფ.სარაბუკი, ცხინვალიდან 9-10 ვერსის მანძილზე მდებარე მცირეამაშულიანი და მოუსავლიანი სოფელი, ფართოდ მისდევდა ხის დამუშავებას. გლეხები ხისაგან აკეთებდნენ საოჯახო ჭურჭელს, კილობნებს, თაბახებს, კვერებს და სხვ. ამას გარდა, ჰკრავდნენ ცოცხებს და ცხინვალში ჰყიდდნენ ან სოფლებში მიჰქონდათ ჰირნახულზე გასაცვლელად<sup>77</sup>.

განსაზილველ ხანაში საქართველოს სამხედრო გზაზე მცხოვრები ქართველი მთიელები სულ უფრო და უფრო ღრმად უკავშირდებიან ვლადიკავკავის ბაზარს. ხევი, გუდამაყარი, მთიულეთი, ჩრდილო კავკასიას მჭიდროდ დაუკავშირდა არა მარტო თავის მეცხვარეობის ინტერესების გამო (ყიზლარის საზამთრო საძოვრები), არამედ მარცვლეულისა და სხვა სასურსათო პროდუქტების მისაღებადაც.

ვინმე „კალმის წვერა“ აღნიშნავდა, რომ „მთას უბაროდ არსებობა არ შეუძლია და ბარს უმთოდა“. „თუში, ფშაველი, მოხევე, გუდამაყრელი და მთიული ოსეთის მწირის და უნიადგო მოსავლიან მამულის შვილნი არიან, რომ სამის თვის საზრდო ქერიც არავეის მოსდის და ამ მკვიდრთ ცხოვრების სახსარი ერთადერთი ცხვარ-ძროხის მოშენება არის, მთაბარობა და ბარიდან სულადის ზიდვა“. მისივე ცნობით, ადგილის სიღიწროვის გამო ხევ-მთიულეთიდან ახლო ხანებში 300 კომლამდე

<sup>75</sup> გაზ. „ივერია“, 1905, 17 ნოემბერი, № 102; სახალხო გაზეთი, 1910 წ., 1/VI, № 21.

<sup>76</sup> „სახალხო გაზეთი“, 1914, 20/V, № 1190.

<sup>77</sup> „სახალხო გაზეთი“, 1910, 15/VI, № 32.

შირაქში გადასახლდა, 200 კომლამდე კავკავში. ამათნა ნაწილმა ოსებსა და ქისტებს მიმართა, რათა მათ სოფლებში მიწა მიიღონ თუნდაც რკულის შეცვლის გზით<sup>78</sup>.

XIX ს. დამდეგიდან, როგორც ცნობილია, ამიერკავკასია და კერძოდ, საქართველოც, სულ უფრო და უფრო დამოკიდებული ხდებოდა ჩრდილო კავკასიისა და რუსეთის პურზე. საქართველო საჭიროებდა წლიურად 5 მლნ ფუთ მარცვლეულს, რომელსაც იგი ძირითადად ჩრდილო კავკასიაში იძენდა. ჩრდილო ოსები ცხოველ მონაწილეობას იღებდნენ საქართველოს მარცვლეულით მომარაგებაში. მართალია, იმ 5 მლნ ფუთიდან, რასაც საქართველო საჭიროებდა, ძირითადი ნაწილი ყუბანის მხრიდან მოდიოდა, მაგრამ ვლადიკავკაის ოკრუგი, რომლის მოსახლეობა ძირითადად ოსობა იყო, საქართველოში გამოსახიდი მარცვლეულის ერთ-ერთი მნიშვნელოვანი პუნქტი გახდა. კერძოდ საქართველოს სამხედრო გზით საქაპანო ტრანსპორტით გამოზიდული მარცვლეული, რომლის რაოდენობასაც წლიურად 1,5 მლნ ტუნამდე ანგარიშობენ<sup>79</sup>, ვლადიკავკაეში იყრიდა თავს.

ხევ-მთიულეთის მოსახლეობა არა მარტო იძენდა ვლადიკავკაეში თავისთვის საჭირო მარცვლეულს და სხვა საქონელს, არამედ ურმებით ტვირთის ზიდვას ეწეოდა თბილის-კავკავს შორის და ამით ცხოვრობდა. ვინც ხელობა იცოდა (მეუნაგირეობა, მექუდეობა, ჩოხების კერვა). მიდიოდა თერგის ოლქში და იქ მუშაობდა.

პირველმა მსოფლიო იმპერიალისტურმა ომმა გააძნელა ხევ-მთიულეთის მოსახლეობის ცხოვრების პირობები. ახალგაზრდობა, რომელიც სამხედრო გზაზე ქირით მუშაობდა, ურმებით ქირას ეზიდებოდა. თერგის ოლქში ქირაზე სამუშაოდ დადიოდა, ახლა ჯარში იქნა გაწვეული<sup>80</sup>.

მაგრამ ომიანობამ არა მარტო მთიელთა ცხოვრების პირობები დაამძიმა. მთელმა ამიერკავკასიის ხალხებმა იგრძნეს ეს გაჭირვება. ომთან დაკავშირებით მთავრობამ მარცვლეულზე ნიხრი დააწესა. ჩრდილო კავკასიელმა გლეხებმა მთავრობას აღარ მიჰყიდეს პური დაწესებულ ფასებში და მისი ორმოგბში შენახვა დაიწყეს. ამის გამო ამიერკავკასიაში პურის შემოტანა შეეძვირდა, მისმა ფასებმა აიწია, ხოლო შემდეგ თანდათანობით ბაზრიდან გაჰქრა. გაზეთის კორესპონდენტი ა. ე. აყენებს ნიხრის გაუქმების წინადადებას. მაშინ პური შიშოვა. თორემ ჯარი, მოქალაქეები და თვით გლეხობაც მშვიორი დარჩება. „პურის საკითხში ჩვენი გლეხობა მოქალაქის მდგომარეობას განიც-

<sup>78</sup> „სახალხო გაზეთი“, 1910. 11/V, № 4.

<sup>79</sup> პ. გ უ გ უ შ ე ი ლ ი, მარცვლეული მეურნეობა საქართველოში..., გვ. 156.

<sup>80</sup> გაზ. „საქართველო“, 1916, 27/1, № 20.

დის“. ამიერკავკასიის გლეხობა ჩრდილო კავკასიის პურით იკვებება<sup>81</sup>.

ასეთ პირობებში საჭირო გამხდარა საგანგებო ღონისძიებათა გატარება საქართველოს მოსახლეობის სურსათით უზრუნველსაყოფად თბილისის გუბერნიის სასურსათო კომისარიატმა ჩრდილო კავკასიაში მიავლინა თავის სპეციალური რწმუნებული გ. დალაქიშვილი, რომლის საქმიანობას იმდროინდელი ქართული პრესა თვალს ადევნებდა. გაზ. „საქართველო“ 1917 წ. 17 მაისს იტყობინებოდა, რომ დალაქიშვილს უკანასკნელ ხანებში ჩრდილო კავკასიიდან თბილისში გამოუგზავნია 100 ვაგონი ფქვილი, 40 ვაგ. ხორბალი, 120 ვაგ. სიმინდი<sup>82</sup>.

გ. დალაქიშვილს მოუხერხებია მტკიცე ნიადაგზე დაეყენებინა თბილისის გუბერნიის სურსათით მომარაგების საქმე რამდენიმე ასეული ვაგონი სურსათის ჩრდილო კავკასიიდან თბილისში გამოგზავნის შედეგად. ჩრდილო კავკასიაში მის დაღუპვასთან დაკავშირებულ ნეკროლოგში აღნიშნულია, რომ „ჩრდილო კავკასიაში ოსებთან და ინგუშებთან გოგლა (დალაქიშვილი — გ. თ.) ძალიან იყო დაახლოებულნი. ოსებთან და ინგუშებთან გოგლა ლაპარაკობდა არა როგორც მთავრობის წარმომადგენელი, არამედ როგორც წარმომადგენელი დამშეული ქართველი ხალხისა. გოგლას ბევრი ისტორიული მაგალითი მოუყვანია ოსებთან ლაპარაკის დროს იმისა, თუ ქართველებს როგორი დახმარება გაუწევიათ ოსებისათვის, და მოუწოდებია მათ საქართველოს (!) კავშირისაკენ და დახმარებისაკენ“<sup>83</sup>.

1918 წ. მარტის თვეში ვლადიკავკავიდან თბილისისათვის გამოგზავნილი რვა ვაგონი ხორბალი გზაში იყო. საქართველოს ხელისუფლებამ მოხვედრებს სთხოვა დახმარება სურსათის გადმოტანაში (ვლადიკავკავიდან თბილისში საქართველოს სამხედრო გზით). ისინი დახმარებას დაპირდნენ — ფუტს 10 მანეთად მოვიტანთო. ცდილობდნენ, აგრეთვე, ტრანსპორტის ისეთ ორგანიზაციას, რომ ყოველდღიურად ამ გზით 15 ვაგონი ხორბალი გადმოეტანათ, რაც საკმარისი იქნებოდა ამიერკავკასიის ქალაქებისათვის შიმშილის ასაცდენად<sup>84</sup>.

ჩრდილო კავკასიაში გაჩაღებულმა სამოქალაქო ომმა დიდი საფრთხე შეუქმნა საქართველოს სურსათით მომარაგების საქმეს. საბჭოთა რუსეთისაგან უკვე ჩამოცილებული ამიერკავკასიის წინაშე დიდი სასურსათო სიძნელეები აღიმართა. საქართველოს კონტრავო-

<sup>81</sup> ი ქ ვ ე, 1917, 21/II, № 40.

<sup>82</sup> გაზ. „საქართველო“, 1917, 17/V, № 104.

<sup>83</sup> ი ქ ვ ე, 1913, 24/II, № 42.

<sup>84</sup> „საქართველო“, 1913, 14/III, № 45.

ლუციური ეროვნული საბჭო გეგმებს აწყობდა, რომ სურსათის ზიდვა არ შეფერხებულყო<sup>85</sup>.

1918 წ. განათხელზე ცხენის ურმებით ვლადიკავკაიდან ლიდალი თეთრი ფქვილი შემოვიდა, სასურსათო კომიტეტებმა არ შეუშალეს ხელი მათ თავისუფლად ვაჭრობას და თბილისის ბაზარზე ფქვილის ფასი ფუთზე 100 მანეთიდან 55 მანეთამდე შემცირდა. ამ ფაქტთან დაკავშირებით, გაზეთის კორესპონდენტი გამოთქვამდა ვარაუდს, რომ შესაძლებელია ჩრდილოელმა მეურმეებმა იხსნან ჩვენი ქვეყანა შიმშილისაგან. თუმცე ბევრ დულს წაიღებენ, მაგრამ ეს სჯობია უბურობით სიკვდილს. ასეთი თავისუფლება სხვა საქონელსაც რომ მიეცემოდეს, რუსეთიდან „ნიხრებით“ შეზღუდული საქონელი სულ აქ შემოიპარება და გაიფუტება<sup>86</sup>.

მაგრამ სამოქალაქო ომმა ჩრდილო კავკასიაში იქ მერყევი პოლიტიკური ვითარება შექმნა. ოს — ქისტების და კახაკების ურთიერთობის გამწვავების გამო თვით ვლადიკავკაის ბაზრის მომარაგებაც გაძნელდა, საიდანაც მთის ხალხები თავის მოთხოვნილებებს იკმაყოფილებდნენ. ხევიდან გამოგზავნილ კორესპონდენციაში შემფოთებაა გამოოქმული ყოველივე ამის გამო. ჩრდილო კავკასია. სურსათით თითქმის მთელი ამიერკავკასიის ნახევარს აკმაყოფილებს. თუ იქ სამიერის შერეგება არ მოხდა, ქვეყანა უხნავ-უთესი დარჩება და ჩვენ დიდი შიმშილი და გაჭირვება არ აგვეცდება, რადგან 2—3 თვის საჩაო მარცვლეული არავის არ მოსდის და სიმინდის ფქვილი, კარტოფილი. ლობიო, კომბოსტო და ათასნაირი ბოსტნეულობა სულ აკეკაუან მოაქვს მთის ხალხსო. პირუტყვიც იქ იკვებება. გარდა ამისა, მთიულ-მოხევის ურმები კავკავიდან თბილისში პურს ეზილებიან და რალაც 12 დღეში თითო ცხენიან კაცს 600—700 მანთი ფული მოაქვს ოჯახში. იგი მოუწოდებს ქართველ საზოგადოებას რამე ილონოს აღნიშნული სამი ერის შესარიგებლად, წინააღმდეგ შემთხვევაში არა მარტო ქართველ მთიელთა ცხოვრების პირობები გაუარესდება, არამედ ამას თბილისიც იგრძნობსო<sup>87</sup>.

საქართველოს სამხედრო გზის მიდამოებში მცხოვრები მთიელები ვლადიკავკავზე ეკონომიურად ძლიერ იყვნენ დამოკიდებული. გზაზე მიმოსვლის შეფერხება დიდ სიძნელეებს უქმნიდა მათ. მოხევეები, თავაურის, თრუსოს, კობისა და ლოდის ოსები, ქისტები ურთიერთშორის სადავო საკითხების წამოჭრისას მიმართავდნენ მესამე მხარის შუამავლობას. მაგ. 1917 წ. დეკემბერში ქისტებმა დარიალის ციხე

<sup>85</sup> „საქართველო“, 1918, 4/IV, № 63.

<sup>86</sup> ი ქ ვ ე. 1918, 5/IV, № 64.

<sup>87</sup> ი ქ ვ ე, 1918, 6/IV, № 65.

დაიკავეს. ამან მოხვევები ააღელვა და თბილისიდან მთიულეების ურ-  
მებით ქისტებს რომ იარაღი მიჰქონდათ, ჩამოართვეს. იარაღის წართ-  
მევა ძალიან ემწვავათ ქისტებს. მათ მოხვევებს გამოუგზავნეს დელე-  
გატები — ოფიცერი მირზაბეგოვი, ოსები თემბოლ დუდაროვი და  
ქუნდუხოვი. მათ სტეფანწმინდაში წარმოებული სამშვიდობო მოლა-  
პარაკება მოხვევებთან წარმატებით დაასრულეს<sup>88</sup>.

1918 წ. კობელი ოსები და ქისტები წაედანენ ერთმანეთს.  
მაშინ ქისტებმა ვლადიკავკაისიდან გზა შეუკრეს ოსებს. მძიმე მღგო-  
მარცობაში ჩაფარდნილმა ოსებმა შუამავლობა სთხოვეს მოხვევებს  
— ა. ფიცხელაურს, ო. კობაიძეს, ალ. ლუღუშაურს და ვ. თაღაძეს.  
ისინი ბალთაში შეხვდნენ ქისტების დელეგაციას და მიადწიეს მთავ  
ოსებისათვის საქართველოს სამხედრო გზაზე თავისუფალი მიმოსვლი-  
ის უფლებას<sup>89</sup>.

ვლადიკავკაიიდან საქართველოში სურსათის გამოტანა სულ უფ-  
რო და უფრო ძნელდებოდა. მოხვეე და სხვა ქართველ მეორეებს  
ვლადიკავკაიის მალაქნები ფქვილის, კარტოფილის და სხვა სანოვავის  
გამოტანის საშუალებას არ აძლევდნენ. თბილისი თუ მოგვემს მა-  
ქარს. ნავთს, მანუფაქტურას, ააშხედრო საქურველს, მაშინ ჩვენც გა-  
გატანთ აქედან ყველაფერსო<sup>90</sup>.

საქართველოს მენშევიკური მთავრობის მიერ დამოუკიდებლობის  
გამოცხადების შემდეგ (1918 წ. 26 მაისს), ჩრდილო კავკასიიდან  
სურსათის შემოტანა ერთობ გაძნელდა. ქართველი ეროვნული-დემოკ-  
რატების (ბურჟუაზიულ-ნაციონალისტური პარტია) გაზეთ „საქართ-  
ველოში“ ვინმე ა.—ე მოითხოვდა რომ ჩარეულაყენენ ჩრდილო კავკა-  
სიის საქმეებში, აეღოთ ვლადიკავკაიი. ამით თითქოს უზრუნველყო-  
ვილი იქნებოდა როგორც თერგის ოლქის მცხოვრებთა ინტერესები,  
ასევე საქართველოს ინტერესებიც სურსათის მხრივ. ეს ზომა მას  
აუცილებლად მიაჩნია, რადგან კავკაიითა ცხოვრობს მთელი ხევი და  
მთიულეთი. ბოლშევიკები რომ არ დათანხმდნენ სურსათის თავისუ-  
ფალ გამოშვებაზე, მაშინ მთიულეები იძულებული იქნებიან კარი გაუ-  
ღონ ბოლშევიკებს და შემოუშვან, რათა მიეცეთ საშუალება პურის  
შეძენისა<sup>91</sup>.

როგორც ვხედავთ, ქართველ ბურჟუაზიულ-ნაციონალისტებს სე-  
რიოზულად ეშინოდათ ჩრდილო კავკასიიდან ბოლშევიზმის გავლენის  
შემოქრისა, რადგანაც არ ენდობოდნენ მთიელებს, რომელთათვის

<sup>88</sup> „საქართველო“, 1918, 6/1, № 5.

<sup>89</sup> იქვე, 1918, 6/IV, № 65.

<sup>90</sup> იქვე, 1918 წ. 5/VI, № 10).

<sup>91</sup> იქვე, 1918 8/VI, № 112.

აუტანელი იყო ჩრდილო კავკასიასთან ნორმალური ეკონომიური ურთიერთობის მოშლა. იგივე გარემოება მოელ საქართველოსათვის ჰქმნიდა გადაულახავ სიძნელეებს. ამის შემდეგ კი მენშევიკურა მთავრობის ბატონობის შედეგად საქართველოს სოფლის მეურნეობა დაეცა, შემცირდა მარცვლეულის ნათესი ფართობები, მოსავლიანობა. სასურსათო კრიზისი გამწვავდა. 1918 წ. ივლისის ბოლოს გაზეთ „საქართველოს“ მოწინავე წერდა, რომ რამდენიმე მლნ ფუთი ხორბალი თუ არ შემოვიტანეთ, ადგილობრივი პური ვერ გვიშველისო<sup>92</sup>.

საქართველოში სასურსათო კრიზისმა გამოიწვია ის, რომ სამხრეთ ოსებმა ჩრდილო კავკასიისაკენ იბრუნეს პირი — იქიდან დაუწყეს შემოზიდვა სურსათს. ზ. ედილის აღწერით „უნდა გახედოთ მთელ გზას. რომელიც ლიახვის ხეობიდან პირიქით ოსეთში გადის, ცხენი ცხენს მისდევს სურსათით დატვირთული და ამ გადმოზიდვას დასასრული არა აქვს. გადმოაქვთ უმთავრესად ფქვილი მშვენიერი, თეთრი. ეგრეთწოდებული „კრუპჩატკა“, რომელსაც ადგილობრივ (საზღვრის სიახლოვეს სოფ. ზაკში) ყიდულობენ 70-90 მანეთად, სიმინდი და ქერი. გარდა ამის ამ ბოლო დროს გადმოდის დიდძალი ნავთი, რადგანაც ბაქოდან სრულიად ნავთი აღარ შემოდის, ამიტომაც მთელ ქართლს აწვდიან ნავთსა. ნავთი ცხინვალში ჩამოტანილი 400-500 მანეთად იყიდება ფუთი, სოფლად კი ქართლში ესევე ნავთი 13-15 მანეთად გირვანქა. ეს გზა ვიწრო, ცალფეხა მთავარიანი, ეხლა დიდ სავაჭრო-საქარავნო გზად ქცეულა, რომლის საშუალებითაც ყოველივე სურსათის შემოტანა შეიძლება ჩრდილო კავკასიიდან. ჩვენს მთავრობას დროზედ რომ ენერგია გამოეჩინა და აქ მოეწყო სურსათის გადმოტანის საქმე საქართველოს სამხედრო გზის დაკეტვის შემდეგ. ისე აღარ გაძვირდებოდა თბილისში სურსათის საქმე როგორც ახლანა. თუმცა ოსები ამბობენ, რომ ჩვენ მოპარებით მოგვაქვს სურსათი ყაზახების სტანიცებიდანაო, ვითომ ჩვენივე ოსებისათვისო, თორემ ქართველობისათვის ამიერკავკასიაში გადმოსატანად არაფერს არ გამოგვატანენო“<sup>93</sup>.

სამხედრო ოსეთის გზამ, როგორც ჩანს, უდიდესი მნიშვნელობა მოიპოვა არა მარტო სამხრეთ ოსების, არამედ ქართლის მოსახლეობის სურსათითა და ზოგჯერტი პირველი მოხმარების საგნებით უზარუნველყოფაში. ჩრდილო კავკასიაში მიმდინარე მძაფრი სამოქალაქო ომის გამო მენშევიკურმა საქართველომ სურსათის ნორმალური მიღების შესაძლებლობა დაჰკარგა და ქართველი ხალხი შიმშილობის წინაშე

<sup>92</sup> „საქართველო“, 1918, 31/VII, № 152.

<sup>93</sup> იქვე, 1918, 31/X, № 207.



დადგა. ოსებს თავის საჭიროების საბაბით გადმოჰქონდათ უფრო მეტ-სურსათი, ვიდრე მოიხმარებდნენ და ამ ნამეტს ცხინვალსა და ქართლის სოფლებში ჰყიდდნენ. ამ გარემოებამ და, აგრეთვე, იმან, რომ საქართველოს მენშევიკური მთავრობა ცდილობდა სამხრეთ ოსების თვითგამორკვევისათვის მოძრაობის დათრგუნვას, გამოიწვია სამხრეთ ოსების გადაწყვეტილება კეხვიდან ალაგირამდე გზის გაყვანის შესახებ. ის როკის უღელტეხილით გადადიოდა ზაკში და იქიდან ალაგირში ჩადიოდა. ღარიბმა ოსებმა 1,5 მლნ მანეთი ფული შეკრიბა და უდიდესი ენერგიით შეუდგა გზის გაყვანის სამუშაოებს.

იგივე ავტორი ზ. ედილი წერს, რომ ამ საქმეში ოსებმა მაღალი შეგნება გამოიჩინეს. ეს გზა შექმნის ერთიან, განუყოფელ ოსეთს და ცხოვრებასთან საბრძოლველად უფრო მეტი ძალით გამოვა. ამით ოსეთი კავკასიის შვეიცარიად გადაიქცევა, ჩვენთვის კი საბედისწერო მნიშვნელობა ექნება, რადგან აქ იქნება მეორე დარიალი, რომელსაც ჰატარა ოსეთი ვერ დაიცავს და ჩრდილოეთიდან მოსული მტერი შემოგვესევას<sup>94</sup>.

აღსანიშნავია, რომ ქართულ ბურჟუაზიულ-ნაციონალისტურ წრეებში ამ გზის გასაყვანად წარმოებულმა მუშაობამ დიდი აღშფოთება გამოიწვია. საბჭოთა რუსეთისადმი სიძულვილმა და მისწრაფებამ — შეეკრათ მისთვის ამიერკავკასიისაკენ მომავალი ყველა გზა — გამოიწვია მტრული კამპანია გზის მშენებლობისადმი<sup>95</sup>. ისინი აკრიტიკებდნენ მენშევიკურ მთავრობასაც კი იმის გამო, რომ ასეთი გზის გაყვანის საშუალებას აძლევს ოსებს და ყველა ვიგინდარას ალაყაფის კარებს ჟღებს შუა საქართველოში შემოსასვლელად და სათარეშოდ<sup>96</sup>.

მენშევიკური მთავრობისა და მასთან ბლოკში მყოფი ბურჟუაზიულ-ნაციონალისტური პარტიების ოსებისადმი აშკარა მტრობის მიუხედავად ქართველი და ოსი ხალხები ურთიერთშორის ვაჭრობას, გაცვლა-გამოცვლას განაგრძობდნენ. კორესპონდენციაში „დიდი ლიანვის ხეობა“ დახასიათებულია 1919 წლის დამდეგისათვის შექმნილი მდგომარეობა, სიძვირე მატულობს. „მოვიდნენ ქალაქიდან ვაჭრები და ოსურ კარტოფილს ხარბად ყიდულობენ. ფუთში აქლევენ 40-45 მანათს“. კვირცხის, ერბოს, ყველის ფასებმაც მოიმატა<sup>97</sup>.

„მთა ოსებმა ცხინვალის გამოკვების საქმეში დიდი მონაწილეობა მიიღო წარსულ წელს, — ნათქვამია ერთ კორესპონდენციაში. უწინ, ე. ი. შარშან წინა წლამდე თუ ყოველივე სანოვაგეს და სავაჭ-

<sup>94</sup> „საქართველო“, 1918, 26/X, № 203.

<sup>95</sup> იქვე, 1918, 31/X, № 207.

<sup>96</sup> იქვე, 1918, 5/VI, № 109.

<sup>97</sup> იქვე, 1919, 27/II, № 45.

როს ცხინვალის რაიონიდან ოსეთში მიეზიდებოდნენ, — შარშან მთე-  
ლი წელიწადი ოსები ჩრდილოეთიდან სამხრეთისაკენ, ცხინვალისაკენ  
მიეზიდებოდნენ მრავლად თეთრ ფქვილს, სიმინდს, ნავთს კავკასი-  
მხრიდან, ყველს, მატყლს, თევას, კარტოფილს თვით ამავე ოსების ქვეყ-  
ნიდან. შარშან ოსებს ჩინებული მოსავალი მოუვიდათ, სამყოფზე პეტრ.  
კარტოფილი ხომ აუარებელი მოსვლიათ, და დღეს თბილისის ბაზარზე  
შარტო ოსური კარტოფილია იშოვება. ცხინვალში ახლა ფუთი კარ-  
ტოფილი 50-60 მანეთი ფასობს. თვით ადგილობრივ მთაში 45-50 მან-  
ეთად იყიდება<sup>98</sup>.

იგივე კორესპონდენციაში აღნიშნულია, რომ გზები ცუდია, გა-  
დაზიდვა კი გაძნელებული. იგი აყენებს საკითხს, რომ ოსებს მიეცეთ  
კარტოფილის უკეთესი თესლი, ვიდრე მათ აქვთ, მაშინ თბილისი  
უზრუნველყოფილი იქნება კარტოფილით.

1920 წ. სამხრეთ ოსები აჯანყდნენ მენშევიკური მთავრობის წი-  
ნაღმდეგ და საბჭოთა ხელისუფლება გამოაცხადეს. მენშევიკებმა  
სისსლში ჩაახშეს ეს აჯანყება და მოსახლეობა ჩრდილო კავკასიაში  
გადარქვეს. მათი სარჩო-საბადებელი მენშევიკების გვარდიამ და  
კონტრრევოლუციურმა ბრბოებმა დაიტაცეს და გაანადგურეს. გაზეთ  
„საქართველოში“, რომელიც ოსების მიმართ უმაგალითო რეპრესიებს  
ამართლებდა, აღწერილია ოსეთის დარბევის შედეგად შექმნილი  
მდგომარეობა. ოსეთიდან დიდძალი პირუტყვი გამოარქვეს და ცხინ-  
ვალის ბაზარი ხორცით აივსო, მაგრამ მალე აღარ იქნება იგი. „შემდეგ  
ცხინვალში აღარაფერი იქნება: აღარც ხორცი, აღარც ყველი, ერბო.  
ქათამი, კვერცხი და სხვ. . . აღარ შემოვა მშვენიერი ოსური კარტოფი-  
ლი, რომელიც თბილისის ბაზარზეც უხვად მოდიოდა და თითქმის  
თბილისი ოსური კარტოფილით იკვებებოდა, მრავალი კარტოფილით  
ნათესი მთის ფერდობები გაუთონხნავი დარჩა და წახდა. წელი კი იმ-  
დენი ნათესი იყო კართოფილისა, რომ მთელ თბილისს თამამად ეყო-  
ფოდა“. კორესპონდენციაში მოყვანილია მენშევიკური მაროდერები-  
საგან დარბეული სამხრეთ ოსეთის საზარელი სურათი. „ოსები პურ-  
ზე ცვლიდნენ ხოლმე ხილს ბაზარში“, ახლა კი უპატრონოდ ცვივა და  
ლბებაო<sup>99</sup>.

კორესპონდენცია, რომელსაც ა. ლევანიშვილი აწერს ხელს, იძლევა  
რა დარბეული ოსეთის სურათს და მის ყოფილ ეკონომიურ მნიშვნე-  
ლობას საქართველოსათვის, მოუწოდებს ხელი შეუწყონ ოსთა ადგი-  
ლებზე უკვე დაწყებულ მთიულ-მოხევე-გუდამაყრელთა დასახლებას,  
რათა ცხინვალის საბაზრო მნიშვნელობა კვლავ აღდგესო.

<sup>98</sup> „საქართველო“, 1919, 18/III, № 60.

<sup>99</sup> იქვე, 1920, 20/IX, № 108.

ზემათ უკვე აღნიშნული გვექონდა ხეე-მთიულეთის დამოკიდებულება ვლადიკავკაზე სურსათის მსრივ. სამოქალაქო ომი ჩრდილოეთ კავკასიაში, საქართველოს მენშევიკური მთავრობის მტრული დამოკიდებულება საბჭოთა ხელისუფლებისადმი სერიოზულ დაბრკოლებად აღიმატა მოხვეე-მთიულთა და საერთოდ საქართველოს სურსათით უზრუნველყოფის საქმეში. საქართველოში შიმშილის მსახვრალი ხელო ამოქმედდა. ამ მძიმე პირობებში რუსეთთან სამეურნეო კავშირს განსაკუთრებული მნიშვნელობა ჰქონდა. თვით მძიმე სასურსათო პირობებში ჩაყენებული საბჭოთა რუსეთის ხელისუფლების ორგანოები არ აფერხებდნენ პურის გამოტანას საქართველოს მოსახლეობისათვის. „რაჭის მაზრამ მოახერხა დაემყარებინა კავშირი ბოლშევიკურ თერთან და სასურსათო ოპერაციებს უართო ხასიათი ჰქონდა. . . დღუშეთის გზით იღებდნენ სურსათს არა მარტო დღუშეთის მაზრას რაიონები, არამედ მთელი თბილისიც“<sup>100</sup>.

ჩრდილო კავკასიაში დენიკინის კონტრრევოლუციური ბანდების შემოჭრამ კიდევ უფრო გააუარესა საქართველოს სამხედრო გზით სურსათის გამოტანის საქმე. იმის მიუხედავად, რომ დენიკინს მინშევიკურ საქართველოსთან ბევრი რამ ანათესავებდა (სიძულგოლი საბჭოთა ხელისუფლებისადმი, კლასობრივი ბუნება) და ამ წიდაგზე მათ შორის გარკვეული თანამშრომლობაც იყო, „ერთიანი და განუყოფელი რუსეთის“ მოტრფიალე გენერალი არ იძლეოდა საქართველოში სურსათის შემოტანის ნებას.

დენიკინის მიერ ჩრდილო კავკასიის დაკავების შემდეგ ჩრდილო ოსეთში დამყარდა კონტრრევოლუციური ხელისუფლება, ხელისუფლების მეთაურს ოსეთის მმართველი ეწოდებოდა. რომელონაც არსებობდა საბჭო.

ოსეთის მმართველის საბჭოს სპეციალური საშეებით ჩიმში, ლარსსა და ბალთაში მცხოვრებ მოსახლეობას ნება ეძლეოდათ თავის ოჯახების საჭიროებისათვის გაეტანათ განსაზღვრული ოდინობის მარტოგოლი. ასეთი საშეები მიეცათ დუდაროვებს, დუდუშაურებს. გოდერძიშილის, ქირიკაშვილს და სხვა<sup>101</sup>. გ. დუდუშაურმა 1919 წ. 17 სექტემბერს ნებართვა მიიღო ლარსში გაეტანა 12 ტომარა ხორბლის ფქვილი და 13 ტომარა სიმინდი, ხოლო ს. ალიბეგაშვილმა 6-6 ტომარა ხორბლის ფქვილი და სიმინდი. ალიქსი კვირიევს 10 ტომარა ხორბლის ფქვილის და 12 ტომარა სიმინდის, ანდრია ქირიკაშვილს 6-6 ტომარა ხორბლის

<sup>100</sup> გაზ. „სახალხო საქმე“, 1919, 23 VII, № 582; ნ. მ ა ხ ა რ ა ძ ე, დიდი ოქტომბრის გამარჯვეა საქართველოში, თბილისი, 1967, გვ. 181.

<sup>101</sup> ИЛГА СО АССР, ф. Р-8, оп. I, д. 5, лл. 36, 40-44, 54-56.

ფქვილის და სიმინდის, იაგორ ღუღუშაურს რვა ტომარა ხორბ. ფქვილის, 12 ტომარა სიმინდის გატანის ნებართვა ჰქონდათ<sup>102</sup>.

არის სხვა საბუთებიც, საიდანაც ჩანს, რომ ლარსელ და ბალთელ მცხოვრებთ (საქართველოს სამხედრო გზაზე მდებარე პუნქტები საქართველოს საზღვართან ახლოს) დიდი ოდენობით გამოჰქონდათ სურსათი. მაგ. 1919 წ. სექტემბერში ლარსელმა ხატახცკო ქუნდუხოვმა მიიღო ნებართვა 400 ფ. ფქვილის, 160 ფ. კარტოფილის და 50 ფ. სამარხვო ზეთის გატანის შესახებ<sup>103</sup>. ასეთი ნებართვები სხვებსაც ჰქონდათ.

რა თქმა უნდა, ლარსსა და ბალთაში იმდენი მოსახლეობა არ იყო, რამდენსაც მისი საჭიროების საბაბით სურსათს ეზიდებოდნენ. ამ სასაზღვრო პუნქტებიდან სურსათი ხვდებოდა ხევსა და საქართველოს სხვა რაიონებშიც კონტრაბანდული გზით. ეს გარემოება შეუძენვეელი არ დარჩა ჩრდილო კავკასიის დენიკინურ მმართველობას. მათ 1919 წ. 2 ოქტ. მიმართეს ოსეთის მმართველს, რომ ვლადიკავკაიიდან დიდი რაოდენობით გააქვთ ფქვილი ლარსში, რომლის მოსახლეობაც უმნიშვნელოა. ამის გამო ზედმეტი ფქვილი ამ სოფლის მცხოვრებლებმა შეიძლება მისცენ საქართველოს, სადაც ჩრდილო კავკასიიდან ყოველგვარი პროდუქცია და საქონლის გატანა კატეგორიულად აკრძალულიაო. ისინი მოითხოვდნენ ლარსში პროდუქტების გატანაზე ნებართვის გაცემის შეზღუდვას<sup>104</sup>.

1919 წ. ივლისში ჩრდილო კავკასიის დენიკინურმა სარდლობამ სამხრეთ ოსეთის საჭიროებისათვის საქართველოში 100 ათასი ფ. სიმინდის გატანის ნება დართო<sup>105</sup>. გენერალ ერდელის განკარგულებით 1 აგვისტოს ოსეთის მმართველს დაევალა გაეცა კობი-თრუსოს ოსური მოსახლეობისათვის 10 ათასი ფ. სიმინდი, ოღონდ მცირე პარტიებად და მკაცრი თვალყური ედევნებინა იმისათვის, რომ სიმინდი საქართველოში არ მოხვედრილიყო. მართლაც, სიმინდის გასატან პარტიაზე ნებართვა წარედგინებოდა გენერალ ვადბოლსკის შტაბს და ეს საქმე ორმაგი კონტროლის ქვეშ იყო<sup>106</sup>.

აღნიშნული სიმინდი, მკაცრად აღრიცხული, ურმებით მიჰქონდათ სადგურ კობში, საიდანაც უნდა განაწილებულიყო დამშეულ მოსახლეობაზე. 1919 წ. 9 სექტემბრისათვის დენიკინის სამხრეთ რაიონების ჯარების სარდალს გენერალ ვადბოლსკის ოსეთის მმართველის საბჭოს სა-

<sup>102</sup> ი ქ ვ ე, ფ. 65—69.

<sup>103</sup> ИГА СО СССР. ф. Р-8, оп. I, д. 5, л. 90.

<sup>104</sup> ი ქ ვ ე, ფ. 115.

<sup>105</sup> ი ქ ვ ე, ფ. Р-8, ფ. 1, ო. 15, ფ. 2.

<sup>106</sup> ი ქ ვ ე, ფ. 3, 5, 7, 10, 16, 18.

სურსათო განყოფილების გამგე ატყობინებდა, რომ საქართველოს სამხედრო გზის მიდამოებში მცხოვრებ ოსთათვის გამოყოფილი 10 ათასი ფ სიმინდი გატანილი და დანიშნულებისამებრ განაწილებულ იქნა<sup>107</sup>.

1919 წ. 5 ოქტომბერს ჩრდილო კავკასიის ცალკეულ ოკრუგთა სავრთო მმართველობის თავმჯდომარემ ოსეთის მმართველს აცნობა, რომ მართალია სამხრეთ ოსეთისათვის 100 ათასი ფუთი სიმინდის გატანის ნებართვა იყო, მაგრამ ახლა ჩრდილო კავკასიის ჯარების სარდლობა საქართველოში ყოველგვარი ტვირთების გატანა აკრძალა და წინანდელი განკარგულებები გაუქმებულიათ<sup>108</sup>.

მაგრამ ყოველგვარი აკრძალვის მიუხედავად, საქართველოში სურსათი მეტნაკლები ოდენობით მაინც შემოდის. ოსები საქართველოსთან გაცვლა-გამოცვლის აუცილებლობას კარგად გრძნობდნენ. 1920 წ. თებერვალში ჩრდილო ოსეთის მმართველობა ვლადიკავკავის რაზმის უფროსს ატყობინებდა, რომ მან რწმუნება მისცა ალექსანდრე ხოსროვესა და ანკალ აგნაევს საქართველოს სამხედრო გზით გაეტანათ საქართველოში ექვსი ათასი ფ სიმინდი, ათასი ფუთი ხორბლის ფქვილი და 500 ცალი ნედლი ტყავი სხვადასხვა საქონელზე გასაცვლელად. აღნიშნულ პირებს საქონლის გატანაში დაბრკოლება არ შეუქმნათ<sup>109</sup>.

1918 წლის შემოდგომაზე ჩრდილო ოსეთის სოფ. მაგომეტანსკოეს (ახლანდელი ჩიკოლა) მცხოვრებმა ძამურზა ცორიევმა ქუთაისში სიმინდი გადაცვალა 70 ათას ცალ უმაღლესი ხარისხის პაპიროსზე, რომლის ღირებულებას 20 ათას მანეთად ანგარიშობდა. ამ პაპიროსებს ნალჩიკში ჰყიდდა. ბოლშევიკებმა კონფისკაცია უყვეს მის საქონელს. როცა ნალჩიკი დენიკინის ჯარებმა დაიკავეს, ის სთხოვდა ოსეთის მმართველს, მისთვის საქონელი ან მისი ღირებულება დაებრუნებინათ<sup>110</sup>.

დენიკინის ბანდების განადგურების შემდეგ ჩრდილო კავკასიაში საბჭოთა ხელისუფლება დამყარდა. მენშევიკური მთავრობის აშკარა მტრობის გამო საბჭოთა ხელისუფლებისადმი, მთის რესპუბლიკის მთავრობა კრძალავდა სურსათის შემოტანას საქართველოში. ამის მიუხედავად, დამშუფული ქართველი მთიელებისათვის გარკვეული ზომით უშეზღუნენ სურსათის გამოტანას. მთის რესპუბლიკის სასურსათო კომისარიატის ვლადიკავკავის დამზადების კანტორამ 1920 წ. ივნის-ოქტომბერში უამრავი საშვი გასცა მოხვევებსა და მთიელებზე მარცვლიულის გასატანად ყაზბეგში, არშაში, გერგეტში, ყანობში, მღეთში, აგრეთვე კო-

107 ЦГА СО АССР, ф. Р—8, оп. 1, д. 16, л. 49—50.

108 ი ქ ე ე, ფ. 61. -

109 ი ქ ე ე, ფ. 121.

110 ი ქ ე ე, საქმე 34, ფ. 1.

ბის, განისის, ბაიდარის ოსებზე. თბილისში მომავალ ოთხთვალეებსა და საზიდრებს ნებას აძლევდნენ ფურაჯის სახით სიმინდის განსაზღვრული ოდენობა გაეტანათ<sup>111</sup>. სამხედრო გზით მომავალ ლტოლვილებსაც ერთი თვის მარაგ მარცვლეულს ატანდნენ.

საქართველოში შექმნილი მძიმე სასურსათო პირობებით სარგებლობდნენ მენშევიკური მთავრობის მოხელეები, ოფიცრები, მღვდლებიც კი და სპეკულაცია დაიწყო. მენშევიკების მომარაგების მინისტრის რწმუნებით აღჭურვილმა ქელიძემ ჩრდილო კავკასიიდან რესპუბლიკის საპირობებისათვის 4-ჯერ გამოიტანა პური და ოთხჯერვე დიდი ბოროტ-მოქმედება ჩაიდინა. გზაზე ყიდდა სპეკულაციურ ფასებში და შემდეგ მთავრობას ატყუებდა — ლარსში ჩამომართევსო<sup>112</sup>.

1921 წლის 25 თებერვალს თბილისის თავზე საბჭოთა ხელისუფლების დროშა აფრიალდა. ამ გარემოებამ საქართველოს მთის რესპუბლიკასთან (რომლის შემადგენლობაშიც 1924 წლამდე შედიოდა ჩრდილო ოსეთიც) ეკონომიურ ურთიერთობაში არსებითი ხასიათის გარდატეხა მოახდინა. პოლიტიკური ხასიათის ყველა დაბრკოლება აღმოფხვრილ იქნა. თვით დიდი სასურსათო სიძნელეების წინაშე მდგარმა ჩრდილო ოსეთმა მეგობრულად გაეწოდა ხელი საქართველოს დამშეულ მოსახლეობას. საქართველოს სახალხო მეურნეობის უმაღლესი საბჭოს პრეზიდიუმმა 1921 წ. 1 აპრილს დაავალა სახელმწიფო ნაგებობათა კომიტეტს სასწრაფოდ გაეწმინდათ გზა თბილისსა და ვლადიკავკავს შორის იქიდან 300 ათასი ფ სიმინდის გადმოსატანად. საქართველოს სამხედრო გზით კავშირის გაწყვეტა არახელსაყრელიაო<sup>113</sup>.

სასწრაფოდ დაიწყო სარემონტო სამუშაოები საქართველოს სამხედრო გზაზე, რათა თბილისისა და საქართველოს სხვა რაიონებისათვის სურსათის გადმოზიდვა არ შეფერხებულიყო. 1921 წ. 7 აპრილს სახელმწიფო ნაგებობათა კომიტეტის თავმჯდომარე ქურდიანი ატყობინებდა სახალხო მეურნეობის უმაღლესი საბჭოს თაიმჯდომარეს, რომ გზა გაწმენდილია და საავტომობილო მიმოსვლა გაიხსნებაო<sup>114</sup>. ჩრდილო ოსეთში ფართოდ დაიწყო მარცვლეულის დამზადება საქართველოსათვის. შემონახულია მთის რესპუბლიკის სასურსათო სახალხო კომისრის განკარგულება დიგორიის სასურსათო კომისრისადმი სასწრაფოდ დაიზადებინა და გადაეცა საქართველოს რწმუნებულის წარმომადგენლის განკარგულებაში 6700 ფ სიმინდი<sup>115</sup>.

<sup>111</sup> ЦГА, СО АССР, ф. Р—147, оп. 1, д. 1, I—117.

<sup>112</sup> გაზ. „საქართველო“, 1920, 27/XI, № 160.

<sup>113</sup> საქ. ცთა, ფ. 318, ან წ. 1, საქმე 27, ფ. 2, 3.

<sup>114</sup> საქ. ცთა, დსახ. ფონდი, ფ. 47; გაზ. „კომუნისტი“, 1921, 17 აპრილი.

<sup>115</sup> ЦГА СО АССР, ф. 147, оп. 1, д. 2, Л. 19.

საქართველოდან ჩრდილო-ოსეთში გაჰქონდათ მანუფაქტურულ ნაწარმი, შაქარი, სახარინი, ტყავეული და სხვ. საქართველოდან მათა გატანის ყოველგვარი შეფერხება ვლადიკავკაის ბაზარზე ამ საქონელზე ფასების ზრდას იწვევდა<sup>116</sup>.

საქართველოს გასაბჭოებისთანავე უდიდესი ყურადღება მიექცა სამხედრო ოსეთის გზასაც, რომელიც უდიდეს როლს თამაშობდა რაჭა-ლეჩხუმის და დასავლეთ საქართველოს მარცვლეულით მომარაგების საქმეში. ამ გზის მეორე განშტოებით, რომელიც როკის უღელტეხილზე გადმოდის, მარცვლეული შემოჰქონდათ დიდი ლიახვის ხეობაში და შემდეგ იგი ბარის რაიონებსაც აღწევდა.

სამხრეთ ოსებს, მენშევიკი მტარვალებისაგან აწიოკებულსა და სამშობლოდან გაძევებულს, საქართველოში საბჭოთა ხელისუფლების დამყარების შემდეგ საშუალება მიეცათ დაბრუნებოდნენ მამა-პაპეულ კერას, აღედგინათ იგი და კვლავ ჩაბმულიყვნენ ქართველ ხალხთან ტრადიციულ ეკონომიურ ურთიერთობაში, რომელსაც ამიერიდან ფარცო გასაქანი მიეცა.

საბჭოთა ხელისუფლების გამარჯვება ჩრდილო კავკასიასა და საქართველოში იყო უდიდესი მნიშვნელობის პოლიტიკური მოვლენა, რომელმაც ქართველი და ოსი ხალხების ისტორიულ ბედზე გადამწყვეტი გავლენა მოახდინა. ამიერიდან ამ ხალხების ეკონომიური ურთიერთობა გეგმაზომიერ ხასიათს იღებს, ფართოვდება და ღრმავდება. მისთვის უცხო ხდება რაიმე სახის პოლიტიკური შეფერხება და მისი ზრდა რამოკიდებული ხდება მხოლოდ და მხოლოდ ამ ხალხების სამეურნეო განვითარებაზე.

### § 3. კულტურული ურთიერთობა

XX ს. დამდეგისათვის ოსი ხალხი კულტურულად საკმაოდ დაწინაურდა. ამ დროისათვის შექმნილი ოსური ინტელიგენციის მოწინავე ნაწილი დაუცხრომლად ზრუნავდა თავისი ხალხის კულტურის შემდგომი აღმავლობისათვის. კოსტა ხეთაგუროვმა მტკიცე საფუძველი ჩაუყარა ოსური ლიტერატურის განვითარებას, სალიტერატურო ენის გაფორმებას. მისი მებრძოლი პოეზია, მგრძნობიარე ლირიკა, მახვილი პუბლიცისტიკა ცხოველყოფელ გავლენას ახდენდა ოსური კულტურის მოღვაწეთა მთელ შემდგომ თაობებზე.

1905-1907 წწ. რევოლუციამ, შემდეგ 1917-1921 წწ. მღელვარე ამბებმა განსაზღვრეს ოსური კულტურის განვითარებაში ორი — დე-

<sup>116</sup> П ртaрхив СО Обкома КПСС, ф. 1849, оп. I, ед. хр. 46, л. 73; ф. 4, оп. 1, ед. хр. 8, л. 42 .

მოკრავი და რეაქციული მიმდინარეობის საბოლოო გაფორმება. დემოკრატიული მიმართულება ემსახურებოდა პროგრესის გზაზე ოსი ხალხის გამოყვანის ინტერესებს, მისი კულტურის, ლიტერატურის, სწავლა-განათლების ინტერესებს, რეაქციული მიმდინარეობა კი მას ჩამორჩენილობისაკენ, უკან ეწეოდა. პირველი მიმდინარეობა ოს ხალხს აკავშირებდა რუსი, ქართველი და სხვა მეზობელი ხალხების მოწინავე წრეებთან, მათ განმათავისუფლებელ მოძრაობასთან. იგი თავის ბუნებით ინტერნაციონალისტური იყო. მეორე კი დაკავშირებული იყო რეაქციულ წრეებთან, ატარებდა ნაციონალისტურ ხასიათს, ემსახურებოდა აღდარულ-ბადელიატური (ოსი ფეოდალური წრეები) და წვრილბურჟუაზიული ფენების — გაბატონებული კლასის ინტერესებს.

აღნიშნულ პერიოდში უფრო გაცხოველდა ქართველი და ოსი ხალხების კულტურული ურთიერთობა. ამ ურთიერთობის მთელი რიგი მომენტები გალრმავდა და გაფართოვდა. რევოლუციის გავლენით განვითარდა ოსური ლიტერატურა. ორიგინალური ნაწარმოებების შექმნის გარდა ითარგმნებოდა ლიტერატურა სხვა ენებიდანაც. ქართულიდან ითარგმნა ა. ყაზბეგის მოთხრობები „ნინა“, ბერდია“, პიესა „არსენა“, ი. გოგებაშვილის „იავნანამ რა ჰქმნა“, ა. ცაგარელის „ხანუმა“ და „რაც გინახავს, ველარ ნახავს“<sup>117</sup>.

თბილისი კვლავ რჩებოდა კავკასიის კულტურულ ცენტრად. თბილისში აღიზარდა ოსური კულტურის მოღვაწეთა მთელი არმია, რომელმაც სახალხო განათლების დარგში თავის ხალხს დიდი ამაგი დასდო.

XX ს. დასაწყისისათვის თბილისში უკვე მნიშვნელოვანი ოდენობით ცხოვრობდა ოსური მოსახლეობა, როგორც სამხრეთ, ასევე ჩრდ. ოსეთიდან. ბევრი ოსი მუშაობდა რკინიგზის სახელოსნოებსა და საორთქმავლო დეპოში, ტრამვაიზე, ფაბრიკა-ქარხნებში, კუსტარულ ხელოსნებად. აქვე იყო თავმოყრილი ბევრი ოსი ინტელიგენტიც — მასწავლებლები, ექიმები, სხვადასხვა რანგის ჩინოვნიკები. ამ მოსახლეობის მოწინავე წრეები ქართველი მოღვაწეების მხარდაჭერით ცდილობდნენ ხელი შეეწყოთ ოსური კულტურის განვითარებისათვის. 1905-7 წწ. რევოლუციის პერიოდი ყველა ხალხის ეროვნული შეგნების გამოღვიძებით აღინიშნა. ამ მხრივ არც ოსი ხალხი იყო გამონაკლისი.

<sup>117</sup> X. H. A p d a s e n o v, Революция 1905—1907 годов и осетинская литература, Изв. СОНИИ, т. XIX, 1957, стр. 6.



ოსი ინტელიგენციის მოწინავე წრეებმა. კარგად იგრძნეს ბეჭდვითი სიტყვის უდიდესი მნიშვნელობა ხალხის ეროვნული თვითშეგნების გამოღვიძებაში, მის კულტურულ წინსვლაში და ვლადიკავკაზში 1906 წელს შექმნეს ოსური წიგნების საგამომცემლო საზოგადოება „ირ“ („ოსეთი“). ამ საზოგადოების ამოცანა იყო ოსი მწერლებისა და პოეტების ნაწარმოებების გამოცემა, ოსურ ენაზე პერიოდული პრესის შექმნა.

1906 წ. მაისში, თბილისში შეიქმნა „ოსური საგამომცემლო საზოგადოება“. მის გამგეობაში შედიოდნენ პედაგოგები ნიკოლოზ და ქრისტეფორე (ფორა) ჭიოყევი, ბიძინა კოჩიევი, ნიკოლოზ თომაევი, კერძო მეწარმე სანდრო ქურდათოვი, სკოლის მეთვალყურე პეტრე თედეევი, აგრონომი მაქსიმ (თათა) რამონოვი და სხვ. პირველი თემჯდომარე საზოგადოებისა იყო ქრისტეფორე ჭიოყევი, რომელიც ინალ სობიევმა (ინჟინერმა) შეცვალა<sup>118</sup>.

საზოგადოების წესდებით მისი შემოსავლის წყარო იყო საწევრო შესატანები, შეწირულობანი, სპექტაკლებისა და კონცერტებიდან შემოსული თანხები. ამის გამო, საზოგადოებასთან ორგანიზებულ იქნა დრამატიული წრე, რომლის წევრებიც იყვნენ მასწავლებლები, მოსწავლეები, მუშა-მოსამსახურეები. 1906 წ. 24 მაისს, სასტუმრო „ვეტცელში“ (ახლანდელი მოზარდ მაყურებელთა რუსული თეატრი პლენხანოვის პროსპექტზე) ოსურმა დრამატიულმა წრემ პირველი ოსური წარმოდგენა გამართა. მისი შემოსავალი უნდა გადასცემოდა თბილისში მოსწავლე ხელმოკლე ოს ახალგაზრდობას. სპექტაკლის დასაწყისში ოსური საგამომცემლო საზოგადოების გამგეობის ერთ-ერთმა წევრმა ილაპარაკა თეატრის აღმზრდელით და საზოგადოებრივი მნიშვნელობის შესახებ. ნაჩვენები იქნა ე. ბრიტაევის პიესები „სირცხვილს სიკვდილი სჯობს“ და „რუსეთუმე“ („რუსეთში ნამყოფი“). ამის შემდეგ დაიდგა ცოცხალი სცენები ოსი ხალხის ცხოვრებიდან, შესრულდა ოსური ხალხური სიმღერები. საღამო დასრულდა კოსტას ნაწარმოებთა კითხვით და ოსური ცეკვებით. სპექტაკლმა დიდი ინტერესი გამოიწვია. მას ოსების გარდა სხვა ეროვნებათა წარმომადგენლებიც ესწრებოდნენ<sup>119</sup>.

ოსორმა დრამატიულმა წრემ აღნიშნული სპექტაკლი გაიმეორა ცხინვალში 1906 წ. 18 ივლისს. მან დიდი წარმატებით ჩაიარა. ოსური სპექტაკლის დადგმას ცხინვალში დიდი აღფრთოვანებით შეხვდა ქართული და სომხური საზოგადოებაც. გაზ. „ტერეკ“ აღნიშნავდა, რომ

<sup>118</sup> В. Ц а б а е в, Юго-Осетинский театр, Цхнпвали, 1961, стр. 22.

<sup>119</sup> გაზ. «Тифлисский листок», 1906, 24/V, № 1061; В. Ц а б а е в. დასახ. ნაშრ., გვ. 22—23.

სცენა ლამაზად მოაწყეს ნ. ცინცაძემ (ია ეკალაძე), ზ. მაჩაბელმა და გ. ოვანოვმა.

სპექტაკლის დაწყებამდე შესავალი სიტყვა წარმოითქვა, რომელშიც აღნიშნული იყო თეატრის დიდი აღმზრდელობითი და ხალხის შემაკავშირებელი მნიშვნელობა. ამ სიტყვის შემდეგ ორატორს ქართულ ენაზე ადრესი მიართვა ნ. ცინცაძემ. ქართველი ლიტერატორების სახელით ის წარმატებას უსურვებდა ოსურ ლიტერატურას. იგი წაიკითხა და თარგმნა ოსურად ექვთიმე (ეფიმ) გულიევიმა. საზოგადოებამ მოითხოვა თვით ავტორს წაეკითხა ადრესი, რაც შესრულდა კიდევ. სპექტაკლის დამთავრების შემდეგ შესრულებული იქნა ოსური ცეკვები<sup>120</sup>.

წრემ ჯავაში, ბრიტანეთში გაიმეორა თავის სპექტაკლები და ყველგან დიდი მოწონება დაიმსახურა. ეს იყო ოსური თეატრალური ხელოვნებისათვის ერთგვარი საფუძვლის ჩაყრა, ოსი ხალხის დიდი ეროვნული დღესასწაული. ვ. ცაბაევი აღნიშნავს, რომ ოსური დრამატული წრის პირველი სპექტაკლებიდანვე გამოისახა ის დამახასიათებელი ნიშნები, რაც ოსურ თეატრს მთელი თავისი არსებობის პერიოდში მოჰყვებოდა და ახლაც ახასიათებს — ხალხის ცხოვრებასთან ცოცხალი კავშირი, დემოკრატიზმი, ქართულ და რუსულ თეატრებთან უწყვეტი შემოქმედებითი ურთიერთობა<sup>121</sup>.

თბილისის „ოსურმა საგამომცემლო საზოგადოებამ“ გადაწყვიტა გაზეთის გამოცემა ოსურ ენაზე. მისთვის თანხების შესაგროვებლად მომზადდა მორიგი ოსური წარმოდგენა, რომელიც შედგა თბილისში, თეატრ „რენესანსის“ შენობაში (აწინდ. პლენანოვის პროსპექტზე). 1907 წ. 28 თებერვალს ქართულმა გაზეთმა „ისარმა“ სათანადო განცხადება დაბეჭდა. საღამომ დიდი წარმატებით. ჩაიარა. ბილეთები წინდაწინვე გაიყიდა. მრავალი ესწრებოდა ისეთიც, რომელმაც ოსურ ენა არ იცოდა. თბილისში 1907 წ. 8 მარტიდან გამოსულმა ოსურმა გაზეთმა „ნოგ ცარდმა“ („ახალი ცხოვრება“) თავის პირველივე ნომერში დადებითი შეფასება მისცა ოსური დრამატული წრის საქმიანობას<sup>122</sup>.

1907 წ. შეიქმნა სახალხო უნივერსიტეტების თბილისის საზოგადოება. ამ საზოგადოებაში სხვა ეროვნებათა სექციებთან ერთად, არსებობდა ოსური სექციაც. ოსურმა სექციამ მოზრდილთათვის დააარსა ოსური საღამოს სკოლა, ატარებდა პოპულარულ ლექციებსა და სა-

<sup>120</sup> «Терек», 1906, № 100; Ц а б а е в, დასახ. ნაშრ., გვ. 26.

<sup>121</sup> В. Ц а б а е в, დასახ. ნაშრ., გვ. 27.

<sup>122</sup> „ნოგ ცარდ“, 1907, 8/III, № 1.

ებრებს. ამ სექციამ შექმნა თავის დრამატული წრე, რომელიც გამოდი-  
ოდა ე. წ. „აქვალის სახალხო აუდიტორიაში“. მისი სპექტაკლები გა-  
თვალისწინებული იყო მუშებისათვის და ბილეთებიც იაფი იყო. აქვე  
მოქმედებდა ქართული დრამატული წრეც. ეს წრე ოს მოყვარულებს  
„მესაძლებლობის ფარგლებში“ დახმარებას უწევდა, ოსური სპექტაკ-  
ლების მასობრივ სცენებშიც კი მონაწილეობდა. აქვე ჩაისახა ოსური  
დრამატული წრის მეგობრობა მუშა-რკინიგზელთან, ქართული დრა-  
მატული წრის საუკეთესო წარმომადგენელთან — ნიკო გოცირიძესთან.  
შემდეგში საქართველოს სსრ სახალხო არტისტთან. ნიკო გოცირიძე  
15 წელი უსასყიდლოდ უწევდა რეჟისურას ოსურ სპექტაკლებს, ეხმა-  
რებოდა მათ ტექნიკურ გაფორმებას<sup>123</sup>.

უაღრესად დიდი მნიშვნელობა ჰქონდა ოსთა შორის კულტურულ  
-საგანმანათლებლო საქმეში ოსური დრამატული წრეების საქმიანობას  
თბილისში. ოსური სპექტაკლების გარდა ისინი დგამდნენ რუსი და  
ქართველი დრამატურგების ნაწარმოებებსაც. 1909 წ. ოსური დრამა-  
ტიული წრის რეპერტუარში შევიდა ა. ცაგარელის სამაქტიანი კომედია  
„ჰკუისა მკირს“, რომელიც ქართულიდან თარგმნა ნიკოლოზ ატა-  
ევმა<sup>124</sup>.

1909 წ. თბილისში უკვე არსებული „ოსური საგამომცემლო სა-  
ზოგადოების“ გარდა წარმოიშვა მეორე საგამომცემლო საზოგადოება  
„საგანმანათლებლო-საგამომცემლო საზოგადოება „რუხს“ (სინათ-  
ლე). მისი დამაარსებლები ძირითადად მუშათა წრიდან იყვნენ და  
პირველთან შედარებით იგი უფრო დემოკრატიული იყო. ამას მიუდგ-  
ნენ სახალხო უნივერსიტეტის ოსური სექცია და მისი დრამატული  
წრეც. ოსური წარმოდგენები იმართებოდა თეატრ „რენესანსის“ შე-  
ნობაში, ზუბალაშვილების სახელობის სახალხო სახლში (მარჯანიშვი-  
ლის სახ. თეატრი), სახაზინო (ახლანდელი ოპერისა და ბალეტის) თეატ-  
რში და სხვ.

1910 წ. 15 მარტს საზოგადოება „რუხსთან“ არსებულმა დრამ-  
წრემ დადგა რ. ერისთავის კომედია „ჭერ დაიხოცნენ, მერე იქორწი-  
ნეს“, თარგმნილი ი. თომავეის მიერ<sup>125</sup>.

ოსური დრამწრე 1911 წელს ამზადებდა ტრ. რამიშვილის პიესას  
„მეზობლები“, რომელიც რევოლუციური შინაარსისა იყო. ცენზურაპ  
ამის გამო იგი მათი რეპერტუარიდან ამოვადლო<sup>126</sup>.

<sup>123</sup> В. Ц а б а е в, დასახ. ნაშრომი, გვ. 29.

<sup>124</sup> ი ქ ე ე, გვ. 31.

<sup>125</sup> В. Ц а б а е в, დასახ. ნაშრომი, გვ. 34.

<sup>126</sup> ვაზ. „Закавказская речь, 1911, № 240; В. Ц а б а е в, დასახ. ნაშრ.,  
გვ. 35.

1911 წ. 19 მარტს, კოსტა ხეთაგუროვის გარდაცვალების 5 წლის-  
თავთან დაკავშირებით, ზუბალაშვილის სახელობის სახალხო სახლში  
წარმოდგენილ იქნა კოსტას პიესა „დუნია“, წარმოდგენას ბევრი ხალ-  
ხი დაესწრო, მათ შორის ქართველებიც, რუსებიც, სომხებიც. მასზე წა-  
კითხულ იქნა მოხსენება ალ. თიბილოვის მიერ კოსტას ცხოვრებისა და  
მოღვაწეობის შესახებ. წარმოდგენის შემდეგ წაიკითხეს მისი ლექსები,  
დადგეს ცოცხალი სურათები მისი ნაწარმოებების მიხედვით<sup>127</sup>.

ოსური დრამწრის რეპერტუარში 1911—1912 წწ. სეზონში შევიდა  
კ. ყიფიანის „კვირისთავი დატრილდა“ — ერთმოქმედებიანი ვოდე-  
ვილი. 1912 წ. 31 მარტს ოსურმა დრამწრემ სახალხო სახლში წარმო-  
ადგინა ნ. გოცირიძის დადგმით ა. ცაგარელის პიესა „რაც გინახავს ვე-  
ლარ ნახავ“ (პეტრე თედევის თარგმნილი). საზოგადოებამ აღნიშნუ-  
ლი სპექტაკლი კარგად მიიღო. როგორც გაზ. „ტფილისკი ლისტოკის“  
რეცენზენტი წერდა, პიესა კარგად ითამაშეს, ორიგინალის კოლორიტი  
ოსი მსახიობების თამაშით არ დარღვეულა. ამაში ნ. გოცირიძეს დიდი  
დამსახურება მიუძღვისო<sup>128</sup>.

1912 წ. ოსური დრამწრის რეპერტუარში შევიდა ა. ცაგარელის  
კომედია „ციმბირელი“. იგი დადგა ნ. გოცირიძემ. წარმოდგენამ დიდი  
წარმატებით ჩაიარა. დამდგმელს საზოგადოებამ ალტაცებული შეზღე-  
დრა მოუწყო<sup>129</sup>.

1914-1915 წწ. ოსურმა დრამწრემ თავისი რეპერტუარი გაამდი-  
დრა ოსური პიესების გარდა ქართული დრამატული ნაწარმოებები-  
თაც. ასეთები იყო „ორი მშვიერი“ დ. აწყურელისა, „ადამ და ევა“  
— დ. მესხის ერთმოქმედებიანი ვოდევილი, ა. ყაზბეგის „არსენა“.  
1917 წ. ოსური დრამწრის რეპერტუარში შევიდა პ. ირიტელის მიერ  
ინსცენირებული ეგ. ნინოშვილის ნაწარმოები „ქრისტინე“. ყველა  
დასახილგებელი ქართული დრამატული ნაწარმოები სისტემატურად  
იდგმებოდა<sup>130</sup> ოსური დრამწრის არსებობის მთელ მანძილზე. თბი-  
ლისის ოსური დრამწრე წარმოდგენებს მართადა საქართველოში  
მენშევიკების ბატონობის შავბნელ ხანაშიც, თუმცა ძალიან შეზღუ-  
დულად და დიდი სიძნელეების პირობებში.

ჟღერესად დიდი მნიშვნელობა ჰქონდა ოსური დრამატული წრის  
მუშაობას თბილისში. იგი არა მარტო ოსური მოსახლეობის გროვულ-  
კულტურულ მოთხოვნილებათა დაკმაყოფილებას ემსახურებოდა.

<sup>127</sup> გაზ. «Тифлисский листок», 1911, № 100.

<sup>128</sup> გაზ. «Тифлисский листок», 1912, 3/IV; ვ. ც ა ბ ა ე ვ ი. დასახ. ნაშრომი, გვ. 37—38.

<sup>129</sup> «Тифлисский листок», 1912, 24/V, № 117.

<sup>130</sup> В. Ц а б а с в, დასახ. ნაშრომი, გვ. 46—47, 51.

არამედ ეწეოდა აგრეთვე ქართული კულტურის პოპულარიზაციას ოსებში.

ქართული დემოკრატიული საზოგადოება აქეზებდა და ხელს უწყობდა ოსთა კულტურულ-საგანმანათლებლო მუშაობას თბილისში. ნიკო გოცირიძე უანგარო დახმარებას უწყევდა ოსებს თეატრალური მუშაობის ორგანიზაციაში. ქართულიდან თარგმნილი წარმოდგენები თითქმის ყველა მისი დადგმული იყო. ქართული გაზეთები უფასოდ ბეჭდავდნენ მათ განცხადებებს წარმოდგენების გამართვის შესახებ. აქვეყნებდნენ რეცენზიებს, ანგარიშებს. მაგ., გაზეთმა „ჩვენმა აზრმა“ დაბეჭდა რეცენზია ე. ბრიტაევის პიესა „ორ დაზე“. მასში აღნიშნული იყო როლების საუკეთესო შესრულება და დამსწრე საზოგადოების სიმრავლე. წარმოდგენას ოსების გარდა, სხვა ეროვნების ხალხიც ესწრებოდათ<sup>131</sup>.

მაგრამ ზემოთ დასახელებული საზოგადოებები მარტო თეატრალური წარმოდგენების დადგმით არ შემოიფარგლებოდნენ. ისინი ეწეოდნენ საგამომცემლო მუშაობასაც, სცემდნენ ოსი მწერლებისა და პოეტების ნაწარმოებებს, სახელმძღვანელოებს ოსური ენის შესასწავლად. მათ დიდი წვლილი მიუძღვით ოსურ ენაზე პერიოდული პრესის შექმნის საქმეში.

პირველი ოსური გაზეთი „ირონ გაზეთ“ ვლადიკავკაეში გამოიცა 1906 წ. 23 ივლისს. მის გამოსვლას მთელი ოსური პროგრესული საზოგადოებრიობა აღტაცებით შეხვდა. ასევე აღთრთოვნებით შეხვია მას ქართული საზოგადოებრიობაც. გაზეთ „შრომაში“ ვინმე გიორგი წერდა. რომ „ამ ბოლო დროს ჩრდილოეთ ოსეთში შესამჩნევად გაარცოვდა განათლება. ოსობა ფეხზე წამოდგა და საოცარის გატაცებით დაეწაფა თანამედროვე კულტურას და ცივილიზაციას... ეს ერთი ხანია იქაური მოსწავლე ახალგაზრდობა და მასწავლებლები გულმოდგინედ შეუდგნენ წიგნაკებისა და ეხლა გაზეთის გამოცემასაც კი. 23 ივლისს გამოვიდა პირველი ოსური გაზეთი „ირონ გაზეთ“, რომლის მიმართულებაც როგორც პირველი ორი ნომრიდან ჩანს, პროგრესულია...“

თანამედროვე განმათავისუფლებელ მოძრაობაში იქითა მხარის ოსებმა მხურვალე მონაწილეობა მიიღეს. ამ მხრივ ისინი საქართველოს არ ჩამოუვარდნენ... მოძრაობამ პირიქით ოსეთში კულტურული ხასიათი მიიღო. ექვი არ არის, პირველი ოსური გაზეთი ბევრ რამეს გავვაინობს ოსების ცხოვრებიდან, ააგააგბინიბს მათ სულისკვეთებას. მისწრათობას. დარდს და ვარამს“<sup>132</sup>. შემდეგ მოსდევს გაზეთის ორი ნომერში დაბეჭდილი მასალის ანალიზი.

გაზეთის ტირაჟი თავიდან 500 ცალს შეადგენდა და თანდათან

<sup>131</sup> „ჩვენი აზრი“, 1909, № 12.

<sup>132</sup> გაზეთ „შრომა“, 1906, 6(19) VIII, № 100.

იზრდებოდა. იგი ვრცელდებოდა თბილისში, ცხინვალსა და ბაქოში მაგრამ მას დიდხანს არსებობა არ დააცალეს. რევოლუციურ-დემოკრატიული მიმართულებისა და მთავრობის საწინააღმდეგო მასალის ბეჭდვის გამო თერგის ოლქის გენერალ-გუბერნატორმა 1906 წ. 20 აგვისტოს მე-9 ნომრის გამოსვლის შემდეგ იგი დახურა<sup>133</sup>.

გაზეთი არა მარტო ოსი ხალხის ცხოვრებისეულ საკითხებს ასახავდა, არამედ მკითხველებს აცნობდა მათ კავკასიისა და რუსეთში მიმდინარე ამბებსაც. გაზეთი მკითხველებს, ოს მშრომელ ხალხს უქადაგებდა მეზობელ ხალხებთან მეგობრულ ურთიერთობას, უხსნიდა, რომ ხალხთა ურთიერთწყაიდეების პოლიტიკა ცარიზმის პოლიტიკაა, რათა ამით ხალხები ჩამოაშოროს თვითმპყრობელობის წინააღმდეგ ბრძოლისაგან.

მალე თბილისის „ოსურმა საგამომცემლო საზოგადოებამ“ 1917 წ. 8 მარტს გამოუშვა გაზეთ „ნოვ ცარდ“-ის („ახალი ცხოვრება“) პირველი ნომერი. მისი ოფიციალური რედაქტორი იყო თბილისის სახელმწიფო სასწავლებლის მასწავლებელი პეტრე თედევი. რედაქციის შემადგენელნი იყვნენ ბიძინა კოჩიევი, ნიკალა ჯიოევი, ალექსანდრე თიბილოვი. მისი ამწყობები იყვნენ თადეოზ ცხოვრებოვი, დიმიტრი კოზაევი და სტუდენტი ვანო აბაევი. გაზეთი იბეჭდებოდა ქართული საგამომცემლო ამხანაგობის სტამბაში<sup>134</sup>.

გაზეთმა დიდი პოპულარობა მოიხვეჭა კავკასიის ორივე მხარის ოსეთში. იგი წერილებსა და კორესპონდენციებს იღებდა შორეული სოფლებიდანაც. თბილისის საწარმოთა ოსი მუშები, ბაქოელი ოსი მუშები, ოსური სოფლების მოსახლეობა მატერიალურ დახმარებას უწევდნენ გაზეთს შემოწირულებათა სახით. იგი ფართოდ ვრცელდებოდა მთელ ოსეთში. „ნოვ ცარდი“ იყო საზოგადოებრივ-პოლიტიკური, ეკონომიური და ლიტერატურული გაზეთი პროგრესულ-დემოკრატიული მიმართულებისა. იგი ენერგიულად ამხელდა მეფის მთავრობისა და მის ადგილობრივ მოხელეთა ანტიხალხურ მოქმედებას, მკაცრად აკრიტიკებდა ოსი ხალხის ცხოვრებაში შემორჩენილ ზოგიერთ მავნე გადმონაშთს (ქელები, ყალიმი და სხვ.), მიუთითებდა ხალხს სწავლა-განათლების უდიდეს მნიშვნელობაზე, მეურნეობის გაუმჯობესების ღონისძიებათა პროპაგანდას ეწეოდა. იგი მოუწოდებდა ოს ხალხს ძმური ურთიერთობა ჰქონოდათ მეზობელ ხალხებთან. პირველი ნომრის მოწინავეში აღნიშნული იყო, რომ „ჩვენ ოსები გადაბმული ვართ სხვა ხალხებთან, მათი სიცოცხლით ვცო-

<sup>133</sup> დ. გ. უ. გ. ქ. ა. ე. ვ. ოსური პერიოდული გამოცემები ოქტომბრის რევოლუციამდე, ცხინვალი, 1966 წ., გვ. 9—12 (ოსურ ენაზე).

<sup>134</sup> ო. ქ. ე. ვ. გვ. 31—32.

ცხოვრობთ და მათი სიკვდილით მოკვდებით. ახალი ცხოვრებისათვის სტუმრებივით გულხელდაკრეფილი კი არ უნდა ვიჯდეთ... არამედ მათთან ერთად თავდადებულად უნდა ვიშრომოთ, რომ არ შევირცხვი-ნოთ თავი სხვა ხალხის თვალში“...

გაზეთმა „ნოვ ცარდში“ თავისი ფურცლები გულუხვად დაუთმო ოს დამწყებ პოეტებსა და მწერლებს — ცომაყ ვადიევს, გიორგი მა-ლიევს, შამილ აბაევს, დავიდ ყოროევს, ანდრია გულიევს, რუთენ გაგ-ლოევს, დრამატურგ ელბიზდიყო ბრიტაევს და სხვ. გაზეთის ფუ-ნდებზე დაიბეჭდა კოსტა ხეთაჯროვის ისეთი ლექსები, რომლებიც თავის დროზე ცენზურამ არ გაუშვა.

„ნოვ ცარდში“ იბეჭდებოდა ნათარგმნი ლიტერატურაც. ქართული ლიტერატურიდან მასში დაიბეჭდა ალ. ყაზბეგის მოთხრობა „ნინა“.

გაზეთმა 1907 წ. 31 დეკემბრამდე იარსება. სულ 70 ნომერი გამოვი-და, მაგრამ დიდი როლი შეასრულა ოსური პერიოდული პრესის გან-ვითარების საქმეში, ოსი საზოგადოების გამოფხიზლების საქმეში.

ქართული საზოგადოებრიობა მაშინვე გამოეხმაურა თბილისის ოსური გაზეთის გამოცემას და მიესალმა მას. ცნობილმა ქართველმა ლიტერატორმა, პუბლიცისტმა და საზოგადო მოღვაწემ ია ეკალაძე-ცინ-ცაძემ გაზეთ „ისარში“, „ნოვ ცარდის“ პირველი სამი ნომრის გამოსვ-ლისთან დაკავშირებით დაბეჭდა საყურადღებო წერილი, რომელშიც აღნიშნა, რომ განმათავისუფლებელმა მოძრაობამ შეარყია რუსეთის უზ-არმაზარი სახელმწიფო და რომ ოსებმაც ბანი მისცეს ამ მოძრაობას. მას სამწუხაროდ მიაჩნია ის ფაქტი, რომ ქართული საზოგადოება სუს-ტად აღევნებს თვალყურს ოსთა განვითარებას, მათ მისწრაფება-იდე-ალებს. ამ ურთიერთისაღმი უყურადღებობით სარგებლობს ჩვენი საერთო მტერი და მარჯვედ თესავს ეროვნულ სიძულვილს მათ შო-რის.

იგი მკითხველებს აცნობს ოსური გაზეთის გამოცემის ამბავს. მი-სი რედაქტორია განათლებული პეტრე თედევი, ხოლო თანამშრომ-ლები არიან უმაღლეს სწავლამიღებული და სტუდენტი ოსები. იგი თვლის, რომ გაზეთი კარგ შთაბეჭდილებას ახდენს, იმის მიუხედავად, რომ ის ახალფეხადგმულის პირველი ნაბიჯებია. იგი ემსახურე-ბა ოსთა ეროვნულ ინტერესებს, ცდილობს ოსეთში შეიტანოს თვით-ცნობიერება, გააგებინოს ქვეყნის ვითარება და შეაგნებინოს ხალხთა ერთობის ძალა და მნიშვნელობა.

იგი განსაკუთრებით გამოყოფს გაზეთის მესამე ნომრის მოწინავე სტატეიას, რომელიც ოს-ქართველთა ურთიერთობას შეეხება. მას მო-ჰყავს გაზეთის სიტყვები, რომელშიც ხაზი აქვს გასმული იმ გარემო-ებას, რომ „ჩრდილოეთიდან სამხრეთით გადმოსახლების შემდეგ, რო-ცა ქართველების გვერდით ცხოვრება დაიწყეს, ოსებს ხასიათი შე-

ეცვალათ და მეზობელი ქართველების ზნე-ჩვეულებები მიიღეს. საქართველოში ოსები მალე გაქართველდნენ, მაგრამ ეს არც ოსების ნება იყო, არც ქართველებისა. ეს ახალი ქვეყნის ზეგავლენის შედეგი იყო. სასტიკად სტყუის ის, ვინც ეტყვის ოსს, რომ ცდილობენ შენს გაქართველებასო... ძალმომრეობას თავის დღეში არა გაუკეთებია რა დარღვევის გარდა“... ჩვენი აზრით, ოსური გაზეთის სიტყვებია, --- „ქართველთა შორის ისეთი... არა ყოფილა, რომელიც ოსთა ძალით გაქართველებას სცდილიყო, ხოლო თუ ვინცობაა, აქამდე ერია ვინმე ამისთანა, ამიერიდან შეიგნებს თავის შეცდომას, და იმასღა ეცდება, რომ ოსებმა და ქართველებმა ერთმანეთის გვერდზე ძმურად იცხოვრონ“.

ია ეკალაძე-ციცაძეს ვრცელი ამონაწერები მოაქვს ოსური გაზეთიდან ქართველ-ოსთა ურთიერთობის საკითხებზე მისი თვალსაზრის-ს გადმოსაცემად, მაგალითად, მას შემდეგ, რაც ერთ ქვეყანაში მცხოვრები ოსები და ქართველები გამოვიდნენ ისტორიულ საზღვრებზე, ოსები და ქართველები ძმურად ცხოვრობდნენ. „მტერიც ერთი ჰყავდათ და მოყვარეც. არამც თუ ომი, შინაური უთანხმოებაც კი არ მოსვლიათ. ქართველები უფროსი ძმები იყვნენ და მათი კარგისა და ავის თანამაზრენი ხდებოდნენ მისი უმცროსი ძმები — ოსებიც. რამდენჯერაც თათრები აოხრებდნენ საქართველოს, იმდენჯერ ოსეთიც წიოკდებოდა. როდესაც საქართველო ძლიერი და თავისუფალი სახელმწიფო იყო, ოსეთიც თავისუფლად და მშვიდად ცხოვრობდა“.

მაგრამ გაზეთი კარგად არჩევდა, რომ ქართველი ხალხი ერთგვაროვანი არ იყო, როცა წერდა „როდესაც ჩვენ ქართველებზე ვლაპარაკობთ, ჩვენ ვგულისხმობთ ქართველ მშრომელ ხალხს და არა ბატონებს. ქართველი ბატონები, იმდენად ოსის სისხლს არ სვამდნენ, რამდენადაც აწუხებდნენ და ავიწროებდნენ თავის მშრომელ ხალხს... ქართველი მშრომელი ხალხი თავის ბატონების მადლიერი არასოდეს არა ყოფილა, მაგრამ ოსებთან კი, როგორც ძმებთან, განწყობილად ცხოვრობდა“.

გაზეთს კარგად ესმოდა ისიც, რომ მიმდინარეობდა დიდი მნიშვნელობის საზოგადოებრივი პროცესები და ქართველ-ოსთა ურთიერთობას სერიოზული გამოცდა ელოდა. ეს აზრი გამოსჭვივის „ნოა კარდის“ მესამე ნომრის მოწინავეში, რომელიც ია ეკალაძეს მოჰყავს: „ამბობენ, რომ ჩვენი უფროსი ძმები ძველებურად აღარ გვიყურებენო. გვესმის და ვხედავთ, რომ მათი ლურჯი ცა მწუხარდება და თანდათან შავი ღრუბლებით იბურება. ჩრდილოეთიდან მონაბერი ბურჯული უფრო აძლიერებს ამ ბინდს, ალბათ გრძნეულსა სურს, რომ საწყალი



ხალხების კერა ჩაანელოს. მაგრამ ეს ასე არ უნდა მოხდეს. ჩვენ ერთმანეთს ვერსად ვაგეჟქევიტ, ჩვენ ამიერიდანაც ერთად უნდა ვიცხოვროთ და ამიტომ ყური არავის არ უნდა ვათხოვოთ და ერთმანეთს, მტრის გასახარად, გული არაფრით არ უნდა დაეუკოდოთ... ოსმაცა და ქართველმაც მხოლოდ სიკეთისა და ადამიანური ცხოვრების დასამყარებლად უნდა ვიშრომოთ“.

„ასე ამბობს პატივცემული გაზეთის მეთაური,—აღნიშნავს ია ეკალაძე,—და ჩვენც სხვა არა გვინდარა, რომ მისი სურვილი აღსრულებულიყვეს და განათლების გზაზე შემდგარ ოსეთს, მის მოწინავე ახალგაზრდობას მუდმივ გზას უნათებდეს ძმობა-ერთობისა და სამართლიანობის ლამპარი“<sup>135</sup>.

ასეთ სულისკვეთებას გამოხატავდა ოსური გაზეთი „ნოგ ცარდი“ ქართველ ხალხთან ოსი ხალხის ურთიერთობის საკითხში.

ოსური გაზეთის ეს აზრი ეხმაურებოდა ქართული პროგრესული საზოგადოების თვალაზრისს მეზობელ ხალხებთან ურთიერთობის საკითხში. მაგ. „ივერიის“ 1903 წლის 12 დეკემბრის (№265) მოწინავეში მხილებულია ის ძალები, ვინც ცდილობდა მეზობელი ხალხები ერთმანეთისთვის წაეკიდებინათ და აღნიშნულია: „ყოველმა გონიერმა ოსმაც იცის ახლა, ქართველმაც და ლეკმაც, რომ მხოლოდ მშვიდობიანი, კარგი მეზობლობა გვიშველის და გავგაღონიერებს“

ასეთივე აზრს ატარებდა ივ. კარბელაშვილი, როცა აკრიტიკებდა ქართველ თავადაზნაურობას და ისეთ პუბლიცისტებს, რომელთაც ქართველი გლეხობის მძიმე აგრარული პირობები ოსი ხიზნების ქართლის ზოგ რაიონებში დამკვიდრების შედეგად მიაჩნდათ. იგი აღნიშნავდა: „ხიზანი ოსები ჩვენი კულტურისა და ძმური გავლენის ქვეშ არიან. მათი და ქართველ გლეხთა დაპირისპირება ყოვლად შეუძლებელია. ქართველსა და ოსს შორის უშულისა და მტრობის ჩამოგდება მიუტევებელი ცოდვაა.“

ოსებთან წარსული ერთი გვექონია, მომავალიც ერთი გვექნება, ძმური და მეგობრული“<sup>136</sup>.

თბილისში გამოვიდა მეორე ოსური ჟურნალი „ავსირ“ („თავთავი“). პირველი ოსური ჟურნალი „ზონდ“ („ჭკუა“) ვლადიკავკაზში 1907 წლის შემოდგომაზე გამოსცა ადვოკატმა ალმასხიტ კანუკოვმა, მაგრამ მისი მხოლოდ ორი ნომერი გამოვიდა. თბილისში ოსური ჟურნალი („ავსირი“) გამოსცა მწერალმა არსიან ქოცოევმა 1910 წელს. იგი სულ 14 ნომერი გამოვიდა. მასში თანამშრომლობდა ოსი მწერლებისა და ინტელიგენციის დიდი ნაწილი. ჟურნალი არა მარტო ვლადიკავკაზში,

<sup>135</sup> გაზეთი „ისარი“, 1907, 20/III, № 61.

<sup>136</sup> „სახალხო გაზეთი“, 1914, 7/V, № 1181.

არდონსა და ცხინვალში საღებობდა, არამედ თბილისშიც ხიდაშელის ხოლო გორში არჩვადის წიგნების მალაზიაში. ჟურნალი ვრცელდებოდა ბაქოსა და ელიზავეტპოლში, სადაც მნიშვნელოვანი რაოდენობით მუშაობდნენ ოსი მუშები<sup>137</sup>.

ჟურნალი „ავსირი“ ლიტერატურული და საზოგადოებრივ-პოლიტიკური ხასიათისა იყო, იღვა ლიბერალურ პოზიციებზე და მშვიდ კულტურულ-საგანმანათლებლო მუშაობას თვლიდა თავის ძირითად ამოცანად.

ჟურნალი ორიგინალური მხატვრული ნაწარმოებების გარდა ბეჭდავდა ნათარგმნ ლიტერატურასაც. ქართული ლიტერატურიდან მის ფურცლებზე დაიბეჭდა ალ. ყაზბეგის „ბერდია“ (ეფიმ გულიევის თარგმანი).

ოსურ პერიოდულ პრესას, რომელიც უშუალოდ 1905-1907 წწ. რევოლუციის შემდეგ და მისი გავლენით აღმოცენდა, უდიდესი მნიშვნელობა ჰქონდა ოსი საზოგადოების კულტურული წინსვლისათვის, მასში რევოლუციურ-დემოკრატიული იდეების შეტანისათვის. თბილისმა კვლავ დაადასტურა, რომ იგი იყო მთელი კავკასიის კულტურული ცხოვრების ცენტრი, მათ შორის ოსი ხალხის კულტურული მოძრაობის ერთ-ერთი უმნიშვნელოვანესი კერა. აქ წარმოშობილმა საგამომცემლო საზოგადოებებმა, თეატრალურმა დასებმა, გაზეთმა და ჟურნალმა ღრმა კვალი გაავლეს ოსი ხალხის ცნობიერებაში.

თბილისში აღმოცენებული ოსური საგამომცემლო საზოგადოებები ოსურ ენაზე სცემდნენ ოსი მწერლებისა და პოეტების ნაწარმოებებს, ოსურ საანბანო წიგნებს და ამით საფუძველს უყრიდნენ ოსი ბავშვების დედაენაზე სწავლის ორგანიზაციას. აღნიშნულ ორგანიზაციებში გაერთიანებული ოსი ინტელიგენცია დიდ საგანმანათლებლო მუშაობას ეწეოდა თბილისელ ოსებს შორის. მათთვის წერა-კითხვის შესასწავლად დაარსდა საკვირაო სკოლა, სახალხო უნივერსიტეტის ოსური სექცია. ამ უკანასკნელში ოსი ახალგაზრდობა ორ სიქციად იყოფოდა. პირველ ჯგუფში 5-დან 7 საათამდე მიცადინებოდნენ წერა-კითხვის უცოდინარები, 7-დან 9 საათამდე კი მეორე ჯგუფი—წერა-კითხვის მცოდნენი. მათ ასწავლიდნენ არითმეტიკას, ისტორიას, გეოგრაფიას, ხაზეას და სხვ<sup>138</sup>.

ოსი ინტელიგენციის წარმომადგენლები თბილისელი ოსებისათვის ხშირად აწყობდნენ საჯარო ლექცია-მოხსენებებს სწავლა-განათლების უდიდი მნიშვნელობის, ოსეთისა და მსოფლიოს ისტორიის აქტუალურ

<sup>137</sup> დ. გუგუაძე, დასახ. ნაშრომი, გვ. 76.

<sup>138</sup> ვახ. „ნოვ ტარ“, 1907. № 10, ტ. ს ა რ ი შ ე ლ ი, ოსეთ-საქართველოს კულტურულ-პედაგოგიური ურთიერთობა, გვ. 45.

საკითხებზე. აქტიური სალექციო მუშაობით გამოიჩინოდნენ ბიძინა კოჩიევი, ნიკალა ჯიოევი, თათა რამონოვი და სხვ.

ოსი ინტელიგენციის აღნიშნული საზოგადოებრივი და კულტურულ-საგანმანათლებლო საქმიანობა ქართული მოწინავე საზოგადოების ყურადღებას იპყრობდა და მისი მხარდაჭერით სარგებლობდა. ქართული პრესა თავის ფურცლებზე მას გარკვეულ ადგილს უთმობდა და თავის მხრივ, ხაზს უსვამდა ოსებში ზოგიერთი მავნე ჩვევის (მაგ. ყალიმის) აღმოფხვრისა და სწავლა-განათლების გავრცელების აუცილებლობას. ჟურნ. „კვალი“, აღწერდა რა ქსნის ოსების სწავლა-განათლების მხრივ ჩამორჩენილობას, ძველი მავნე ტრადიციების ბატონობას, მიუთითებდა, რომ „ისინი ისევ მამაპაპის კვალს მისდევენ, ვერ ამჩნევენ, რომ დრონი იცვალნენ და თვითონაც უნდა შეიცვალონ. საჭიროა შევაგნებინოთ და ჩავუნერგოთ ხალხს სწავლის სურვილი“<sup>139</sup>.

XX ს. დასაწყისში ვლადიკავკავში დიდ კულტურულ-საგანმანათლებლო საქმიანობას აგრძელებდა იქაური ქართული სკოლა.

ვლადიკავკავში არსებული ქართული სკოლა ამ პერიოდშიც რჩებოდა ქართული კულტურის პროპაგანდის მძლავრ კერად ჩრდილო ოსეთში. აღნიშნულ სკოლაში ტარდებოდა ქართული კულტურის საღამოები, კონცერტები, გამოჩენილ ქართველ საზოგადო მოღვაწეებთან შეხვედრები, ქართული წარმოდგენები. მათ მრავლად ესწრებოდა ხოლმე არაქართველი მოსახლეობაც — ოსები და რუსები.

1901 წ. 26 დეკემბერს ქართული სკოლის სასარგებლოდ გამართულ საღამოს, რომელსაც ლოტბარი კუხიანიძე ხელმძღვანელობდა, დიდძალი ხალხი დაესწრო როგორც ქართველები, ასევე ოსები და რუსები.

სკოლასთან არსებულ ქართულ თეატრში გამოდიოდნენ ისეთი თვალსაჩინო მოღვაწეები; როგორც იყვნენ ვ. შალიკაშვილი, ი. ზარდალიშვილი და მრავალი სხვა.

ქართული საღამოების ჩასატარებლად ხშირად თბილისიდანაც იწვევდნენ ცნობილ მოღვაწეებს — კომპოზიტორებს, მწერლებს, პოეტებს. მაგ; 1913 წლის 26 დეკემბერს ვლადიკავკავში გამართული ტრადიციული საღამოს მოსამზადებლად წინდაწინ მიიწვიეს თბილისიდან კომპოზიტორი ნიკო სულხანიშვილი. მან მოამზადა გუნდი, რომელმაც საღამოზე შეასრულა „სამშობლო ხევსურისა“, დ. არაყიშვილის „შოთა რუსთაველი“, „გუთნური“, „მამ გამარჯვება ტკბი-

<sup>139</sup> „კვალი“, 1901, № 51, გვ. 1038.

ლო სიცოცხლევ“. საღამოზე მიწვეულმა ი. გ. ლექსების კითხვით ალტაცებაში მოიყვანა მსმენელ ქართული სკოლის თეატრში ოსი სცე დეამდნენ წარმოდგენებს. მაგ. 1911 წ. 15 თებერტული წრის სასარგებლოდ აქ დაიდგა ოსური პ გაიმართა ცეკვა-თამაში<sup>141</sup>.

ვლადიკავკავის ქართული სკოლა 1905 წ. რ რევოლუციურად იყო განწყობილი. ამის გამო ის დაიხურა. რეაქციის პერიოდში მძიმე პირობები რჩებოდა ვლადიკავკავში ქართველთა მნიშვნელო ტურულ დაწესებულებად.

კავკავის სკოლასთან არსებობდა საკვირაო სასწავლო წელს საკვირაო სკოლაში 60 მოსწავლ თანვე იყო ქალთა ქრა-კერვის სკოლა. მოსწავ ასწავლიდა სოფიო გოლას ასული ჩიტაძე, საკ მასწავლებლობას ეწეოდნენ ალ. სვანიძე, ვ. ბუ ვილი, ზერეკიძე<sup>142</sup>.

სკოლას კარგი ბიბლიოთეკა-სამკითხველო ლობდა როგორც ქართულ, ასევე რუსულ ჟურნ ლებიც თბილისში იბეჭდებოდა. სკოლასთან არ დრამატული წრე ჩრდილო კავკასიის მოსახლეობ ტურის დიდი პოპულარიზატორი იყო. სკოლის მა ციებს ატარებდნენ ქართველი მწერლებისა და პი ბის შესახებ.

ასეთივე კულტურულ-საგანმანათლებლო სა ალაგირში 1897 წლიდან არსებული ქართული მასწავლებელმა გრ. რაზმაძემ ჩამოაყალიბა ქარო გუნდი და წარმოდგენების დადგმა დაიწყო. ამ წა ალაგირელი ქართველებისა, ესწრებოდნენ ოსები

ქართველი მასწავლებლები მრავლად ეწეო მოღვაწეობას როგორც სამხრეთ, ისე ჩრდილო ო წაი.. 1913 წ. მონაცემებით, ჩრდილო ოსეთის ს კლასიან სკოლას ხელმძღვანელობდა ლავრენტი წ: ოსურ სკოლაში მასწავლებლობდა კლავდია მა სასოფლო სკოლაში — მატრონე ჯაფარიძე, მ

<sup>140</sup> „სახალხო გაზეთი“, 1914, 4/1 № 1083.

<sup>141</sup> ი ქ რ ე, 1911, 24/111, № 263.

<sup>142</sup> ტ. ს ა რ ი შ ვ ი ლ ი, დასახ. ნაშრომი, გვ. 143.

— ფილიპე უნგიაძე, ოლგინსკის ქალთა სკოლაში — ნადია გახოკიძე<sup>143</sup>. თვით ვლადიკავკავში არსებულ სხვადასხვა სასწავლებლებშიც როგორც მოსწავლეთა, ასევე მასწავლებელთა შორის საკმაო რაოდენობით იყვნენ ქართველები. მაგ., ვლადიკავკავის ქალთა მეორე გიმნაზიის მოსწავლეთა შორის 1905—1920 წწ. რამდენიმე ათეული ქართველი მოსწავლე გოგონა ირიცხებოდა<sup>144</sup>. ამ გიმნაზიის დირექტორის წინაშე 1917 წელს ქართველ მოსწავლეთა მშობლებმა შუამდგომლობა აღძრეს, მათი შვილებისათვის სავალდებულო საგნად შემოეღოთ ქართული ენა. ამ თხოვნაზე სამზრუნველო საბჭომ მათ უარი უთხრა<sup>145</sup>.

ვლადიკავკავის ქალთა გიმნაზიის გეოგრაფიის მასწავლებელი ალექსანდრა ჩხეიძე 1908 წ. ოქროს მედლით დაჯილდოვდა. იგი 30 წელი მუშაობდა ამ თანამდებობაზე<sup>146</sup>.

აღსანიშნავია ცალკეულ ქართველ საზოგადოებრივ და ხელოვნების მოღვაწეთა დიდი ინტერესი ოსი ხალხის ცხოვრებისა და კულტურის სხვადასხვა დარგისადმი. გამოჩენილმა ქართველმა კომპოზიტორმა დ. არაყიშვილმა დიდი ამაგი დასდო ოსური მუსიკალური ფოლკლორის შესწავლას. იგი პირადად გაეცნო კოსტა ხეთაგუროვს, როცა 1902 წელს ვლადიკავკავში ჩავიდა ოსური ხალხური სიმღერების ჩასაწერად. ამის შესახებ მის გამოუქვეყნებელ ხელნაწერში „ოსური ხალხური მუსიკის შესახებ“, რომელიც ო. დოლაბერიძის თქმით პროფ. ს. ასლანიშვილის პირად არქივში ინახება, აღნიშნულია შემდეგი: „რაც შეეხება ოსურ ვოკალურ მუსიკას, მასთან საქმე მქონდა 1902 წელს, როდესაც ვლადიკავკავში დავბრუნდი, საქართველოში დიდი ხნის მოგზაურობის შემდეგ. აქ, სხვათა შორის, მე ვიყავი ოს პოეტ კოსტა ხეთაგუროვთან, რომელთანაც მიმიყვანა ჩემმა ძველმა ამხანაგმა — ვლადიკავკაველმა ფოტოგრაფმა ალექსანდრე ჯანაყვამ.“

...კოსტამ... მიგვიწვია ოთახში და ის ძლიერ გააოცა ჩვენი მგზავრობის მიზანმა. იგი არაფრით არ მოელოდა, რომ ოსური სიმღერა ვინმეს როდისმე დააინტერესებდა, მაგრამ ასეთი პირი ჩემი სახით იქვე იყო. მანაც, თავის მხრივ, აღგვითქვა დახმარება<sup>147</sup>.

<sup>143</sup> ეურნ. „ჩირისტონ ცარლ“, 1913, № 2, გვ. 146—154; ტ. ს ა რ ი შ ვ ი ლ ი, დასახ. ნაშრომი, გვ. 129.

<sup>144</sup> ЦГА СОАССР, ф. 128, оп. 1, д. 29; ф. 127, оп. 1.

<sup>145</sup> ი ქ ე ე, ფ. 128, ანაწ. 1, საქმე 29.

<sup>146</sup> ი ქ ე ე, ფ. 127, ანაწ. 1, საქმე 1544, ფფ. 1—23.

<sup>147</sup> ო. დოლაბერიძე, რეცენზია ტ. სარიშვილის წიგნზე „კოსტა ხეთაგუროვის პედაგოგიური შეხედულებანი“. ეურნ. „კომუნისტური აღზრდისათვის“, 1956, № 4; გვ. 88; ტ. ს ა რ ი შ ვ ი ლ ი, დასახ. ნაშრომი, გვ. 39—40.

კ. ხეთაგუროვის შემოქმედების გაცნობამ დ. არაყიშვილის ინტერესი ოსური მუსიკისადმი უფრო გააძლიერა. კოსტას ლექსებზე „მთელი ქალის სიკვდილზე“, „მწყემსის სიმღერა“ პოემა „ფატიმადან“ და „მზე აღარ ბრწყინავს“ მან შესანიშნავი რომანსები შექმნა. „მწყემსის სიმღერა“ და „მზე აღარ ბრწყინავს“ პირველად ქართული სიმღერის ჯადოქარმა ვანო სარაჯიშვილმა შეასრულა.

დ. არაყიშვილმა 1950 წ 4 იანვარს კ. ხეთაგუროვის სახ. ჩრდილო ოსეთის მუზეუმს მიუძღვნა თავი ფოტოსურათი შემდეგი წარწერით: «Приношу в дар свою фотографию Северо-Осетинскому музею им. К. Хетагурова, с которым я лично был знаком и который мне оказал содействие в собирании осетинского музыкального фольклора в 1902 году. Также на стихи его мною в молодости были написаны три рюманса, в 1900—1 годах: «Догорела заря», «Песня пастуха» (из поэмы «Фатима») и «На смерть горянки».

ოსეთის ისტორიისა და ქართველ ხალხთან მისი ურთიერთობისადმი დიდი ინტერესი გამოავლინა ცნობილმა ქართველმა მწიგნობარმა და საზოგადო მოღვაწემ ზაქარია ჭიჭინაძემ. 1913 წელს მან გამოსცა „ოსეთის ისტორია ქართულის ისტორიულის წყაროებით (აღწერილი და გამოკვლეული ზ. ჭიჭინაძის მიერ)“. ეს ნაშრომი 1915 წელს მან ხელმოკრედ გამოსცა.

აღნიშნულ წიგნში ზ. ჭიჭინაძემ დაწერილებით მიმოიხილა როგორც ქართული წერილობითი წყაროების ცნობები ოსების შესახებ, ასევე ზეპირსიტყვიერების ძეგლები და გვიჩვენა ქართველი და ოსი ხალხების მჭიდრო და ურთიერთსასარგებლო ურთიერთობა, რომელიც მათი პოლიტიკური, ეკონომიური და კულტურული ცხოვრების ყველა მხარეში ვლინდებოდა.

აღნიშნულ წიგნს ბევრი ნაკლი ჰქონდა. ოსეთის ისტორიის სხვადასხვა პერიოდზე ავტორს უამრავი ზღაპრული მასალა მოაქვს, თვით წერილობითი წყაროების მონაცემებიც ზოგჯერ გულუბრყვილოდ ან მცდარად აქვს გაგებული, მაგრამ ნაწარმოებს წითელი ზოლივით გასდევს ხალხთა მეგობრული ურთიერთობის წინა პლანზე წამოწევა, საქართველოსთან ოსების კავშირის უწყვეტობისა და სიმტკიცის ჩვენება.

ზ. ჭიჭინაძის აღნიშნული ნაშრომის გამოსვლას ოსი საზოგადოება აღტაცებით შეეგება. ოსური ჟურნალი „ჩირისტონ ცარდ“ („ქრისტიანული ცხოვრება“) თავის მკითხველებს აუწყებდა, რომ ქართველმა მწერალმა ზ. ჭიჭინაძემ ძველი ხელნაწერი მასალების საფუძველზე ქართულ ენაზე გამოსცა ოსეთის ისტორია. რომელშიც აჩვენა ოსი მეფეების ცხოვრება-საქმიანობა და ქართველებთან მათი

დამოკიდებულება. უკრნალი თელიდა, რომ ეს დიდი მნიშვნელობის ფაქტია ოსებისათვის და გამოთქვა ოსურ ენაზე მისი თარგმნის სურვილი<sup>148</sup>.

ის ფაქტი, რომ ზ. ჭიჭინაძემ 1915 წელს მეორედ გამოსცა „ოსეთის ისტორია“, აიხსნება ოსთა მატერიალური დახმარებით. 1914 წ. 23 სექტემბერს გიორგი თედევი თბილისიდან წერილს წერს ვასილ (ვაპო) ბაევს — ვლადიკავკაის ქალაქის თავს, რომ ზ. ჭიჭინაძეს სურს „ოსეთის ისტორიის“ მეორედ გამოცემა და სახსრები არ არის. შენ, როგორც პატრიოტმა, შეკრიბე სახსრები ადგილზე, გაზეთშიც დაბეჭდე მოწოდება და შეგროვებული სახსრები ზ. ჭიჭინაძის მისამართზე გამოგზავნეო<sup>149</sup>. ჩანს, ამ თხოვნას უშედეგოდ არ ჩაუვლია, რასაც ადასტურებს ნაშრომის დაუბრკოლებელი გამოცემა მეორედ, 1915 წელს.

ზ. ჭიჭინაძეს ოსების შესახებ სხვა ნაშრომიც აქვს დაწერილი. ეს არის ბროშურა „ოსების ჩამოსახლება ქართლში და ქართველების ღვაწლი და ამაგი მათზე“. წიგნის გარეკანს აწერია 1916 წელი. რაც სტამბის შეცდომის შედეგი უნდა იყოს. ნამდვილად იგი 1919 წ. არის დაბეჭდილი, რაც კარგად ჩანს მისი შინაარსიდან. მასში ზ. ჭიჭინაძე მენშევიკური მთავრობისა და სხვა ქართულ ბურჟუაზიულ-ნაციონალისტურ პარტიათა თვალსაზრისით განიხილავს საქართველოს ტერიტორიაზე ოსთა დასახლების საკითხს. ეს პროცესი მას ქართველ მეფეთა და თავადთა გულმოწყალების შედეგად მიაჩნია და სამაგიეროდ ოსებისაგან მოითხოვს საქართველოს „რესპუბლიკური მთავრობისადმი“ ლოიალობას — ე. ი. ბრძოლის შეწყვეტას მენშევიკური მთავრობის წინააღმდეგ, რომელიც არ სცნობდა ოსთა თვითგამორკვევის უფლებას,

მაგრამ აღნიშნულ პერიოდში ზ. ჭიჭინაძის დასახელებული ბროშურა ოსთა ქართლში დასახლების ტენდენციური გაშუქებით მოულოდნელი და გასაკვირი არაა. მენშევიკებისა და სხვა ბურჟუაზიულ-ნაციონალისტურ პარტიათა ანტიოსურმა პროპაგანდამ ქართული ინტელიგენციის ნაწილზე სათანადო გავლენა მოახდინა. მათ შორის ზ. ჭიჭინაძეც აღმოჩნდა. რაც შეეხება ქართველ ბოლშევიკებს, ისინი ბოლომდე დარჩნენ ოსთა სამართლიანი რევოლუციური ბრძოლის მხარდაჭერის პოზიციებზე.

საქართველოში მენშევიკების ბატონობის პერიოდში ქართველ-ოსთა შორის ნორმალური კულტურული ურთიერთობის პირობები აღარ არსებობდა. მენშევიკური პარტია და სხვა ბურჟუაზიულ-ნაციონ-

<sup>148</sup> Чырыстон пард. 1915. № 11. გვ. 43—49.

<sup>149</sup> ЦГА СО СССР. ф. 224. оп. 7. л. 27. а. 6.

ნალისტური პარტიები დაეინებით და გულმოდგინედ თესავდნენ ოსებისადმი სიძულვილს ქართველ ხალხში, მათ ყოველგვარ გაჭირვებასა და უბედურებას ოსებს მიაწერდნენ, ამ უბედურებიდან გამოსავალს ქართველებს სამხრეთ ოსების საქართველოს ფარგლებიდან გადასახლებაში უსახავდნენ. მათ გარკვეული ნაბიჯებიც გადადგეს ამ მიმართულებით — ცხინვალ-ჯაეის რაიონების ოსური მოსახლეობა გააძევეს ჩრდილო კავკასიაში, დანარჩენებს კი ყარაიაში უპირებდნენ გადასახლებას.

მაგრამ ოსი და ქართველი ხალხების თავგანწირულმა ბრძოლამ მენშევიკური მთავრობის წინააღმდეგ, რასაც ისინი ბოლშევიკების ხელმძღვანელობით ეწეოდნენ, იხსნა სამხრეთ ოსები გადაშენებისაგან. საბჭოთა ხელისუფლების დამყარებამ ჩრდილო ოსეთში, ხოლო შემდეგ საქართველოსა და სამხრეთ ოსეთში მოხსნა ყოველგვარი ხელოვნური დაბრკოლება ამ ხალხთა კულტურული ურთიერთობის განვითარების გზაზე. ამიერიდან ეს ხალხები ერთად შრომობენ და ავითარებენ ფორმით ეროვნულსა და შინაარსით საერთო—სოციალისტურ კულტურას.



## შ ი ნ ა ა რ ს ი

შ ე ს ა ე ა ლ ი	3
თ ა ე ი I. ქართველი და ოსი ხალხების ურთიერთობა XIX ს. რეფორმამდელ ხანაში	5
§ 1. ქართველი და ოსი ხალხების ერთობლივი გამოსვლები თვითმპყრობელობისა და მებატონეთა წინააღმდეგ	5
§ 2. ეკონომიური ურთიერთობა	12
§ 3. კულტურული ურთიერთობა	27
თ ა ე ი II. ქართველი და ოსი ხალხების ურთიერთობა XIX ს. რეფორმის შემდგომ ხანაში (1864—1900 წწ.)	46
§ 1. ეკონომიური ურთიერთობა	46
§ 2. კულტურული ურთიერთობა	69
თ ა ე ი III. ქართველი და ოსი ხალხების ურთიერთობა 1901—1921 წწ.	95
§ 1. ქართველი და ოსი ხალხების რევოლუციური თანამეგობრობა	95
§ 2. ეკონომიური ურთიერთობა	133
§ 3. კულტურული ურთიერთობა	147

Георгий Давидович Тогошвили

ГРУЗИНО-ОСЕТИНСКИЕ ВЗАИМОТНОШЕНИЯ (1801—1921 гг.)

დაიბეჭდა საქართველოს სსრ მეცნიერებათა აკადემიის  
სარედაქციო-საგამომცემლო საბჭოს დადგენილებით

რედაქტორი ზ. ანჩაბაძე

გამომცემლობის რედაქტორები { ელ. ფაჩოსაძე  
ნ. ბერძენიშვილი

ტექნორედაქტორი ლ. ჭეჭენაძე

კორექტორი მ. მახარაძე

გადაეცა წარმოებას 22.9.1969; ხელმოწერილია დასაბეჭდად 26.XII;  
ქალაქის ზომა 60×90<sup>1</sup>/<sub>16</sub>; ნაბეჭდი თაბახი 10.38; საალრიცხო-საგამომცემლო  
თაბახი 9.30; უე 01412; ტირაჟი 1000; შეკვეთა 2437;  
ფასი 79 კაპ.

---

გამომცემლობა „მეცნიერება“, თბილისი, 60, კუტუზოვის ქ., 15  
Издательство «Мецниереба», Тбилиси, 60, ул. Кутузова, 15

---

საქ. სსრ მეცნიერებათა აკადემიის სტამბა, თბილისი, 60, კუტუზოვის 15  
Типография Академии наук ГССР, Тбилиси, 60, ул. Кутузова, 15